

宋山

元 脱 脱 等撰

中 華 書 局

宋史卷一百六十一

志第一百一十四

職官一

三師 三公 宰執 門下省 中書省 尚書省

之制,惟用近代之法。唐承隋制,至天授中,始有試官之格,又有員外之置,尋爲檢校、試、 晉、南北朝,官制沿革不常,不可殫舉。後周復周禮六典官稱,而參用秦、漢。隋文帝廢周禮 列爵分土,此封建諸侯之制也,亦未聞以爵以土,如後世虛稱以備恩數者也。〉溱、漢及魏 冢宰而下,小大高下,各帥其屬以任其事,未聞建官而不任以事,位事而不命以官者;至於 日爵,日官,日職,分而任之,其原蓋始乎此。然周初之制,已不可考。周公作六典,自天官 昔武王克商,史臣紀其成功,有曰:「列爵惟五,分土惟三,建官惟賢,位事惟能。」後世

三七六七

第一百一十

75

職官

勞序遷之覬覦。而世戚勳舊之家,寵之以祿,而不責以猷爲。其居位任事者,不限資格,使 得自竭其所長,以爲治效。且黜陟進退之際,權歸於上,而有司若不得預。殊不知名實混 攝、判、知之名。 其初立法之意,未嘗不善。蓋欲以名器事功甄別能否,又使不肖者絕年

殽,品秩貿亂之弊,亦起於是矣。

侍,司諫、正言非特旨供職亦不任諫諍。至於僕射、尚書、丞、郎、員外,居其官不知其職 語曰:「寧登瀛,不爲卿;寧抱槧,不爲監。」虛名不足以砥礪天下若此。外官,則懲五代藩 之選,而別爲差遣以治內外之事。其次又有階、有勳、有爵。故仕人以登臺閣、 者,十常八九。其官人受授之別,則有官、有職、有差遣。官以寓祿秩、敍位著,職以待文學 令不預朝政,侍郎、給事不領省職,諫議無言責,起居不記注;中書常闕舍人,門下罕除常 類以他官主判,雖有正官,非別敕不治本司事,事之所寄,十亡二三。故中書令、侍中、尙書 名而已。臺、省、寺、監,官無定員,無專職,悉皆出入分涖庶務。故三省、六曹、二十四司, 顯宦,而不以官之遲速爲榮滯;以差遣要劇爲貴途,而不以階、勳、爵邑有無爲輕重。 時人 司。中書省但掌册文、覆奏、考帳;門下省主乘輿八寶,朝會板位,流外考較,諸司附奏挾 又別置中書禁中,是爲政事堂,與樞密對掌大政。天下財賦,內庭諸司,中外筦庫,悉隸三 宋承唐制,抑又甚焉。三師、三公不常置,宰相不專任三省長官,尚書、門下並列于外, 升禁從爲

鎮專恣,頗用文臣知州,復設通判以貳之。階官未行之先,州縣守令,多帶中朝職事官外

補;階官旣行之後,或帶或否,視是爲優劣。

月,詳定所上寄祿格。會明堂禮成,近臣遷秩卽用新制,而省、臺、寺、監之官,各還所職矣。 巡警亦比親民。此其概也。故自眞宗、仁宗以來,議者多以正名爲請。 從政至迪功郎,又改選人三階,於是文階始備。而武階亦詔易以新名:正使爲大夫,副使爲 者有請,自承直至將仕郎,凡換選人七階。大觀初,又增宣奉至奉直大夫四階。歐和末,自 旣又以流品無別,乃詔寄祿官悉分左右,詞人爲左,餘人爲右。紹聖中罷之。 五年,省、臺、寺、監法成。六年,尙書新省成,帝親臨幸,召六曹長貳以下,詢以職事,因誠 士張璪等詳定。八月,下詔肇新官制,省、臺、寺、監領空名者一切罷去,而易之以階。九 欲更其制。熙寧末,始命館閣校唐六典。元豐三年,以摹本賜羣臣,乃置局中書,命翰林學 諸司而下,謂之「內職」;殿前都校以下,謂之「軍職」。外官則有親民、蓋務二等,而監軍、 「文昌會府,有名無實,宜復其舊。」旣而言者相繼,乞復二十四司之制。至和中,吳育亦言: 「尙書省天下之大有司,而廢爲閑所,當漸復之。」然朝論異同,未遑釐正。 榊宗卽位,慨然 大凡一品以下,謂之「文武官」; 未常參者,謂之「京官」; 樞密、宣徽、三司使副、學士、 初,新階尙少,而轉行者易以混雜(こ。及元帖初,於朝議大夫六階以上始分左右。 咸平中,楊億首言: 崇寧初,以議

郎,凡十階,通爲橫班,而文武官制益加詳矣。 郎,而橫班十二階使、副亦然。 故有郞居大夫之上者。 繼以新名未具,增置宣正履正大夫、

答元祐紛更,乃請設局,以修官制格目爲正名,亦何補矣。 受,升擁使華,黃冠道流,亦濫朝品。 元豐之制,至此大壞。及宣和末, 汪黼用事, 方且追 省之長爲左輔、右弼,易端揆之稱爲太宰、少宰。是時員旣濫冗,名且紊雜。 由是府分六曹,縣分六案。又內侍省職,悉倣機廷之號。已而修六尙局,建三衞郎,又更兩 此,皆與元豐稍異也。其後蔡京當國,率意自用。然動以繼志爲言,首更開封守臣爲尹、牧, 專典常平而總於其長,起居郞、舍人則通記起居而不分言動,館職則增置校勘黃本。凡 大抵自元祐以後,漸更元豐之制:二府不分班奏事,樞密加置簽書,戶部則不令右曹 甚者走馬承

以宰相兼之。總制司理財,同都督、督視理兵,並以執政兼之。因事創名,殊非經久。 後,兵興則兼樞密使,兵罷則免;至開禧初,始以宰臣兼樞密爲永制。 密本兵,與中書對掌機務,號東、西二府,命宰相兼知院事。 之名遂定。然維時多艱,政尙權宜。御營置使,國用置使,修政局置提舉,軍馬置都督,並 知政事,三省之政合乎一。乾道八年,又改左右僕射爲左右丞相,删去三省長官虛稱,道揆 建炎中興,參酌潤色,因呂頤浩之請,左右僕射並同中書門下平章事,兩省侍郞改爲參 建炎四年,實用慶曆故典。 惟樞

所同便也。或始創而終罷,或欲革而猶因,則有各當其可者焉。類而書之,先後互見,作 成憲,二者並行而不悖。故凡大而分政任事之臣,微而筦庫監局之官,沿襲不革者,皆先後 之,卒未暇講。考古之制,量今之宜,蓋自元祐以逮政和,已未嘗拘乎元豐之舊,中興若稽 之機。陳傅良欲定史官遷次之序,衆論韙之,而未及行。洪邁欲改三衙軍官稱謂,當時嘉 横班以郎居大夫之上,旣釐而正之矣,而介胄之士與縉紳同稱,寧名號未正,毋示人以好武 增置。其後,詔非曾任監司、守臣,不除郞官,著爲令。又增館閣員,廣環衞官。 、職官志。以至廩給、傔從,雖微必錄,並從舊述云。 當多事時,諸部或長貳不並置,或倂郞曹使相兼之,惟吏部、戶部不省不倂。兵休稍稍 然紹興務

相、親王使相加官,其特拜者不預政事,皆赴上於尙書省。凡除授,則自司徒遷太保,自太 **傅遷太尉**; 臣官至僕射致仕者,以在位 檢校官亦如之。 宋承唐制,以太師、太傅、太保爲三師,太尉、司徒、司空爲三公,爲宰 人近, 太尉舊在三師下,由唐至宋加重,遂以太尉居太傅之上。 或已任司空、司徒,則拜太尉、太傅等官。若太師則爲異 若宰

數,自趙普以開國元勳,文彦博以累朝耆德,方特拜焉。雖太傅王旦、司徒呂夷簡各任宰相

二十年,止以太尉致仕。

章軍國重事,呂公著守司空、同平章軍國重事。崇寧三年,蔡京授司空,行尚書左僕射。 彦博守太師致仕。 八年,王安石守司空,曹佾守太保。 元祐元年,文彦博落致仕,太師、平 孤少師、少傅、少保,亦稱三少,爲三次相之任。」至是,原始以三公任眞相。 之任。司徒、司空,周六卿之官,太尉,秦主兵之任,皆非三公,並宜罷之。仍考周制,立三 九月,詔:「以太師、太傅、太保,古三公之官,今爲三師,古無此稱,合依三代爲三公,爲眞相 大觀元年,京爲太尉;二年,爲太師。 政和二年,京落致仕,依前太師,三日一至都堂治事。 公、三師外並罷。 又以文彦博落兼侍中,除守太尉,富弼守司徒,皆錄定策之功也。 六年, 太保兼侍中,辭太保。一元豐三年,以曹脩檢校太師、守司徒兼中書令。九月,詔檢校官除三 太師兼侍中,以兩朝定策之功辭相位也。六年,文彦博除守司徒兼侍中。九年,彦博除守 熙寧二年,富弼除守司空兼侍中、平章事,辭司空、侍中。三年,曾公亮除守司空、檢校 三公自國初以來,未嘗備官。獨宣和末,三公至十八人,三少不計也。太師三人:蔡京、

童貫、鄭紳;太傅四人: 王黼、燕王侯、越王偲、鄆王楷;太保十一人: 蔡攸、肅王樞至儀王 渡江後,秦檜爲太師,張俊、韓世忠爲太傅,劉光世爲太保。乾道初,楊沂中、吳璘並爲

紹熙初, 史浩爲太師,嗣秀王爲太保。 自紹熙後,三公未嘗備官。其後,韓侂胄、

史彌遠、賈似道專政,皆至太師焉。

中書令之職。」政和中,改左、右僕射爲太宰、少宰,仍兼兩省侍郎。」靖康中,復改爲左、右 令之貳左、右僕射爲宰相。左僕射兼門下侍郞,以行侍中之職;右僕射兼中書侍郞,以行 唐以來,三大館皆宰臣兼,故仍其制。 士,此爲三相例也。」神宗新官制,於三省置侍中、中書令、尙書令,以官高不除人,而以尙書 士、監修國史,其次爲集賢殿大學士。或置三相,則昭文、集賢二學士倂監修國史,各除。 無常員;有二人,則分日知印。以丞、郞至以上至三師爲之。其上相爲昭文館大學 宰相之職 佐天子,總百官,平庶政,事無不統。宋承唐制,以同平章事爲眞相之 國初,范質昭文學士,王溥監修國史,魏仁浦集賢學

左、右丞相。詳定敕令所言:「近承詔旨,改左、右僕射爲左、右丞相,令删去侍中、中書、尙書 侍鄓並改爲參知政事,廢尙書左、右丞。從之。乾道八年,詔尙書左、右僕射可依漢制改爲 建炎三年,呂頤浩請參酌三省之制,左、右僕射並加同中書門下平章事,門下、中書二

志第

三七七四

令,以左、右丞相充。緣舊左、右僕射非三省長官,故爲從一品。今左、右丞相係充侍中、中 書、尙書令之位,卽合爲正一品。」從之。丞相官以太中大夫以上充。

賈似道專權,竊位日久,尊寵日隆,位皆在丞相上。 去「同」字則所任者專。邊事起,乃命一日一朝,省印亦歸其第,宰相不復知印。其後, 開禧元年,韓侂胄拜平章,討論典禮,乃以「平章軍國事」爲名。蓋省「重」字則所預者廣〔三〕, 以 日一朝,非朝日不至都堂。其後,蔡京、王黼以太師總三省事,三日一朝,赴都堂治事。 處老臣碩德,特命以寵之也。故或稱「平章軍國重事」,或稱「同平章軍國事」。五日或兩 平章軍國重事 元祐中置,以文彦博太師、呂公著守司空相繼爲之,序宰臣上。所

章事,李崇矩樞密使。 政事,不書敕,惟宣敕除授者,敕尾存其銜而已。乾德二年,范質等三相皆罷,以趙普同平 敕。」寶儀曰:「穀之所陳,非承平令典。今皇弟開封尹、同平章事,卽宰相之任也,可書敕。」 唐太和中甘露事,數日無宰相,時左僕射令狐楚等奉行制書。今尚書亦南省長官,可以書 使相 親王、樞密使、留守、節度使兼侍中、中書令、同平章事者,皆謂之使相。不預 命下,無宰相書敕,使問翰林陶穀。 |穀謂:「自昔輔相未嘗虚位。惟

升政事堂。 開實六年,始詔居正、餘慶於都堂與宰相同議政事。至道元年,詔宰相與參政輪班知印,同 班,不知印,不升政事堂,殿廷別設磚位,敕尾著銜降宰相,月奉雜給半之,未欲與普齊也。 |陶穀曰``「下宰相一等有何官?」對曰``「唐有參知機務、參知政事。」 故以命之。 仍令不押 郎呂餘慶並本官參知政事。先是,已命趙普爲相,欲置之副,而難其名稱。以問翰林學士 參知政事 押敕齊銜,行則並馬,自寇準始,以後不易。 掌副宰相,毗大政,參庶務。乾德二年置,以樞密直學士薛居正、兵部侍

政事如故,以中大夫以上充,常除二員或一員。 嘉泰三年, 以門下、中書侍郞爲參知政事,而省左、右丞。乾道八年,改左、右僕射爲左、右丞相,其參知 龔茂良行相事近三年,亦創見也。 **参預不得進擬。惟丞相未除,則輪日當筆,然多不踰年,少僅旬月。[淳熈初,]葉衡罷相,** 始除三員。故事,丞相謁告,

元豐新官制,廢多知政事,置門下、中書二侍郞,尙書左、右丞以代其任。

建炎三年,復

志

審其輕重枉直,不當罪,則以法驗正之。 論列,小則改正。凡文書自內降者,著之籍。章奏至,則受而通進,俟頒降,分送所隸官司。 黄、錄黃,樞密院錄白、畫旨,則留爲底。及尙書省六部所上有法式事,皆奏覆審駿之。給 凡遷改餧秩、加敍勳封、四選擬注奏鈔之事,有舛誤,退送尚書省。覆刑部大理寺所斷獄, 凡吏部擬六品以下職事官,則給事中校其仕歷、功狀,侍郎、侍中引驗審察,非其人則論奏。 事中讀,侍郞省,侍中審,進入被旨畫聞,則授之尙書省、樞密院。 卽有舛誤應舉駮者,大則 受天下之成事,審命令,駁正違失,受發通進奏狀,進請寶印。 凡中書省畫

省六曹二十四司所上之事;日開拆房,日章奏房,日制敕庫房,亦皆視其名,而受遣文書、 始釐正焉。凡官十有一:侍中、侍郎、左散騎常侍各一人,給事中四人,左諫議大夫、起居郎、 主事各三人,令史六人, 書令史十有八人, 守當官十有九人。而外省吏十有九人: 令史一 表狀,與供閱敕令格式、擬官爵封勳之類,惟班簿、本省雜務則歸吏房。 吏四十有九:錄事、 又有主事、勾銷二房。至是,釐中書爲三省,分兵與禮爲六房,各因其省之事而增益之。門 左司諫、左正言各一人。先是,中書人吏分掌五房:日孔目房、吏房、戶房、兵禮房、刑房; 下凡分房十:日吏房,日戶房,日禮房,日兵房,日刑房,日工房,皆視其房之名,而主行尙書 國初循舊制,以中書門下平章事爲宰相之職,復用兩制官一員,判門下省事。官制行,

外省復置催驅房。一元祐三年,詔吏部注通判赴門下引驗,應省、臺、寺、監諸司人吏四分減 書省百五十人爲額。四年,三省吏員並依元豐七年額。 人,書令史二人,守當官六人,守闕守當官十人。元豐八年,以門下、中書外省爲後省,門下 。復置點檢房。四年,又別立吏額。紹聖三年,守闞守當官,門下、中書省各以百人,尙

事。 降之節;皇帝齋則請就齋室。大朝會則承旨宣制、告成禮,祭祀亦如之。 司徒。 侍中不置。 侍郎 官制行,以左僕射兼門下侍郎行侍中職,別置侍郎以佐之。南渡後,置左、右丞相,省 侍中 國朝以秩高罕除。 掌貳侍中之職,省中外出納之事。大祭祀則前導興輅,詔進止。 掌佐天子議大政,審中外出納之事。 自建隆至熙寧,眞拜侍中纔五人,雖有用他官兼領,而實不任其 大祭祀則版奏中嚴外辦,導興輅,詔升 册后則奉寶以授 大朝賀則授

表以奏祥瑞。 南渡後,復置參知政事,省門下侍郎不置。 册后則奉節及實位。 與知樞密院、同知樞密院、中書侍郎、尚書左右丞爲執

志

諫、正言充職;而他官領者,謂之知諫院。正言、司諫亦有領他職而不預諫諍者。 至百官任非其人,三省至百司事有違失,皆得諫正。 左諫議大夫 左司諫 左正言 國初雖置諫院,知院官凡六人,以司 同掌規諫諷諭。凡朝政闕失, 官制行,

曹所報外,皆不得其詳。遂詔諫官案許關臺察。 中書舍人通。實欲限隔諫官,不使在政事之地,恐知本末,數論列爾。 以諫官兼權。」從之。十一月,嚴叟又言:近降聖旨,兩省諫官各令出入異戶,勿與給事中、 員,方之先王,已自爲少,望詔補足,無令久空職。」十月,司諫王覿言:「自今中書舍人闕,勿 <u>沃典</u>置諫官員。<u></u>元祐元年二月,詔諫官雖不同省,許二人同上殿。後又從司諫虞策之請, 以修舉職事。」八月,門下省言:「諫議大夫、司諫、正言合通爲一。」詔並從之。十月,詔倣 於道,大則廷議,小則上封。若賢良之遺滯於下,忠孝之不聞於上,則以事狀論薦,乞依此 如獨員,許與臺官同對。九月,左、右正言久闕,侍御史王巖叟言:「國家做近古之制,諫官六 八年,詔執政親戚不除諫官。 元豐八年,諫議大夫孫覺言:「據官制格目,諫官之職,凡發令舉事,有不便於時,不合 建中靖國元年,言者謂諫官論事,惟憑詢訪,而百司之事,六 尋韶諫官直舍仍舊。

人,則論奏而駮正之。凡章奏,日錄目以進,考其稽違而糾治之。 四人,分治六房,掌讀中外出納,及判後省之事。 若政令有失當,除授非其 故事,詔旨皆付銀臺司封

駮。官制行,給事中始正其職,而封駮司歸門下。

給、舍,使之互祭。今中書舍人兼權封駿,則給事中之職遂廢。」詔特旨書讀不迴避,餘互書 黄,乃令舍人書讀行下,隳壞官制,有損治體。 願正紀綱,爲天下後世法。」重和元年(10),給 判。元符三年,翰林學士曾肇言:「門下之職,所以駮正中書違失。近日給事封駮中書錄 駛則已與執政異,自當求決於上,尙何稟議之有?」詔從之。 紹聖四年,葉祖洽言:「兩省置 均,一則不稟白而聽封還,一則許舉駿而先稟議,於理未允。 院文字,已讀者尙令封駿,慮失之重複。」詔罷封駿房。六年,詔駿正事赴執政稟議。七年, 矣,乞立法禁。」從之。 付門下,此神宗官制也。今急速文字,不經三省,而諸房以空黃先次書讀,則審讀殆成虛設 事中張叔夜言:「凡命令之出,中書宣奉,門下審讀,然後付尚書頒行,而密院被旨者,亦錄 有旨,舉駮事,依中書舍人封還詞頭例。旣而令稟議如初,給事中韓忠彦言:「給、舍職位頗 元豐五年五月,詔給事中許書畫黃,不書草,著爲令。六月,給事中陸個言:「三省、密 且朝廷之事執政所行,職當封

凡分案五:日上案,主寶禮及朝會所行事;日下案,主受發文書;日封駮案,主封駮及

志

百

十四四

職

試更,校其功過; 日諫官案,主關報文書;日記注案,主錄起居注。 其雜務則所分案掌焉。

紹興以後,止除二人或一人。

於殿下螭首之側。凡朝廷命令赦宥、禮樂法度損益因革、賞罰勸懲、羣臣進對、文武臣除 授及祭祀宴享、臨幸引見之事,四時氣候、四方符瑞、戶口增減、州縣廢置,皆書以授著 起居郎 一人,掌記天子言動。御殿則侍立,行幸則從,大朝會則與起居舍人對立

動;元祐元年,仍詔不分。七年,詔邇英閣講讀罷,有留身奏事者,許侍立。紹聖元年,中 崇寧三年,韶如前殿之儀,更不分日。 諫職,許直前奏事。蓋存發之也。官制行,改修注爲郞、舍人。六年,詔左、右史分記言 立,許奏事。 元豐二年, 兼修注王存乞復起居郎、舍人之職, 使得盡聞明天子德音, 退而書 丞黃履言:「所奏或干機密,難令旁立,仍依先朝故事。」先是,御後殿則左、右史分日侍立; 故事,左、右史雖日侍立,而欲奏事,必稟中書俟旨。存因對及之。八月,廼詔雖不兼 神宗亦謂:「人臣奏對有頗僻讒慝者,若左右有史官書之,則無所肆其奸矣。」然未果 國朝舊置起居院,命三館校理以上修起居注。熙寧四年,詔諫官兼修注者,因後殿侍 大觀元年,詔事有足以勸善懲惡者,雖秩卑亦書之。

紹興二十八年,用起居郎洪遵言,起居郎、舍人自今後許依講讀官奏事。 隆興元年,用起居

鄭兼侍講胡銓言,前殿依後殿輪左、右史侍立。

寶成,詔依唐六典增置。靖康罷之。 符寶郎 二人,掌外廷符寶之事。 禁中別有內符寶郎。 官制行,未嘗除。大觀初,八

房所領天下章奏案牘,具事目進呈,而頒布於中外。 通進司 隸給事中,掌受三省、樞密院、六曹、寺監百司奏牘,文武近臣表疏及章奏

凡章奏至,則具事目上門下省。若案牘及申稟文書,則分納諸官司。凡奏牘違戾法式者, 貼說以進。 進奏院 隸給事中,掌受詔敕及三省、樞密院宣箚,六曹、寺監百司符牒,頒于諸路。

道監司、帥守文字,應邊防機密急切事,許進奏院直赴通進司投進。」 事狀錄付院,謄報天下。」元祐初,罷之。 熙寧四年,詔:「應朝廷擢用材能、賞功罰罪事可懲勸者,中書檢正、樞密院檢詳官月以 紹聖元年,詔如熙寧舊條。 靖康元年二月詔:「諸

一百一十四 職官一

第

膻,及閣門在京百司奏牘、文武近臣表疏,以進御,然後頒布于外。銀臺司,掌受天下奏狀 案牘,抄錄其目進御,發付勾檢,糾其違失而督其淹緩。發敕司,掌受中書、樞密院宣敕,著 舊制,通進、銀臺司,知司官二人,兩制以上充。通進司,掌受銀臺司所領天下章奏案

籍以頒下之。

丞之上。紹熙二年(公),韶六院官復入雜壓,在九寺簿之下,六院各隨所隸。 察御史,遂遷侍御史。乾道後,相繼入臺者數人,六院彌重,爲察官之儲。淳熙初,班寺監, 自郡守除者,繼卽除郎。恩數略視職事官,而不入雜壓。 名,無例通進者,先經鼓院進狀;或爲所抑,則詣檢院。並置局于闕門之前。 凡言朝政得失、公私利害、軍期機密、陳乞恩賞、理雪寃濫,及奇方異術、改換文資、改正過 中興後,檢、鼓、糧、審計〔至〕、官告、進奏,謂之六院。例以京官知縣有政績者充;亦有 登聞檢院, 隸諫議大夫;登聞鼓院,隸司諫、正言 紹興十一年,胡汝明以料院除監 掌受文武官及士民章奏表疏。

應取旨事。凡除省、臺、寺、監長貳以下,及侍從、職事官,外任監司、節鎭、知州軍、通判,武

臣遙郡橫行以上除授,皆掌之。

革損益,而非法式所載者,論定而上之。諸司傳宣、特旨,承報審覆,然後行下。 之。留其所得旨爲底、大事奏稟得旨者爲「畫黃」,小事擬進得旨者爲「錄黃」。凡事干因 賜酺及戒勵百官、曉諭軍民,則用之。皆承制畫旨以授門下省。令宣之,侍郎奉之,舍人行 散大夫、防禦使以下,則用之。曰御札,布告登封、郊祀、宗祀及大號令,則用之。曰敕牓, 使,凡告廷除授,則用之。曰誥命,應文武官遷改職秩、內外命婦除授及封敍、贈典,應合命 官,則用之。日制書,處分軍國大事,頒赦宥德音,命尚書左右僕射、開府儀同三司、節度 詞,則用之。日詔書,賜待制、大卿監、中大夫、觀察使以上,則用之。曰敕書,賜少卿監、中 凡命令之體有七至:日册書,立后妃,封親王、皇子、大長公主,拜三師、三公、三省長

設官十有一:令、侍郎、右散騎常侍各一人,舍人四人,右諫議大夫、起居舍人、右司諫、

右正言各一人。

掌行除授、考察、升黜、賞罰、廢置、薦舉、假故、一時差官文書。日戶房,掌行廢置升降郡 房。元祐以後,析兵、禮爲二,增催驅、點檢,分房十有一,後又改主事房爲開拆。凡吏房, 分房八::日吏房, 日戶房, 日兵禮房, 日刑房, 日工房, 日主事房, 日班簿房, 日制敕庫

官名籍具員。日制敕庫房,掌編錄供檢敕、令、格、式及架閣庫。日催驅房,督趣稽違。 縣、調發邊防軍須、給貸錢物。日禮房,掌行郊祀陵廟典禮、后妃皇子公主大臣封册、科舉 十有七人。而外省吏十有九人:令史一人,書令史二人,守當官六人,守闕守當官十人。 點檢房,省察差失。 吏四十有五:錄事三人,主事四人,令史七人,書令史十有四人,守當官 申請無法式應取旨者,六房各視其名而行之。曰主事房,掌行受發文書。曰班簿房,掌百 工房,掌行營造計度及河防修閉。凡尙書省所上奏請、臺諫(5)所陳章疏、內外臣僚官司 考官、外夷書詔。日兵房,掌行除授諸蕃國王爵、官封。日刑房,掌行赦宥及貶降、敍復。日

申中書省或樞密院奏審。 省行。紹聖五年,詔臣僚上殿箚子,中書省進呈取旨;其承受傳宣、內降,非有司所可行者, 元豐八年,詔待制以上磨勘,本省進擬。一元祐三年,詔應除授從中批付中書省者,並三

制行,以右僕射兼中書侍郎行令之職,別置侍郎以佐之。中興後,置左、右丞相,省令不置。 奏方鎭表及祥瑞。 相其禮。 臨軒册命則讀册。建儲則升殿宣制,持册及璽綬以授太子。 掌佐天子議大政,授所行命令而宣之。祀大神祇則升壇,享宗廟則升阼階而 國朝未嘗眞拜,以他官兼領者不預政事,然止曹佾一人,餘皆贈官。官 大朝會則詣御坐前

軒册命則押册引案,以所奏文及册書授令。四夷來朝則奏其表疏,以贄幣付有司。 侍郎 掌貳令之職,參議大政,授所宣詔旨而奉之。凡大朝會則押表及祥瑞案。 南渡 臨

後,復置參知政事,省中書侍郎不置。

掌書錄制詞及試更,校其功過;日諫官案,掌受諸司關報文書;日記注案,掌錄記注。 而判後省之事。分案五:日上案,掌册禮及朝會所行事;日下案,掌受付文書;日制誥案, 者。若大誥命,中書抖敕進入,從中而下,餘則發敕官受而出之。及修官制,遂以實正名, 學士對掌內外制。 人,則論奏封還詞頭。國初,爲所遷官,實不任職,復置知制誥及直舍人院,主行詞命,與 雜務則隨所分案掌之。 四人,舊六人。掌行命令爲制詞,分治六房,隨房當制,事有失當及除授非其 凡有除拜,中書更赴院納詞頭。其大除拜,亦有宰相召舍人面授詞頭

自今命詞,以元行遣文書同檢送當制舍人〔弘〕。從之。建炎後同,他官兼攝者則稱權舍人, 則輪日分草。 元豐六年,詔中書省置點檢房,令舍人通領。 九月,詔時暫闕官,依門下、尚書省例,送本省官兼權。 元祐元年,詔舍人各簽諸房文字,其命詞 紹聖四年,蹇序辰請

百一十四 職官一

志第

資淺者爲直舍人院。

羅點自戶部員外與爲起居舍人,避其祖諱,乃以爲太常少卿兼侍立修注官。其後兩史或闕 祿 (10),而更命他官領其事,謂之同修起居注。官制行,以郞、舍人爲職任。淳熙十五年, 而用資淺者,則降旨以某人權侍立修注官。 起居舍人 一人,掌同門下省起居郞。侍立修注官,元豐前,以起居郞、舍人寄

專任諫正,不任糾劾之事。踰年減罷。法司令史、書令史、守當官各一人,守闕守當官三 兩省。紹興二年,詔並依舊赴三省元置局處。淳熙十五年,用林栗言,置左右補闕、拾遺, 書,皆附兩省班籍,通謂之兩省官。

元豐旣新官制,職事官未有不經除授者,惟御史大夫、 左右散騎常侍,始終未嘗一除人。蓋兩官爲臺諫之長,無有啓之者。中興初,詔諫院不隸 人,乾道六年減二人。 右散騎常侍 右諫議大夫 右司諫 右正言 與門下省同,但左屬門下, 右屬中

檢正官 五房各一人,掌糾正省務。 熙寧三年置,以京朝官充,選人卽爲習學公

刑、工房。」從之。 至次年,詔並罷。 紹興二年,詔中書門下省復置檢正官一員。 無檢舉催促。今欲差官兩員充中書門下省檢正諸房公事。內一員檢正吏、禮、兵房,一員檢正戶、 事。官制行,罷之,而其職歸左右司。建炎三年,中書門下省言:「軍興以來,天下多事,中 書別無屬官。 元豐以前,有檢正官,後因置左右司,遂不差,致朝廷及應報四方行移稽留,

闕守當官兩省各一百人,共存留一百五十人,中書省六分,門下省四分。 三人;門下省錄事、主事、令史、書令史、守當官共四十六人,依祖額以八十九人爲額。守 建炎三年指揮,中書門下省倂爲一。中書省錄事、主事、令史、書令史、守當官共四十

有成法,則六曹準式具鈔,令、僕射、丞檢察簽書,送門下省畫聞。 考百官庶府之治否,以詔廢置、賞罰。日吏部,日戶部,日禮部,日兵部,日刑部,日工部,皆 隸焉。凡天下之務,六曹所不能與奪者,總決之;應取裁者,隨所隸送中書省、樞密院。 封臂承襲、賜勳定賞之事。 尙書省 掌施行制命,舉省內綱紀程式,受付六曹文書,聽內外辭訴,奏御史失職, 朝廷有疑事,則集百官議其可否。凡更改申明敕令格式、 審察吏部注擬文武官及

志

百

十四四

職

官

三七八七

條法,則議定以奏覆,太常、考功諡議亦如之。季終,具賞罰勸懲事付進奏院,頒行于天

下。大祭祀則誓戒執事官台。

戶房,日禮房,日兵房,日刑房,日工房,各視其名而行六曹諸司所上之事;日開拆房,主受 造文書;日都知雜房,主行進制敕目、班簿具員,考察都事以下功過遷補;日催驅房,主考 主事六人,令史十有四人,書令史三十有五人,守當官六人。一元豐四年,詔尚書都省及六 督文牘稽違;日制敕庫房,主編檢敕、令、格、式,簡納架閣文書。置吏六十有四:都事三人, 降,隨事申尙書省或樞密院覆奏。二月 sin,詔尙書都省彈奏六祭御史,糾不當者。 曹,各輪郎官一員宿直。五年,詔得旨行下並用箚子。紹聖元年,詔在京官司所受傳宣、內曹,各輪郎官一員宿直。五年,詔得旨行下並用箚子。紹聖元年,詔在京官司所受傳宣、內 設官九:尚書令、左右僕射、左右丞、左右司郎中、員外郎各一人。 分房十: 曰吏房,曰

以册拜。自建隆以來不除,惟親王元佐、元儼以使相兼領,不與政事。政和二年,詔:「尚書 府之紀綱程式,無不總焉。大事三省通議,則同執政官合班;小事尚書省獨議,則同僕射、 令,太宗皇帝曾任,今宰相之官已多,不須置。」然是時說者以謂爲令者唐太宗也,熙陵未嘗 丞分班論奏。若事由中書、門下而有失當應奏者,亦如之。與三師、三公、侍中、中書令俱 掌佐天子議大政,奉所出命令而行之。其屬有六曹,凡庶務皆會而決之。凡官

任此,蓋時相察京不學之過。宣和七年,詔復置令,亦虛設其名,無有除者。 南渡後,並省

不置。

宰。」靖康元年,詔依元豐舊制,復爲左、右僕射。南渡後,置左、右丞相,省僕射不置。 官,有司不能奉承,仰惟前代以僕臣之賤,充宰相之任,可改左僕射爲太宰,右僕射爲少 兼門下侍郎,右僕射兼中書侍郎,行侍中、中書令職事。 則掌百官之誓戒,視滌濯告潔,贊玉幣爵玷之事。自官制行,不置侍中、中書令,以左僕射 左僕射 右僕射 掌佐天子議大政,貳令之職,與三省長官皆爲宰相之任。 政和中,詔曰:「昔我神考,訓迪厥 大祭祀

行,升其秩為執政。一元豐五年五月,詔左右僕射、丞合治省事。是月,御史言:「左、右丞 蒲宗孟王安禮於都堂下馬,違法犯分。」安禮爭論帝前,神宗是之。 今左、右丞於都堂上下 則以丞權當筆、知印。大祭祀酌獻,薦饌進熟,則受飮酒以授僕射。舊班六曹尚書下,官制 馬,自此始。 左丞 右丞 南渡後,復置參知政事,省左、右丞不置。 掌參議大政,通治省事,以貳令、僕射之職。 僕射輪日當筆,遇假故,

志

遂隨省房分治所領之事,惟置手分、書奏各四人,主行校定省吏都事以下功過及遷補之 之,有稽滯,則以期限舉催。初,於都司置吏設案,而議者謂臺郞宰掾不當自爲官司公司。 而舉正文書之稽失,分治省事:左司治吏、戶、禮、奏鈔、班簿房,右司治兵、刑、工、案鈔房, 而開拆、制敕、御史、元豐六年,都司置御史房,主行彈糾御史案察失職。催驅、封椿、印房(宮,則通治 左司郎中 右司郎中 左司員外郞 右司員外郎 各一人,掌受付六曹之事公言,

臺祭六曹稽緩違失者,送左司籍記。宣和二年,左司員外郎王蕃奏:「都司以彌綸省闔爲 不暇一一檢閱細故,而省吏徑稟宰、丞請筆,以草檢令承從官齎赴郎官廳落日押字。」謂「宜 職,事無不預。今宰、丞入省,諸房文字填委,次第呈覆,自朝至于日中,或昏暮僅絕,其勢 於是詔曰:「先帝肇正三省,詔給舍、都司以贊省務。今都司寖以曠官,緣省吏強悍,敢肆侵 遵守元豐及崇寧舊法,諸房各具簽帖,先都事自點檢,次郎官押訖,赴宰、丞請筆行下。」 紹聖元年,詔都司以歲終點檢六曹稽違最多者,具郎官姓名上省取旨。二年,詔御史 自今違法事,其左右司官、尚書具事舉劾。」 元豐七年,都司御史房置簿,以書御史、六曹官糾察之多寡當否爲殿最,歲終取旨升

建炎三年,詔滅左、右司郎官兩員,置中書門下省檢正諸房公事二員。至次年,檢正省

尚書省刑房、戶房、工房,三省、樞密院看詳賞功房,尚書省禮房,令左、右司郎官四員從上 分房書擬。 罷,其左、右司郞官依舊四員。紹興三十二年,詔尚書省吏房、兵房,三省、樞密院機速房, 指揮,委都司官提領措置。乾道七年,復添置右司郎官二人公司。 隆興元年,詔左、右司郎官各差一員。乾道六年,詔權貨務都茶場依建炎三年

以行在爲名,以都司提領,不係戶部經費。 隨行在所権貨務置場。 鈔引之政令,以通商賈、佐國用。 用儲積錢,令徑隸提領所。 権貨務都茶場都司提領。 雖分兩司,而提轄官、監官並通銜管幹。 乾道七年,提領所置幹辦官一員。 舊制,置務以通権易。 提轄官一員,京朝官充。監場官一員,京選通差。掌鹺、茗、香、礬 建康、鎭江續分隸總領所。 建炎中興,又置都茶場,給賣茶引, 外置建康、鎭江務場,並冠 開禧初,以總領所侵

間,熊虎自文思除校書郎。紹熙以後,往往更遷六院官,或出爲添倅,有先後輕重之異焉 爲寺、監丞簿,亦有徑爲雜監司,或入三館。乾道間,権務王禮除市舶,左蔵王揖(古除坑冶鑄錢司,淳熙 右提轄官與雜買務雜賣場、文思院、左藏東西庫提轄,並稱四轄。外補則爲州,內遷則

左藏封椿庫都司提領 第 百 + 四 職 官 監官一員,監門官一員。 淳熙九年,以都司提領。 三七九一 初創,非

奉親與軍須不支。後或撥入內庫,或以供宮廷諸費,亦以備振恤之用。

官,無常員。先是,嘗別修一司敕命。」大觀三年,詔六曹删定官併入詳定一司敕令所,爲 詳定官,以侍從之通法令者充,舊制二員;

宣和中,增至七員;

靖康初,減爲三員。

删定 提舉修敕令 自熙寧初,編修三司令式,命宰臣王安石提舉,是後,皆以宰執爲之。

判大名府韓琦言:「條例司雖大臣所領,然止是定奪之所。今不關中書而徑自行下,則是中 陳升之、參知政事王安石爲之,而蘇轍、程顥等亦皆爲屬官。未幾,升之相,乃言:「條例者 書之外又有一中書也。」五月,罷歸中書。 有司事爾,非宰相之職,宜罷之。」帝欲倂歸中書,安石請以樞密副使韓絳代升之焉。三年, 制置三司條例司 掌經畫邦計,議變舊法以通天下之利。熈寧二年置,以知樞密院

考較盈虛之法,乃置是司。旣而事多濡滯,八年,終坐此罷相,局亦尋廢。 三司會計司 熙寧七年,置於中書,以宰相韓絳提舉。先是,絳言總天下財賦,而無

經撫房 專治邊事。 宣和四年,宰臣王黼主伐燕之議云,置于三省,不復以關樞密

院。

六年,罷。

結局。 牧,每一事各三人主之。時又分武備一房,別爲樞密院講議司。三年三月,知樞密院事際下奏罷。三年四月 舉,侍從爲詳定官,卿監爲參詳官;又置檢討官,凡宗室、冗官、國用、商旅、鹽鐵、賦調、尹 提舉講議司 宣和六年,又於尙書省置講議司。十二月,命太師致仕察京兼領,聽就私第裁處,仍 崇寧元年七月,詔如熙寧條例司故事,都省置講議司。 以宰相蔡京提

凡禮制本末,皆議定取旨。政和三年,五禮儀注如成,罷局。 議禮局公司 大觀元年,韶於尙書省置,以執政兼領;詳議官二員,以兩制充。

應

三七九四

筆所,有詳議、同詳議官(己),宣和二年,詔與大晟府製造所協聲律官並罷。 禮制局 討論古今宮室、車服、器用、冠昏、喪祭沿革制度。 政和二年, 置於編類御

校勘記

- (1) 而轉行者易以混雜 「混雜」二字原脫, 文義未完, 通考卷四七職官考作「轉行者易以混雜」,
- 據補。

[三] 丞郎

(三) 省重字則所預者廣 「字」原作「事」。按朝野雜記乙集卷一三平章軍國事條「蓋侂胄繫銜,比申

原作「承郎」,據宋會要職官一之一六、通考卷四九職官考改。

<u>伋〔按即呂公著〕省『同』字,則其體尤尊;比潞公〔按即文彥博〕省『重』字,則所與者廣。」據改。</u>

- 重和元年 年」。疑「重和」爲「宣和」之誤。 古今合璧事類備要 (以下簡稱冷變專類)後集卷二〇、通考卷五〇職官考都作「宣和元
- だ芸 審計 通考卷六○職官考所記六院,也是有審計而無審官。據改。 原作「審官」,按朝野雜記甲集卷一〇六院官條,六院官爲「檢、鼓、糧料、審計、官告、進
- [4] 凡命令之體有七 「體」原作「禮」,據文義和通考卷五一職官考改。 (《) 紹熙二年 「二」原作「五」,據本書卷三六光宗紀及續宋編年通鑑卷一

- (元) 臺諫 「諫」上原鉄一字,據上文中書省職掌「行臺諫章疏」句和宋會要職官三之五補。
- (立)當制舍人 原作「兩制舍人」,據宋會要職官三之一六、長編卷四八七改。
- (11) 大祭祀則誓戒執事官 (10) 寄祿 原作「寄錄」,據上文和朝野雜記乙集卷一三侍立修注官條改。 「誓戒」原作「警戒」,據宋會要職官四之四、通考卷五一職官考、職官分
- [II] 二月 承上文此指紹聖元年二月。據長編卷三二一、宋會要職官四之六,此二月下所記之事都

紀卷八改。下文「左僕射、右僕射」條之「誓戒」同。

繫於元豐四年十二月。

- 掌受付六曹之事「付」字原脱,據宋會要職官四之一九、通考卷五一職官考補。
- 印房 宋會要職官四之一九、合璧事類後集卷一八「印」上都有「知雜」二字。
- **=** 臺郎宰掾不當自爲官司 「掾」原作「椽」,「自」原作「目」。 據宋會要職官四之一九、通考卷五一

職官考改。

- 을 復添置右司郎官二人「二」當作「一」。決論要職官四之二五作:「復置右司郎官一員。」冷壁 事類後集卷一八隆興元年:「詔左、右司郎官各差一員。」又說:「後以右司掌刑房,任事爲劇,乃
- **全** 置二員。」則此處添置者實只一人。 宋會要職官四三之一六七、宋史全文卷二五及通考卷六〇職官考都作「王楫」。

百

一 十 四

校 勘 記

二七九六

CIS 王黼主伐燕之議 「伐」原作「代」。按本書卷四七〇王龖傳說,王黼力主攻燕,「於三省置經撫

房,專治邊事,不關之樞密。」「代」字顯爲「伐」字之誤,據改。

三艺 議禮局 原作「儀禮局」,據本書卷二〇徽宗紀、宋會要職官五之二一改。

CIO 五禮儀注 「儀注」原作「議注」。按傳本政和五禮新儀卷首、宋會要職官五之二二都說:「議禮

局新修五禮儀注宜以政和五禮新儀爲名。」據改。

 \equiv 同詳議官 「同」原作「司」,據宋會要職官五之二三改。 長編紀事本末卷一三四也有「同詳議

官」的名稱。

宋史卷一百六十二

志第一百一十五

職官二

樞密院 諸殿學士 諸閣學士 諸修撰直閣 宣徽院 三司使 翰林學士院 東宮官 侍讀侍講 王府官 崇政殿說書

得旨者爲錄白,批奏得畫者爲畫旨,並留爲底。 事則稟奏,其付授者用宣;小事則擬進,其付授者用箚。先具所得旨,關門下省審覆。 更成,則遣使給降兵符。除授內侍省官及武選官,將領路分都監、 直、內外禁兵招募、閱試、遷補、屯戍、賞罰之事,皆掌之。以升揀、廢置揭帖兵籍;有調發 樞密院 掌軍國機務、兵防、邊備、戎馬之政令,出納密命,以佐邦治。凡侍衞諸班 惟以白紙錄送,皆候報施行。 緣邊都巡檢使以上。 其被御寶批 面

志

第

百

+

五

職官

三七九七

副承旨、三衙管軍、三路沿邊帥臣、太僕寺官,文臣換右職,仍同三省取旨。 旨者,卽送門下省繳覆。應給誥者,關中書省命詞。卽事干大計,造作、支移軍器,及除都

禮,至是釐正,凡分房十;其後,又增支馬、小吏二房。 六曹,專以本兵爲職,而國信、民兵、牧馬總領,仍舊隸焉。舊分四房,曰兵,曰吏,曰戶,曰 之細者歸之有司,而增置審官西院,專領閣門祗侯以上至諸司使差遣。官制行,隨事分隸 印有「東院」、「西院」之文,共爲一院,但行東院印。 而職事條目頗多。 宋初,循唐、五代之制,置樞密院,與中書對持文武二柄,號爲「二府」。院在中書之北, 神宗初政,迺省其務

軍、路分都監以上及差內侍官文書。日知雜房,掌行雜務。 習,封樁闕額請給,催督驛遞及湖南路邊防。 西路、麟府豐嵐石隰州、保德軍吏卒,西界邊防、蕃官。日支差房,掌行調發軍,湖北路邊防 禁兵、選補衞軍文書。 及兩浙路吏卒。 支移兵器,川陝路邊防及畿內、福建路吏卒, 及京東、京西、江、淮、廣南東路吏卒,遷補殿侍,選親事官。日在京房,掌行殿前步軍司事, 凡房十有二:日北面房,掌行河北、河東路吏卒,北界邊防、國信事。日河西房,掌行陝 而禁軍轉員,則各隨其房之所領兵額治之。 日民兵房,掌行三路保甲、弓箭手。 日廣西房,掌行招軍捕盜賞罰,廣南西路 軍頭、皇城司衞兵。 日支馬房,掌行內外馬政幷坊 日 吏房,掌行差將領武臣知州 日兵籍房,掌行諸路將官差發 日教閱房,掌行中外校 邊防

人,書令史十五人。 校尉以上改轉遷遣。 院監牧吏卒、牧馬、租課。 元祐旣創支馬、小吏二房,增令史爲十四人,書令史十九人,創正名貼 吏三十有八:逐房副承旨三人,主事五人,守闕主事二人,令史 日小吏房,掌行兩省內臣磨勘功過敍用,大使臣已上歷任事狀及 十三

房十八人。

大觀增逐房副承旨爲五人,創守闕書令史三人,增正名二十八人。

建

營司兵付三衙。」從之。 衙管諸軍,率臣主兵柄,各有分守,所以維持軍政,萬世不易之法。 乞依故事命大臣兼領。」靖康元年,知樞密院事李綱言:「在祖宗之時,樞密掌兵籍、虎符,三 院官偶獨員。 願大臣凡戰守、除帥,議同而後下。」神宗善之。 合。趙明與西人戰,中書賞功,而密院降約束,郭逵修堡栅,密院方詰之,而中書以下褒詔。 知兵事,乃以宰相呂夷簡、章得象並兼樞密使。 言,邊事係國安危,不當專委樞密。仁宗以爲然,卽詔中書同議。諫官張方平亦言中書宜 宣撫使,旣主兵權,又掌兵籍、虎符,今日不可不戒。 中書、密院旣稱二府,每朝奏事,與中書先後上殿。 諫議大夫梁燾、司諫劉安世言:「國朝革五代之弊,文武二柄,未嘗專付一人, 元祐四年,知樞密院安燾以母憂去職,樞密 熙寧初,滕甫言:「中書、密院議邊事,多不 乞將團結到勤王正兵並付制置使,行 慶曆中,二邊用兵,知制誥富弼 自童貫以領樞密院事

事,佐天子執兵政, 樞 密使 知院 而 事 同 同知院事 知、副使、簽書爲之貳。 樞密副使 簽書院事 凡邊防軍旅之常務, 同簽書院 與三省分班稟奏;事 事 樞密使、 知院

干國體,則宰相、執政官合奏;大祭祀則迭爲獻官。

密聯職輔弼,非出使之官,乃定置知院、同知院二人,使、副悉罷。元祐初,復置簽書院事,仍 年,文彦博、呂公弼爲使,韓維、邵亢爲副使。時陳升之三至樞府,神宗欲稍異其禮,乃以爲 以樞密直學士充。同簽書樞密院事,治平末,以殿前都虞候郭逵爲之,又以達判渭州。 知院事。 書樞密院。 六年,以內侍童貫權簽書樞密院河西、北面房事 初卽位,中丞王陶、御史呂景等皆言之。 「祖宗不以兵柄歸有司,故專命官以統之,互相維制,何可廢也?」於是得不廢。帝又以樞 未嘗置。 一初,官無定制,有使則置副,有知院則置同知院,資淺則用直學士簽書院事。 於是知院與使、副並置口。一豐五年,將改官制,議者欲廢密院歸兵部。帝曰: 宣和元年,詔童貫領樞密院事,後復以鄭居中爲之。 旣而詔元豐官制卽無同簽書樞密院事,改爲權領樞密院。 逵歸,改除宣徽南院使、知鄆州,自是不復置。 政和 七年,貫宣撫陝西、河東北三路,帶同簽 然簽書院事,元豐亦 熙寧元 帝

兼 知樞密院。 建炎 初,置御營司,以宰相爲之使。 紹興七年詔:「樞密,本兵之地,事權宜重。可依故事置樞密使,以宰相張浚 四年,罷,以其事歸樞密院機速房,命宰相范宗尹

兼之。」又詔立班序立依宰相例。 同 知、副使, 亦或並除,其簽書、同簽書並爲端明殿學士,恩數特依執政;或以武臣爲 其後或棄或否。 至開禧,以宰臣兼使,遂爲永制。 使 與知

之,亦異典也。

承旨, 用院· 居注曾孝寬兼都承旨,參用儒臣自孝寬始。元豐四年,客省使張誠一爲都承旨。 自 敷奏,承所得旨以授有司; 歷邊任,擢置樞屬掾文臣之位,甚非神考設官之意。」至崇寧以後,專用武臣 用武臣,自誠一始。元祐初,復以文臣爲都承旨。 吏遞遷。 都承旨 左司諫陳瓘言:「神考以文臣爲都承旨, 是月, 熙寧三年,始以東上閤門使李評爲之,又以皇城使李綬爲之副,更用士人曰 副都承旨 詔都承旨、副都承旨見樞密使、副如閣門使禮(n)。 五年, 蕃國入見亦如之。 掌承宣旨命,通領院務。 檢察主事以下功過及遷補之事。都 其副則參求外戚武臣之可用者。 其後以待制充。 若便殿侍立, 閱試禁衞兵校, 元符三年, 王師約 以同修起 今師約未 都承旨復 承旨,舊 則隨 爲

依 元 貼 祐 建炎四年,高宗在會稽,以武臣辛道宗爲都承旨, 職。 職制,都承旨以 乾道 初,再用武臣,自張說始。 兩制爲之。 如未曾任侍從之人,卽依權侍郎法,又或加學士、待制、 淳熙九年,都承旨復用士人,自蕭燧始。 頗用事。 紹興元年,道宗既免, 副 乃詔 都承

志

旨文武通除。

三年,復置檢詳兩員,敍位在左右司之下。 檢詳官 熙寧四年置,視中書檢正官。元豐初,定以三員,及改官制,罷之至。建炎 紹興二年減一員。

幹辦官四員、詔並改爲計議官。至紹興十一年減罷。 計議官 四員。 建炎四年,罷御營使司,倂歸樞密院爲機速房。 隨司減罷屬官,置

編修經武要略,兼删定諸房例册。 北邊條例,又別置詳覆官。 舉,詔改爲管幹。 編修官 隨事置,無定員,以本院官兼者,不入銜(至)。 紹聖四年, 編修刑部、軍馬司事,令都、副承旨兼領。 初擬都、副承旨提舉,神宗謂存等皆館職,不欲令承旨提 熙寧三年,以王存、顧臨等同 政和七年, 編修

奏武備本院諸房可行,不必專局,乃罷之。紹興置編修官二員 講議司 崇寧元年,以尚書省講議武備房歸樞密院置,以知院察下提舉。

監三省、樞密院門 舊係差小使臣及內侍官充。 嘉定六年,詔以曾經作縣、通判資

序人充。 小使臣省罷,內侍官改以三省、樞密院門機察官繫銜。

主管三省、樞密院架閣文字 員,嘉定八年置,以選人、京朝官通差。

急速錢物金帶,以備激犒;諸軍將帥告命綾紙,以備科撥調遣等用;省院府吏胥之給,亦 二庫並因紹興用兵,創以備邊;後兵罷,專以備堂、東兩廚應干宰執支遣。 三省、樞密院激賞庫 三省、樞密院激賞酒庫 監官各二人。 初以武臣,嘉泰末,始易以選 若朝廷軍期

之事,而執政同預焉。 御營使 提舉修政局 因事創名,未久遄罷,可以不書;以其關宰相設施,因記其名稱本末 制國用使 都督諸路軍馬 中興多以宰相兼領兵政、 財用

附見焉。

建炎元年,置御營司,以宰相爲之使,仍以執政官兼副使。 百 一 十 五 職 官二 其屬有參贊軍事,以侍從官 三人〇三

司,以兵權付之密院,而以宰相兼知,庶幾可以漸議兵政。」故罷使及官屬,以其事歸密院, 之。然但自名一司,掌殿前忠勇等軍,非復建炎之比,未幾而罷。存中非宰執,附見于此。 爲機速房。至紹興二十九年九月,詔:「祖宗舊制,樞密院卽無機速房,合行減罷。」紹興三十 朝沿五代之制,政事分爲兩府,兵權付於樞密,比年又置御營使,是政出於三也。請罷御營 密院。四年,詔自今宰相兼知樞密院事,罷御營使。時臣僚言:「宰相之職,無所不統。本 無,提舉一行事務,以大將兼。其將佐有都統制及五軍統制以下官。 一年,金主亮來攻,帝將臨江視師。其冬,以和義郡王楊存中爲御營宿衞使,兵罷復免。明年,孝宗卽位,又以御營使命 三年,韶御營使司止管行在五軍營砦事務,其餘應干邊防措置等事,釐正歸三省、樞 初以總齊行在軍中

事。三月而罷局。 其下有參詳官一人,侍從爲之;參議官二人,檢討官四人,卿、郞爲之;如講議司故 紹興二年,詔置修政局,令百官條具修車馬、備器械,命右相秦檜提舉,參知政事同領

先是,臣僚言:「近以宰相兼樞密使,蓋欲使宰相知兵也。宰相今雖知兵,而財谷出入之原,宰相猶未知也。望法李唐之 八年,詔:「官制已定,丞相事無不統,所有國用一司,與參知政事並不兼帶。」嘉泰四年,詔 制,委宰相兼領三司使職事,財谷出納之大綱,宰相領之於上,而戶部治其凡。」故有是命。「五年一月,罷國用司。 乾道二年, 韶:「理財之要, 裕財爲重, 自今宰相可帶兼制國用使, 參政可同知國用事。」

周家以冢宰制國用,而唐亦以宰相兼領度支,是知財賦國家之大計,其出入之數有餘、不足,爲大臣者皆所當知,庶可節 部侍郎薛叔似兼參計官,太府卿陳景思同參計官。先是,臣僚言:「今日財計,非錢穀不足可愛,而滲漏日滋之爲可慮者。 適孝宗典故,宰相兼國用使,參知政事同知國用事,仍於侍從、卿監中擇二人充屬官。 相陳自強衆國用使行為,參知政事兼知樞密院事費士寅、參知政事張巖兼同知國用事。 以兵

往江上措置邊防,至七年秋廢罷。 奉大夫、尚書右僕射行、同中書門下平章事兼知樞密院事張浚都督諸路軍馬。 紹興 五年,制以左通議大夫、尚書左僕射、同中書門下平章事兼知樞密院事趙鼎,左政 其餘宰臣、執政開府于外者,別載于篇 未幾、沒暫

以制度,關防欺隱。

宜略做祖宗遺意,命大臣兼提領天下財賦。」從之。

陳自強罷,亦廢。

虞允文提舉,參知政事梁克家同提舉。 掌哀集詔旨,纂類成書。 置提舉,以右丞相余端禮兼,同提舉以參知政事京螳兼,仍以編修敕令所爲名。 編修敕令所 提舉宰相兼。 紹興十二年罷。 同提舉執政兼。 淳熙十五年省罷, 乾道六年,復置詳定一司敕令所(3), 詳定侍從官兼。 紹熙二年復置局。 删定官就職事官內差象。 慶元二年,復 以右丞相

掌,止用南院印,二使共院而各設廳事。 饗供帳之儀,應內外進奉,悉檢視其名物。 兵卒之名籍,及三班而下遷補、假故、鞠劾之事。 | | | 日 倉案,掌春秋及聖節大宴、節度使迎授恩賜、上元張燈、四時祠 後行十二人,分掌四案:一日兵案,二日騎案,主賜羣臣新史,及掌諸司使至崇班、內侍供奉官、諸司工匠 樞密副使一人兼領二使,亦有兼樞密副使、簽書樞密院者。南院資望比北院頗優,然皆通 爲令。九年,詔:「今後遇以職事侍殿上,或中書、樞密院合班問聖體,及非次慶賀,並特序 參知政事、樞密副使、同知樞密院事以先後入敍位。熙寧四年,詔位參政、樞副、同知下,著 御殿、朝謁聖容、賜酺、國忌供帳之事,諸司使副、三班使臣別籍分產,司其條制,頒諸司工匠休假之口〔五〕。 故事,與 祭及契丹朝貢、內廷學士赴上,並督其供帳,內外進奉視其名物,教坊伶人歲給衣帶,專其奏覆。四日胄案。掌郊祀 二府班。」官制行,罷宣徽院,以職事分隸省、寺,而使號猶存。 宣徽南院使 北院使 其吏史則有都勾押官、勾押官各一人,前行三人, 掌總領內諸司及三班內侍之籍,郊祀、朝會、宴 舊制,以檢校爲使,或領節度及兩使留後,闕,則

使名不復除。 北院使,專遷南院,立班序位視簽樞。一一豐六年,拱辰除武安軍節度使,再任,自此遂罷 |元祐三年,復置南、北院使,儀品恩數如舊制。 六年,以馮京爲南院使,而方平亦復使 初,吏部尚書王拱辰治平中知大名府,神宗卽位,拜太子少保,明年,檢校太傅,改宣 獨太子少師張方平許依舊領南院使致仕。 哲宗卽位,始遷太子太保而罷使

也;宮保,文官也,不宜混丼。」不聽。方平亦固辭不拜。七年,馮京亦以使致仕。紹聖三 年,議者言官名雖復,而無所治之事,乃罷之。南渡以後,不復再置。 中書舍人韓川言:「祖宗設此官,禮均二府,以待勳舊,未嘗帶以致仕。 且宣徽,武官

使,復置三部使。 計使判左、右計事,左、右計使判十道事,凡干涉計度者,三使通議之。五年,罷十道左右計 淮南,江南東、西,兩浙,廣南。在京東日左計,京西日右計(10),置使二員分掌。俄又置總 分置三使。淳化四年,復置使一員,總領三部。又分天下爲十道:日河南,河東,關西,劍南, 鉄、度支、戶部,號日計省,位亞執政,目爲計相。其恩數廩祿,與參、樞同。 三司之職,國初沿五代之制,置使以總國計,應四方貢賦之入,朝廷不預,一歸三司。通管鹽 使 咸平六年,罷三部使,復置三司一員。 闕正使,則以給、諫以上權使事。 副使 判官 鹽鐵使 度支使 戸部使 三部副使 太平興國八年, 三部判官

使者。 使 使闕, 則有權使事; 人,以兩省五品以上及知制誥、雜學士、學士充。亦有輔臣罷政出外,召還充 又闕,則有權發遣公事。掌邦國財用之大計,總鹽鐵、度支、戶部

國之用。 之事,以經天下財賦而均其出入焉。 使、七年,以侯陟、王明同判三司、遂省副使。 度支, 掌天下財賦之數, 每歲均其有無, 制其出入,以計邦國之用。 鹽鐵,掌天下山澤之貨,關市、河渠、軍器之事,以資邦 凡奏事及大事悉置案,奏牒常事止署案。 太平興國初,以賈琰爲三司副 戶部、掌

副使 以員外郎以上歷三路轉運及六路發運使充。 天下戶口、稅賦之籍,權酒、工作、衣儲之事,以供邦國之用。

判官以朝官以上曾歷諸路轉運使、提點刑獄充。

三部副使 各一人,通簽逐部之事。 舊以員外郎以上充。 端拱初,省。淳化三年復置,又省。 至道

初,叉置。眞宗即位,副使遷官,遂罷之。咸平六年復置。

判官一人。五年,廢十道,三部各置判官二人。 三部各有孔目官一人,都勾押官一人,勾覆官四人。 置推官一人。太平興國三年,諸案置推官或巡官,以朝官充。四年,三司止置判官一人,推官三人。及分十道,二計各置 三部判官 各三人,分掌逐案之事。 舊以朝官充。 國初承舊制,每部判官一人。 乾德四年,三部各

諸州衙吏、胥史之遷補,本司官吏功過,三部胥吏之名帳及刑獄,造船、捕盜、亡逃絕戶資產、禁錢。景德二年,併度支案 鹽鐵分掌七案:一日兵案,掌衙司軍將、大將、四排岸司兵卒之名籍,及庫務月帳,吉凶儀制,官吏宿直, 一日冑案,掌修護河渠、給造軍器之名物,及軍器作坊、弓弩院諸務諸季料籍。三日商稅案,四日都

鹽家,五日茶案,六日鐵案,掌金、銀、銅、鐵、朱砂、白礬、綠礬、石炭、錫、鼓鑄。 七日設案。 掌旬設、節料、齋

錢、餐錢、羊豕、米麪、薪炭、陶器等物。

等。 案,掌三軍糧料、諸州獨聚給受、諸軍校口食、御河漕運、商人飛錢。四日常平案,掌諸州平糴。大中祥符七年,置主 物、諸州驛料 東七人。 五日發運案,掌汴河廣濟蔡河漕運、橋梁、折斛、三稅。 六日騎案,掌諸坊監院務飼養牛羊、馬畜及市馬 紙、染料,市舶、權物務(二)、三府公吏。 11日錢帛案,掌軍中春冬衣、百官奉祿、左藏錢帛、香藥榷易。 11日糧料 七日斛斗案,掌兩京倉廩廥積,計度東京糧料、百官祿粟廚料。八日百官案。掌京朝幕職官奉料、祠祭禮 度支分掌八案:一日賞給案,掌諸給賜、賻贈:例物、口食、內外春冬衣、時服,綾、羅、紗、縠、綿、布、鞋、席、

掌勾校百官諸軍諸司奉料、春冬衣、祿栗、茶、鹽、鞵、醬、傔糧等。一部諸案,並與本部都孔目官以下分掌。 瓦八作、排岸作坊、諸庫簿帳,勾校諸州營壘、官廨、橋梁、竹木、簰筏。四日麴案,掌榷酤、官麴 [lī]。五日衣糧案。 戶部分掌五案:一日戶稅案,掌夏稅。二日上供案,掌諸州上供錢帛。三日修造案,掌京城土作及陶

殊而關防之。鹽鐵院、度支院、戶部院勾覆官各一人。 三部勾院判官各一人,以朝官充。掌勾稽天下所申三部金穀百物出納帳籍,以察其差

都磨勘司,端供九年置。 判司官一人,以朝官充。 掌覆勾三部帳籍,以驗出入之數。

志

第一

百 一 十

五

職

官二

都主轄支收司,淳化三年置,判司官公司以判磨勘司官兼。掌官物已支未除之數,候至所

受之處,附籍報所由司而對除之。天下上供物至京,即日奏之,納畢,取其鈔以還本州。

拘收司,咸平四年置。以判磨勘司兼掌。凡支收財利未結絕者,籍其名件而督之。

都理欠司,雍熙二年,三部各置理欠,有勾簿司,景德四年廢。判司官一人,以朝官充。 掌理在京及

天下欠負官物之籍,皆立限以促之。

都憑由司,以判都理欠司官棄,掌在京官物支破之事。凡部支官物,皆覆視無虚謬,則

印署而還之,支訖,復據數送勾而銷破之。

開拆司,判司官一人,以朝官充。掌受宣敕及諸州申牒之籍,發放以付三部,兼掌發

放、勾鑿、催驅、受事。

發放司,掌受三司帖牒而下之。 太平興國年中置。

勾鑿司,掌勾校三部公事簿帳。

催驅司,掌督京城諸司庫務末帳,京畿倉場庫務月帳憑由送勾,及三部支訖內外奉祿

受事司,掌諸處解送諸色名籍,以發付三部。

衙司管轄官二人,以判開拆司官及內侍都知、押班充。掌大將、軍將名籍,第其勞而均

其役使。

勾當公事官二員,以朝官充。掌分左右廂檢計、定奪、點檢、覆驗、估剝之事。

三司推勘公事一人,以京朝官充。掌推劾諸部公事。

勾當諸司、馬步軍糧料院官各一人,以京朝官充。掌文武官諸司、諸軍給受奉料,批書

劵曆,諸倉庫案驗而廩賦之。

勾當馬步軍專勾司官一人,以京朝官充。 曹以三班。掌諸軍兵馬逃亡收倂之籍,諸司庫

務給受之數,審校其敷詐,批曆以送糧料院。

以上並屬三司使。一一豐官制行,罷三司使並歸戶部。

書;餘官用敕書;布大號令用御札;戒勵百官、曉諭軍民用敕牓;遣使勞問臣下,口宣。 權直 府儀同三司、節度使,加封,加檢校官,並用制;賜大臣太中大夫、觀察使以上,用批答及詔 凡降大赦、曲赦、德音,則先進草;大詔命及外國書,則具本取旨,得畫亦如之。 翰林學士院 掌制、誥、詔、令撰述之事。 凡立后妃,封親王,拜宰相、樞密使、三公、三少,除開 翰林學士承旨 翰林學士 知制誥 直學士院 翰林權直 學士院

志第一百一十五 職官二

之。若已畫旨而未盡及舛誤,則論奏貼正。凡宮禁所用文詞皆掌之。乘興行幸,則侍從以 備顧問,有獻納則請對,仍不隔班。凡奏事用榜子,關白三省、樞密院用諮報,不名。 院,內侍鎖院門,禁止出入。夜漏盡,具詞進入;遲明,白麻出,閣門使引授中書,中書授舍 書遣吏持送本院,內侍鎖院如除授焉。凡撰述皆寫畫進入,請印署而出,中書省熟狀亦如 人宣讀。其餘除授丼御札,但用御寶封,遣內侍送學士院鎖門而已。至於赦書、德音,則中 凡拜宰相及事重者,晚漏上,天子御內東門小殿,宣召面諭,給筆札書所得旨。 稟奏歸

奏:「大禮鎖院,麻三道以上,係雙學士宿直分撰:四,乞依故事。」從之。 被旨及案例,修爲本院敕、令、格、式。 五年,御書「摛文堂」榜賜學士院。 佩魚,自蒲宗孟始。見執政議事則繫鞵,蓋與侍從異禮也。政和三年,強淵明請以前後所 凡初命爲學士,皆遣使就第宣詔旨召入院。上日,敕設會從官,宥以樂。元豐中,始命 靖康元年,吳开等

以翰林乃應奉之所,非專掌制誥之地,更爲學士院權直。後復稱翰林權直,然亦互除不廢, 舊典不改。乾道九年,崔敦詩初以秘書省正字兼翰林權直。淳熙五年,敦詩再入院,議者 暫行院中文書,謂之權直。自國初至元豐官制行,百司事失其實,多所釐正,獨學士院承唐 承旨,不常置,以學士久次者爲之。凡他官入院未除學士,謂之直院;學士俱闕,他官

權、正或至三人。

夏侯嶠並爲翰林侍讀學士,始建學士之職。其後,馮元爲翰林侍讀,不帶學士; 翰林侍讀學士 太宗初,以著作佐郎呂文仲爲侍讀。 眞宗咸平二年, 又以高若訥 以楊徽之、

差侍從官四員充講讀官,遇萬機之暇,令三省取旨,就內殿講讀。 隻日入侍邇英閣,輪官講讀。元祐七年,復增學士之號,元符元年省去。建炎元年,詔可特 然必侍從以上,乃得兼之,其秩卑資淺則爲說書。 天雄軍府,侍讀學士外使自知白始。 不加別名,但供職而已。天禧三年,張知白爲刑部侍郎,充翰林侍讀學士、 元豐官制,廢翰林侍讀、侍講學士不置,但以爲兼官。 歲春二月至端午日,秋八月至長至日,遇 知

經筵進讀。中興以來,如朱勝非、張浚、謝克家、趙鼎、万俟禼並以萬壽觀使兼侍讀。 **兼集禧觀公事,兼侍讀,不赴。 六年,馮京兼侍讀,充太乙宮使。** 公事。七月,韓維兼侍讀,提舉中太乙宮。元祐元年,端明殿學士范鎭致仕,提舉中太乙宮 元年,張燾以萬壽觀、湯思退以體泉觀並侍讀。乾道五年,劉章以佑神觀 充宮觀兼侍讀:元豐八年五月,資政殿大學士呂公著兼侍讀,提舉中太乙宮兼集禧觀 未幾,乞致仕,不允, 兼焉。

丞、羅汝檝以諫議始兼侍讀,自後每除言路,必兼經筵矣。 臺諫兼侍讀:自慶曆以來,臺丞多兼侍讀,諫長未有兼者。 紹興十二年春,万俟离以中

志第一百一十五 職官一

升其秩,佐時攝版曹,憲嘗爲右史且有舊例,故稍優之。 隆興二年王佐以檢正、乾道七年林憲以宗卿入經筵,亦兼侍講者。蓋扶本以言路兼說書就 以吏部員外郎棄。 故特有是命。 不加別名,但供職而已。景德四年,以翰林侍講學士邢昺知曹州,侍講學士外使自昺始。 事,自兩省、臺端以上兼侍講,元祐中,司馬康以著作佐郎兼侍講,時朝議以文正公之賢, 翰林侍講學士 紹興五年,范沖以宗卿、朱震以祕少並兼八声,蓋殊命也。 蓋中興後,庶官兼侍講者,惟此三人。若紹興二十五年張扶以祭酒、 咸平二年,國子祭酒邢昺爲侍講學士。 其後, 又以馬宗元爲侍講, 乾道六年,張栻始

以昌朝長於講說,特召之。一神宗用呂正獻,亦止命時赴講筵,去學士職。 紹興十二年,則万俟禼、羅汝檝,紹興二十五年,則正言王珉、殿中侍御史董德元,並兼侍 史中丞,見請復開經筵,遂命兼講。自後十五年間,繼之者惟王唐台之、徐俯二人,皆出上意。 非臺丞、諫長而以侍講爲稱,又自此始。 諫官自詹元宗,乾道九年十二月。 臺諫兼侍講:慶曆二年,召御史中丞賈昌朝侍講邇英閣。 後並以侍講爲稱,不復兼說書矣。 其後,獨或兼說書,臺官自尹牆, 故事,臺丞無在經筵者,仁宗 中興後,王賓爲御 隆興二年五

宮觀兼侍講:

國初自元豐以來,

多以宮觀兼侍讀。

乾道七年,寶文待制胡銓除提舉

佑神觀兼侍講。是日,以宰執進呈,虞允文奏曰:「胡銓早歲一節甚高,不宜令其遽去朝廷。」

帝曰:「餘固非他人比,且除在京宮觀,留侍經筵。」故有是命。

以布衣爲之。然范祖禹乃以著作佐郎兼侍講,司馬康又嘗以著作佐郎兼侍講,前此未有 特置此職以命之。 楊安國並爲崇政殿說書,日輪二員祗候。 讀,其秩卑資淺而可備講說者則爲說書。 也。崇寧中, 崇政殿說書 初除說書二人,皆以隱逸起,蔡密、呂瓘,仍遂其性, 慶曆二年,以趙師民預講官,復爲崇政殿說書,不兼侍講。元祐間,程頤 掌進讀書史,譯釋經義,備顧問應對。 初,侍講學士孫與年老乞外,因薦昌朝等。 仁宗景祐元年正月,命賈昌朝、趙希言、王宗道、 學士侍從有學術者爲侍講、侍 韶以士服隨班朝謁入 至是,

始罷。 以上兼經筵則日侍講,庶官則曰崇政殿說書,故左史兼亦曰侍講。 羅汝檝並兼講讀。 巫伋始, 渡江後,尹焞初以祕書兼之,中間王十朋、范成大皆以郎官兼,亦殊命也。 慶元後, 副端兼說書自端明余堯弼始,察官兼說書自少卿陳夔始,修注兼說書自朱震始。 臺丞、諫長暨副端、正言、司諫以上,無不預經筵者。 蓋秦梓時已兼說書,便於傳道,秦熺復繼之。 每除言路,必預經筵,檜死 紹興十二年, 正言兼說書自端明 近事, 万俟离、 侍從

志

百

+

五

職官

不可,罷之。

修注官多得棄侍講。 開禧三年十一月,王簡卿知諫院爲左史,仍兼崇政殿說書。 言者以爲

年,王炎以樞密使爲西川安撫使除。至慶元間,趙彦逾自工部尚書爲端明殿學士,直以序 禮使,禮成,以學士遷,且視儀揆路,非典故也。乾道四年,汪澈舊以樞密使爲學士遷。 不爲大學士,自絳始。 觀文殿卽舊延恩殿,慶曆七年更名。皇祐元年,詔:「置觀文殿大學士,寵待舊相,今後須曾 遷至焉。曾爲宰相而不爲大學士者,自紹興元年范宗尹始。 士。熙寧中,韓絳宣撫陝西、河東,得罪罷守本官。四年,用明堂赦,授觀文殿學士。 士,自昌朝始。三年,韶班在觀文殿學士之前、六尙書之上。自是曾任宰相者,出必爲大學 任宰相,乃得除授。」時賈昌朝由使相右僕射、觀文殿大學士判尙書都省。觀文殿置大學 觀文殿大學士 中興後,非宰相而除者,自紹興二十年秦熺始。 熺知樞密院、郊祀大 學士之職,資望極峻,無東守,無職掌,惟出入侍從備顧問而已。 。宰相

以名學士易之。」乃詔改爲紫宸殿學士,以參知政事丁度爲之。時學士多以殿名爲官稱,丁 「文明殿學士稱呼正同眞宗諡號,兼禁中無此殿額,其學士理自當罷,乞擇見今正朝或祕殿 觀文殿學士 觀文殿本隋煬帝殿名,國初,爲文明殿學士。慶曆七年,宋庠言:

僚,雖未歷二府,亦除是職,蓋異恩也。然韶循兼端明殿、龍圖學士云。 **遂稱曰「丁紫宸」。** |學士,仍以度爲之。 自後非曾任執政者弗除。 八年,御史何郯以爲紫宸不可爲官稱,於是改延恩殿爲觀文殿,卽殿名 熙寧中,王韶以熙河功,元豐中,王陶以宮

常矣。 褔。 弟梓以端明卒于湖州,進大資致仕,恤典同參政。 億年未嘗秉政。十五年,秦熺自翰林學士承旨爲資政,詔立班恩數同執政。 員,學士三員。紹興十年,鄭億年歸自僞齊,除資政殿;二年加大學士,許出入如二府儀。 而除者,惟庠一人。康定二年,右正言梁適請遵先朝故事,定以員數。於是詔大學士置二 間云除三人,皆前宰相也。 除人。明道元年,李迪知河陽。召還,始再命之。景祐四年,王曾罷相,復除。三十年 下,翰林學士承旨之上。資政殿置大學士,自欽若始。 資政殿學士以寵之,在翰林學士下。十二月,復以欽若爲資政殿大學士,班文明殿學士之 祥符初,向敏中以前宰相再入爲東京留守,復加此職。自是訖天聖末,二十餘年不以 資政殿大學士 資政殿在龍圖閣之東序。景德二年,王欽若罷參政, 、宋庠罷參知政事,仁宗眷之厚,因加此職。 是後,從臣自端明視政府而序進者,遂爲 自欽若班翰林承旨上,一時以爲殊 自欽若後,非宰相 十六年,秦檜 真宗特置

端明殿學士 志 百 + 五 端明殿即西京正衙殿也。後唐天成元年,明宗即位之初,四方書奏, 礟 官

侍郎,諷任圜特移職在官上,後遂爲故事。宋太宗初,以程羽爲之,後隨殿名改爲文明殿學 充,班在翰林學士上。後有轉改,止於翰林學士內選任。初如三館例,職在官下,趙鳳轉 中,嘗改爲延康殿。建炎二年,都省言:延康殿學士舊係端明殿學士。詔依舊。後拜簽樞 士之久次者口也。元豐中,以前執政爲之,自曾孝寬始,以見任執政爲之,自王安禮始。政和 以翰林侍讀學士宋綬爲之,在翰林學士之下。自明道訖元豐,無前執政爲之者,僅以待學 命樞密使安重誨進讀,懵於文義。 慶曆中,改爲紫宸,後又改爲觀文。明道二年,改承明殿爲端明殿,復置端明殿學士, 孔循獻議,始置端明殿學士,命馮道、趙鳳俱以翰林學士

歲補外,然後加恩兼職。 問;其次與論議,典校讎。得之爲榮,選擇尤精。元豐中,修三省、寺監之制,其職並罷,滿 年,詔職事官罷帶職,非職事之官仍舊。 事官並許帶職,尙待回己一年加直學士,中丞、侍郎、給舍、諫議通及一年加待制。紹聖三 雜學士、給諫以上補外則除之。係一時恩旨,非有必得之理。 總閣學士 直學士 直龍圖閣、省、寺監掌貳補外印の,或領監司、帥臣則除之;待制、 宋朝庶官之外,別加職名,所以厲行義、文學之士。 中興後,學士率以授中司、列曹尙書、翰林學士之 元祐二年,詔復增館職及職 高以備顧

補外者,權尙書、給諫、侍郎則帶直學士、待制焉。

制誥平出除之。 之,並依舊充職。四年,詔班在知制誥下,並赴內殿起居。自改官制,爲學士初復之職,或知 樞密直學士下。祥符六年,詔結銜在本官之上。 班在樞密直學士上。六年,詔結銜在本官之上。 進屬籍、世譜。有學士、直學士、待制、直閣等官。 資政殿,西曰述古殿。閣上以奉太宗御書、御製文集及典籍、圖畫、寶瑞之物,及宗正寺所 圖閣學士 直學士 待制 大中祥符中建。在會慶殿西偏,北連禁中,閣東曰 直學士,景德四年置,以杜鎬爲之,班在 待制,景德元年置,以杜鎬、戚綸(三)爲 學士,大中祥符三年置,以杜鎬爲之,

龍圖 稱呼非便辭。詔改龍圖,自是天章不爲帶職。 龍圖閣學士之下。 天聖风年置待制。慶曆七年,又置學士、直學士。又有侍講。 延康殿。內以桃花文石爲流桮之所。以在位受天書祥符,改曰|天章,取爲章于 天之 義。 仁宗卽位,修天章閣畢,以奉安眞宗御製。東日羣玉殿,西曰蘂珠殿,北曰壽昌殿,南曰 閣直學士之下。 天章閣學士 學士罕以命人,迄仁宗世,纔王贄一人。秦堪自顯謨閣進直天章閣,以 直學士 待制 待制,天聖八年初置。 天禧四年建。在會慶殿之西, 龍圖閣之北。明年, 寓直於祕閣,與龍圖遞宿,尋命范諷、鞠詠充 直學士,慶曆七年,初置天章閣直學士,在 學士,慶曆七年初置,在

志

職。 中興後,圖籍、符瑞、實玩之物,若國史、宗正寺所進屬籍,獨藏于天章閣,祖宗御容、潛

邸旌節亦安奉焉。

士,治平四年初置,以呂公著兼。 壽昌閣,慶曆改曰寶文。嘉祐八年,英宗卽位,詔以仁宗御書、御集藏于閣,命王珪撰記立 四年初置。 治平四年,神宗卽位,始置學士、直學士、待制,恩賜如龍圖。英宗御書附于閣。 寶文閣學士 直學士 待制 直學士,治平四年初置, 閣在天章閣之東西序, 以邵必爲之。 羣玉、蘂珠殿之北。 待制, 即舊

直學士、待制如三閣故事,序位在寶文閣學士、直學士、待制之下。學士、直學士、待制,並 爲熙明閣,仍置學士、直學士、待制;續奉旨,仍以顯謨爲額。崇寧元年,詔顯謨閣學士、 中書舍人撰閣名五以聞,遂建閣藏神宗御集,以顯謨爲名。徽宗建中靖國元年,韶以顯謨閣 顯謨閣學士 直學士 待制 元符元年,曾布、鄧洵仁各申請建閣。 詔翰林學士、

學士、待制等官。 徽猷閣學士 直學士 待制 紹興十年置。 大觀二年,初建徽猷閣,以藏哲宗御集。 藏徽宗聖製,置學士等官。 置學士、直

建中靖國元年置。

數文閣學士

直學士

待制

煥章閣 學 直 學 待 制 淳熙初建。 藏高宗御製。 十五年,置學士等官。

華文閣 學 直 學 待 制 慶元 二年置。 藏孝宗御製, 置 學士等官。

寶謨閣 學 直 學 待 制 嘉泰二年置。 藏光宗御製,置學士等官。

寶章閣 學 直 學士 待 制 寶慶二年置。 藏寧宗御製,置學士等官。

顯文閣 學士 直 學士 待制 咸淳元年置。 藏理宗御製,置學士等官。

集英殿修撰 國初 ,有集賢殿修撰、直 龍 圖 閣、直祕閣三等。 政和 六年,始置集英殿

中興後以寵六曹權侍郎之補外者,下待制 等。

修撰、右文殿修撰、

祕閣

修撰。

舊制,貼職無雜壓,至是因增置,乃定爲雜壓。

其集英修撰,

學士爲修撰。 右文殿修撰 政和 六年, 元祐元年,許內外官帶貼職。 以集賢院無此名, 其見任集賢院修撰並改爲右文殿修撰, 紹聖二年,詔職事官罷帶職,易集賢殿

集英殿修撰,爲貼職之高等。

尼閣修撰 政和六年置,以待館閣之資深者,仍多由直 龍圖 閣遷 焉。

龍 圖 閣 群符九年, 以馮元爲太子中允、直龍 圖 閣 直 閣 之名始 此。 凡 館閣 之久

直

志

勶

百

+

五.

職

官

祕

次者,必選直 龍 昌 閣, 皆爲 擢 待制之基也。 中興後, 凡直閣爲庶官任藩閫 監 급 者貼職,

隨高下而等差之。

直天章閣至直顯文閣並同。

崇文院中堂建祕閣,擇三館眞本書籍萬餘卷及內出古畫、墨跡藏其中,以右司諫直史館 同僚之好,乃卽館設盛會宴之。自崇寧以來,外官除館職旣多,此禮寖廢。 除,蓋特以爲恩數而已。故事,外官除館職如祕閣校理、直祕閣者,必先移書在省執事,敍 秘閣於中,自監少至正字列爲職事官。罷直館、直院之名,獨以直祕閣爲貼職,皆不試而 任還,卽試詩賦各一而入,否則用大臣薦而試,謂之入館。官制行,廢崇文院爲祕書監,建 宋泌爲直祕閣。直館、直院則謂之館職,以他官兼者謂之貼職。元豐以前,凡狀元、制科一 直祕閣 國初,以史館、昭文館、集賢院爲三館,皆寓崇文院。太宗端拱元年,詔就

設。仁宗升儲,置三少各一人。參政李昉兼掌賓客,及升首相,遂進少傅,此宰相兼宮僚之 官。若太子太師、太傅、太保,以待宰相官未至僕射者,及樞密使致仕,亦隨本官高下除授。 始也。丁謂兼少師,馮拯兼少傅,曹利用兼少保,是時實爲東宮官,餘多以前宰執爲致仕 東宮官 太子太師 太傅 太保 太子少師 少傅 少保 國初, 師傅不常

皆不置。開禧三年,史彌遠自詹事入樞府,乃進兼賓客。已而太子侍立,遂以丞相錢象祖 卽遷司空。天禧末,皇太子同聽政,乃以首相兼少師。自後神宗、欽宗、孝宗、光宗在東宮, 太子少師、少傅、少保,以待前執政,惟少師非經顧命不除。若因遷轉,則遞進一官,至太師

象祖亦去位。 兼太子少傅。明年,景獻太子□□立,象祖兼少師,彌遠以右相兼少傅。未幾,彌遠丁內艱, 又明年,爾遠起復,遂兼進少師公司。景定元年,度宗升儲,以賈似道爲少師。

立,始以執政兼賓客,後復省。景定元年,度宗升儲,以朱熠、皮龍榮、沈炎並兼賓客。 錢惟演、參政王曾並兼太子賓客,執政兼東宮官始此。中興後不置。 開禧三年,景獻太子

至道元年建儲,初置賓客二人,以他官兼。 天禧四年,參政任中正、樞副

太子賓客

官,非常制也。景定元年,度宗升儲,以楊棟兼詹事。 侍。七年,光宗正儲位,以敷文閣直學士王十朋、敷文閣待制陳良翰爲太子詹事,不兼他 後省。乾道元年,莊文太子立,置詹事二人。踰月,詔太子詹事遇東宮講讀日至,並往陪 太子詹事 仁宗升儲,置詹事二人。神宗、欽宗升儲,並置二人,皆以他官兼,登位

僚寀,多以他官兼領。仁宗、神宗升儲,庶子、諭德各置二人。」欽宗升儲,置一人。 十二年,孝宗以建王立爲皇太子,置庶子、諭德各一人,除右虚左。 太子左庶子 右庶子 左喩德 右爺德 舊制不常設。 儲聞之建,隨宜制官,以備 乾道元年及七年,各置 紹興三

忠

人。開禧三年,景獻太子立,初除左虛右,明年,左右始並置。

子坐受參見。」詔不許。 施行。」按天禧二年九月五日,左庶子張士遜等言:「臣等日詣資善堂參見皇太子,得令升階列拜,然後跪受,望令皇太 <u> 五禮新儀所載;兼逐日致拜之禮,近例皆已不行,或遇合致拜日,更合參酌天禧、至道故事</u> 皇太子答拜。庶子等初上,參見,皇太子受拜。庶子、諭德及講讀官雖有坐受之禮,止是 賀。謝辭,初如常見之禮。後離位致詞,復位就坐,茶湯罷。詹事初上,參見皇太子,拜, 子正席,講讀官迭起如延英儀,講罷復位。節朔不受宮僚參賀;元日、冬至,詹事以下牋 放講筵,少殺其禮。每遇講讀,詹事以下至講讀官上堂,並用賓禮參見,依官職序坐。皇太 七年,禮部太常寺言:「討論東宮開講丼節朔賀慶、辭謝禮儀。 宮僚講讀,無已行故事,當依 太子侍讀 侍講 至道元年,皇太子每見太子賓客,必先拜,迎送常降階及門。並從之。 神宗升儲,始置各一人。乾道、淳熙、開禧,各依故事並置。乾道

一人。慶元以中舍人在舍人上。 太子中舍人 舍人 至道、天禧各置一人。神宗、欽宗升儲,並如舊置。 嘉定初,除

善、贊讀、直講皆舊制。說書而下,中興以後增置。 資善堂 翊善 **贅**讀 直講 說書 皇太子宫小學教授 資善堂自仁宗為皇子時,為肄業之所, 資善堂小 學教授 翊

開資善堂,置贊讀、直講、說書官各一員,又置翊善一員。度宗升儲, 年,景獻太子爲福州觀察使,詔令資善堂授書,置小學教授二員。開禧元年,進封榮王,仍 學教授一員。十六年,光宗卽位,皇子進封嘉王,置王府贊讀、翊善、直講各一員。慶元六 位各置說書官一員,又置贊讀、直講一員。淳熙七年,皇孫英國公始就傅,詔置皇太子宮小 不得不如此。」紹興十二年,建國公出就外第。及紹興三十年,由普安郡王爲皇子, 范沖充翊善,右史朱震充贊讀,時稱極選。帝曰:「朕令國公見沖、震必設拜,蓋尊重師傅, 院,至是始成,以爲賌善堂。 供監書。 出就資善堂聽讀,詔宰執就見。靖康元年,詔皇太子出就外傅,就資善堂置學舍,令國子監 讀,仍輪一員宿直。又詔三省、樞密院、講讀、修注官錫宴於資善堂。政和元年,定王、嘉王 每皇子出就外傳,選官兼領。元豐八年,哲宗初開講筵,詔講讀官日赴資善堂,以雙日講 時皇孫皆就傅,以校書郞王十朋爲小學教授。紹興三十二年,孝宗卽位,詔三皇子 紹興五年,孝宗封建國公,出就資善堂聽講。先是,宰臣趙鼎得旨於宮門內造書 命儒臣爲直講、翊善,悉如資善故事。尋用趙鼎言,以左史 並置翊善、贊讀等

主管左、右春坊事 志 百 + 五 職 官二 二人,以內臣兼;同主管左、右春坊事二人,以武臣兼;承受官 三八二五

官。

人,以內侍充。仁宗、神宗升儲,並置。中興後,置官並同。

中興後不置,惟以監門率府副率爲環衞階官。 天禧二年,又以左清道率郭承慶、左右監門副率夏元亨兼左右春坊謁者,仁宗卽位復省。 至道元年,東宮置左淸道率府率、副率兼左春坊謁者,主贊引。 副率 太子左、右衞 ·右監門 率府率 率府率 副率 副率 左、右司禦 左、 右內 率府率 率府率 副率 三年,眞宗卽位而省。 副率 右清道 官存而 率府

又皇姪皇孫侍教、南北伴讀無定數。至道初,太宗以皇親子孫就講學,欲置侍講之職,中書言:「按唐太宗改 壽春郡王,置友二員,亦以常參官兼充。天禧二年,進封昇王,友遷諮議,仍置記室一員。 府侍講一員。並以常參官兼充。其後,多不置諮議,姻善、記室或止一員。大中祥符九年,仁宗初封 及長史、司馬,有其官而未嘗除。 一員;陳王府置諮議、翊善各一 親王府傅 長史 司馬 員;韓王、冀王、益王置翊善各一員。後又置記室及諸王 太平興國八年,諸王出閣,楚王府置諮議參軍二員,翊善 諮議參軍 友 記室參軍 王府教授 小學教授 傅

充,掌訓皇孫。旣長,趨朝謁,則不以小學名,而講習如故。自後皇姪、皇孫皆置教授。 講書四員;年十五已上者至三百九人,增置教授五員;年十四已下者,別置小學教授十 增置教授官:凡皇族年三十已上者百一十三人,置講書四員;年十五以上者百十三人,置 是年行為,英宗以宗室自率府副率已上八百餘人,奉朝請者四百餘人,而教官纔六員,乃詔 善、侍講分兼南北宅教授。大中祥符二年,又有侍教之名,自是南北院或有伴讀。凡諸宮皆有教授,初無定員。 諸王侍讀爲奉諸王講讀,今皇孫、皇姪皆環衞之職,請以教授爲名。」從之。選京朝官通經者充。 府教授,掌教親賢宅南班宗子。淳熙十二年,詔建魏惠憲王府,置小學教授二員,以館職兼 司,量行戒責。教授官不職,大宗正司密訪以聞。舊制,親賢宅置講書,紹興十二年,改爲 二員;并舊六,爲二十七員,以分敎之。其子弟不率敎,俾敎授官、本位尊長具名申大宗正 其後又令王府記室、翊

校勘記

(1) 於是知院與使副並置 副使;已除後則是使、副、知院同置,不應但說副使。 「使副」二字原倒,按上文所記,陳升之在除知院前,樞密院已有使和 合壁事類後集卷一六、通考卷五八職官考

都作「使副」,據改。下文「使副悉罷」句同改。

3 更用 第 「士」原作「四」,據長編卷二一四、通考卷五八職官考改。 Ī. 校 勘 記

- (三) 是月韶都承旨副都承旨見樞密使副如閤門使禮 據長編卷二一五,此處「是月」指「九月」。「使
- 副二字原倒,據長編同卷、宋會要職官六之四乙正。
- 能之 原作「置之」。按上文已說熙寧四年置,中間未曾廢罷,此處「置之」不應複出。 合璧事類

後集卷一七、通考卷五八職官考都說:及改官制,檢詳尋罷。「置」當爲「罷」之訛,據改。

- 「宝」 原作「入御」,據同上書同卷改。
- 國用使 「使」原作「事」,據上文和本書卷三八寧宗紀、兩朝綱目卷八改。

(七) 右僕射

詳定一司敕令所 「令」原作「命」,宋會要職官四之四七所載乾道六年十二月五日事、七年七月 十五日所載虞允文和梁克家職銜、都作「詳定一司敕令」、據改。

原作「左僕射」,據本書卷二一三字輔表、繫年要錄卷八五改。

- (元) 休假之□ 「之」下一字原作「た」,筆畫漫漶,不辨其爲何字。
- 69 在京東日左計京西日右計「京東」、「京西」疑倒。編年綱目卷四淳化四年:「三司置二使,分領 左右計。」「分郡縣爲十道,兩京爲左右計,中分以隸焉。」孫逢吉職官分紀卷一三:「東京爲左計,
- 權物務 疑當作「權貨務」。

西京爲右計,各置判官領之。」

(三) 掌権酤官麴 「官麴」原作「官鹨」。按本條旨在說明麴案的職掌,是管理酒的專賣事務。 宫賣

酒麴是宋代在三京的權政措施,本書卷一八五食貨志:「三京官造麴,聽民納直以取。」宋會要 食貨一九之一有「東京官造麴」、「西京官造麴」、「南京官造麴」的記載,「勢」字當爲「麴」字之訛

判司官 原作「判官司」。按本卷同目各條都作「判司官」,「官司」二字蓋倒,據改。

CIED 係雙學士宿直分撰 「雙學士」,宋會要職官六之五三、通考卷五四職官考皆作「雙宣學士」;又

鴻慶居士集卷三○翰林莫公內外制序記:「翰林故事以學士二員分直,朝廷有大除拜過二制而

上則併召二員者,謂之雙宣。」當以「雙宣」爲是。

三 朱震以祕少並兼 朝野雜記乙集卷一三:「朱子發以祕少並兼之。」「祕少」是祕書少監的簡稱,據改。 「祕少」原作「秩少」。按本書卷四三五朱震傳:「遷祕書少監, 無侍經筵。₁

合 王唐 朝野雜記乙集卷一三、通考卷五四職官考皆作「王唐公」,是。

을 詔以士服隨班朝謁入侍 「士」原作「仕」。合璧事類後集卷二三、通考卷五四職官考都作「士」,

(云) 三十年間 景祐四年(公元一〇三七年)王曾罷相,中間已超過三十年。 合璧事類後集卷五六、通考卷五四 「三」原作「二」,按上文說景德二年(公元一〇〇五年) 王欽若爲資政殿學士,至

職官考都作「三十年」,據改。

杰

第

百

十五

校勘

記

僅以待學士之久次者 「待」原作「侍」,據合璧事類後集卷五六、通考卷五四職官考改。

(110) 直龍圖閣省寺監掌貳補外 卷五四職官考此句都作:「直龍圖閣、省郎、寺監長貳補外」,是。 「掌」當作「長」,「省」下脫一「郞」字。合璧事類後集卷五七、通考

 \exists 尙待 疑當據同上書同卷作「尙書」。

原作「戚繪」,據本書卷三〇六戚編傳、職官分紀卷一五改。

戚綸

景獻太子 「獻」原作「憲」。據本書卷二四六景獻太子詢傳和下文「太子左庶子」條改。下文「太

子賓客」條同改。

逐無進少師 「衆進」,當從朝野雜記乙集卷一三、通考卷六〇職官考作「進氣」。

呈 遇東宮講讀日 「遇」原作「過」,據宋會要職官七之二六、通考卷六〇職官考改。

(芸) 是年 一、合璧事類後集卷四八都繫此事於治平元年,志文失書紀年。

(三) 百十三人置講書四員年十五已上者 類後集卷四八記此事都無此十五字,疑是。殿、局本將上文之「年十五以上者」改爲「年二十以 下文教官相加,適超過下文「幷舊六爲二十七員」之數四員,亦疑爲重出。長編卷二〇二、合璧事 上者」,不知何據。 按此處「年十五已上」同上文重複;所記「講者四員」與上

宋史卷一百六十三

志第一百一十六

職官三

郎左選掌之。自副尉以上至從義郎,侍郎右選掌之。若文武官雖不隸左右選,而職任係中 以左右高下分屬於四選。日尙書左選,文臣京朝官以上及職任非中書省除授者悉掌之。 最之法。凡文階官之等三十,武選官之等五十有六,慕職、州縣官之等七,散官之等九,皆 日尙書右選,武臣升朝官以上及職任非樞密院除授者悉掌之。自初任至幕職、州縣官,侍 吏部 吏部 掌文武官吏選試、擬注、資任、遷敍、蔭補、考課之政令,封爵、策勳、賞罰、殿 戸部 禮部 兵部 刑部 工部 六部監門 六部架閣

第

百

_ +

六

職官三

書省、樞密院除授者,其制命誥敕,皆本部奉行。凡應注擬、升移、敍復、蔭補及酬賞、封贈

郎官。 外郎,尙書選二人,侍郎選各一人,司封、司勳、考功各一人。 上合命詞者,列其遷敍資級、歲月、功過上中書省、樞密院,畫旨給告,通書本部長貳及所隸 者,所隸審驗格法上尙書省,法例可否不決應取裁者,亦如之。若中散大夫、左右武大夫以 其屬有曰司封,曰司勳,曰考功。凡官十有三:尚書一人,侍郎一人口,郎中、員

選人改名廢置之事。初,淳化三年,置磨勘京朝官院。 掌考驗選人殿最成狀而送流內銓,關試、勾黃、給曆之事。甲庫掌受制敕黃,關給籤符優牒, 縣官格式、闕簿、辭謝,拔萃舉人兼南曹甲庫之事。流外銓,掌考試附奏諸司人吏而已。南曹 注對揚、磨勘功過之事。判部事二人,以帶職京朝官或無職事朝官充。凡文吏班秩品命令 歸流內銓。判流內銓事二人,以御史知雜以上充。掌節度判官以下州府判司、諸縣令佐擬 銓印存而事廢。 淳化中,又置考課院,磨勘幕府、州縣功過,引對黜陟。 至道二年,以其事 至是倂入審官院。置知院二人,以御史知雜以上充。 一出於中書,而小選院旣不復置,本曹但掌京朝官敍服章、申請攝官、訃吊祠祭,及慕府州 舊制有三司,尚書主其一,侍郎二員各主其一,分銓注擬事。其後,但存尚書銓,餘東西 韶於朝,分擬內外任使而奏之。 舊以朝官充。掌考校京朝官殿最,敍其 四年,改。 太平興國中,置差遣院,

元豐官制行,六曹尚書、侍郞爲長貳,郞官理郡守以上資任者爲郞中,通判以下資序者

依長定格與降一官;二十年以上,則除其籍。」」遠康元年七月,詔以吏部四選逐曹條例編集 之。崇寧元年,詔:「大宗正丞,大理正,諸寺監丞,太學、武學、律學博士,太學正、錄,諸宮院、 他司兼領,司封、司勳各減郞官一員。紹聖初,韶元豐法以行、守、試制祿三等。一元符元年, 厚之處。議者頗欲懲革,不注郡守、縣令,與在部人通理名次。」從之。 大優,宗室參選之日在本部名次之上,旣壓年月深遠勞効顯著之人,復著名州大郡優便豐 更部言:「元祐法,小使臣只降宣箚,但務從簡,於理未安,請自借職而上依<u>元豐</u>法給告。」從 板行。八月,臣僚言:「祖宗時未有宗室參部之法,神宗時,始選擇差注一二。崇寧初,立法 諸州教授,堂除外,其吏部闞不許占差已授未赴及初到任人。」二年,詔:「十年不到部者, 止除員外郎。又詔,職事官除去「行」字一等。又以六曹職事閑劇不等,滅定員數,事簡者 之下,雜壓在左、右常侍之下。又置權侍郎,如未歷給事中、中書舍人及待制以上者,並帶 爲員外郞。 「權」字,祿賜比諫議大夫。郎官雖理知州資序,未曾實歷知州及監司、開封府推官者〔三〕, 「試」,品同者不用行、守、試,餘職準此。一元帖初,置權尙書,奉賜依守侍郎,班序在試尙書 除授皆視寄祿官,高一品以上者爲「行」,下一品者爲「守」,下二品以下者爲

尙書 百一十 掌文武二選之法而奉行其制命。凡序位有品,寓禄有階,列爵有等,賜勳有 六

對。大祭祀則奉玉幣以授左僕射,執爵以授左丞。舊,尙書爲所遷官名,班左丞上。自釐正百 於尙書,驗實而後判成。以天下職事員闕具注於籍,月取其應選者揭而書之,集官注擬,考 官,武臣自大使臣以上,曹內殿崇班以上。選授、封爵、功賞、課最之事,所隸官分掌其事,兼總官,武臣自大使臣以上,曹內殿崇班以上。選授、封爵、功賞、課最之事,所隸官分掌其事,兼總 閥閥以定其可否。若有疑不能決,小事則申請,大事則稟議於尙書省,應論奏者與郞官同請 給〔三〕,分任有職,選官有格,考其功過,計其歲月,辨其位秩,而以序進之。凡文臣自京朝 武人有格二十一,及破格出闕,較量功過,奏薦諸軍賞功。分案十: 曰大夫, 曰副使, 曰修 賞功司。 吏額,主事一人,令史二人,書令史九人,守當官一十一人,正貼司一十六人,私名 曹皆置權尙書,以處未應資格之人。其屬有侍郎二人,分左、右選。尙書左、右選各置郎中 守當官。二十四司亦如之。南渡初,諸曹長貳互置,惟吏部備官。紹興八年,依元祐制,六 領職事。左選分案八,置吏三十;右選分案六,置吏十有六。曰主事、令史,曰書令史,曰 日七品,日八品,日九品,日注擬,日名籍,日掌颸,日催驅,日甲庫,日檢法,日知雜,日奏薦 書。左選,掌考校京朝官以上殿最,敍其爵秩,擬內外任使而奏授之。分案十二:曰六品, 司,吏部以金紫光祿大夫,戶、禮、兵、刑、工部以銀靑光祿大夫換授,而任六曹尙書者,始實 一十二人,楷書二人〇〇,法司一人。官告院六部監門隸焉。右選,掌大使臣以上差注,材 一人,侍郎左、右選各置郎中一人,司封、司勳、考功各一人。郎官分掌其事,而無總於尙

貳按法裁決可否,申上朝廷施行。』即不得持兩端。 令史二人, 書令史九人, 守當官一十二人, 正貼司八人, 私名一十人, 法司一人。紹熙三年, 武,日注擬掌闕,日奏薦賞功,日開拆,日名籍,日甲庫,日法司,日知雜。 貳據所見申明將上取旨。乞明詔六曹遵守。」從之。 左司諫謝源明言:「乾道九年詔旨:『六部應承三省、密院批送勘當文字,並令本部郞官、長 如或事有疑難,及生創無條例者,令長 吏額, 主事一人,

若應格,則具歲月歷任功罪及所舉官員數,同郎官引見於便殿,稟奏改官。右選,掌武臣之 **飮福則奉爵,視朝則執文武班簿對立,以待顧問。左選分案十五,置吏四十有三,右選分案** 仕而試不中等,及已入官而未應選者,皆勿注正闕。官制行,尚書、**侍郎通治曹事,奏事**則 未升朝者。 制,未滿,除修撰。 置筹拘轄功過。」從之。 同班,惟吏部分領四選。大祭祀則舉玉幣置諸案,薦饌則進摶黍,進熟則執匏爵以授右丞, 八,置吏四十有七。紹興四年,東部侍郎葉祖洽言:「侍郎左選,準元豐朝旨,類姓置簿。左右選理宜一體,右選亦乞 侍郎 乾道裁減吏額,共置五十五人。 **舊自供奉官以上。其職任自親民官至部隊將、監當官,皆掌其選授注擬之法。凡初** 左選,掌承直郎以下擬注州府判司、諸縣令佐、監當及磨勘功過之事,分案 分左右選: 左選, 掌文臣之未改官者。凡始命而未應參部者, 皆試而後選。 建炎四年五月,詔六曹復置權侍郎,如元祐故事,滿二年爲眞。補外者除待 右選,掌校副尉以上較試、擬官、行賞、換官,考其殿

第

有侍左侍郎、侍右侍郎之稱。旣而林大中、沈揆擢貳尚書,則「侍左」「侍右」徑入除目,相承 吏部侍郎。間命官兼攝,惟稱左選侍郎或右選而已。紹熙三年至,謝深甫、張叔椿兼攝,始 最,分案十五。 乾道裁減更額,共置四十八人。舊制,更部除侍郎二員,分典左、右選,總稱

郎官; 吏部 八年,呂希常以監六部門兼權侍右郎官。紹興三十一年,李端明正除尚右郎官,旣而何備、 府資序以上人充,未及者爲員外郎。 光宗卽位,詔四選通差,用尚書顏師魯之請也。先是,乾道元年詔:「今後非曾任監司、守臣, 楊倓、費行之除吏部郎官,皆有侍左、侍右、尙左、尙右之稱。自此相承不改。淳熙十六年, 不數月,必序進卿、少,而郎有正員者益少矣。 外補;間有不次擢用者,則自二著躐升二史,以至從列。 不除郎官,著爲令。」自是館學、寺監臣、心,拘礙資格,遷除不行。郎曹闕員,但得兼攝,旋卽 :郎中,主管尙書左、右選及侍郎左、右選各一員,參掌選事而分治之。 凡郎官,並用知 郎中 及擬告身細衡,始直書尚書吏部郎中或員外郎,主管尚書某選,主管侍郎某選。紹興 員外郎 尙左 尙右 侍左 建炎四年,詔權攝、添差郎官並罷。 侍右 舊主判二人,以朝官充。 其自外召至爲郞,則資級已高,曾 初進擬,第云吏部 元豐官制行, 置

司封郎中 員外郎 掌官封、敍贈、承襲之事。凡三師、三公以下至升朝官褒贈祖

郡王,日國公,日郡公,日縣公,日侯,日伯,日子,日男。 分國三等:大國二十七,次國二十, 賜名訓,具抄擬官。凡庶姓孔氏、柴氏、折氏之後應承襲者,辨其嫡庶。列爵九等:日王,日 考、母妻,親王、郡王、內外命婦以下保任宗屬、封爵諸親,皆因其位敍而爲之等。凡宗室當 公、宰臣、執政、節度使三代,金紫、銀青光祿大夫二代,餘官一代,皆辨其位序以進之。 才人、貴人。外內命婦之號十有四(も):日大長公主,日長公主,日公主,日郡主,日縣主,日 順容、婉儀、婉容、昭儀、昭容、昭媛、修儀、修容、修媛、充儀、充容、充媛,曰婕妤,曰美人,曰 小國二百二十。內命婦之品五:曰貴妃、淑妃、德妃、賢妃,曰大儀、貴儀、淑儀、淑容、順儀、 其妻。」紹聖元年,詔:「宗室換授文官身亡者,通直郞以上贈三官。」元符元年,以元祐間封贈紊前制, 用專詞,餘用海詞。」二年,詔:「父及嫡母存,不得請所生母封贈。所生母未封,亦不許先及 三,設東六。元祐元年,中書後省言:「臣僚封贈父母,依舊制命詞,太中大夫、觀察使以上 食邑實封,則視其品之高下,以爲戶數多寡之節。凡事之可否,與司勳通決於長貳。分案 國夫人,曰郡夫人,曰淑人,曰碩人,曰令人,曰恭人,曰宜人,曰安人,曰孺人。敍贈之制:三 應婦人不因夫、子得封號,謂命官非升朝而母年九十以上,或士庶人婦女年百歲,并特旨若回授者。 詔:「封母則隨所封五等,謂如封南陽縣開國男,則隨其虧稱南陽縣男令人,封魏國公,則稱魏國公夫人之類。 韶並依元豐法。二年,詔:「寺監官雜壓在通直郎之上者,雖係宣教郎,遇大禮封贈。」政和二年,

請,甚無謂也。不獨此爾,又有小使臣偶因薄勞或磨勘轉官,遂乞回授封贈父母,實爲太 郎、正字者得封贈,今則監丞未升朝者亦乞依例,蓋緣監丞雜壓在校書郎之上,故引以爲 分正矣。」從之。建炎以後並同。 孫得封贈,其夫至升朝或非升朝應封贈者,並孺人。」宣和二年,臣僚言:「近年有京官任校書 望降旨,今後封贈並依舊法,敢有擅更陳乞紊亂典章者,寘之典刑,庶幾僥倖者息而名

品; 曰上騎都尉,正五品; 曰騎都尉,從五品; 曰驍騎尉,正六品; 曰飛騎尉,從六品; 曰 酌輕重擬定,以上尙書省,謂之「無法酬賞」。若功賞未酬而賞格改易者,輕從舊格,重從新 應賞,從其所隸之司考實以報,則必審核其狀,以格覆之,謂之「有法酬賞」;非格所載,參 雲騎尉,正七品;曰武騎尉,從七品。率三歲一遷,必因其除授以加之。凡賞有格。若事 從二品;日上護軍,正三品;日護軍,從三品;日上輕車都尉,正四品;日輕車都尉,從四 錄用前代帝系及勳臣之後,則考其族系而奉行其制命。分案四,置吏十有九。 司勳郎中 員外郎 參掌勳賞之事。凡勳級十有二: 日上柱國, 正二品; 日柱國,

無法式者定之。一元祐中,有法式者止令所屬勘驗,自後應干錢穀,本部指定關司勳,則是戶 績,並止比類支賜,未經酬獎者亦如之。」紹聖二年,戶部言:「元豐官制,司勳覆有法式酬賞, 元祐元年,吏部言:「諸色人援引徼求,入流太冗。應工匠伎藝之屬無法入官者,雖有勞

德臣僚職位姓名送吏部。用工部尚書鄭允中所編傳也。隆興元年省倂,以司封郞官兼領。 |淳熈元年,復以司農寺丞||范仲||芭兼司勳,未幾改除,復省。 裁減吏額,主事一人,令史一人, 年,詔:「司勳行下所屬,將一司一路條制,參照酬獎格法, 部 兼司勳之職,請依舊制。」 從之。四年, 應川峽人任本路差遣者, 類集參用。」 酬獎減半。 又詔以詳定國朝勳 政和四

書令史四人,守當官三人,正貼司四人,私名三人。

守令: 之;有負殿,則正其罪罰。以七事考監司:一日舉官當否,二日勸課農桑、增墾田疇,三日 最, 以其職事具注於曆云,給之於其屬州若司,歲書其功過。 陟。凡內外官,計在官之日,滿一歲爲一考,三考爲一任。 戶口增損,四日興利除害,五日事失案察,六日較正刑獄,七日盜賊多寡。 農桑墾殖、水利興修爲勸課之最,屛除姦盜、人獲安處、振恤困窮、不致流移爲撫養 考功郎中 員外郎 通善、最分三等:五事爲上,二事爲中〔4〕,餘爲下。若能否尤著,則別爲優劣,以詔黜 德義有聞、淸謹明著、公平可稱、恪勤匪懈爲四善,獄訟無寬、催科不擾爲治事之 掌文武官選敍、磨勘、資任、考課之政令。凡命官,隨所隸遷, 應升遷授者, 驗曆按法而敍進 以四善、三最考

直鄓至太中大夫充諫議大夫、待制以上職任者,理三年,朝散大夫至承務郎,理四年。 磨勘之法,文選官之等四:銀青光祿大夫至朝議大夫,進士理八年,非進士理十年;

當議之官,使先紬繹而後集于都堂以詢之,庶幾有所見者得以自申,以稱朝廷博謀盡下之意。」從之。 所定行狀,報尚書省官集議以聞。紹聖四年,河東提刑司徐君平奏:「乞凡將集議,前期三日,持考功狀徧示 使,理四年;承信郎以功補授及宗室觀察使以下祗應校尉,理三年;宗室承宣使以下祗應 橫行武德大夫以下至校尉,理五年;閤門祗侯初補從義郞以下至承節郞、承信郞充隨行指 額之事,掌之。舊制,考課院其定殿最皆有考辭。元豐官制行,悉罷。分案十有七,置吏六 遷之。凡改服色者以年勞計之(10)。執政官、節度使、銀青光祿大夫以上應謚者,覆太常 守、府判官至縣令,理六考;自軍巡判官至縣尉,理七考。率以法計其歷任歲月、功過而序 校尉,理二年。慕職、州縣官之等三:進士第一、第二、第三名及第者,一任回改京官;自留 選官之等六:遙郡團練使刺史、閤門舍人轉左武、右武郎,理十年; 武功大夫以下,理七年; 十有八。 凡立碑碣名

詔黜陟予奪;沒則諡,審覆而參定之。凡特恩賜諡,命詞給告,餘給敕 111。分案十一: 日 三十箇月爲任。建炎以後並同。應文武臣磨勘、關升、資任、較考,定其殿最,別其優劣,以 任,武任依此。元祐初,以成資爲任,武臣未曾立法。」詔武臣任六等差遣,川廣成資,餘並 衝降者,仍從衝降法。縣令以下,本部專行。」六年,樞密院言:「元豐末,堂除知州軍三年爲 元祐三年,詔:「知州考課法,吏部上其事于尙書省,送中書省取旨賞罰。劣等應罰而已

裁減吏額,主事二人,令史四人,書令史八人,守當官十三人,正貼司三人,私名一十人。 六品,曰七品,曰八品,曰曹掾,曰令丞,曰從義,曰成忠,曰資任,曰檢法,曰知雜, 日開拆。

淳熙十三年,再共減三人。

臣用吏部,武臣用兵部,王公及命婦用司封,加勳用司勳。官制行,四選皆用吏部印,惟蕃 吏、兵、勳、封官告,以給妃嬪、王公、文武品官、內外命婦及封贈者,各以本司告身印印之。文 官則用兵部印記。凡綾紙幅數標軸名色,皆視其品之高下,應奏鈔畫聞者給之。令史十五 主管官一員,以京朝官充。舊制,提舉一人,以知制誥充;判院一人,以帶職京朝官充。掌

官監察御史以上因事罷,並給告。」元符元年,吏部言:「元祐法,小使臣只降宣箚,乞自承信 牒,乃與無品人等。」詔:「今後帥臣、監司、待制以上知州,並給告,餘依舊。」三年,詔:「職事 及買販服用者,立賞許告。」 品者給告身,無品者給黃牒。元祐中,以內外差遣幷職事官本等內改易或再任者,並給黃 鄓而上依舊給告。」宣和元年,詔:「官告院立條,凡製造告身法物,應用綾錦,私輒放效織造 元豐五年,官制所重定制授敕授奏授告身式。從之。紹聖元年,吏部言:「元豐法,凡入

志第一百一十六 職官三

徽宗大觀初,乃著爲新格,凡標帶、網軸等飾,始加詳矣。 至皇祐始備。神宗即位,循用皇祐舊格,逮元豐改制,名號雖異,品秩則同,故亦未遑別定。 大抵官告之制,自乾德四年,詔定告身綾紙標軸,其制闕略。 咸平、景德中,兩加潤澤,

凡文武官綾紙五種,分十二等:

中書令用之。一等一十七張,滴粉縷金花中犀軸,天下樂錦褾犀軸(三),色帶。左右僕射、使相、王用之。 色背銷金花綾紙二等。一等一十八張,滴粉縷金花大犀軸,八荅暈錦褾韜,色帶。三公、三少、侍中、

觀文殿學士,資政殿大學士,六尙書,金紫光祿、銀靑光祿、光祿大夫,左、右金吾衞,左、右衞上將軍,節度,承宜,觀 期、豫、梁、雅州牧,御史大夫,宗室節度使至率府副率之帶皇字者用之。一等一十七張,暈錦褾韜,玳瑁軸,色帶。 兩省侍郎,尙書左、右丞,同知、簽書樞密院事,嗣王,郡王,特進,觀文殿大學士,太尉,東宮三少,冀、兗、青、徐、揚、 白背五色綾紙二等。一等一十七張,滴粉縷金花,翠毛獅子錦褾韜,玳瑁軸,色帶口言。知樞密院,

褾,兩面發花細牙軸,色帶。給事中,中書舍人,通議大夫,司成,左、右諫議大夫, 龍圖、天章、寶文、顯謨、徽猷闊 端明殿學士,龍圖、天章、寶文、顯謨、徽猷閣學士,左、右散騎常侍,御史中丞,開封尹,六曹侍郎,樞密直學士, 體圖、天章、寶文、顯謨、徽猷閣直學士,正議、通奉大夫,諸衞上將軍,太子賓客,詹事,侯,用之。一等十二張,法錦 大綾紙四等。 一等一十五張,暈錦褾, 兩面撥花穗草大牙軸,色帶。 宣奉、正奉大夫,翰林學士,資政、

待制,太中大夫,秘書、殿中監,伯,用之。一等一十張,法錦褾,撥花常使大牙軸,色帶。中大夫,七寺卿,京畿、三路 作、軍器監,都水使者,拱衞大夫,太子詹事,左、右諭德,左武、右武大夫,入內內侍省、內侍省副都知, 轉運使,發運使,中奉、中散大夫,通侍大夫,樞密都承旨,祭酒,太常、宗正少卿,秘書、殿中少監,正侍、中侍大夫, 九張,蕃官使臣用大錦褾,背帶口声,此其小異者也。 事,蕃官使臣,殿中侍御史,左右司諫、正言,監察御史,和安大夫至翰林良醫,男,用之。內殿中侍御史、監察御史用 副使,諸路轉運使、副使,知上州,提舉三路保甲〔15〕,入內內侍省、內侍省押班,武功至武翼大夫,開封左、右司錄 副都承旨,諸房副承旨,起居郎、舍人,侍御史,左、右司員外郎,六曹郎中,朝請、朝散、朝奉大夫,京畿、三路轉運 子,用之。一等八張,盤毬錦褾,大牙軸,色帶。七寺少卿,朝議、奉直大夫,左、右司郎中,司業,開封少尹,少府、將 入內內侍省、內侍省都知,諸州刺史,中亮、中衞大夫,防禦、團練使,太子左、右庶子,諸衞大將軍,駙馬都尉,典樂, 樞密承旨、

器、都水監丞,國子博士,大理司直、評事,修武、敦武郎,通直郎,內常侍,轉運判官,提舉學士口古,諸州通判,御史 監,諸衞將軍,太子侍讀、侍講,中亮、中衞、左武、右武郎中,知下州,諸路提點刑獄,發運判官,提點鑄錢,承議郎, 醫正,用之。一等六張,中錦褾,中牙軸,青帶。奉議郎,七寺丞,祕書郎,太常博士,著作佐郎,國子、少府、將作、軍 正,著作郎,通事舍人,太子諸率府率,直龍圖閣,開封府諸曹事,大晟府樂令,直祕閣,崇政殿說書, 武功至武翼郎,太子中允、舍人,親王府翊善、贊讀、侍讀,符實郎,太常、中正口方、祕書、殿中丞,六佾奉御,大理 中綾紙二等。一等七張,中錦褾,中牙軸,青帶。 諸司員外郎,朝請、朝散、朝奉郎,少府、將作、軍器少 和安郎至翰林

志

百

十六

職官三

靡博士,太子諸率府副率,用之。 陵臺令,兩赤縣令,忠訓、忠翊郎,節度、防禦、團練副使,行軍司馬,太醫正,太史局令、正、丞、五官正,翰林醫官,辟 臺檢法官、主簿,九寺主簿,親王記室,閣門祗候,樞密院逐房副承旨,從義、秉義郎,太學、武學博士, 開封諸曹掾,

用之。 等角軸,青帶。幕職、州縣官,三省樞密院令史、書史,流外官,諸州別駕、長史、司馬、文學、司士、助教,技術官, 承務、承信、承節郎,門下、中書省錄事,尙書省都事,三省、樞密院主事,辟廱正、錄,用之。一等五張,黃花錦褾,次 社、太官令,律學博士,國子、少府、將作、軍器、都水監主簿,宣義郎,保義、成忠郎,太學正、錄,律學,**承事、承奉、** 小綾紙一等。 一等五張,黃花錦褾,角軸,青帶。校書郎,正字,宜教郎,太常寺協律、奉禮郎,太祝,郊

凡宮掖至外命婦羅紙七種,分十等:

粉錔,滴粉縷金花鳳子中犀軸。 貴儀、淑儀、淑容、順儀、順容、婉儀、婉容、內宰用之。 粉縷金花鳳大犀軸。大長公主、長公主、公主用之。一等一十七張,韜帶,兩面銷金雲鳳褾,紅絲網子,金樣鈒花塗

遍地銷金龍五色羅紙二等。一等一十八張,韜帶,兩面銷金雲鳳褾,紅絲網子,金樣鈒花塗粉錉,滴

雲鳳玳瑁軸。昭儀、昭容、昭媛、修儀、修容、修媛、充儀、充容、充媛、副宰用之。一等一十二張,韜帶,銷金盤鳳褾, 紅絲網子,金塗銀粉鍇,滴粉金雲鳳玳瑁軸。婕妤、才人、貴人、美人用之。 遍地銷金鳳子五色羅紙二等。一等一十五張,韜帶,銷金鳳子標,紅絲網子,金塗銀粉餚,滴粉縷金

錦褾韜,色帶,紫絲網子,銀粉鋒,滴粉縷金梔子花玳瑁軸。 玳瑁褾軸。尙儀,尙服,尙食,尙寢,尙功,宮正,內史,宰相會祖母、祖母、母、妻,親王妻,用之。一等八張,翠色獅子 銷金團窠花五色羅紙二等。一等一十張,八荅彙錦褾韜,色帶,紫絲網子,銀粉聳,滴粉縷金葵花 郡主、縣主,國夫人,內命婦,郡夫人,執政官祖母、母、

朵女,二十四司典掌,尚書省掌籍、掌樂,主管仙韶,用之。 銷金大花五色羅紙一等。七張,雲鴈錦褾韜,色帶,紫絲網子,銀粉錔,滴粉縷金玳瑁軸。 寶林御女,

寒,用之。

諮神廟夫人,用之。 朝奉大夫、遙郡刺史以上母妻,升朝官母,諸班直都虞候、指揮使、禁軍都虞候、軍都虞候、御前忠佐母,著官母妻, 五色素羅紙一等。七張,錦褾韜,色帶,紫絲網子,銀粉踏,大牙軸。 金花五色羅紙一等。七張,法錦標韜,色帶,紫絲網子,銀粉錔,縷金玳瑁軸。 宗室女,升朝官妻,諸班直都處 郡夫人,郡君,宗室妻,

候、指揮使、禁軍都處候、軍都指揮使、忠佐妻,用之。

凡內外軍校封贈綾紙三種,分四等:

藩方指揮使、御前忠佐馬步軍都副都軍頭「己、馬步軍都軍頭、藩方馬步軍都指揮使用之。內帶遙郡者,法錦褾, 大綾紙二等。 一等七張,法錦褾,大牙軸,青帶。遙郡刺史以上用之。一等七張,大錦褾,大牙軸,青帶。

志 第 百 + 六 職 官

=

中一綾紙 一等。 五張,中錦褾,中牙軸,青帶。 都處候以上諸班指揮使, 御前忠佐馬步軍副都軍頭, 藩方

馬步軍副都指揮使、都虞候,用之。內加至爵邑者,用大綾紙,大牙軸,大錦褾。

小綾紙 一等。 五張,黃花錦褾,夾等角軸,青帶。 諸軍指揮使以下用之。如加至爵邑者,同上。

凡封蠻夷酋長及蕃長綾紙兩種,各一等:

五色銷金花綾紙一等。一十八張,翠色獅子錦褾,法錦韜,紫絲網子,銀粉鍇,滴粉縷金牡丹花玳瑁

軸,色帶。南平、占城、眞臘、闍婆國王用之。

中綾紙一等。七張,法錦標,中牙軸,青帶。藩蠻官承襲、轉官用之。

內外文武臣僚告敕,並依大觀格式製造。裁減吏額,共置二十九人。淳熙十三年,又減五人。 盡用錦。其後,又韶內外命婦、郡夫人以上,乃得用網袋及銷金,其餘則否。至二十六年,詔 下官及職事官監察御史以上,官告並用錦標外,其餘官丼封贈權用纈羅代充。 察使及宗室南班官以上給告,以下並給敕。」三年,韶逐等依舊給告。紹興二年,韶:四品以 大觀倂歸尚書省,政和仍歸吏部。差主管官。 建炎元年,詔:「文臣太中大夫、武臣正任觀 十四年,始

科率,凡此歸於右曹。尙書置都拘轄司,總領內外財賦之數,凡錢穀帳籍,長貳選吏鈎考。 以常平之法平豐凶、時斂散,以免役之法通貧富、均財力,以伍保之法聯比閭、祭盜賊,以義 権抑兼丼而佐調度,以孝義婚姻繼嗣之道和人心,以田務券責之理直民訟,凡此歸於左曹。 受天下上貢,元會陳于庭。元豐正官名,始並歸戶部。掌天下人戶、土地、錢穀之政令, 其屬三::曰度支,曰金部,曰倉部。 倉振濟之法救饑饉、恤艱阨,以農田水利之政治荒廢、務稼穡,以坊場河渡之課酬勤勞、**省 貢賦、征役之事。** 以版籍考戶口之登耗,以稅賦持軍國之歲計,以土貢辨郡縣之物宜,以征

之權始分矣。一一豐官制行,罷三司歸戶部左、右曹,而三司之名始泯矣。凡官十有三一份書 修造歸將作監,推勘公事歸大理寺,帳司、理欠司歸比部,衙司歸都官,坑冶歸虞部,而三司 具所行事付之。三年,罷歸中書,以常平、免役、農田、水利新法歸司農,以胄案歸軍器監, 一人,侍郎二人,郎中、員外郎,左右曹各二人,度支、金部、倉部各二人。 熙寧中,以知樞密院陳升之、參知政事王安石制置條例,建官設屬,取三司條例看詳,

量入爲出。乞令尚書兼領左、右曹,錢穀財用事有散在五曹、寺監者,並歸戶部,使尚書周 知其數,則利權歸一;若選用得人,則天下之財庶幾可理。」詔尙書省立法。三年,三省言: 元祐初,門下侍郎司馬光言:「天下錢穀之數,五曹各得支用,戶部不知出納見在,無以

事二員。」紹聖元年,罷戶部幹當公事,置提舉管幹官,復行冤役、義倉,釐正左、右曹職,依 制,本部置都拘轄司,總領戶、度、金、倉四部財賦。 二年五月,詔依神宗官制,委右曹侍郞專主行常平,自今許本部直達奏裁。又詔依熈、豐舊 元定官制。三年,右曹令侍郞專領,尙書不與。建中靖國元年,復幹當公事官二員。 「大理寺右治獄並罷,依三司舊例,戶部置推勘檢法官,治在京官司凡錢穀事,增置幹當公 宣和六年,詔戶部辟官依元豐法。 政和

罰,繳奏諸州雨雪,檢按災傷逃絕人戶。日檢法,掌凡本部檢法之事,設科有三:日二稅,掌 曹分案五,置吏五十有六。建炎兵興,嘗以知樞密院張慤提領措置戶部財用,後遷中書侍 焉。 郎,仍兼之。五年口,復以參知政事孟庾提領措置。後罷,專委戶部長貳。左曹分案三:曰戶 其版籍; 若貢賦征稅,斂散移用,則會其數而頒其政令焉。凡四司所治之事,侍郞爲之貳, 郎中、員外郎參領之,獨右曹事專隸所掌侍郎。若事屬本曹,郡縣監司不能直者,受其訟 口,掌凡諸路州縣戶口升降,民間立戶分財,科差人丁,典賣屋業,陳告戶絕,索取妻男之 曰農田,掌農田及田訟,務限奏豐稔,驗水旱蟲蝗,勸課農桑,請佃地土,令佐任滿賞 大饗祀薦饌,則尚書奉俎,飮福則徹之。 侍郎 掌軍國用度,以周知其出入盈虛之數。凡州縣廢置,戶口登耗,則稽 朝會則奏貢物。 左曹分案五,置吏四十;右

雜。 郎二人,中興初,止除長貳各一員,或止除尙書若侍郎一員。紹興四年七月,韶戶部侍郎二 受納、驅磨、隱匿、支移、折變。日房地,掌諸州樓店務房廊課利,僧道免丁錢及土貢獻物。 員,通治左、右曹,自此相承不改。 田產,居養鰥、寡、孤、獨之事。 投納牙契。 日課利,掌諸軍酒課,比較增虧,知、通等職位姓名,人戶買撲鹽場酒務祖額(110)酒息,賣田 裁減更額,左曹四十人,右曹三十人。淳熙十年,詔左藏南庫撥隸戶部。 外有開拆、知雜司。 日免役,日坊場,日平準,各隨其名而任其事。 右曹分案六:日常平,掌常平、農田水利及義倉振濟,戶絕 舊制,戶部侍 日檢法,日 知

曹歲具常平錢物總數,每秋季具册以聞。初置主管左、右曹,總稱戶部郎官。紹興七年, 閻彦昭以太府寺丞兼左曹郎官。紹興三十二年,徐康正除左曹郎官,自是相承不改。 事煩劇不倂,仍各置一員。紹興中,專置提舉帳司,總天下帳狀,以戶部左曹郞官兼之。 又詔:「戶部事有可疑難裁決者,許長貳與衆郎官聚議,文字皆令連書,有定議,然後付本曹 郎中 左曹 右曹 員外郎 掌分曹治事。建炎三年,詔省倂郞曹,惟戶部五司以職 是年,

虚 度支郎中 而通其有 無。 員外郎 若 中外祿賜及大禮賞給,皆前期以辨。 參掌計度軍國之用,量買賦稅租之入以爲出。 歲終,則會諸路財用出入之數 凡軍須邊備,會

百

十六

職

Ξ

五:日度支,日發運,日支供,日賞賜,日知雜。乾道四年,置會稽都籍,度支掌之。裁減吏 額、置五十人。淳熙十三年,又減四人。 運,則計程而給其直。凡內外支供及奉給驛券,賞賜衣物錢帛,先期擬度,時而予之。 先檢詳供具。 奏于上,而以其副申尙書省。 分案六,置更五十有一。凡上供有額,封樁有數,科買有期,皆掌之。有所漕 凡小事則擬畫,大事諮其長貳;應申請更改舉行勘審者,則

賞罰。凡綱運濡滯及負折者,計程帳催理。凡造度、量、權、衡,則頒其法式。合同取索及 減吏額,共置六十人。 淳熙十三年,又減四人。 邦國之用。勾考平準、市舶、權易、商稅、香茶、鹽礬之數,以周知其登耗,視歲額增虧而爲之 奉給、時賜,審覆而供給之。 金部郎中 員外郎 分案六:日左藏,日右藏,日錢帛,日権易,日請給,日知雜。 參掌天下給納之泉幣(EL),計其歲之所輸,歸于受藏之府,以待

月復置。分案六:日倉場四三,日上供,日糶糴,日給納,日知雜,日開拆。建炎三年,罷司農 倉場帳籍供申愆期,則以法宪治。 分案六,置吏二十有四。 元祐元年四月,省郎官一員,十 度支,均定支移、折變之數。其在河北、陝西、河東路者,書其所支歲月,季一會之。 行,漕運上供封樁,以時催理;應供輸中都而有登耗,則比較以聞。 倉部郎中 員外郎 參掌國之倉庾儲積及其給受之事。凡諸路收糴折納, 歲以應用芻粟前期報 以時舉

服、冠帔、門戟,旌表孝行之法。 則集侍從官、祕書省長貳或百官,議定以聞。凡天下選士,具注於籍,三歲貢舉,與夫學校 詣閣門表賀,餘於歲終條奏。 試補三舍生。 其當否,上尚書省;册寶及封册命禮亦如之。凡禮樂制度有所損益,小事則同太常寺,大事 景靈宮,酌獻陵園,及行朝貢、慶賀、宴樂之禮,前期飭有司辦具,閱所定儀注,以舊章參考 以六律、六同合陰陽之聲爲樂律,金、石、絲、竹、匏、土、革、木爲樂器,宮架八佾,特架六佾, 分武文先後之序爲樂舞,其所歌爲樂章。若有事於南北郊、明堂,籍田、禘祫太廟,薦享 地祇曰祭, 宗廟曰饗。又有大祀、中祀、小祀之別。 禮部 掌后妃、親王以下推恩,公主下嫁(m),宗室冠、婚、喪、葬之制,及賜旌節、章 掌國之禮樂、祭祀、朝會、宴饗、學校、貢舉之政令。祭之名有三:天神曰祀, 若印記、圖書、表疏之事,皆掌焉。大祥瑞,則朝參官以上 幣玉、牲牢、器服,各從其等。 凡雅樂,

舊屬禮儀院,判院一人,以樞密院使、參知政事充;知院,以諸司三品以上充。 擇三司京朝百司胥史充。 禮部止設判部一人。掌科舉,補奏太廟郊社齋郎、室長、掌 主吏無

客,日膳部。設官十:尙書、侍郎各一人,郎中、員外郞四司各一人。 元祐初,省祠部郎官 主判官罷,事畢,以知舉官卑者一員主判。一一豐官制行,悉歸禮部。其屬三:日祠部,日主 發進士、諸科名籍及其家保狀、文卷,考驗戶籍、舉數、年齒而藏之。 坐回,都省集議,百官謝賀章表,諸州申祥瑞,出入內外牌印之事。 一員,以主客兼膳部。紹聖改元,主客、膳部互置郎官兼領。建炎以後並同。 兼領貢院,掌受諸州解 若朝廷遣官知舉,則

案五 凡關於禮樂者,皆掌之。建炎三年,詔鴻臚、光祿寺倂歸于禮部,太常、國子監亦隸焉。 求參酌,而定其儀節。三歲貢舉,學校試補諸生,皆總其政。旌節章服之頒,祥瑞表奏之進, 牲,鼎鑊視滌濯,薦腥則奉籩豆、簠簋,及飮福徹之,祼則奉瓚臨鬯。 會宴樂,宗室冠、婚、喪、祭,蕃使去來宴賜,與夫經筵、史館、賜書、修書之禮,例皆同奉常講 祀,后妃、親王、將相封册之命,皇子加封,公主降嫁,稽其彝章以詔上下而舉行之。 凡講議制度,損益儀物,則審覆有司所定之式,以次諮決,而質於尙書省。 尙書 :日禮樂,日貢舉,日宗正奉使帳,日封册表奏,日檢法。各隨其名而治其事。 掌禮樂、祭祀、朝會、宴享、學校、貢舉之政令,侍郞爲之貳,郞中、員外郎參領 凡天地、宗廟、 大祭祀則省 裁減吏 朝廷慶 陵園之 分

額,四十五人。

續又減四人。

朝日、夕月、蜡祭東西方亦如之。大朝會,則尙書奏藩國貢物。凡慶賀若謝,則郎中、員外 至望燎禮畢,乘輿還內,皆奏解嚴。分案十,置吏三十有五。南渡,諸曹長貳互置。 郎分撰表文。祠事,與太常少卿、祠部官迭爲終獻或亞獻。親郊,自景靈宮朝獻、太廟朝享 祇,與尙書迭爲亞獻。祭太社、太稷、神州地祇,則迭爲初獻。祀九宮貴神、五帝、感生帝、 年,禮部置侍郞二員。隆興元年,詔:「除尙書不常置外,禮部侍郞置一員。」 侍郎 奏中嚴外辦,同省牲及視饌腥熟之節;祼,受瓚奉槃。歲祀昊天上帝,祭皇地 紹興七

四司之事矣。 三年,倂省郞曹,禮部領主客,祠部領膳部。隆興元年,復詔禮部、祠部一員兼領,自是倂行 有所損益,則審訂以次諮決。凡慶會若謝,掌撰表文。與祠部、主客、膳部並列爲四。建炎 員外郎 通置東五十四人。 元豐,郎官、員外郎參領禮樂、祭祀、朝會、宴享、學校、貢舉之事。

端午、三伏、七夕、授衣、重九、四立、春秋分及每旬假各一日。 之日。每歲大祀、忌日,大忌前一日,皆不坐。元日、多至、寒食假各七日。天慶、先天、降 所定以上尚書省。 聖節各五日。誕聖節、正七月望、夏至、臘各三日。天祺、天貺節、人日、中和、二社、上巳、 祠部郎中 員外郎 凡宮觀、寺院道釋,籍其名額,應給度牒,若空名者毋越常數。 掌天下祀典、道釋、祠廟、醫藥之政令。月奏祠祭、國忌、休暇 若神祠封進 舒號, 則覆太常 初補醫

志 第

百

ナボ

職

官三

生,令有司試藝業,歲終校全失而賞罰之。分案五,置吏二十有一。

以曾未貢及例有無,應緣進奉人陳乞,授官加恩,令主客關報兵部。」從之。 享,崇義公承襲之事。分案四,置吏七。元酤六年七月,兵部言:「兵部格,掌蕃夷官授官;主客令,蕃國進 以式碩之。至則圖其衣冠,書其山川風俗。有封爵禮命,則承詔碩付。 奉人陳乞轉授官職者取裁。卽舊應除轉官者,報所屬看詳。舊來無例,創有陳乞,曹部職掌未一,久遠互失參驗,自今不 主客郎中 員外郎 掌以賓禮待四夷之朝貢。凡郊勞、授館、宴設、賜予,辨其等而 掌嵩、慶、懿陵祭

祭祀、朝會、宴享,則同光祿寺官視其善否,酒成則嘗而後進。季多命藏冰,春分啓之,以 待供賜。分案七,置吏九。 膳部郎中 員外郎 掌牲牢、酒醴、膳羞之事。凡所用物,前期計度,以關度支。若

黃麾半仗,紫宸殿受外國使朝,用黃麾角仗,文德殿發册,用黃麾細仗。 器械之政,天下地土之圖。凡儀衞,大朝會用黃麾大仗;文德殿視朝及册命王公大臣,用 駕、小駕,皆掌其數及行列先後之儀,爲圖以授有司。 凡武選之制,倣貢舉之法。 凡聯其什 兵部 掌兵衞、儀仗、鹵簿、武舉、民兵、廂軍、土軍、蕃軍,四夷官封承襲之事,輿馬、 鹵簿有大駕、法

庫部。舊判部事一人,以兩制充。掌三駕儀仗、鹵簿圖、春秋釋奠武成王廟及武舉,歲終以 郡屯營,三衙遷補,守戍軍吏轉補,文武官白直、宣借,皆掌之。 其屬三:曰職方,曰駕部,曰 籍其名數而頒其禁令。大將出征,奏捷則告于廟,破賊則露布以聞。凡招置廂、禁軍及州 老疾而裁其功力之半爲剩員。團結以禦戎爲洞丁,爲義軍、弩手;屬违分隸邊將爲蕃兵。 義軍、弓箭手戶數上于朝。國初,掌千牛備身,殿中省進馬籍。元豐設官十,尙書、侍郞各 伍 ,四司郎中、員外郎各一。元祐初,省駕部郎中一員,以職方無庫部。 |而教之以戰爲民兵(言), 材不中禁衞而足以執役爲廂軍,就其鄉井募以禦盜爲土軍,以 紹興改元,詔職方、

庫部互置郞官一員棄。

選募遷補,及武舉、校試之事,皆總之。侍郎爲之貳,郎中、員外郎參掌之。大禮,則尙書充 鹵簿使;大祀、奉魚牲及俎;視朝,則侍郎執班簿對立;小祀,則郎中、員外郎薦俎丼徹。 陳鹵簿,設仗衞,飭官吏整肅,蕃夷除授,奉行其制命。凡軍兵以名籍統隸者,閱習按試, 分案九, 分案十:曰賞功,曰民兵衞,曰廂兵,曰人從看詳,曰帳籍告身,曰武舉,曰蕃官,曰開拆,曰 尙書 置吏四十有七。凡蕃夷屬戶授官、封襲之事皆掌之。 掌兵衞、武選、車輦、甲械、廐牧之政令。以天下郡縣之圖而周知其地域。凡 建炎三年,倂衞尉寺隸焉。

第

百

+

職

官三

尉、進武校尉、守闕進武副尉並隸兵部,許於殿前司抽差下班祗應,文字人吏六名,赴部 知雜,日檢法。 乾道裁減吏額,共置三十人。續詔:「將下班祗應幷進義校尉、守闕進義副

侍郎 掌貳尙書之事。南渡,長貳互置,續置侍郞二員,紹興常置一員云。

外,則假以爲寵焉。 元年,詔駕部、兵部郎官共一員兼領,自是四司合爲一矣。厥後間或並置,若從軍或將命于 郎中 員外郎 參掌本部長貳之事。建炎三年,韶兵部兼職方,駕部兼庫部。

諸州,度田屋錢糧之數以給之。分案三,置吏五。舊判司事一人,以無職事朝官充,掌受 職方。轉運畫本路諸州圖,十年一上。紹熙三年,職方、駕部東額通入兵部、庫部,倂作四 閏年圖經。國初,令天下每閏年造圖納儀鸞司。 淳化四年,令再閏一造;咸平四年,令上 凡土地所產,風俗所尙,具古今興廢之因,州爲之籍,遇閨歲造圖以進。 職方郎中 員外郎 掌天下圖籍,以周知方域之廣袤,及郡邑、鎭砦道里之遠近。 四夷歸附,則分隸

之官赴闕,視其職治給馬如格。 駕部郞中 員外郎 掌興輦、車馬、驛置、廐牧之事。 官文書則量其遲速以附步馬急遞。總內外監牧,籍其租入 大禮,戒有司具五輅。 凡奉使

多寡、孳產登耗。 凡市馬於四夷者,盜歲額則賞之。分案六,置吏十有三。 建炎三年,倂太

僕寺隸焉。

則給以等差。 械,造作繕修,皆有法式。若御大慶、文德殿,應用鹵簿名數,前期以戒有司。 庫部郎中 總衞尉寺金吾仗司兵匠之數,考其功罪、歲月而以法升降之。分案四, 員外郎 掌鹵簿、儀仗、戎器、供帳之事,國之武庫隸焉。凡內外甲仗器 祭祀、喪葬, 置

之。審覆京都辟囚,在外已論決者,摘案檢察。 否;有辯訴,以情法與奪、赦宥、降放、敍雪。 彼至之之謂格,設於此而使彼效之之謂式。其一司一路海行所不該者,折而爲專法。若情 格、式定之。凡律之名十有二:日名例,日禁衞,日職制,日戶婚,日廐庫,日擅興,日盜賊, 可矜憫而法不中情者讞之,皆閱其案狀,傳例擬進。應詔獄及案劾命官,追命姦盜,以程督 日鬥訟,日祚僞,日雜律,日捕亡,日斷獄。禁於未然之謂令,施於已然之謂敕,設於此而使 刑部 掌刑法、獄訟、奏讞、赦宥、敍復之事。凡斷獄本於律,律所不該,以敕、令、 若命官牽復,則以養數定之。其屬三:日都 凡大理、開封、殿前馬步司獄, 糾正其當

官,日比部,日司門。設官十有三〇世:尚書一人,侍郎二人;郎中、員外郎,刑部各二人,都

官、比部、司門各一人。

覆司事 罷詳議、詳斷官親書節案,止令節略付更 (50),仍減議官一、 斷官二。 元豐二年,知院安燾 初入以三年爲任,次以三十月爲任,欲出者聽前任滿半年指闕注官,滿三任者堂除。」八年, 置淹恤,追覆其案,詳正而駮奏之。凡大辟,皆錄問。熙寧三年,詔:「詳議、詳斷、詳覆官曰己, 糾察刑獄司,糾察官二人,以兩制以上充。凡在京刑禁,徒以上卽時以報;若理有未盡或 刑,然後知院與詳議官定成文草,奏記上中書,中書以奏天子論決。 詳議官以京朝官充,掌詳讞大理所斷案牘而奏之。凡獄具上,先經大理,斷讞旣定,報審 言:「天下奏案,益多於往時。 一,刑部增詳斷官一。三年八月,詔:「省審刑院歸刑部。以知院官判刑部, 國初,以刑部覆大辟案。厚化二年,增置審刑院,知院事一人,以郎官以上至兩省充, 刑部主判官爲同判刑部,掌詳斷司事,審刑議官爲刑部詳議官。」官制行,悉罷歸 自熙寧八年滅議官、斷官,力旣不足,故事多疎謬。」增詳議官 大中祥符二年(云),置 掌詳議、

違慢,自罷歸刑部,無復申明糾舉之制,請以御史臺刑察兼領。其御史臺刑獄,令尚書省右 元祐元年,省比部郞官一員,以都官兼司門。 五月,三省言:「舊制,糾察在京刑獄以察

治左右曹,侍郎一治左曹,一治右曹,如獨員,即通治,餘並依官制格令。」 量爲一案(三)。紹聖元年,詔都官、司門互置郞官一員。 崇寧二年十二月,詔:「刑部尚書通 司糾察。」從之。刑部舊有詳覆案,自官制行,歸諸路提刑司,至是復置。 四年,併制勘、體

掌行在庫務、理欠帳籍;日進擬,掌進斷案刑名文書。裁減更額,置三十五人。 毁,掌斷罰追毁宣敕;日會問,掌批會過犯;日詳覆,掌諸路大辟帳狀;日捕盜;日帳籍, 掌命官敍復;日糾察,掌審問大辟;曰檢法,掌供檢條法;曰頒降,掌頒條法降赦;曰追 赦,則侍郎授赦書付有司宣讀,承旨釋囚。分案十二,置吏五十有二。紹興後,分案十三: 定奪、審覆、除雪、敍復、移放,則尚書專領之;制勘、體量、奏讞、糾察、錄問,則長貳治之; 日制勘,掌凡根勘諸路公事;日體量,掌凡體究之事;日定奪,掌訴雪除落過名;日舉敍, 正,詔其賞罰。 而鄓中、員外郞分掌其事。有司更定條法,則覆議其當否。凡聽訟獄或輕重失中,有能駮 尙書 掌天下刑獄之政令。凡麗于法者,審其輕重,平其枉直,而侍郞爲之貳。應 若頒赦宥,則糾官吏之稽違者;大祀,則尙書涖誓,薦憝則奉牲;大禮肆

察、錄問,長貳通治之。 侍郎 舊制,應定奪、審覆、除雪、敍復、移放,尚書專領之。 若制勘、體量、奏讞、糾 南渡、長貳互置。隆興常置一員。淳熙十六年,依崇寧專法,奏獄

志

百一十六

職

官三

及法令事,請大理寺官赴部共議之,用侍郎吳博古之說也。

不當于理者,孰爲追改?乞邍用舊制,要使官各有守,人各有見,參而用之,以稱欽恤之 言:「刑部郎官分爲左右,左以詳覆,右以敍雪,同僚異事,祖宗有深意。倘初無分異,則有 爲額,關掌職事,初無分異。紹興二十六年,詔依元豐舊法,分廳治事。先是右司汪應辰 意。」從之,仍令今後做此。 郎中 員外郎 各二人,分左右廳,掌詳覆、敍雪之事。 建炎三年,刑部郞官以二員

第,都官條雖特旨亦許執奏,乞申嚴其禁。」從之。分案四,置吏十有八。 次,日磨勘,日吏籍,日配隸,日知雜,各因其名而治其事。 裁減吏額,置十二人。 淳熙十三年, **兼司門。隆興元年,詔都官、比部共置一員。自此都官兼比部、司門之事。** 案,元祐中,罷之。因刑部有請,乃詔如舊。 額,及元豐押綱法,歸都官。 書其功過,展減磨勘歲月。一元祐八年,以綱運差使關歸吏部,省副尉員三百。紹聖間,復其 放及增損廢置之數。若定差副尉,舊為軍大將。則計其所歷,而以役之輕重均其勞逸,給印紙 都官郎中 員外郎 崇寧二年二月,復配隸案。先是,元豐中,都官有吏籍、 掌徒流、配隸。凡天下役人與在京百司吏職皆有籍,以攷其役 六月,侍郞劉賡奏:「副尉差遣有立定優重等 建炎三年,詔比部 `分案五:日差 配隸

覆。 年,釐正倉部,勾覆、理欠、憑由案及印發鈔引事歸比部。」政和六年,詔:「寺監先期檢舉,如 歲會,從所隸監司檢察以上比部,至則審覆其多寡登耗之數,有陷失,則理納。 五,置吏百有一。建炎以後,或以都官棄比部、司門之事。 庫務監官所造文帳委無未備, 三年一供,著爲令。」官制行,釐其事歸比部。元祐元年七月,用司馬光奏,悉總於戶部。三 文籍,以鈎考其給納登耗多寡。遂置提舉帳司,選人吏二百人,驅磨天下帳籍,幷選官吏審 考者已踰十有二萬,錢帛、芻粟積虧不可勝計。五年十一月,曾布奏,以四方財賦當有簿書 費,有隱昧,則會問同否而理其侵負。舊帳案隸三司,自治平中至熈寧初,凡四年帳未鈎 七年二月,詔帳司每歲具天下財用日出入數以聞。元豐初年,詔:「諸路財賦出入,自今 比部與中 員外郎 掌勾覆中外帳籍。凡場務、倉庫出納在官之物,皆月計、季考、 方許批書,違者御史臺奏劾。」用郎官梅執禮之請也。分案 鈎考百司經

民、虀道商販,譏察其冒僞違縱者。 司門郞中 員外郎 掌門關、津梁、道路之禁令,及其廢置移復之事。 凡諸門啓閉之節及關梁餘禁,以時舉行。 分案二,置 應官吏、 軍

官十。 官一員。紹聖元年,詔屯田、虞部互置郎官一員兼領。 歲計所用財物,關度支和市;其工料,則飭少府、將作監檢計其所用多寡之數。凡百工,其 舊制,判部事一人,以兩制以上充。一元豐並歸工部。其屬三:日屯田,日虞部,日水部。設 具模製進御請書。造度、量、權、衡則關金部。印記則關禮部。凡道路、津梁,以時修治。 役有程,而善否則有賞罰。兵匠有闕,則隨以緩急招募。籍坑冶歲入之數,若改用錢寶,先 尚書、侍郎各一人,工部、屯田、虞部、水部郎中員外郎各一人。 元祐元年,省水部郎 掌天下城郭、宮室、舟車、器械、符印、錢幣、山澤、苑囿、河渠之政。凡營繕,

曹事有功賞罪罰,則審實以上尙書省。大祭祀,則尙書薦俎與徹。若諸監鼓鑄錢寶,按年額 長貳提點,與官逐旬點檢。少府監旣歸工部,文思院上下界監官並從本部辟差。 **溫並歸工**帝。 械之制,則軍器所隸焉。有合支物料工價,則申于朝,以屬戶部。建炎併將作、少府、軍器 而課其數,因其登耗以詔賞罰。凡車輦、飭器、印記之造,則少府監、文思院隸焉。甲兵器 作、營繕、計置、採伐所用財物,按其程式以授有司,郞中、員外郞參掌之。應官吏、兵民緣本 是時,營繕未遑,惟戎器方急。紹興二年,詔於行在別置作院造器甲,令工部 掌百工水土之政令,稽其功緒以詔賞罰。總四司之事,侍郞爲之貳。若制 又詔御前

以御前軍器案爲名。裁減吏額,共置四十二人。 特提其綱要焉。分案六::日工作,日營造,日材料,日兵匠,日檢法,日知雜。 令戶、工部兼領其事,卒未能合。隆興以後,宮室、器甲之造寖稀,且各分職掌,部務益簡, 軍器所隸工部,自是營造稍廣。宰臣議:「戶部以給財爲務,工部以辦事爲能,誠非一體。」欲 又專立一案,

侍郎 掌貳尙書之事。南渡初,長貳互置,隆興詔各置一員。

此四司合爲一矣。淳熙九年,以趙公虞爲屯田員外郎,自是不復省。 建炎三年,詔:「工部郎官兼虞部,屯田郎官兼水部。」隆興元年,詔工部、屯田共一員兼領,自 郎中 員外郎 舊制,凡制作、營繕、計置、採伐材物,按程式以授有司,則參掌之。

給納之事。凡塘濼以時增減,堤堰以時修葺,幷有司修葺種植之事,以賞罰韶其長貳而行 屯田郎中 員外郎 掌屯田、營田、職田、學田、官莊之政令,及其租入、種刈、興修、

之。 分案三,置吏八。

鐵、鉛、錫、鹽、礬,皆計其所入登耗以詔賞罰。分案四,置吏七。 **虞部**郎中 員外郎 掌山澤、苑囿、場冶之事,辨其地產而爲之厲禁。凡金、銀、銅、

約束而計度其歲用之物。 水部郎中 員外郎 修治不如法者,罰之;規畫措置爲民利者,賞之。分案六,置吏 掌溝洫、津梁、舟楫、漕運之事。凡堤防決溢,疏導壅底, 以時

百 一 十

職

官三

十有三。紹興累減東額,四司通置三十三人。

紹熙元年,減省員額,如上制。 李綽爲之,改稱提舉,免隸工部。後以御史脹震力爭,復隸工部。後改隸步軍司,尋復舊。 人典領。工部侍郎黃中以爲言,請復隸屬。從之。孝宗卽位,有旨增置提點官,以內省都知 給、監門官各一員。掌鳩工聚材、製造戎器之政令。舊就軍器監置,別差提舉官,以內侍領 紹興中,改隸工部,罷提舉官,日輪工部郎官、軍器監官前去本所點驗監視;後復以中 軍器所隸工部。 提點官二員,紹興三十二年,韶於邊臣內差。 提轄、監造官各二員,幹辦、受

沿革附見権貨務、都茶場提轄官。 犀玉工巧及采繪、裝鈿之飾。 文思院隸工部。 提轄官一員,監官三員,內置一員,文臣京朝官充。 凡儀物、器仗、權量、輿服所以供上方、給百司者,於是出焉。 監門官一員。 掌金銀、

令六部踏逐奏差。 六部監門 序位、請給依寺、監丞,郎官有關得兼之。初從吏部尚書沈與求之請也。 六部監門官一員,掌司門鑰。紹興二年置。 選升朝文臣有才力人充,仍

管尙書某部架閣庫爲名,從大理寺丞周楙請也。嘉定八年,又置三省、樞密院架閣官。 宣和罷之,紹興十五年復置,吏、戶部各差一員,禮、兵部共差一員,刑、工部共差一員,以主 主管架閣庫 掌儲藏帳籍文案以備用。擇選人有時望者爲之。舊有管幹架闊庫官,

校勘記

- (二)侍郞一人 按下文和宋會要職官八之一、八之五,元豐改制前和改制後,侍郎都是二人。
- 3 開封府推官者 書卷一六六職官志「開封府」條:「其屬有判官、推官四人。」疑此處脫「判」字。 合璧事類後集卷二六作「開封府推、判官」,章如愚羣書考索後集卷七同,按本
- 3 (2) 楷書二人 賜勳有給 探會要職官一一之五五、選舉二三之一八都作「楷書三人」,疑志文「二」爲「三」字之 按合璧事類後集卷二七作「賜勵有級」、從文義言、當以作「級」字爲是
- (語)紹熙三年 「紹熙」原作「紹興」、據本書卷三九四謝深甫傳、通考卷五二職官考改。
- S 自是館學寺監臣 「臣」,通考卷五二職官考作「丞」,疑是。
- (4) 外內命婦之號十有四 按宋會要職官九之一七,內命婦之品五,與文全同,外命婦之號九, 自

志第

百

+

六

校

勘記

三八六五

與志文所列十四命婦之號正同,可知自大長公主以下,是外命婦之號,此處「內」字蓋涉上文 郡君者爲淑人、碩人、令人、恭人,縣君者室人、安人、孺人,俄又避太室之目,改室入曰宜人」。 「郡夫人」而下爲「郡君」、「縣君」。又據蔡絛鉄圍山叢談卷一,政和三年後「改郡、縣君號爲七等,

(六) 以其職事具注於曆 「具注」原作「其法」,據宋會要職官一〇之二〇、合璧事類後集卷二七改。

(元) 二事爲中 按宋會要職官一〇之二一作「三事爲中」,疑此處「二」爲「三」字之誤。

(10) 凡改服色者以年勞計之 「年勞」二字原倒,據合壁事類後集卷二七、通考卷五二職官考乙正。

(11) 餘給敕 「餘」原作「除」,據宋會要禮五八之六改。

(三) 天下樂錦褾犀軸 按「犀軸」二字疑衍,或爲「韜」字之誤。

= 滴粉縷金花翠毛獅子錦標韜玳瑁軸色帶 按下文有「滴粉縷金牡丹花玳瑁軸」等,疑此處「滴粉

縷金花」係「玳瑁軸」定語,應相屬爲文。

提舉三路保甲 府界,遂下其法河北、河東、陝西三路,旣而悉置提舉官如府界焉。」此處所云當指此三路保甲, 「甲」原作「中」。按本書卷一六七職官志「提舉保甲司」條,「元豐初,置于開封

「中」蓋「甲」字之訛、據改。

(IE) 蕃官使臣用大錦標背帶 按下文所記有「青帶」, 宋會要職官一一之六一、一一之六二也記有

「靑帶」,不見有「背帶」,疑此處「背」爲「靑」字之誤。

- 按本書職官志無「中正丞」,而有宗正寺,有丞,此處「中正」當爲「宗正」之誤。
- CE 提舉學士 按本書卷一六七職官志有提舉學事司,此處「學士」當是「學事」之誤。
- 御前忠佐馬步軍都副都軍頭 七七,端拱二年「改軍頭司為御前忠佐軍頭司」,據刪。 「御」下原衍「史」字。按下文作「御前忠佐」,宋會要職官三六之
- 云 五年 書紀元。 據本書卷二八高宗紀、繁年要錄卷八六,以孟庾提領措置財用,事在紹興五年。 此處失
- E 祖額 原作「租額」,據宋會要食貨五六之四一、通考卷五二職官考改。
- GID參掌天下給納之泉幣 合壁事類後集卷二八、羣書考索後集卷八均作「參掌給納天下之泉幣」,
- 二 倉場 「倉」原作「會」,據上文及合璧事類後集卷二八、羣書考索後集卷八改。
- GIIII 公主下嫁 二九作「公主下嫁」,均無「以」字。「以」字符,據刪。 原作「公主以下嫁」。按下文作「公主降嫁」,宋會要職官一三之二、合璧事類後集卷
- 哥 補奏太廟郊社齋郎室長掌坐 「長掌」,二字原倒,據宋會要職官一三之一、二二之二〇乙正。
- 凡聯其什伍而敎之以戰爲民兵 「凡」原作「先」,據宋會要職官一四之二、合璧事類後集卷

量

志

第

百

十六

校

勘記

三八六七

三〇改。

믕 紹興常置一員 「紹興」,通考卷五二職官考作「隆興」。按宋會要職官一四之八,隆興元年「詔六

部長貳除尚書不常置外,置兵部侍郎一員」。此處「紹興」疑爲「隆興」之誤。

GET 設官十有三 「三」原作「一」。按下文所列人數,設官應是十三人,宋會要職官十五之六正作「凡

官十有三」。「一」字誤,據改。

爱 云 大中祥符二年 「二年」原作「三年」,據本書卷七真宗紀、宋·會要職官一五之五、長編卷七二改。 詳議詳斷詳覆官 「詳斷」原作「評斷」,據下文和宋會要職官一五之七改。

略付吏 「令」原作「合」,據宋會要職官一五之八、長編卷二六七改。

併制勘體量爲一案 「體」字原脫,據下文和宋會要職官一五之一三、一五之一四,長編卷四三

宋史卷一百六十四

志第一百一十七

職官四

光祿寺 御史臺 衛尉寺 祕書省 太僕寺 殿中省 太常寺 宗正寺 大宗正司附

則率其屬正百官之班序。咸平四年,以御史二人充左右巡使,分糾不如法者。文官,右巡 院、侍御史隸焉;二曰殿院、殿中侍御史隸焉;三曰察院、監察御史隸焉。凡祭祀、朝會、 使,掌受誓戒致齋,檢視糾劾。又有廊下使,專掌入閣監食;又有監香使,掌國忌行香,二 主之,武官,左巡主之;分其職掌,糾其違失,常參班簿、祿料、假告皆主之。祭祀則兼監祭 御史臺 掌糾察官邪,肅正綱紀。大事則廷辨,小事則奏彈。其屬有三院:一日臺

三八六九

志

第一

百

+

+

職官四

使臨時充。通稱日五使。|元豐正官名,於是使名悉罷。

御史大夫 宋初不除正員,止爲加官。 檢校官帶憲銜,有至檢校御史大夫者。

官制行,亦並除去。

之任,赴舍人院行詞,疑若未安。」會官制行,罷知制誥職,乃以本官試中丞。南渡初除官最 府,於是復遷右諫議大夫權。元豐五年,以承議郞徐禧爲知制誥權中丞。禧言:「中丞糾彈 御史中丞不遷諫議大夫自綰始。九年,鄧潤甫自正言知制誥爲中丞,以宰相屬官不可長憲 呂正獻,亦止命時赴講筵。 多,隆興後被擢寖少。 五年,以知雜御史鄧綰爲中丞,初除諫議大夫,王安石言礙近制,止以綰爲龍圖閣待制權, 中丞 一人,爲臺長,舊兼理檢使。凡除中丞而官未至者,皆除右諫議大夫權。熙寧 淳熙十年,始除黃洽,又三年再除蔣繼周。臺諫例不兼講讀,神宗命 中興兼者三人,万俟离、羅汝檝皆以秦檜意。 慶元後,司諫以上

侍御史 一人,掌貳臺政。

無不預經筵者矣。

殿中侍御史 二人,掌以儀法糾百官之失。 凡大朝會及朔望、六參,則東西對立,彈

其失儀者。

陟。百官應赴臺參謝辭者,以拜跪、書札體驗其老疾。凡事經郡縣、監司、省曹不能直者, 旨,爲太子中允權監察御史裏行至,由選人爲御史自定始。於是知制誥宋敏求、 年詔:「御史闕,委中丞奏舉,母拘官職高下兼權。」三年,孫覺薦秀州軍事推官李定,對稱 直牒閣門,上殿論奏。官卑而入殿中監察御史者,謂之「裏行」。治平四年,中丞王陶言: 李大臨以定資淺,封還詞頭,不草制,相繼罷去。 「奉詔舉臺官,而才行可舉者多以資淺不應格。」乃詔舉三任以上知縣爲裏行口。 | 祠祭。歲詣三省、樞密院以下輪治。凡六察之事,稽其多寡當否,歲終條具殿最,以詔黜 監察御史 六人,掌分察六曹及百司之事,糾其謬誤,大事則奏劾,小事則舉正。迭 熙寧二 蘇頌、

事已彈舉而稽違踰月者,遇赦不得原減。」元符二年詔吏部:「守令課績最優者關臺考察,不 上殿。又令六曹差除更改事,畫黃到,即報臺。又改六察旬奏爲季奏。四年,詔:「應臺祭 元豐八年,裁減祭官兩員,餘許盡兼言事。紹墨二年復置。元祐元年,詔臺諫官許二人同

付。」從之。 參謝辭。七年,中丞王安石 [三] 奏:「以本臺覺察彈奏事刊爲一書,殿中侍御史以上錄本給 循法守,有罪當劾,皆得糾正。」政和六年,詔在京職事官與外任按察官,雖未升朝,並赴臺 實者重行黜責。」崇寧二年,都省申明:「臺官職在繩愆糾謬,自宰臣至百官,三省至百司,不

法。又詔宰執不得薦舉臺諫官。舊臺冷, 御史上下半年分詣三省、樞密院點檢諸房文字, 著于甲令,崇寧大臣欲其便已,遂更成憲。乞令本臺增入監察御史言事之文。」詔依祖宗 其舊。是年十一月,殿中侍御史常同言:「元豐始置六祭,上自諸部、寺監,下至廩庫、場務, 輪詣尙書六曹按察;奉行稽違,付受差失,咸得彈糾。渡江後,稍闊不舉。紹興三年,始復 高宗時嘗置六員,孝宗時置三員,今分按之任止二人,乞增置一員。」自後常置三員。 無不分隸,以詔廢置。而乃有寅緣申請,乞不隸臺察者,恐非法意,宜遵舊制。」從之。乾道 二年詔:「自今非曾經兩任縣令,不得除監察御史。」慶元二年,侍御史黃黼言:「監察御史 靖康元年,監察御史胡舜陟言:「監察御史自唐至本朝,皆論政事、擊官邪,元豐、紹聖

治獄事。凡推直有四:日臺一推,日臺二推,日殿一推,日殿二推。咸平中,置推勘官十 檢法一人,掌檢詳法律。 主簿一人,掌受事發辰,勾稽簿書。宋初置推直官二人,專

人,正副引贊官二人,入品知班三人,知班五人,書令史四人,驅使官四人,法司二人,六祭 嘉定元年,劉榘除檢法官,范之柔除主簿,以後二職皆闕。乾道倂省吏額,前司主管班次二 奏辟。紹熙中,侍御史林大中以論事不合去,所奏辟檢法官李謙、主簿彭龜年亦乞同罷。 書吏九人,貼司五人,通引官三人。 員。元豐官制行,定員分職,裏行、推直等官悉罷。紹興初,詔檢法、主簿特令殿中侍御史

令史二人,知班、驅使官、書吏各一人,中興以後不置。 三京留司御史臺 管勾臺事各一人,舊日判臺。以朝官以上充。 掌拜表行香,糾舉違

監爲之貳,而丞參領之。其屬有五:著作郎一人,著作佐郎二人,掌修纂日曆;祕書郎二 則給酒食費,尚書、學士、侍郎、待制、兩省諫官、御史並赴。 人,掌集賢院、史館、昭文館、祕閣圖籍,以甲、乙、丙、丁爲部,各分其類;校書郞四人,正字 二人,掌校響典籍,判正訛謬,各以其職隸於長貳。惟日曆非編修官不預。歲於仲夏曝書, 秘書省 監 少監 丞各一人,監掌古今經籍圖書、國史實錄、天文曆數之事,少 遇庚伏,則前期遣中使諭旨,聽

以早歸。大典禮,則長貳預集議。 所以待遇儒臣,非他司比。 宴設錫予,率循故事。

官、掌舍各一人。又有監書庫內侍一人,兼監祕閣圖籍孔目官一人。 勘自京朝、幕職至選人皆得備選。以內侍二人爲勾當官,通掌三館圖籍事,孔目官、表奏 年,創外院於右掖門外。」天禧初,令以三館爲額,置檢討、校勘等員。檢討以京朝官充,校 賜名崇文院,遷西館書貯焉。東廊爲集賢書庫四,西廊分四部,爲史館書庫。 宋初,置三館長慶門北,謂之西館。 太平興國初,於昇龍門東北,創立三館書院。三年, 大中祥符八

避。」於是宰相琦、公亮,參知政事脩、緊各薦五人,未及試,神宗登極,先召十人試以詩賦,而開封府界提點陳汝義別以奏 之。淳化元年,詔次三館置直閣、以朝官充。校理,以京朝官充。以諸司三品、兩省五品以上官 可者,豈乏材耶?」歐陽脩曰:「今取材路狹,館閣止用選人編校書籍,故進用稍遲。」上曰:「卿等各舉數人,雖親戚世家勿 職事官貼職悉罷,以崇文院爲祕書省官屬,始立爲定員,分案四,置吏八。崇文院,太平興國三 一人判閣事。直閣、校理通掌閣事,掌繕寫祕閣所藏。 祕閣 端拱元年,建祕閣於院中。昭文館、史館、集賢院皆沿唐制立名,但有書庫寓於崇文院廡下。三館、祕閣、崇文院 又有集賢殿修撰、直龍圖閣、校勘,通謂之館職。初,英宗謂輔臣曰:「館閣所以育屬材,比選數人出使,無 係端拱元年至就崇文院中堂建閣,以三館書籍眞本丼內出古畫墨迹等藏 供御人、裝裁匠十二人。元豐五年,

年,置崇文校書,始除河南府永安主簿邢恕。乃詔自今應選舉可用人並除校書,候二年取皆除館職官。五年,以隸祕書省。 對稱旨預試〔六〕。 於是御史吳申言:「試館職者請策以經史及世務, 毋用辭賦。」 遂韶:「自今試館職專用策論。」 熙寧二

满除館職法。

元符二年,詔職事官罷帶館職,悉復元豐官制。

崇寧五年,詔館閣並除進士 作鄓以四員爲額 (10),校書郞二員,正字四員。 類集所訪遺書,名曰祕書總目。 甚非稱太平右文之盛,宜重行修展。」八月,詔祕書省移於新左藏庫,以其地爲堂。 出身人。 禮部,本省長貳定校讐之課,月終具奏。入伏午時減半,過渡伏依舊,從蘇軾之請。又罷本省官任 初,罷校對,以編修日曆選本省〔八〕,易集賢院學士爲殿修撰,直院爲直祕閣,集賢校理爲祕書校理〔九〕。十二月,詔 正字升殿侍立。九月,復試賢良于閣下。五年,置集賢院學士幷校對黃本書籍官員。紹聖 立試中人館職法, 元祐初,復置直集賢院、校理。 著作郞比直集賢院〔七〕、直祕閣。 政和五年四月,詔祕書省殿以右文爲名,改集賢殿修撰爲右文殿修撰。 選人除正字, 宣和二年,立定祕書省員額:監、少監、丞並依元豐舊制,著 京官除校書郎。 丞及三年除祕閣校理。三年二月,詔御試唱名日, 自校理而上,職有六等,內外官並許帶, 校書郎供職二年,除集賢校理。 秘書郎、 恩數 秘書丞至 仍舊。 著作佐郎比 是月,駕 七年,詔 叉

渡江後,制作未遑。 第 百 _ + -6 紹興元年,始詔置祕書省,權以祕監或少監一員,丞、著作郞佐各 職 官 四 三八七五

書,仍鑄印以賜。置編定書籍官二人,以校書郎、正字充。 書會。是多,新省成,少監游操援政和故事,乞置提舉官,遂以授禮部侍郎秦熺,令掌求遺 闕文,補綴漏逸,四庫書略備。即祕書省復建史館,以修神宗、哲宗實錄,選本省官兼檢討、 局惟修日曆,遇修國史則開國史院,遇修實錄則開實錄院,以正名實。十三年,詔復每歲曝 校勘,以侍從官充修撰。五年,傚唐人十八學士之制,監、少、丞外,置著作郞佐、祕書郞各 二人,校書郞、正字通十二人。又移史館於省之側,別爲一所,以增重其事。九年,詔著作 員,校書、正字各二員爲額。續又參酌舊制,校書郎、正字召試學士院而後命之。自是採求

行。中興分案四:日經籍,日祝版,日知雜,日太史。 吏額:都、副孔目官二人, 四庫書直官 右文,在院三五年,如有勞績,就遷次對,庶幾有專官之効,無冷局之嫌。」時論韙之,然不果 上言:「請以古文、祕閣修撰丼舊館閣校勘三等爲史官。自校勘供職,稍遷祕閣修撰,又遷 試二員,謹加審擇,取學問議論平正之人。自是,監、少、丞外,多止除二員。是時,陳傅良 置,皆前所未有。除少監、丞外,以七員爲額,尋復詔不立額。紹熙二年,館職闞人,上令召 二人,表奏官、書庫官各一人,守當官二人,正名楷書五人,守闞一人,正貼司及守闞各六 人,監門官一人以武臣充,專知官一人。 孝宗卽位,詔館職儲養人才,不可定員。乾道九年,正字止六員;淳熙二年,監、少並

日曆所 隸祕書省,以著作郎、著作佐郎掌之。以宰執時政記、左右史起居注所書會

集修撰,爲一代之典。舊於門下省置編修院,專掌國史、實錄,修纂日曆。元豐元年詔:「宣徽院

等供報修注事,自今更不供起居院,直供編修院日曆所。」四年十一月,廢編修院歸史館。官

洩,如舊編修院法焉。八年,詔吏部郞中曾肇、禮部郞中林希兼著作。職事官兼職自此始。 制行,屬祕書省國史案。 六年,詔祕書省長貳毋得預著作修纂日曆事,進書卽繫銜,以防漏

省國史案,以著作郎、佐修纂,舊史館官罷歸元官。尋復詔以國史日曆所爲名,續倂修神宗、 從官修撰。十一月,詔以修國史日曆所爲名。四年,詔以史館爲名。十年,詔依舊制倂歸祕書 法。紹興元年,初修皇帝日曆,詔以修日曆所爲名,本省長貳通行修纂。三年,詔宰臣提舉,侍 豐國史案,除著作郞官專管修纂日曆之事無定員外,其分案編修日曆書庫官吏,並依元豐 哲宗寶訓。隆興元年,詔編類聖政所併歸日曆所,依舊宰臣提領,仍令日曆所吏充行遣。 祕書省。紹聖二年,詔日曆還祕書省。宣和二年,詔罷在京修書諸局,惟祕書省日曆所係元 元祐五年,移國史案置局,專掌國史、實錄,編修日曆,以國史院爲名,隸門下省,更不隸

百 一 十 七 以省官通任其事。 職 紹興九年,詔祕書省官讐校國朝會要,逐官添給茶湯

·<u>叶興會要爲名。」並從之。其後接續修纂,並隸祕書省。</u> 道山堂聚呈文字,提舉諸司官、承受官、主管諸司官,並令國史日曆所官兼。 再加删定, 乾道 四 以續修國朝會要爲名。九年, 年,詔尚書右僕射陳俊卿兼提舉編修國朝會要,每遇提舉官開院 祕書少監陳騤言:「編類建炎以後會要成書, 過局, 五年, 就本省 令本省 U

同修國史共二員,編修官二員,又置都大提舉諸司官、承受官、諸司官各一員,以內侍省官 國史院,以宰臣監修,侍從官兼同修,餘官充編修。明年,詔國史院以宰臣提舉,置修國史、 明年,以未修正史,詔罷史館官吏倂歸實錄院。二十八年,實錄書成,詔修三朝正史,復置 徽宗實錄,詔以實錄院爲名,仍以宰臣提舉,以從官充修撰、同修撰,餘官充檢討,無定員。 官。 同修撰 修撰官二員,校勘官無定員。是時,國史、實錄皆寓史館, 呂頤浩提舉國史,右僕射朱勝非監修國史。 隆興元年,以編類聖政所倂歸國史院,命起居郞胡銓同修國史。二年, 國 史實錄院 初, 實錄院修撰、同修撰 紹興三年,韶置國史院,重修神宗、 提舉國史 監修國史 直史館 編修官 提舉實錄院 四年,置直史館及檢討、校勘各一員。 哲宗實錄,以從官充修撰,續以左僕射 檢討官 修國史 未有置此廢彼之分。 校勘、檢閱、 同修國史 參政錢端禮 校正、編校 史館修撰、 九年,修 五年,置

開實錄院修高宗實錄。慶元元年,開實錄院修纂孝宗實錄。六年,詔實錄院同修撰以四 興實錄院並置矣。實錄院更兼行國史院事,點檢文字一人,書庫官八人,楷書四人。 員、檢討官以六員爲額。嘉泰元年,開實錄院修纂光宗實錄。二年,復開國史院,自是國史 國史、權實錄院同修撰。 權監修國史;乾道元年,參政虞允文權提舉國史:皆前所未有。二年, 提舉四朝國史,詔增置編修官二員,續又增置三員。淳熙三年,特命李燾以祕書監權同修 欽宗實錄,其修撰、檢討官以史院官兼領。 四年,罷實錄院,專置史院。十五年,四朝國史成書,詔罷史院,復 四年,實錄告成,詔修欽宗正史。 韶置實錄院, 以右僕射蔣芾

聞。 文德殿鐘鼓樓刻漏進牌之事。 **壺正無遷法。其別局有天文院、** 選五官正以上業優考深者充。保章正五年、直長至令十年一遷,惟靈臺郎試中乃遷,而挈 春官、夏官、中官、秋官、多官正,有丞,有直長,有靈臺郎,有保章正 111。 郎輪季點檢。 歲頒曆于天下,則預造進呈。祭祀、冠昏及大典禮,則選所用日。 太史局 掌測驗天文,考定曆法。凡日月、星辰、風雲、氣候、祥眚之事,日具所占以 印曆所,掌雕印曆書。南渡後,並同隸祕書省,長、貳、丞、 測驗渾儀刻漏所,掌渾儀臺畫夜測驗辰象。 其官有令,有正,有 其判局及同判,則 鐘鼓院,掌

志第一百一十七 戰官四

常先、力牧至周王朴以上從祀,凡七十人。四年,以算學生倂入太史局。 附於國子監。十一月,從薛昂請,復置算學。大觀三年,太常寺考究,以黃帝爲先師,自 次爲學論。 竊慮徒有煩費,乞罷修建。」崇寧三年,遂將元豐算學條制修成敕令。 算學 元祐元年初,議者謂:「本監雖準朝旨造算學, 元未興工, 其試選學官亦未有應 元豐七年,詔四選命官通算學者,許于吏部就試,其合格者,上等除博士,中 宣和二年,詔並罷 五年,罷算學,令

所掌唯郊祀、元日、多至天子御殿,及禘祫后廟、神主赴太廟,供具繖扇;而殿中監視祕書 省事一人,以無職事朝官充。雖有六尙局,名別而事存口,凡官隨局而移,不領於本省。 工,倘衣有衣徒,倘舍有幕士,倘輦有正供等,皆分隸其局。又置提舉六尙局及管幹官一員。舊殿中省判 輦,掌興 輦之事。 大尙各有典御二人,奉御六人或四人,監門二人或一人。 又尙食有膳工,尙藥有醫師,尙醞有酒 之事;日尙醞,掌酒醴之事;日尙衣,掌衣服冠冕之事;日尙舍,掌次舍幄帟之事 次之政令,少監爲之貳,丞參領之。凡總六局:日尙食,掌膳差之事; 日尙藥,掌和劑診候 殿中省 監 少監 丞印各一人,監掌供奉天子玉食、醫藥、服御、幄帝、興輦、舍 日尚

卷,仍冠以「崇寧」爲名。政和元年,殿中省高伸上編定六尚供奉式。 是歲崇寧二年也。三年日,蔡京上修成殿中省六份局供奉庫務敕令格式丼看詳凡六十 嚴奉至尊。於是徽宗乃出先朝所度殿中省圖,命三省行之,而其法皆左正言姚祐所裁定, 令專達焉。初,權太府卿|林顏因按內藏庫,見乘輿服御雜貯百物中,乃乞復殿中省六尙,以 監,爲寄祿官而已。元豐中,神宗欲復建此官,而度禁中未有其地,但詔御輦院不隸省寺, 並依祖宗法。又詔三六尙局旣罷,格內歲貢品物萬數,尙爲民害, 非祖宗舊制, **靖康元年**,詔六尙局 其並除

人,藥童十一人,匠七人。 崇寧二年,併入殿中省。 如當轉出而特留者,俟其出,計所留歲月優遷之,更不許累計所遷資序。 非勾當御藥院而留者,其出更不推恩。 奉禁中之用。 御薬院 舊制,勾當御藥院遷官至遙領團練、防禦者謂之暗轉,干冒恩澤,浸不可止。 勾當官無常員,以入內內侍充。掌按驗祕方、以時劑和藥品,以進御及供 嘉祐五年,詔御藥院內臣

駕頭服御繖扇之名物。 尙衣庫使 志 第 百 副使 + 七 凡御殿、大禮前一日,請乘輿袞冕、鎭圭、袍服於禁中以待進御,事 職 舊日內衣庫台馬,大中祥符二年改。監官二人,以內侍、三班充,掌 官 四

已復還內庫。典一人,匠四人,掌庫十人。

時服,丼給宰臣、親王、皇親、使相生日器幣,兩府臣僚、百官、皇親轉官中謝、朝辭特賜,及 大中祥符元年併入。監官二人,以京朝官并內侍充,舊三人,以諸司使、副及三班、內侍充。掌受納錦綺、 綾羅、色帛、銀器、腰束帶料。造年支,準備衣服,以待預賜諸王、宗室、文武近臣、禁軍將校 大遼諸外國人使辭見銀器、射弓、衣帶。典八人,掌庫三十一人。 內衣物庫 在文德殿後,太平興國二年,置受納匹段庫,受納綾、錦,西川口心鹿胎、綾、 羅、絹、匹段。

充。 典十人, 掌庫五十五人。 物,以備給賜及邦國儀注之用,丼受納衣服以賜諸司丁匠、諸軍。監門二人,以三班使臣 新衣庫 在太平坊。監官二人,以諸司使副、三班及內侍充。 掌受錦綺、雜帛、衣服之

崇寧二年倂入殿中省。 人,以諸司使、副及三班、內侍充,掌百官朝服、諸司儀仗之名物。典三人,掌庫三十人。已上, 朝服、法物庫 太平興國二年置,後分三庫、一在天安殿後,一在右掖門內北廊,一在正陽門外。 舊有裁造院、針綫院、雜賣場,後省併之。 監官二

太常寺 卿 少卿 丞各一人 博士四人 主簿、協律郎、奉禮郎、 太祝各一人。

體、薦獻、器服各辨其等;掌樂律、樂舞、樂章以定宮架、特架之制,祭祀享則分樂而序之。 吹、警場,率前期按閱卽習。餘祀及朝會、宴享、上壽、封册之儀物亦如之。 法式辨具以授祠官。凡祠事,差官、卜日、齋戒皆檢舉以聞。初獻用執政官,則卿爲終獻; 凡親祠及四孟月朝獻景靈宮、郊祀告享太廟,掌贊相禮儀升降之節。 禮,日軍禮,日嘉禮, 卿掌禮樂、郊廟、社稷、壇壝、陵寢之事,少卿爲之貳,丞參領之。禮之名有五:日吉禮,日賓 益,及祀典、神祇、爵號與封襲、繼嗣之事當考定者,擬上於禮部。 用卿,則少卿爲亞獻,博士爲終獻;闞則以次互攝。郊祀已,頒御札則撰儀以進。 日凶禮。 皆掌其制度儀式。 祭祀有大祠,有小祠。 凡太醫之政令, 歲時朝拜陵寢,則視 其犧牲、幣玉、酒 若禮樂有所損 。宮架、鼓 以時

院,雖隸本寺,其實專達。 長貳,他寺監則互置。 判寺,始並 土銓次成籍,以備討論。 宋初,舊置判寺無常員,以兩制以上充,丞一人,以禮官久次官高者充。 令本寺因革禮五年一檢舉,接續編修。 兼禮院事。 元豐正名,始專其職。 紹聖中,復舊制。大觀元年,應太常寺所被旨及施行典禮事,季輪博 政和四年令,祠事監察御史闕,則以六曹郎官及館職攝充。 有判院、同知院四人,寺與禮院事不相兼。 分案五,置吏十有一。元祐三年,韶太常寺置 建炎初,倂省冗職,惟太常、大理不能。 康定元年,置判寺、同 別置太常禮 宣和

志第

百

<u>-</u>

t

職官

四

之意。」詔添博士一員。十年,置簿一員。十五年,詔太常討論置籍田令,續置太社令。隆興 太常少卿一員兼宗正少卿,罷丞、簿,惟置博士一員。紹興三年,復置丞。 元年,倂省博士一員、主簿一員,又以光祿寺倂歸太常,罷丞。明年,詔丞、簿並依舊制。 「元豐正名,太常主議論者博士四人,乞參稽舊典,添置博士,以稱朝廷蒐補闕軼、緝熙爾文 九年, 臣僚言:

醫,掌臣僚陳乞醫人,補充太醫助敎等。曰掌法,曰知雜,並掌本寺條制雜務。裁減吏額, 教習樂舞、鼓吹、警場。日法物,掌給納朝、祭服。 子一人。 胥吏一人,胥佐四人,貼司一人,書表司一人,**祠祭局供官十二人,祭器司供官十人,樂正三** 贊引使二人,正禮直官二人,副禮直官二人,正名贊者七人,守闕贊者七人,私名贊者七人, 人,鼓吹令一人,本寺天樂祭器庫專知官一人、庫子二人,圓壇大樂禮器庫專知官一人、庫 **祠祀差行事官幷酒齊、幣帛、蠟燭、禮料。 日壇廟,掌行室壇、廟域、陵寢。 日大樂,掌大樂** 分案九:日禮儀,掌討論大慶典禮、神祠道釋、襲封定諡、檢舉忌辰。 日祠祭,掌大中小 日廩犧,掌歲中祠祭牲牢羊豕滌室。日太

有祠事,則監視儀物,掌凡贊導之事。 博士,掌講定五禮儀式,有改革則據經審議。凡於法應諡者,考其行狀,撰定諡文。 主簿,掌稽考簿書。 協律郎,掌律、呂以和陰陽之

掌帝籍耕耨出納之事,植五穀蔬果,藏冰以待用。 聲,正宮架、特架樂舞之位。大祭祀享宴用樂,則執麾以詔作止之節,舉麾、鼓柷而樂作; 壇壝,掌凡掃除之事,祭祀則省牲。 太祝,掌讀册辭,授摶黍以嘏告,飮福則進爵,酌酒受其虛爵。 郊社令,掌巡視四郊及社稷 偃麾、戞敔而樂止。凡樂,掌其序事。 太廟令,掌宗廟薦新七祀及功臣從享之禮。 奉禮郎,掌奉幣帛授初獻官,大禮則設親祠板位。 宮聞令,率其屬以汛洒廟庭,凡修治潔 籍田令,

什物庫 提點管幹郊廟祭器所 太廟什物庫 掌藏其器服,以待祭祀、朝會之用。 南郊太廟祭器庫 提點朝服法物庫所 凡冠服,視其等而頒於執事 朝服法物庫 南郊

諸陵祠墳所 教坊及鈴轄教坊所 掌先世后妃之墳園而以時獻享。 掌宴樂閱習,以待宴享之用,考其藝而進退之。

局,熙寧九年置, 科置教授一, 選翰林醫官以下與上等學生及在外良醫爲之。學生常以春試,取合格者三百人爲額。 以知制誥熊本提舉,大理寺丞單驤管幹。 有丞,有敎授,有九科醫生額三百人。 後韶勿隸太常寺,置提舉一、判局二,判局選知醫事者爲之。 歲終則會其全失而定其賞罰。 太學、律學、 武學

志 第

行。紹熙二年,復置太醫局,局生以百員爲額,餘並依未罷局前體例,仍隸太常寺。 受,而禁邀求者。又官制行,隸太常禮部,自政和以後,隸醫學,群見選舉志。孝宗隆興元年,省倂醫官而罷局 生。續以虞允文請,依舊存留醫學科,逐舉附試省試別試所口己,更不置局,權令太常寺掌 中等十千,毋過三十人;下等五千,毋過五十人。失多者罰黜之。受兵校錢物者,論如監臨強乞取法。三學生願預者聽 生口艺、諸營將士疾病,輪往治之。 各給印紙, 書其狀, 歲終稽其功緒, 爲三等第補之: 上等月給錢十五千, 毋過二十人;

繁厚,省樂令一員、監官二員,吏祿並視太常格。宣和二年,詔以大晟府近歲添置冗濫徼幸, 之,禮、樂始分爲二。五年二月,因省冗員,倂之禮官;九月,復舊。大觀四年,以官徒廩給 法物,日知雜,日掌法。國朝禮、樂掌于奉常。崇寧初,置局議大樂;樂成,置府建官以司 府門及大樂法物庫,以侍從及內省近侍官提舉。所典六案:日大樂,日鼓吹,日宴樂日也,日 有按協聲律、製撰文字、運譜等官,以京朝官、選人或白衣士人通樂律者爲之。又以武臣監 並罷,不復再置。 大晟府 以大司樂爲長,典樂爲貳。次曰大樂令,秩比丞。亦曰主簿、協律郎。又 胥史一人,胥佐二人,楷書二人,貼書二人。

以宗學改隸宗正寺,自此寺官又預校試之事。 人。五年,復置丞;十年,置主簿;隆興元年倂省。 兵部侍郎趙安易 (10) 兼卿,判寺趙世長改爲知寺事。九年,始定丞、郎以上兼卿,給、舍以下兼少卿,郎中以下兼丞,京 簿一員,以京官充。舊自丞、簿以上,皆宗姓爲之,通署寺事。初置卿、少,率命常參官判寺事。 大中祥符八年,以 姓兩制以上充,闕則以宗姓朝官以上知丞事。掌奉諸廟諸陵薦享之事,司皇族之籍。主 生死。凡錄以一歲,圖以三歲,牒、譜、籍以十歲修纂以進。除初,舊置判寺事二人,以宗 定世次枝分派別而系以本宗。日僊源類譜,序男女宗婦族姓婚姻及官虧遷敍而著其功罪、 疏遠近。日宗藩慶系錄,辨譜系之所自出,序其子孫而列其名位品秩。 歷數,凡政令賞罰、封域戶口、豐凶祥瑞之事載焉。曰屬籍,序同姓之親而第其服紀之戚 卿爲之貳,丞參領之。凡修纂牒、譜、圖、籍,其別有五:日玉牒,以編年之體敍帝系而記其 大宗正司以統皇族也。 官兼主簿(三)。其卿闕,則丞以下行寺事而無知、判之名。 宗正寺 卿 少卿 渡江後,卿不常置,少卿一人,以太常兼。 丞 主簿各一人。卿掌敍宗派屬籍,以別昭穆而定其親疏,少 元豐官制行,詔宗正長貳不專用國姓,蓋自有 分案二:日屬籍,日知雜。 次年,韶丞、簿復舊制。 紹興三年,復置少卿一 日僊源積慶圖,考 吏額, 胥長一人, 嘉定九年,詔

書于籍,季終類奏。歲錄存亡之數報宗正寺。凡宗室服屬遠近之數及其賞罰規式,皆總 訟而糾正其愆違,有罪則先劾以聞;法例不能決者,同上殿取裁。若宮邸官因事出入,日 以上有德望者充;丞二人,以文臣京朝官以上充。掌糾合族屬而訓之以德行、道藝,受其詞 度觀察留後守節同知大宗正事。元豐正名,仍置知及同知官各一人,選宗室團練、觀察使 景祐三年始制司,以皇兄寧江軍節度使濮王知大宗正事,皇姪彰化軍節

歲,首檢舉入學。 其事歸宗正。自熙寧中置丞,始以都官員外郞張稚圭爲之。神宗疑用異姓,王安石言:前代宗正固有用庶姓者,乃 稚圭對而命之。 宗室賢者爲知大宗正事,次一人爲同知;其後,位高屬尊者爲判。熙寧三年,始以異姓朝 自外還京,並報宗正。 元祐四年,韶宗室越本司訴事者罪之。六年,韶宗正按熙寧敕諸院建小學,自八歲至十四 錄春秋時公侯大夫事。 臣二員知丞事,置局爲睦親、廣親宅。是歲省管幹睦親、廣親宅及提舉郡、縣主等宅官,以 官屬有記室一人,掌牋奏;講書、教授十有二人,分位講授,兼領小學之事。舊制, 分案五,置吏十有一。元豐五年,韶大宗正司不隸六曹,其丞屬中書省奏差。 紹聖元年,詔袒冤外兩世孤遺貧乏者,驗實廩給之。 |神宗曰:「此雖無前代故事,行之何害。」安石曰:「聖人創法,不必皆循前代所已行者。」於是召 崇寧三年,詔大宗正及外宗正司將條貫事迹關宗正寺,修纂圖牒。 四年,詔宗室若婦女

政和三年,詔以知大宗正事仲忽提舉宗子學事。

室疏屬願居兩京輔郡者,各置敦宗院,其兩京各置外宗正司。」從之。 仍詔各擇宗室之賢者 一人爲知宗,掌外居宗室,詔復定宗學博士、正錄員數。大觀四年罷,政和二年復舊。又詔 崇寧三年,置南外宗正司于南京,西外宗正司于西京,各置敦宗院。 初,講議司言:「宗

敦宗院宗子有文藝、行實衆所共知者,許外宗正官考察以聞。

寺。 紹興府宗正司心言,蓋初隨其所寓而分管轄之。乾道七年,嘗欲移紹興府宗司於閩,不果, 正 正 名。復置南外宗正司、西外宗正司,以處宗室之在外者。各仍舊制設敦宗院,皆設知宗,所 後倂歸行在。 在通判職官兼丞、簿,其糾合、檢防、訓飭如大宗正司心。西、南外兩司闕知宗,間令大宗 文臣充,掌糾合宗室而檢防訓飭之。凡南班宗室磨勘、遷轉、襲封、請給,覈其當否;嫁娶 房奩、分析財產,酌厚薄多寡而訂其議。 凡宗室除合該賜名外,皆大宗正定名而後報宗正 一司移江寧,南外移鎭江,西外移揚州。 司選擇保明而後授之。又各置教授以課其行藝。 其餘遷授官資、支給錢米,考覈以詔予奪。其不率教者以法拘之,歲久知悔,則除其過 中興後,以位高屬尊者爲判大宗正事,其知及同知如舊制。 嘉定間,用臣僚言,乞凡除授知宗,須擇老成更練之人。 其後屢徙,後西外止於福州,南外止於泉州;又置 南渡初,先徙宗室於江、淮,於是大宗 又置知大宗正丞一員,以 韶知宗正丞照百司

志第

百

+

職官四

例每日入局所,以示增重宗盟之意。

而一之,旣無愧於昔矣;獨玉牒一書未修,宜搜訪討論,以正九族,以壯本支。」於是始置官 慶系錄,日宗支屬籍。南渡四書散失,今重加修纂仙源慶系屬籍總要,合圖、錄、屬籍三者 纂。先是,宗正寺丞邵大受奏:「講求宗正寺舊掌之書,日皇帝玉牒,日仙源積慶圖,日宗藩 賜名,三祖下各隨祖宗之支子而下,雖兄弟數多,並爲一字相連。南渡後,紹興十二年,始 員或二員。元豐官制行,分隸宗正寺官。寺丞王鞏奏:「玉牒十年一進,並以學士典領。自 梁周翰編屬籍,始創規制。大中祥符九年至,以知制誥劉筠、夏竦爲修玉牒官,自後置一 並無成書。乞別立法,其修玉牒及類譜官,每二年一具草繳進。」從之。紹聖三年,應宗室 熙寧中范鎭進書之後,神宗玉牒至今未修。僊源類譜自慶曆中張方平修進之後,僅五十年, 如舊制,分案五,置吏十。 建玉牒所。 玉牒所 提舉一人或二人,以宰相執政爲之,以侍從官一人兼修,宗正卿、少而下同修 淳化六年,始設局置官,詔以皇宋玉牒爲名,建玉牒殿。咸平初,命趙安易、 乾道八年,詔玉牒殿主管香火,差內侍三員、武臣一員充,並改作

祭及中祠以丞簿監視宰割,禮畢頒胙,有故及小祠,聽以其屬攝。」從之。舊置判寺事一人, 六年二月,監察御史王桓奏:「祭祀牢體之具掌於光祿,而寺官未嘗臨視,請大祠以長貳、朔 以朝官以上充。 豆、簠簋、鼎俎、鉶登之實,前期飭有司辦具牲鑊,視滌濯,奉牲則告充告備,共其明水火 ·備而謹其出納之政,少卿爲之貳,丞參領之。凡祭祀,共五齊、三酒、牲牢、鬱鬯及尊彝、篡 禮畢,進胙于天子而頒于百執事之人。分案五,置吏十。元祐三年,詔長貳互置。政和 光禄寺 光祿卿、少,皆爲寄祿。一元豐制行,始歸本寺。中興後,廢倂入禮部 卿 少卿 丞 主簿各一人。卿掌祭祀、 朝會、宴饗酒醴膳羞之事,修其

其品秩而爲之等。 祭祀共明水、明火,割牲取毛血牲體,以爲鼎俎之實。 太官令 掌膳羞割烹之事。凡供進膳羞,則辨其名物,而視食之宜,謹其水火之齊。 元祐初,罷太官令。 二年復置。 崇寧三年,置尚食局,太官令惟掌祠事。 朝會宴享,則供其酒膳。 凡給賜,視

餘用。 供進及祭祀、給賜,則法酒庫掌之;凡祭祀,供五齊三酒,以實尊罍。 法酒庫 內酒坊 掌以式法授酒材,視其厚薄之齊,而謹其出納之政。若造酒以待 內酒坊惟造酒,以待

太官物料庫 百一十 七 掌預備膳食薦羞之物,以供太官之用,辨其名數而會其出入。 職 官 四

翰林司 掌供果實及茶茗揚藥(量)。

牛羊司、牛羊供應所 掌供大中小祀之牲牷及太官宴享膳羞之用。

乳酪院 掌供造酥酪。

卜加斗軍 掌供油及鹽胾。

外物料庫 掌收儲米、鹽、雜物以待膳食之須。 凡百司頒給者取具焉。

掌凡幄帟之事,大禮設帷宮,張大次、小次,陳鹵簿儀仗。長貳晝夜巡徼,祭其不如儀者。 韶長貳互置。所隸官司十有三:內弓箭庫、南外庫至、軍器弓槍庫、軍器弩劍箭庫,掌藏兵 內庫,守宮歸儀鸞司,本寺無所掌。元豐官制行,始歸本寺。分案四,置吏十。 茵席,視其敝者移少府、軍器監修焉。舊制,判寺事一人,以郎官以上充。凡武庫、武器歸 押仗官則前期稟差。凡仗衞,供羽儀、節鉞、金鼓、棨戟,朝宴亦如之。宴享賓客,供幕帝、 其曝凉而封籍其數,若進御及頒給,則按籍而出之。每季委官檢視,歲終上計帳于兵部。 丞參領之。 凡內外作坊輸納兵器,則辨其名數、驗其良窳以歸于武庫,不如式者罰之。 時 衞尉寺 卿 少卿 丞 主簿各一人。卿掌儀衞兵械、甲胄之政令,少卿爲之貳, 元祐三年**,**

巡、排列,奉引儀仗以肅禁衞。凡儀物以時修飭,選募人兵而校其遷補之事。 掌收貯什物,給用則按籍而頒之。 杖、器械、甲胄,以備軍國之用。 儀鸞司,掌供幕帟供帳之事。 軍器什物庫、宣德樓什物庫, 左右金吾街司、左右金吾仗司、六軍儀仗司,掌清道、徼

中興後,衞尉寺廢,倂入工部。

令,分隸羣牧司、騏驥院諸坊監,本寺但掌天子五輅、屬車,后妃、王公車輅,給大中小祀羊。 侍中請降輿升輅(云),則卿授綏。舊置判寺事一人,以朝官以上充。 凡邦國廐牧、 車輿之政 依羣牧司舊法施行;應內外馬事專隸太僕至,直達樞密院,更不經尙書省及駕部。」三年, 元豐官制行,始歸本寺。分案五,置吏十有八,總局十有二。元祐二年詔:「外監事,令本寺 官府。凡閱馬,差次其高下,應給賜則如格。歲終鈎覆帳籍,以上駕部。若有事于南北郊, 馬之數,謹其飼養,察其治療,考蕃息損耗之實,而定其賞罰焉。死則斂其騣尾、筋革入于 妃、親王、公主、執政官應給車乘者,視品秩而頒之。 總國之馬政,籍京都坊監、畿甸牧地畜 領之。國有大禮,供其輦輅、屬車,前期戒有司教閱象馬。凡儀仗旣陳,則巡視其行列。 丞 主簿各一人。卿掌車輅、廐牧之令三,少卿爲之貳,丞參 后

志

詔省主簿一 員。 崇寧二年,詔太僕寺依舊制不治外事,歸尙書駕部; 應馬事, 上樞密院所

隸官司。

車輅院 掌乘輿、法物,凡大駕、法駕、小駕供輦輅及奉引屬車, 辨其名數與陳列先

左、右騏驥院 左、右天駟監 掌國馬,別其餐良以待軍國之用。

鞍轡庫 應奉御馬鞍勒,及以韉轡給賜臣下。

養象所 掌調 御馴 象。

掌分養雜畜以供負載般運。

駝坊 牧養上下監 車營 致遠務 掌治療病馬及申駒數,有耗失則爰皮剝所。 元豐末, 廢畿內牧馬監。

元酤初,置左右天廐坊,聽民間承佃牧地。 紹聖元年,依元豐法置孳生監。

中興後,廢太僕寺,倂入兵部。

以諸司使以上充。判官二人,以京朝官充。 使一人,咸平三年置,以兩省以上官充,副使一人,以閣門以上及內侍都知充。 **奉牧司** 制置使一人,景德四年置,以樞密使、 掌內外廐牧之事,周知國馬之政,而察其登耗 副爲之。 至道三年〇〇, 靇 都監二人, 而復置。

焉。凡受宣詔、文牒,則以時下於院、監。大事則制置使同簽署,小事則專遣其副使。 多不備置,判官、都監每歲更出諸州巡坊監,點印國馬之蕃息者。又有左右廂提點,隸本 都監

司。都勾押官一人,勾押官一人,押司官一人。

勒,及給賜王公、羣臣、外國使丼國信韉轡之名物。勾管一人,典五人,掌庫十四人。 鞍轡庫 使 副使 監官二人,以諸司副使及三班使臣、內侍充。掌御馬金玉鞍

校勘記

元豐倂入太僕寺。

(1) 乃詔舉三任以上知縣爲裏行 「任」原作「丞」。按長編卷二〇九, 王陶言:「欲乞許舉三任以上

知縣資序人爲御史裏行。」從之。「丞」字蓋爲「任」字之訛,據改。

(三) 權監察御史裏行 「權」字原脫,據職官分紀卷一四、長編卷二一〇補。

(三) 王安石 不能有所上奏;本書卷三五二王安中傳載安中於政和間擢御史中丞,疑此爲「王安中」之訛。 按本書卷三二七王安石傳,安石未嘗爲御史中丞,政和七年安石去世已三十餘年,也

東廊爲集賢書庫 宋會要職官一八之五〇「東廊」下有「爲昭文書庫南廊」等七字,長編卷一九

所載略同,疑志文有脫誤。

一百一十七 校勘記

志

第

- **S** 端拱元年 「元年」 原作「二年」。據下文和宋會要職官一八之四七改。
- **3** 別以奏對稱旨預試 「奏對」原作「奏封」,據宋會要職官一八之三、宋朝事實卷九改。
- (七) 直集賢院 「直」字原脫,據長編卷三八九、宋朝事實卷九補。
- (元) 以編修日曆選本省 按下文「日曆所」條記:「紹聖二年,詔日曆還祕書省。」合璧事類後集卷四
- 三、羣書考索後集卷一一所載同,疑此處「選」字爲「還」字之訛。
- (元) 秘書校理 字之訛 本書卷一八哲宗紀、宋倉要職官一八之一三都作「祕閣校理」,疑此處「書」字爲「閣」
- 8 著作郎以四員爲額 按宋會要職官一八之二一,「著作郎」下尚有「佐郎」二字,疑此處有脫誤。
- 有保章正 「有」上原衍「郎」字,據宋會要職官一八之八二、通考卷五六職官考删。
- 8 丞 「丞」上原衍「監」字。按本書卷一六八、一六九職官志,殿中丞之名屢見,本省官屬別無「監
- 丞」,據通考卷五七職官考刪。
- = (曾 三年 名別而事存 原作「二年」,據宋會要職官一九之一、一九之九和通考卷五七職官考改。 「而」原作「有」,據宋會要職官一九之一、通考卷五七職官考改。
- 呈 內衣庫 原作「尚衣庫」,據宋會要職官一九之二、長編卷七二改。
- 会西川 原作「西州」,按本書地理志宋代境內無西州,宋會要職官一九之二作「西川」,據改。

Ct 武學生 原作「武舉生」,據宋會要職官二二之三七、長編卷二七五改。

문 逐舉附試省試別試所 「逐」原作「遂」,宋會要職官二二之四一本句作"「可令逐舉附試。」本 書卷一五七選舉志作:「今每舉赴省闡別試所解發。」「遂」字當爲「逐」字之訛,據改。

(1.4) 宴樂 「宴」下原衍「安」字,據宋會要職官二二之二五、通考卷五五職官考刪

8 趙安易 大中祥符八年兼宗正卿,與志文合;宋會要職官二〇之三職官分紀卷一八作「趙安仁」,「易」字 當爲「仁」字之誤。 處所記乃大中祥符八年(公元一〇一五年)事,安易死已十年;本書卷二八七趙安仁傳,安仁於 當作「趙安仁」。按本書卷二五七趙安易傳,安易死於景德二年(公元一〇〇五年),此

(III) 京官兼主簿 「無」字原脫,據宋會要職官二〇之四、職官分紀卷一八補。

CEI 大宗正司 糾合、檢防、訓飭如大宗正司。」據刪。 「大」下原重一「宗」字,按本志上下文大宗正司之名屢見,通考卷五五職官考作:「其

紹興府宗正司 「司」原作「寺」,據宋會要職官二〇之三三、通考卷五五職官考改。

Ge 大中
群符九年 「九年」原作「六年」,據宋會要職官二〇之五五、長編卷八六改。

量 茶茗湯藥 宋會要職官二一之八作「酒茗湯果」,同書職官二一之二又說:「供酒及茶、果寔則歸

志第一百一十七 校勘記翰林司。」「藥」字疑以作「果」爲是**。**

GIN 南外庫 不符。 宋會要職官二二之一、通考卷五五職官考「南外庫」下還有「軍器衣甲庫」,此處當有 按上文說「所隸官司十有三」,但綜計所列「內弓箭庫」以下等官署僅十二,與上述數目

脱漏。

GEI 卿掌車略廐收之令 「卿」字原脫,據本卷文例和通考卷五六職官考補。

号 侍中請降輿升輅 「輿」原作「與」,據本書卷九九禮志、宋會要禮之三九改。

园 應內外馬事專隸太僕 隸太僕寺。」長編卷三九三作:「詔應緣內外馬事舊係羣收司管勾者,專隸太僕寺。」據改。 「馬事」原作「馬軍」,按本書卷一九八兵志作:「時又有旨,內外馬事並

(8) 至道三年 朱會要職官二三之七、職官分紀卷一九都作「明道二年」,當是。

宋史卷一百六十五

志第一百一十八

職官五

軍器監 大理寺 都水監 鴻臚寺 司天監 司農寺 太府寺 國子監 少府監 將作監

訟之事,隨官司決劾,本寺不復聽訊,但掌斷天下奏獄,送審刑院詳訖,同署以上于朝。詳 州縣官充,改京官則爲檢法官。 常參則兼丞,謂之詳斷官。舊六人,後加至十一人,又去兼正、丞之名。咸平二年始定置。 斷官八人,以京官充;國初,大理正、丞、評事皆有定員,分掌斷獄。 其後,擇他官明法令者,若常參官則兼正,未 大理寺 舊置判寺一人,兼少卿事一人。建隆二年,以工部尚書竇儀判寺事。 法直官二人,以幕府、 凡獄

志 第

百一十八

職官五

治,或特旨委勘及係官之物應追究者,隸右治獄,則丞專推鞫。蓋少卿分領其事;而卿總焉。 二人,主簿二人。卿掌折獄、詳刑、鞫讞之事。凡職務分左右:天下奏劾命官、將校及大辟 則御史按實以聞。分案十有一,置吏六十有九。 凡刑獄應審議者,上刑部;被旨推鞫及情犯重者,卿同所隸官請對奏裁。若獄空或斷絕, 囚以下以疑請讞者,隸左斷刑,則司直、評事詳斷,丞議之,正審之; 若在京百司事當推 元豐官制行,置卿一人,少卿二人,正二人,推丞四人,斷丞六人,司直六人,評事十有

日。 理寺近舉墜典,俾治獄事,推輪規摹〔〕,皆以義起,不少寬假,必懷顧忌,稽留弊害,無異前 初廢大理獄非是,以問孫洙,洙對合旨,至是,命官起寺,十七日而成。 元豐二年手詔:「大 復置大理獄。」始命崔台符爲知卿事,蹇周輔、楊汲爲少卿,各舉丞及檢法官。 巡三院,囚逮猥多,難於隔訊,又暑多瘐死,因緣流滯,動涉歲時。 斷習學官十四,詳覆習學官六。九年,詔以「京師官寺,凡有獄皆繫開封府司錄司及左右軍 六年,又詔:「凡斷公案,先上正看詳當否,論難改正,簽印注日,然後過議司覆議;如 宜依推制院及御史臺例,不供報糾察司。」三年,詔依舊供報。凡官屬依御史臺例,謁 先是舊制,大理寺讞天下奏案而不治獄。熙寧五年,增詳斷官二爲十員。七年,置詳 又詔糾察司察訪本寺斷徒以上出入不當者,索案點檢。五年,詔毋以大理寺官爲試 稽參故事,宜屬理官,可 初,神宗謂國

丞關以評事補。」詔刑部、吏部同著爲令。八年,詔大理寺推斷事應奏及上尚書省者,更不 官,先與刑部、大理寺長貳同議可否,然後注擬。 有批難,具記改正,長貳更加審定,然後判成錄奏。」又刑部言:「應吏部補授大理寺左斷刑 仍取經試得循資以上人充,正闕以丞補,

先申本曹。

送,再有異者朝廷委官審問,或送御史臺治之。 元符元年,應大理寺、開封府承受內降公 斷刑獄官依元豐元年選試法。二年,復置右治獄,置官屬如元豐制。 大理官失斷徒已上五人或死罪二人,不在選限。舊條,失斷徒已上三人或死罪一人。紹聖元年,詔 司舊例置推勘檢法官于戶部,從之。又詔大理寺並置長貳。四年,從刑部請,改本寺條,任 事,不得奏請移送。 |元祐元年,以右治獄勘斷公事全少,倂左右兩推爲一司。 三年,三省請罷右治獄,依三 又詔應奏斷公事,依開封府專條,不許諸處取索。 左右推事有飜異者互

舉、人材可錄者奏舉再任,仍許就任關升,理本等資序。五年,依熈、豐故事,復置習學公事 開封府承受公事,依法斷遣,不得乞降特旨。中興倂省官寺,惟大理寺不倂。 四員,長、貳立課程,正、丞同指敎。 崇寧四年,韶大理寺官諸司輒奏辟者,以違制論。政和二年,韶法官任滿,擇職事修 宣和七年,評事以上並差試中刑法人。又詔大理寺、

紹興初,詔正與丞並堂除。評事闕,則委本寺長貳選擇應格人赴刑部議定,申朝廷差

以防請託、漏泄之弊。紹熙初,除試中刑法評事八員外,司直、主簿選用有出身曾歷任人, 四年,定逐季仲月定日斷絕之法。嘉定八年,申嚴紹熙指揮,重司直、主簿之選,增選試取 各兼評事繫銜。 塡;如無應格,卽選諳習刑法人權充。又立比較法以懲差失。隆興二年,評事鞏衍言:「評 人數以勸法科。 事檢斷,躬自節案,親書斷語,最爲勞苦。」詔增置,以八員爲額。淳熙末,嚴寺官出謁之禁, 將八評事已擬斷文字,分兩廳點檢,或有未安,則述所見與長貳商量。慶元

書三人,左右推胥史二人、胥佐八人、般押推司四人、貼書四人。隆興共減五人。 物、文書;曰檢法,掌檢斷左右推獄案倂供檢應用條法;曰知雜。又有開拆、表奏二司;有 治獄分案有四:日左右寺案,掌斷訖公事案後收理追贓等;曰驅磨,掌驅磨兩推官錢、官 左右推,主鞫勘諸處送下公事及定奪等。 吏額:前司胥史一人、胥佐九人, 表奏司一人、 貼 架閣文書。 東額:胥長一人,胥史三人,胥佐三十人,貼書六人,楷書十四人。隆興共減七人。右 簿,掌行分探諸案文字。設司有四:曰表奏議,掌拘催詳斷案八房斷議獄案,兼旬申月奏; 曰開拆;曰知雜;曰法司。又有詳斷案八房,專定斷諸路申奏獄案等。又有敕庫,掌收管 左斷刑分案三:日磨勘,掌批會吏部等處改官事;日宣黃,掌凡斷訖命官指揮;日分

文。 諸蕃封册,卽行其禮命。若崇義公承襲,則辨其嫡庶,具名上尚書省。其周嵩、慶、懿陵廟, 之禁令,少卿爲之貳,丞參領之。凡四夷君長、使价朝見,辨其等位,以賓禮待之,授以館舍 器用儀物、 大食、于闐、甘、沙、宗哥等國貢奉之事。 國信所,掌大遼使介交聘之事。 服,則卿掌贊導之儀,葬則預戒有司具鹵簿儀物。分案四,置吏九。其官屬十有二: 命官以時致享。 而頒其見辭、賜予、宴設之式,戒有司先期辦具;有貢物,則具其數報四方館,引見以進。 主簿各一人。 回鶻、吐蕃、党項、女眞等國朝貢館設,及互市譯語之事。 鴻臚寺 已上並屬鴻臚寺。中興後,廢鴻臚不置,倂入禮部。 右街僧錄司,掌寺院僧尼帳籍及僧官補授之事。 陳設錢幣之事。 卿掌四夷朝貢、宴勞、給賜、送迎之事,及國之凶儀、中都祠廟、道釋籍帳除附 若凶儀之節,宗室以服,臣僚以品,辨其喪紀而詔奠臨賻贈之制。 舊置判寺事一人,以朝官以上充。元豐官制行,置卿一人,少卿一人,丞、 在京寺務司及提點所,掌諸寺葺治之事。 都亭西驛及管幹所,掌河西蕃部貢奉之事。 中太一宮、建隆觀等各置提點所,掌殿宇齋宮、 懷遠驛,掌南蕃交州,西蕃龜茲、 同文館及管勾所,掌高麗 傳法院,掌譯經潤 禮賓院,掌 禮應成 往來

九種,大中小祀供豕及蔬果、明房油,與平糶、利農之事。 舊置判寺事二人,以兩制、朝官以上充;主簿一人,以選人充。掌供籍田

庶人以終千畝。分案六、置吏十有八。 期辦具,造麴蘗、儲薪炭以待給用。天子親耕藉田,有事于先農,則卿奉耒耜,少卿率屬及 路奏雨雪之闕與過多者,皆籍之。凡苑囿行幸排比及薦饗進御、頒賜植藏之物,戒有司先 給兵食則進呈糧樣,因出納而受賂刻取者,嚴其禁;有負失者,計其虧數上于倉部。凡諸 歲運至京師,遺官閱其名色而分納于倉庾,藁秸則歸諸場,歲具封樁、月具見存之數奏聞; 務之事而謹其出納,少卿爲之貳,丞參領之。凡京都官吏祿廩,辨其精粗而爲之等;諸路 元豐官制行,始正職掌,置卿、少卿、丞、主簿各一人。卿掌倉儲委積之政令,總苑囿庫

鄧縮判寺,曾布同判。詔諸路提舉常平官課績,田寺考校升絀(ID),管幹官令提舉司保明,計 置司均通天下之財,以常平新法付司農寺,增置丞、簿,而農田水利、免役、保甲等法,悉自 功賞之。六年,以司農間遣屬官出視諸路,力有不給,乃置幹當公事官,以葉康直等四人爲 司農講行。初以太子中允呂惠卿判司農寺,改同判寺胡宗愈爲兼判。四年,以御史知雜 初,熙寧二年,置制置條例司,立常平斂散法,遣諸路提舉官推行之。三年五月,

榜諭 熊本請也。 官私 七年,本寺言:「所主行農田水利、免役、保甲之法,措置未盡,官更推行多違法意,欲 使人陳述,有司違法,從寺按察。」九年,以幹當公事官所至輒用喜怒,罷之,從 元豐四年,減丞一,主簿三。官制行,寺監不治外事,司農事舊職務悉歸戶部

紹聖元年,詔罷官屬,以其事歸將作監〔〕。四年,罷主簿,添丞一員。 元祐三年, 詔司農寺置長貳。五年, 以本寺主簿兼檢法。八年, 復置提轄修倉所;

直之事。 水磨務,掌水磑磨麥,以供尙食及內外之用。 報司農。 軍士薪炭席薦之物。 二十有五 <u>政和六年,浙西諸州各置排岸一員,從兩浙運副應安道請也。所隸官屬凡五十:</u> 下卸司,掌受納綱運。 一,掌九穀廩藏之事,以給官吏、軍兵祿食之用。 凡綱運受納及封樁支用,月具數以 園苑四:玉津、瑞聖、宜春、瓊林苑,掌種植蔬蒔以待供進,修飭亭宇以備游幸宴 草場十有二,掌受京畿獨秸,以給牧監飼秣。 炭場,掌儲炭以供百司之用。 都麴院,掌造麴,以供內酒庫酒醴之用,及出灣以收其直 內柴炭庫,掌諸薪炭,以給宮城及宿衞班直 排岸司四,掌水運綱船輸納

部施行。 建炎三年,罷司農寺,以事務倂隸倉部。紹興三年,復置丞二員。凡有合行事務,申戶 四年,復置寺,仍置卿、少。十年,復置簿。 隆興元年, 併省主簿一員, 明年, 詔如

三九〇五

芯

量則有檢察斛面官,綱運下卸有排岸司官,各分其事以佐本寺。 監官、監門官遇考任滿,所屬批書外,仍于本所批書,視其有無欠折,以定其功過。 命右司爲之提領,後以屬檢正,非奉朝廷指揮不許支撥。別置赤曆,提領官結押,不許衮同 監門官一員。初,紹興以上供米餘數,椿管別廩,以爲水旱之助,後又增廣收糴。淳熙間, 倉、草料場、和糴場隸焉。

監倉官分上中下界,司其出納。

諸場皆置監官。

外有監門官,交 鎭江、建康亦置倉焉。 司農寺收支經常米數。凡外州軍起到樁管米,從司農寺差官盤量,據納到數報本所樁管。 乾道三年, 詔糧綱有欠, 從本寺斷遣監納, 情理重者, 大理寺推勘。 豐儲倉所,置監官二員, 分案五,南北省 在外,則

藏貿易、四方貢賦、百官奉給,時皆隸三司,本寺但掌供祠祭香幣、帨巾、神席,及校造斗升 太府寺 舊置判寺事一人,以兩制或帶職朝官充;同判寺一人,以京朝官充。 凡廩

庫藏、出納、商稅、平準、貿易之事,少卿爲之貳,丞參領之。凡四方貢賦之輸于京師者,辨 元豐官制行,始正職掌,置卿、少卿各一人,丞、主簿各二人。卿掌邦國財貨之政令,及

價醫於平準,乘時賒貸以濟民用;若質取於官,則給用多寡,各從其抵。歲以香、茶、鹽鈔 營兵支請,月具其數以聞。凡商賈之賦,小賈卽門征之,大賈則輸於務。貨之不售者,平其 之物,則承旨以進,審奏得畫,乃聽除之。若春秋授軍衣,則前期進樣,定其頒日,畿內將校 凡官吏、軍兵奉祿賜予,以法式頒之,先給曆,從有司檢察,書其名數,鈎覆而後給焉。供奉 其名物,視其多寡,別而受之。儲於內藏者,以待非常之用;頒于左藏者,以供經常之費。 則卿置幣,奠玉則入陳玉帛,餘祀供其帨巾。分案九,置吏六十有五。 募人入豆穀實邊。 即京都闕用物,預報度支。凡課入,以盈虧定課最,行賞罰。大祀,晨課

官吏支散並足,方許支給,從戶部尚書梅執禮之請也。 錢物並納左藏庫,凡省一百五所。又詔戶部、太府寺長貳當職官及本庫官吏俸錢,侯在京 中,置藥局七所,添丞一員點檢。宣和三年減罷。靖康元年,詔內外官司局所,依熙寧法, 分巡所轄庫務。元符元年,增置丞一員。三年,改市易案爲平準,其市易務亦如之。 元祐初,以倉部郎官印發文鈔,三年,復歸本寺。又詔太府置長貳。五年,令長貳每月

奉祿賜予。舊分南北兩庫,政和六年修建新庫,以東西庫爲名。西京、南京、北京各置左藏 所隸官司二十有五: 內藏庫,掌受歲計之餘積,以待邦國非常之用。 左藏東西庫,掌受四方財賦之入,以待邦國之經費,給官吏、軍兵 奉宸庫,掌供內庭,凡金玉、珠寶、

舟船木筏之征。 掌以法式頒廩祿,凡文武百官、諸司、諸軍奉料,以券準給。 劍茶茗,以給翰林諸司及賞賚、出鬻。 賣場,掌受內外幣餘之物,計直以待出貨,或準折支用。權貨務,掌折博斛斗、金帛之屬。 易下界,掌飛錢給券,以通邊糴。 雜買務,掌和市百物,凡宮禁、官府所需,以時供納。 法式驅磨。 惠民局,掌修合良藥,出賣以濟民疾。 交引庫,掌給印出納交引錢鈔之事。 崇寧庫、大觀庫。 儲積皆滿。又別置庫,賦詩二十字,分揭於庫,曰:「每虔夕惕心,妄意遵遺業,顧予不武姿,何日成戎捷。」徽宗朝,又有 路積剩及常平錢物,凡封樁者皆入焉。榊宗常憤契丹倔疆,慨然有恢復幽燕之志,聚金帛內帑,自製四言詩 良貨賄藏焉。 石炭場,掌受納出賣石炭。 一章,曰:「五季失國,檢狁孔熾,藝祖造邦,思有懲艾。爰設內府,基以募士,曾孫保之,敢忘厥志。」每庫以詩一字目之, 都商稅務,掌收京城商旅之算,以輸于左藏。 市易上界,掌斂市之不售、貨之滯於民用者,乘時貿易,以平百物之直。 布庫,掌受諸道輸納之布,辨其名物以待給用。 祗侯庫,掌受錢帛、器皿、衣服,以備傳詔頒給及殿庭賜予。 元豐庫,掌受諸 都提舉市易司,掌提點貿易貨物,其上下界及諸州市易務、雜買務、雜賣 香藥庫,掌出納外國貢獻及市舶香藥、實石之事。 店宅務,掌管官屋及邸店,計置出僦及修造之事。 抵當所,掌以官錢聽民質取而濟其緩急。 雜物庫,掌受內外雜輸之物,以備支用。 汴河上下鎖、蔡河上下鎖,掌收 審計司,掌審其給受之數,以 茶庫,掌受江、浙、荆湖、建、 和劑局、 糧料院,

錢物。 估局、打套局、二局係揀選市舶香藥雜物等第,會其直以待貿易。寄椿庫,掌發賣香藥、匹帛,拘其直歸于左藏南 主簿一員,明年如舊制。設案七,以序次分管。監交案,隨逐丞簿赴左藏庫監交看驗綱運 庫書押鈔引寺丞兩員,遇合推賞,各與減磨勘二年。尋詔三丞一體行之。隆興元年,倂省 給茶鹽鈔引,續添置丞二員。四年,復置卿、少各一員。十年,復置主簿。十一年,詔交引 如前制所置。 建炎詔罷太府寺,以其所掌職務撥隸金部。紹興元年,復以章億守太府寺丞,措置印 中興後、所隸惟有糧料院、審計司、左藏東西庫、交引庫、祗候庫、和劑局(日)、惠民局 左藏南庫,係樁管御前激賞庫改。以侍從官提領,又置提轄檢察官一員。

置監官提領二人。

官、選人充,掌以經術教授諸生。舊以講書爲名,無定員。 京官或選人充,掌文簿以勾考其出納。舊制,祭酒闕,始置判監事。監生無定員。並有蔭及京畿人,初 選擇進士丼九經及第之人,相參薦舉。丞一人,以京朝官或選人充,掌錢穀出納之事。 又有講書、說書之名,並以幕職、州縣官充。其熟於講說而秩滿者,稍遷京官。皇祐中,始以八人爲額,每員各專一經,並 國子監 舊置判監事二人,以兩制或帶職朝官充,凡監事皆總之。直講八人,以京 **淳化五年,判監李至奏爲直講,以京朝官充。** 主簿一人,以 其後,

第一百一十八 職官五

隸監授業,後補監生;或隨屬游官,以久離本員,不克赴鄉薦,而文藝可稱,亦許隸補試。 廣文教進士,太學教九經、

五經、三禮、三傳學究,律學館教明律,餘不常置。

改為太學博士、每經二人。 正、錄各五人,武學博士二人,律學博士、正各一人。 元豐官制行,始置祭酒、司業、丞、主簿各一人,太學博士十人,舊係國子監直講,元豐三年,詔

之禮。歲計所隸三舍生升降多寡之數,以爲學官之殿最賞罰。 俟省試。唯國子生不預考選。凡課試、升黜、教導之事,長貳皆總焉。車駕幸學,則率官屬 籍,行謂率教不戾規矩,藝謂治經程文。季終考于學諭,次學錄,次學正,次博士,然後考于 隸于太學者,分三舍。始入學,驗所隸州公據,以試補中者充外舍。齋長、論月書其行藝于 諸生班迎,即行在距學百步亦如之。凡釋奠于先聖、先師及武成王,則率官屬諸生共薦獻 之等俱優者,爲上舍上等,取旨命官;一優一平爲中,以俟殿試;一優一否或俱平爲下,以 仲月論,季月策。公試,初場以經義,次場以論、策。試上舍如省試法。凡內舍行藝與所試 長貳。歲終校定,具注于籍以俟覆試,視其校定之數,參驗而序進之。凡私試,孟月經義, 掌國子、太學、武學、律學、小學之政令,司業爲之貳,丞參領監事。 凡諸生之

糾不如儀者。集正二人,掌籍諸生名氏,糾程課不逮者。 授法律及校試之事。 齋,

齋置長、

諭各一人,

掌表率

齋生,

凡

戾

規

矩者,

糾以

齋

規

五

等

之

罰

,

仍

月

考

齊

生

行

藝

,

著 之戾規矩者, 博士,掌分經講授,考校程文,以德行道藝訓導學者。 學諭二十人,掌以所授經傳諭諸生。 武學博士、學諭各二人,掌以兵書、弓馬、武藝訓誘學者。 待以五等之罰,考校訓導如博士之職。 小學,置職事教諭二人,掌訓導及考校責罰。學長二人,掌序齒位、 直學四人,掌諸生之籍及幾察出入。 職事學錄五人, 掌與正、錄通掌學 正、錄,掌舉行學規,凡諸生 律學博士二人,掌傳 凡八十

業進呈。五年,韶國子監官差承務郞以上,闕卽差選人充正官,立行、守、試請奉法〔邑〕。八 年,詔罷太學保任同罪法。 食有等,庫書有官,治疾有醫。分案八,置吏十。 熙寧初,韶用經術取士,廣闊黌舍,分爲三學,增置生徒,總二千八百人。 元豐三年,詔自今奏舉太學博士,先以所 隸籍有數,給

崇政殿說書程頤、國子監長貳看詳修立國子監條例。又詔置春秋博士一員。二年,增司業 學生補中人,乞並許應舉,罷一年之限。」詔國子監立法。又詔給事中孫覺、祕書少監顧臨、 |元祐元年,詔太學每歲公試,以司業、博士主之,如春秋補試法。 左司諫王巖叟言:「太

第

百百

_ +

ス

職

五

詢考生員所業。凡私試不鎖宿,欲令不罷講說。」從之。 資之益,學官不以訓導爲已任,補試伺察不嚴,有假手之弊。」詔禮部相度以聞。本部言: 錄依熙寧法,選上舍生充,闞則以內舍生。五年,殿中侍御史岑象求言:「國子監無叩問師 「生員遇有請益,許見長貳。仍詔生員以所納齋課於講堂上指論,丼委博士逐月巡所隸齋, 一員。又詔內外學官選年三十以上歷任人充。三年,詔國子監置長貳。四年,詔太學正、

選進士出身及經明行修人。」又詔學官並召試,國子監長貳、臺諫官、外監司皆許薦舉。三 元年省罷 考。」從之。一一符元年,詔有官人許入太學充監生,毋過四十人。三年,復置春秋博士。 年,司業襲原言:「公試依元豐舊制,以長貳監試,輪差博士五員考試,乞朝廷更差官五員參 糾禁亦具矣,今追復經義取士,乞令有司看詳,依舊頒行。」詔送國子監。又詔:「內外學官 詔:「太學二舍生並依元豐學制,重行考察,依舊條推恩。」左司諫翟思言:「元豐太學令訓迪 非制科、進士出身及上舍生入官者,並罷。」又詔:「太學正、錄依元豐舊制,各置五人。」又 弛慢不公,考察不實,則重加譴責;差職掌長諭改正如元豐舊制。」從之。又詔:「內外學官 夫舊法欲行,必先嚴考察。 請自今太學長貳、博士、正錄,選學行純備、衆所推服者爲之,有 紹聖元年, 監察御史劉拯言:「太學復行」一體中三舍推恩注官、免省試、免解試之制。

選校試合格,升之太學爲上舍、內舍生。見爲太學外舍生,依舊在太學,候外學成日取旨。 學置齋一百,講堂四,每齋三十人。太學自訟齋移於外學。諸路貢士並入外學,侯依法考 直學二人,齋長、齋諭各一人。外舍生三千人,太學上舍一百人,內舍三百人,侯將來貢試 充內舍,餘爲外舍生。仍建外學于國之南,待其歲考行藝,升之太學。其外學官屬:司業 未倫;辟雍有司成在侍郎之次,國子有祭酒、司業列於卿、少,事體不順,合行釐正。」改辟 外學並依太學敕、令、格、式。」從之。二年,罷春秋博士。三年,詔辟雍置司成、司業各一 到合格者,即上舍以二百人、內舍以六百人爲額。處上舍、內舍于太學,處外舍于外學。外 入太學。上舍試仍別爲考,分爲三等,若試中上等,補充太學上舍,試中中等、下等者,補 雅司成爲太學司成,總國子監及內外學事,凡學之事,皆許專達。 仍立學官謁禁。 一人,丞一人,博士十人,學正五人,學錄五人,職事人係學生充任己.學錄五人,學諭十人, 四年,詔:「辟雍待四方貢士,在國之郊,太學教養上舍生,在王城之內,內外旣殊,高下 崇寧元年,宰臣蔡京言:「有詔天下皆興學貢士,以三舍考選法遍行天下,聽每三年貢

四年,詔省國子、辟雍博士五員,太學命官學錄一員,辟雍二員,國子命官正、錄及命官直 學每經一員,辟雍二員。從薛昂之請也。三年,詔諸路贍學餘錢並起發充在京學事支用。 大觀元年,置國子博士四員,國子正、錄各二員,太學、辟雍博士共置二十員,國子、太

第一百一十八

職

官五

舍生,立太學于國,以處上舍、內舍。由州、郡而貢之辟雍,由辟雍而升之太學。法行之初, 學、國子監書庫官等官,並省罷,依紹聖格,毋用謄錄。」政和元年,詔兩學博士、正、錄依舊 舍、內舍生,或會充經論〔七〕以上職掌,或投所業乞試,並聽試,入上等注博士,中下等注正、錄,即人多關少,願注諸州教 吏部具到元豐法:進士第一甲,或省試十名內,或府、監發解五名內,或太學公、私試三名內,或季試兩次爲第一人,或上 內舍乃入太學。」從之。八年,詔兩學博士、正、錄幷諸州教授兼用元豐試法,仍止試一經。 又有國子隨行親及小學生,人數已多,居處迫隘,乞以外舍生有無校定,並居辟雍,升補上、 上、內舍之選未衆,故外舍有校定者留太學,無校定者出辟雍。比年上、內舍人日增,而太學 制選試,朝廷除授。七年,新提舉河東路學事王格言:「崇寧初,建辟雍于郊,以處貢士及外

來,席未暖而代者已至,當從正、錄第進。新除太學博士胡世將、周利建乞改除正、錄,候將 又韶國子博士、正、錄改充太學正、錄(10)。七年,臣僚言:「熙、豐間,博士未嘗除代,近年以 撥入額外,依舊制遇闕塡〔4〕。諸內舍上等校定人願入太學者,與冤補試。辟雍官屬並罷。 舍以前,應置學宮公及養士去處,依元豐舊制。太學生並撥填舊額,辟雍正額入太學者, 宣和三年,詔罷天下三舍,太學以三舍考選,開封府及諸路以科舉取士。州學未行三

來升爲博士。」從之。

者取之。今學校或主一偏之說,執一偏之見,願詔有司考校,敢私好惡去取,重行黜責。」又 **靖康元年,諫議大夫馮澥言:「朝廷罷元祜學術之禁,不專王氏之學,六經之旨,其說是**

詔太學博士替成資闕。

務使臣充,以後相承不改。 學博士三員,正、錄共四員,學官之制始定。|淳熙四年,置監門官一員,兼管石經閣,以不釐 並置不一。至隆興以後,正、錄不兼權,祭酒、司業並置,復書庫官;又定國子博士一員,太 韶國子博士、正、錄通治諸齋。學官闕,從本監選舉。其後,監學博士、正、錄增減不齊,兼攝 業各一人。十三年口,太學成,增置博士、正、錄。參用元祐、紹聖監學法,修立監學新法。 建炎三年,韶國子監倂歸禮部。未幾,詔復養生徒,置博士。紹興十二年,置祭酒、司

韶武學博士、學諭各置一員,內博士於文臣有出身或武舉出身曾預高選充,其學諭差武學 士。紹興十六年,詔修建武學,武博、武諭以兵書、弓馬、武藝誘誨學者。紹興二十六年, 成於學,文武弛張,其道一也,乞復置武學。」詔于武成王廟置學。 元豐官制行,改敎授爲博 「古名將如諸葛亮、羊祜、杜預等,豈專學孫、吳」故也。熙寧五年,樞密院言:「古者出師受 武學 慶曆三年,詔置武學于武成王廟,以阮逸爲教授。八月,罷武學,以議者言

第一百一十八

職

官元

人,後又除文臣之有出身者。

奉給、賞典依國子博士及正例,於是宗室疏遠者皆得就學。旋有旨復存諸王宮大小學教授 置宗學,改教授爲博士,又置宗學諭一員,並隸宗正寺,在太常博士之下,諭在國子正之上, 學遂廢。紹興四年,始復置諸王宮大小學教授二員,隆興省其一。嘉定九年十二月,始復 宮大小學教授也。至道元年,太宗將爲皇姪等置師傅,執政謂環衞之官非親王比,當有降, 處之,所謂睦親宅也。景寧五年,又改稱某王宮宗子博士,位國子博士之上。遠康之亂,宗 乃以教授爲名。 咸平初,遂命諸王府官分兼南、北宅教授。 南宮者,太祖、太宗諸王之子孫 初,立月書、季考法(三)。 元豐六年,宗室令樂乞建宗學,詔從之,旣而中輟,建中靖國元年復置。 南渡初,建學。嘉定更新置四齋,後再增三齋。宗學博士,舊諸王

及出鬻而收其直以上於官。元豐三年省。中興後,倂國子監入禮部。紹興十三年,復置一 爲國子監書庫官。」始置書庫監官,以京朝官充。掌印經史羣書,以備朝廷宣索賜予之用, 書庫官 淳化五年,判國子監李志台言:「國子監舊有印書錢物所,名爲近俗,乞改

記,百官拜表案、褥之事。 凡祭祀,則供祭器、爵、瓚、照燭。 事,分隸文思院、後苑造作所,本監但掌造門戟、神衣、旌節,郊廟諸壇祭玉、法物,鑄牌印朱 舊制,判監事一人,以朝官充。凡進御器玩、后妃服飾、雕文錯綵工巧之

審其可否,議定以聞。少府所掌,舊有主名,其工作之事,則監自親之。 法式察其良窳。 凡金玉、犀象、羽毛、齒革、膠漆、材竹,辨其名物而攷其制度,事當損益,則 丞參領之。凡乘輿服御、實册、符印、旌節、度量權衡之制,與夫祭祀、朝會展采備物,皆率 元豐官制行,始置監、少監、丞、主簿各一人行。監掌百工伎巧之政令,少監爲之貳,

官除內侍外,令工部、少府監同議選差。」崇寧三年詔:「文思院兩界監官,立定文臣一員、武 格,該說不盡,功限例各寬剩,乞委官檢照前後料例功限,編爲定式。」從之。又詔:「文思監 臣二員,並朝廷選差,其內侍幹當官並罷。」 熙寧中,已釐歸有司,官制行,皆復舊。元豐元年,工部言:「文思院上下界諸作工料條

祀之用。崇寧三年置,招繡工三百人。 院,掌染絲枲幣帛。 飾,以供輿輦、册寶、法物凡器服之用。 分案四,置吏八。所隸官屬五: 文思院,掌造金銀、犀玉工巧之物,金采、繪素裝鈿之 裁造院,掌裁製服飾。 綾錦院,掌織絍錦繡,以供乘輿凡服飾之用。 文繡院,掌纂繡,以供乘輿服御及賓客祭 染

舊置南郊祭器庫監官二人,太廟祭器法物庫監官二人,掌祠祭器服之名物,各有專 旌節官二人,鑄印篆文官二人。 諸州鑄錢監監官各一人。以上並屬少府監

造案;本監但掌祠祀供省牲牌、鎭石、炷香、盥手、焚版幣之事。 將作監 舊制,判監事一人,以朝官以上充。凡土木工匠之政、京都繕修隸三司修

造有計帳,則委官覆視,定其名數,驗實以給之。歲以二月治溝渠,通壅塞。 預戒有司潔除,均布黃道。 凡出納籍帳,歲受而會之,上于工部。 舟車營繕之事,少監爲之貳,丞參領之。凡土木工匠板築造作之政令總焉。辨其才幹器物 元豐官制行,始正職掌。置監、少監各一人,丞、主簿各二人。監掌宮室、城郭、橋梁、 熙寧初,以嘉慶院爲監, 乘輿行幸,則 凡營

副外,路幷府、監修造差撥人工物料,遵執元豐條格,不得應副。宣和五年,詔罷營繕所歸 先到任一員改充幹當公事,候成資替罷。」從之。崇寧五年,詔將作監,應承受前後特旨應 本監營造檢計畢,長貳隨事給限,丞、簿覆檢。元符元年,三省言:「將作監主簿二員,乞將 其官屬職事,稽用舊典,已而盡追復之。一元酤七年,詔攽將作監修成營造法式。八年,又詔

將作監

營造之用。 供簾箔內外之用。 材木,掄其長短有差,其曲直中度者以給營造,餘備薪爨。 粉,以供繪飾。 夏租麲麧,以給圬墁之用。 司,掌京城內外繕修之事。 竹木務,掌修諸路水運材植口声及抽算諸河商販竹木,以給內外 分案五,置吏二十有七。所隸官屬十: 事材場,掌計度材物,前期樸斷,以給內外營造之用。 作坊物料庫第三界,掌儲積材物,以備給用。 **窰務,掌陶爲塼瓦,以給繕營及餅缶之器。** 修內司,掌宮城、太廟繕修之事。 簾箔場,掌抽算竹木、蒲葦,以 退材場,掌受京城內外退棄 麥麲場,掌受京畿諸縣 丹粉所,掌燒變丹 東西八作

員。 屬之文思院,以隸工部;本監惟置丞一員,餘官虛而不除。乾道以後,人材甚多,監、少、丞、 十一年,詔依司農、太府寺,置長貳一員。隆興初,宮室無所營繕,職務簡省,百工器用 建炎三年,詔將作監倂歸工部。紹興三年,復置丞,仍兼總少府之事。十年,置主簿

志

簿無闕,凡臺省之久次與郡邑之有聲者,悉寄俓于此,自是號爲儲才之地,而營繕之事,多 俾府尹、畿漕分任其責焉。

本監比較而進退其官吏焉。元祐三年,省丞一員,紹聖中復置。政和三年,應御前軍器監 以韶賞罰。器成則進呈便殿,俟閱試而頒其樣式于諸道。卽要會州建都作院分造器械,從 所隸檢察。凡用膠漆、筋革、材物必以時,課百工造作,勞逸必均,歲終閱其良否多寡之數, 胄、劍戟戰守之具,因其能而分任之,量用給材,旬會其數以考程課,而輸于武庫,委遣官詣 兵器什物,以給軍國之用,少監爲之貳,丞參領之。凡利器以法式授工徒,其弓矢、干戈、甲 所頒降軍器樣製,非長貳當職官不得省闊,及傳寫漏洩,論以違制。 令置監,以從官總判。元豐正名,始置監、少監各一人,丞二人,主簿一人。監掌監督繕治 國初,戎器之職領于三司冑案公司,官無專職。熙寧六年,廢冑案,乃按唐

料庫,掌收鐵錫、羽箭、油漆之屬。 色,謹其繕作,以輸于受藏之府。兵校工匠,其役有程,視精麤利鈍以爲之賞罰。 分案五,置吏十有三。所隸官屬四: 皮角場,掌收皮革、筋角,以供作坊之用。 南渡置御前 東西作坊,掌造兵器、旗幟、戎帳、什物,辨其名 作坊物

丞一員,令工部相度合管職事歸之。十一年,詔復置長貳各一員。十四年,以朝奉大夫 軍器所。 建炎三年, 韶軍器監倂歸工部, 東西作坊、都作院倂入軍器所。 紹興三年, 復置

趙子厚守軍器監,宗室爲寺監長貳自此始。

簿。 間,事務稀簡,特爲儲才之所焉。 阿獨以軍器監總餉准東。是後, 沈揆復以監長行。 初元,詔戎器非進入毋輒出所,由是呈驗寖省。

二年,錢良臣以少監總領淮東財賦;八年, 六年,以少監韓玉往建康點檢物馬,以奉使軍器少監爲名。是年,復置監一員。 隆興初,詔置造軍器,已有軍器所隸工部,本監惟置丞一員。乾道五年,復置少監及 諸監長貳自是始許總餉外帶,然二人實初兼版曹職事。嘉定十四年,岳 戎所、作坊已備官于下,

宥府、

起部並提綱于上,

監居其

外治河埽之事,或一歲再歲而罷,其有語知水政,或至三年。置局于澶州,號日 上充;同判監事一人,以朝官以上充;丞二人,主簿一人,並以京朝官充。輪遣丞一人出 水監 舊隸三司河渠案,嘉祐三年,始專置監以領之。判監事一人,以員外郞以 1外監

元豐正名,置使者一人,丞二人,主簿一人。 使者掌中外川澤、河渠、津梁、堤堰疏鑿浚

志、第

百

+

八

職

官五

涖事;即于機速,非外丞所能治,則使者行視河渠事。 准、海所經郡邑,皆頒其禁令。視汴、洛水勢漲涸增損而調節之。凡河防謹其法禁,歲計茭 勤情多寡以爲殿最。南、北外都水丞各一人,都提舉官八人,監埽官百三十有五人,皆分職 治之事,丞參領之。凡治水之法,以防止水,以溝蕩水,以澮寫水,以陂池瀦水。凡江、河、 先後毋過一月。若導水溉田及疏治壅積爲民利者,定其賞罰。凡修堤岸、植楡柳,則視其 犍之數,前期儲積,以時頒用,各隨其所治地而任其責。
興役以後月至十月止,民功則隨其

法。通差文武官一員。 乞選差曾任水官語練者爲南、北兩外丞,從之。宣和三年,詔罷南、北外都水丞司,依元豐 之有司。一元酤四年,復置外都水使者。五年,詔南、北外都水丞並以三年爲任。七年,方議 回河東流,乃詔河北、京西漕臣云及開封府界提點,各兼南、北外都水事;紹聖元年罷。 元符三年,韶罷北外都水丞,以河事委之漕臣,三年,復置。重和元年,工部尚書王韶言, 元豐八年 云,詔提舉汴河堤岸司隸本監。先是,導洛入汴,專置堤岸司;至是,亦歸

分案七,置吏三十有七。所隸有: 街道司,掌轄治道路人兵,若車駕行幸,則前期修

建炎三年,詔都水監置使者一員。紹興九年,復置南、北外都水丞各一員,南丞于應天

治,有積水則疏導之。

憂躯 版位畫日二書。 儀,同知算造、三式 ano。元豐官制行,罷司天監,立太史局,隸祕書省。 司天監 保章正 監及少監闕,則置判監事二人。以五官正充。禮生四人,曆生四人,掌測驗渾 監 挈壺正各一人。 掌察天文祥異, 鍾鼓漏刻, 寫造曆書, 供諸壇祀祭告神名 少監 丞 主簿 春官正 夏官正 中官正 秋官正 多官正 靈

校勘記

- (二)推輪規摹 「推輪」,當誤。長編卷二九六作「推輪」,宋會要職官二四之七作「推論」。
- (三) 考校升絀 「絀」原作「出」,據宋會要職官四三之五改。
- 將作監 較未置以前不甚相遠。 「作」字原脫。 按宋會要職官二六之一六:「至紹聖元年三省言:自復修倉所,所修屋宇 詔罷所置官屬,事歸將作監。」將作監掌修繕營造之事,見下文。
據補。
- (四) 和劑局 說:「內將葯局一所,以和劑局爲名。」上文也作「和劑局」,據改。 原作「和劑庫」。按緊任要錄卷九七說:「初置行在和劑局。」宋會要職官二七之六六也

志第一百一十八 校勘記

- (至) 行守試請奉法 按宋會要職官二八之一〇、長編卷三二六都作「行、守、試請受法」。
- 職事人係學生充 「係」原作「保」。按本書卷一五七選舉志:「學生充學諭者十人,直學二人。」

宋會要職官二八之一五作「係」,是,據改。

(七) 經論

- 朱會要職官二八之二一作「經諭」,疑「論」是「諭」字形近之訛。
- (公)學宮 宋會要職官二八之二二作「學官」,疑「宮」字係「官」字形近之訛。
- 「遇」原作「過」,「關塡」二字原倒。同上書同條作「遇闕塡」,是,據改。
- (10) 詔國子博士正錄改充太學正錄 文義不協,按宋會要職官二八之二二作:「詔國子博士、正、錄

改充太學博士、正、錄。」此處「太學」下當脫「博士」二字。

十三年

- (三) 月書季考法 原作「十二年」,據宋會要職官二八之二三、二四和繫年要錄卷一四九改。 「考」字原脫,據宋會要崇儒一之一、通考卷五七職官考補。
- **=** 李志 疑當作「李至」,按上文記淳化五年判國子監的是李至,本書卷二六六李至傳同,「志」

字當是「至」字之訛。

台 始置監少監丞主簿各一人 「置」原作「制」,「監」字原脫。按下文說:「監掌百工伎巧之政令,少 監爲之貳,丞參領之。」則當時所置長官當有監。通考卷五七職官考作「置監、少監、丞、主簿各 一人」,據改。

こお二司青案 「冑」下原衍「曹」字,據下文和本書卷一六二職官志、通考卷五七職官考刪。

Cin 元豐八年 「元豐」原作「元祐」。按此事長編卷三五六、通考卷五七職官考都繫於元豐八年,

據改。

Co 河北京西漕臣 「京西」原作「東西」。本書卷九二河渠志作「河北、京西轉運使、副、判官」,通考

卷五七職官考作「河北、京西漕臣」,據改。

云 畫日 原作「畫日」,據宋會要職官三一之三、職官分紀卷一七改。

60 三式 原作「王式」,據本書卷一五七選舉志算學條、宋會要職官三一之四改。

态

缺页

宋史卷一百六十六

志第一百一十九

職官六

臨安府 殿前司 四方館 河南應天府 侍衛親軍 東西上閣門 環衛官 次府 帶御器械 節度使 皇城司 入內內侍省 三衛官二 承宣觀察防禦等使 內侍省 客省引進 開封府

儀仗, 都指揮之上,後不復置。入則侍衞殿陛,出則扈從乘輿,大禮則提點編排,整肅禁衞鹵簿 籍,凡統制、訓練、番衞〔三〕、戍守、遷補、賞罰,皆總其政令。 殿前司 掌宿衞之事。 都指揮使、副都指揮使、都虞候各一人。掌殿前諸班直及步騎諸指揮之名 都指揮使以節度使爲之,而副都指揮使、都虞候以刺史以上充, 而有都點檢、副都點檢之名,在

三九二七

志

第

百

+

九

職官六

淺則主管本司公事,馬步軍亦如之。 備則通治,闕則互攝。 凡軍事皆行以法,而治其獄訟,

若情不中法,則稟奏聽旨。

各有都虞候、指揮使、副指揮使、都頭、副都頭、十將、將、虞候。騎軍、步軍,有捧日、天武左右 補,姚麟係殿前都虞候,合升作步軍副都指揮使。」紹聖三年,詔:「殿前指揮使金鎗弩手班、 使、副指揮使,每都有軍使、副兵馬使、十將、將、虞候、承局、押官,各以其職隸于殿前司。 四廂都指揮使,捧日、天武左右廂各有都指揮使。每軍有都指揮使、都虞候,每指揮有指揮 諸班有都都虞候指揮使(三)、都軍使、都知、副都知、押班。 容直及捧日以下諸軍指揮。 元祐七年,簽書樞密院王巖叟言:「祖宗以來,三帥不曾闕兩人,若殿帥闕,難於從下超 騎軍有殿前指揮使、內殿直、散員、散指揮、散都頭、散祗候、金鎗班、東西班、散直、鈞 步軍有御龍直、骨朵子直、弓箭直、弩直及天武以下諸軍指揮。 御龍諸直, 有四直都虞侯, 本直

上,殿前副都指揮使在正任承宣使之上,殿前都虞侯在正任防禦使之上。」 龍旗直所減人額及排定班分,並依元豐詔旨。」政和四年, 詔::「殿前都指揮使在節度使之

扈衞之事,捧日、天武四廂隸焉。 一員,準備差遣 渡江後,都指揮間虛不除,則以主管殿前司一員任其事。 、準備差使、點檢醫藥飯食各一員,書寫機宜文字一員。 訓齊其衆,振飭其藝,通輪內宿,倂宿衞親兵並聽節制。其 其屬有幹辦公事、主管禁衞 本司掌諸 班直禁族

御前諸軍都統制之名。 又倂入神武軍,以舊統制、統領改充殿前司統制、統領官。 **資淺者,各有主管某司公事之稱。又別置御營司,擢王淵爲都統制。其後外州駐箚,又有** 入;軍兵有獄訟,則以法鞫治。初,渡江草創,三衙(四)之制未備,稍稍招集,填置三帥(五), 于上;諸殿侍差使年滿出職,祗應參班,覈其名籍;以時教閱,則謹鞍馬、軍器、衣甲之出 下有統制、統領、將佐等分任其事。 凡諸軍班直功賞、轉補,行門拍試、換官,閱實排連以詔

乾道以前之比矣。 舉。」時不果行。淳熈以後,四廂之職多虛,而殿司職司有權管幹,有時暫照管之號,愈非 虞候、指揮使,要使宿衞之職,預有差等,士卒之心,明有所係,異時拜將,必無一軍皆驚之 總管、鈴轄,皆非舊典。所當法祖宗之舊,正三衙之名,改諸軍爲諸廂,改統制以下爲都 以出,事已復初。今以宿衞虎士而與在外諸軍同其名,以統制、統領爲之長,又使遙帶外路 不常置外,日殿前副都指揮使、馬軍副都指揮使、步軍副都指揮使,次各有都虞侯,次有捧 分廂各置副都指揮使。 日、天武四廂都指揮使,龍、神衞四廂都指揮使,秩秩有序,若登第然;降此而下,則分營、 乾道中,臣僚言:「三衙軍制名稱不正。以舊制論之,軍職大者凡八等,除都指揮使或 邊境有事,命將討捕,則旋立總管、鈴轄、都監之名,使各將其所部

使之上,馬軍都虞候在正任防禦使之上。 押官,各以其職隸于馬軍司。 使、都虞候,每指揮有指揮使、副指揮使〔も〕,每都有軍使、副兵馬使、十將、將、虞候、承勾、 所領馬軍,自龍衞而下有左右四廂都指揮使「₭〕,龍衞左右廂各有都指揮使。每軍有都指揮 制、訓練、番衞、戍守、遷補、賞罰,皆總其政令;侍衞扈從,及大禮宿衞,所掌如殿前司官。 侍衞親軍馬軍 都指揮使、副都指揮使、都虞候各一人,掌馬軍諸指揮之名籍,凡統 政和四年,詔以馬軍都指揮使、馬軍副都指揮使在正任觀察

習、轉補以勵下,如殿前司。 掌出戍建康氏的,差主管機宜文字一員,掌馬軍之政令。 衞四廂隸焉。 中興後,置主管侍衞馬軍司一員,其屬有幹辦公事、準備差遣、點檢醫藥飯食各一員, 凡名籍覈其在亡,過則以法繩之,有巡防敕應,則糾率差撥龍 凡出入扈衞、守宿以奉上,開收閱

制、訓練、番衞、戍守、遷補、賞罰,皆總其政令;侍衞扈從,及大禮宿衞,如殿前司。 所領 自神衞而下有左右四廂都指揮使云,左右廂各有都指揮使。每軍有都指揮使、都虞 侍衞親軍步軍 都指揮使、副都指揮使、都虞候各一人,掌步軍諸指揮之名籍,凡統

隸于步軍司。 侯,每指揮有指揮使、 政和四 年, 副指揮使,每都有都頭、副都頭、十將、將、虞侯、承勾、押官,各以其職 韶以步軍都指揮使、 步軍副都指揮使在正任觀察使之上,都虞

候 (10) 在正任防禦使之上。

校其在亡,過則以法繩之,有巡防敕應,則糾率差撥神衞四廂隸焉。 員,掌步軍之政令。凡出入扈衞、守宿以奉上,開收閱習、轉補以勵下, 中興後,置主管侍衞步軍司一員,其屬有幹辦公事二員,準備差遣、點檢醫藥飯食各一 如殿前司。 凡名籍

環衞官 左、右金吾衞上將 軍 中郎將 大將軍 將軍 中鄓將 郎將

左、右驍衞上將 軍 大將 軍 將 軍 左、右衞上將軍

大將軍

將

軍

郎將

左、右武衞 上將軍 大將 軍 將 軍

左、右屯衞上將軍 大將軍 將軍

左、右領軍衞臼上將軍 大將軍 將軍

左、右監門衞上將軍 大將軍 將軍

志 第 百 + 九 職 官 六

左、右千牛衞上將軍 大將軍 將軍 中郎將 郎將

中,始命學士洪遵等討論典故,復置十六衞,號環衞官。其法:節度使則領左、右金吾衞上 五年正月罷。 堪充諸衞官以名銜聞。 軍,正親兄弟子孫試充(三)。又詔祖宗諸后自明肅至欽慈諸后及后妃嬪御之家,各具本宗 將軍,承宣使則領左、右衞上將軍,在內則兼帶,在外則不帶;正任爲上將軍,遙郡爲大將 事也。其禁兵分隸殿前及侍衞兩司,所稱十二衞將軍,皆空官無實,中興多不除授。隆興 等爲右金吾衞上將軍,用御史中丞陳過庭言,遵藝祖開寶初罷王彦超、武行德等歸環衞故 所領故也。靖康元年,詔以武安軍節度使錢景臻等爲左金吾衞上將軍,保信軍節度使劉敷 將軍以下,又爲武官責降散官。」政和中,改武臣官制,而環衞如故,蓋雖有四十八階,別無 諸衞上將軍、大將軍、將軍,並爲環衞官,無定員,皆命宗室爲之,亦爲武臣之贈典; 大 又詔三衞郎爲三衞侍郎。 又詔博士並差文臣。 崇寧四年二月置,

周廬宿衞之事、宮門啓閉之節皆隸焉。 皇城司 幹當官七人,以武功大夫以上及內侍都知、押班充。掌宮城出入之禁令,凡 每門給銅符二、鐵牌一,左符留門,右符請鑰,鐵牌

之。可以見環衞儲才之意。

出入,即不由所定門者,論如闌入律。應差辦人物入內,及內諸司差人往他所應奉,並前一 留十員。元祐元年,詔幹當官閱三年無過者遷秩一等,再任滿者減磨勘二年。元符元年, 定數,揭牓以止其喧閧。 物僞冒不應法,則譏察以聞。凡臣憭朝覲,上下馬有定所,自宰相、親王以下,所帶人從有 二千二百七十人。仍以五尺九寸一分六釐二三使爲將軍, 闕,取旨。 詔:「應宮城出入請納官物,呈稟公事,傳送文書,幷御廚、翰林、儀鸞司非次祗應,聽於便門 則請鑰者自隨,以時參驗而啓閉之。 將,通以十員爲額。宗室不在此例。 日具名數與經歷諸門報皇城司。」二年,詔皇城司任滿酬獎依熙寧五年指揮, 官。嘉定二年,復因臣僚言,專以曾爲兵將有功績〔四及名將子孫之有才略者充。 通前後觀 初,嘗欲留闕以儲將才,循初意也。嘉泰中,復申明隆興之詔,屛除貪得妄進,以重環尹之 非戰功人不除。 政和五年,詔皇城司可創置親從弟五指揮,以七百人爲額,親從官舊有四指揮,元額共 批書印紙屬殿前司。是時, 元豐六年,詔幹當皇城司,除兩省都知、押班外,取年深者減罷,止 除管軍則解,或領閤門、皇城之類則仍帶,雖戚里子弟, 總親從、親事官名籍,辨其宿衞之地,以均其番直;人 帝諭宰相, 副使爲中鄓將,使臣以下爲左、右鄓 以爲如文臣館閣儲才之地。紹熙 再任滿無遺

所習文武之藝。親衞立于殿上兩旁,勳衞立于朵殿,翊衞立于兩階衞士之前。三衞郞依 給、舍,中郎依少卿,餘依寺丞。親衞官以后妃嬪御之家有服親,及翰林學士丼管軍正任觀 博士二員,主簿一員。親衞府郞十員,中郞十員;勳衞府郞十員,中郞十員;翊衞府郞二 依宗室法,將帶過數止坐本官,若兼領外局,所定人從非隨本官輒入者,依闕入法。 級等應合行事件,比第四指揮及見行條貫。六年三月,應臣僚輒帶售雇人入宮門,罪賞並 觀察使以上;翊衞官以卿監、正任刺史、遙郡團練使以上,並以爲等亞。其將校、十將、節 察使以上子孫;勳衞官以勳臣之世、賢德之後有服親,太中大夫以上及正任團練使、遙郡 居郎之前;貳分左右,文東武西,立都承旨之後;仗退,治事于府。博士掌教道,校試三衞 十員,中郎二十員;文武各四十員。三衞郎治其府之事,率其屬日直于殿陛,長在左,立起 國之用,若賜予臣下,則以法式頒之。 便服及不裹頭帽入出者並科罪。所隸官屬一:冰井務,掌藏冰以薦獻宗廟、供奉禁庭及邦 月,詔嘉王楷差提舉皇城司整肅隨駕禁衞所。 三衞郎一員, 秩比太中大夫;中郎爲之貳,文武各一員,秩比朝議大夫。 靖康元年,詔應入皇城門,依法服本色,輒衣

中興初,爲行營禁衞所,差主管官,掌出入皇城宮殿門等敕號,察其假冒,車駕行幸則

間,臣僚言:「皇城一司,總率親從,嚴護周廬,參錯禁旅,權亞殿嚴,乞專以知閣、御帶兼領。 指揮、親事官第一指揮、長行三色武藝、弓弩槍手。皇城周回或有墊陷,移文修整。 守;蠲潔齋肅,郊祀大禮,則差撥隨從守衞;有宴設,則守門約闌。每年春秋,按賞親從逐 內院子、守闕入內院子指揮,總其名籍,均其勞役,察其功過而賞罰之。凡諸門必謹所 使、內侍都知押班充。掌皇城宮殿門,給三色牌號,稽驗出入。凡親從、親事官五指揮,入 仍立定親從員額,以革泛濫。」並從之。 糾察導從。紹興元年,改稱行在皇城司。提舉官一員,提點官二員,幹當官五員,以諸司副 嘉定

方館、閤門使副互權。大觀元年,詔客省、四方館不隸臺察。政和二年,改定武選新階,乃 獻之儀,受其幣而賓禮之,掌其甕餼飮食,還則頒詔書,授以賜予;宰臣以下節物,則視其 信,改隸客省。 詔客省、四方館、引進司、東西上閤門所掌職務格法,並令尙書省具上。又詔高麗已稱國 品秩以爲等。 客省、引進使 若文臣中散大夫、武臣橫行刺史以上還闕朝覲,掌賜酒饌。使闕,則引進、四 靖康元年,韶客省、引進司、四方館、西上閤門爲殿庭應奉,與東上閤門一同 客省使、副使各二人。掌國信使見辭宴賜,及四方進奉、四夷朝覲貢

百 一 十

職

官六

隸中書省,不隸臺祭。

引進司使、副各二人。掌臣僚、蕃國進奉禮物之事,班四方館上。 使闕,則客省、四方館

互銀

版,進士、道釋亦如之。掌凡護葬、賻贈、朝拜之事。客省、四方館,建炎初倂歸東上閤門, 皆知閣總之。 旦慶賀起居章表、皆受而進之;郊祀大朝會,則定外國使命及致仕、未升朝官父老陪位之 四方館使 二人。掌進章表,凡文武官朝見辭謝、國忌賜香,及諸道元日、冬至、朔

視其品秩以爲引班、敍班之次,贊其拜舞之節而糾其違失。若慶禮奉表,則東上閤門掌 贊謁,祗侯分佐舍人。凡文武官自宰臣、宗室自親王、外國自契丹使以下朝見謝辭皆掌之, 舍人,歐和中改。祗候十有二人。掌朝會宴幸、供奉贊相禮儀之事,使、副承旨稟命,舍人傳宣 東、西上閣門 東上閤門、西上閤門使各三人,副使各二人,宣贊舍人十人,舊名通事

使皆五年,使以上七年,遇闕乃遷,無闕則加遙郡。 之;慰禮進名,則西上閤門掌之。月進班簿,歲終一易,分東西班揭貼以進。自客省而下, 因事建官,皆有定員,遂立積考序遷之法,聽其領職居外,增置看班祗侯六人,由看班遷至

祗候,司馬光言:『此祖宗以蓄養賢才,在文臣爲館職〔己。』其重如此,今豈可賣以求財,乞賜裁省。」故有是詔 · 胡舜陟奏:「閤門之職,祖宗所重,宣贊不過三五人,熙寧間,通事舍人十三員,祗候六人,當時議者猶以爲多。 今舍人一 省、四方館、閤門並以横行通領職事。紹聖三年,詔看班祗侯有闕,令吏部選定,尚書省早 百八員,祗候七十六員,看班四員,內冤職者二百三員,由宦侍恩倖以求財,朱勔父子交賣尤多二之,富商豪子往往得 例,不隸臺察。 人材,中書省取旨差。崇寧四年,詔閤門依元豐法隸門下省。大觀元年,詔閤門依殿中省 真宗時,諸王夫人因聖節乞補閤門,帝曰:『此職非可以恩澤授。』不許。 神宗卽位之初,用宮邸直省官郭昭選爲閤門 元豐七年,詔客省、四方館使副領本職外,官最高者一員兼領閣門事。元祐元年,詔客 政和六年,詔宣贊播告,直誦其辭。靖康元年,詔閤門並立員額。 監察御史

 問門,客省循舊法,非橫行不許知閤門。

紹興元年,帝以宋籛孫藩邸舊人,稍習儀注,命轉 以閤門無語練人,故留之。」五年,詔右武大夫以上並稱知閤門事兼客省、四方館事,官未至 行横行一官,主管閤門。又曰:「藩邸舊人,自內侍及使臣皆不與行在職任,止與外任,籛孫 舊制有東、西上閤門,多以處外戚勳貴。」建炎初元,倂省爲一,其引進司、四方館倂歸

志

百

_ +

九

職官六

內外合入差遣,闕到然後免供職。其後供職舍人員數稍冗,裁定以四十員爲額 任傳宣引贊之事,與閤門祗候並爲閤職,間帶點檢閤門簿書公事。紹興中,許令供職,注授 稱同知閤門事同兼客省、四方館事,以除授爲序,稱同知者在知閤門之下。 宣贊舍人

與邊郡。淳熈間,置看班祗侯,令忠訓郞以下充,秉義郞以上,始除閤門祗侯。又增重薦舉 閤門祗侯之制,必廉幹有方略、善弓馬、兩任親民無遺闕及會歷邊任者充。 紹熙以來,立定 親王起居。傲儒臣館閣之制,召試中書省,然後命之。又許轉對如職事官云,供職滿二年 十員,以待武舉之入官者。掌諸殿覺察失儀兼侍立,駕出行幸亦如之;六參、常朝,後殿引 乾道六年,上欲淸閤門之選,除宣贊舍人、閤門祗候仍舊通掌贊引之職外,置閤門舍人 慶元初,申嚴閤門長官選擇其屬之令,非右科前名之士不預召試,蓋以爲右列淸選

邊任有功者補之。中興初,諸將在外多帶職,蓋假禁近之名,爲軍旅之重。紹興七年,樞密 帶御器械 **咸平元年,改爲帶御器械。景祐二年,詔自今無得過六人。慶曆元年,詔遇闕員,曾歷** 宋初,選三班以上武幹親信者佩豪轋、御劍,或以內臣爲之,止名「御

群文字之上 [do]。 淳熙間,凡正除軍中差遣或外任者,不許銜內帶行,又須供職一年,方與 舉薦武臣,無闕可處,增置帶御器械四員。然近侍亦或得之。乾道以來,詔立班樞密院檢 時,至飾以珠玉,車駕每出,爲觀美而已。他日恢復,此等事當盡去之。」二十九年,詔中外 院言:「帶御器械官當帶插。」帝曰:「此官本以衞不虞,今乃佩數笴骹箭,不知何用。 方承平

解帶恩例,於是屬鞬之職益加重焉。

黄門班院,又改內侍省入內內侍班院。景德三年,詔:「東門取索司可倂隸內東門司,餘入內 都知司; 內班院,淳化五年,改爲黃門;九月,又改內侍省。 入內內侍省 內東門都知司、內侍省入內內侍班院可立爲入內內侍省,以諸司隸之。」宋初,有 内侍省 宋初,有內中高品班院,淳化五年,改入內內班院,又改入內

副都 內內侍省。拱侍殿中、備洒掃之職、役使雜品者,隸內侍省。 內侍省有左班都知、副都知、右班都知、副都知、押班、內東頭供奉官、內西頭供奉官、內侍 知、押班、內東頭供奉官、內西頭供奉官、內侍殿頭、內侍高品、內侍高班、內侍黃門。 入內內侍省與內侍省號爲前後省,而入內省尤爲親近。通侍禁中、役服褻近者,隸入 入內內侍省有都都知、都知、

志第一百一十九 職官六

殿頭、內侍高品、內侍高班、內侍黃門。 自供奉官至黃門,以一百八十人 GIO 爲定員。 侍初補曰小黃門,經恩遷補則爲內侍黃門。後省官闕,則以前省官補。押班次遷副都知,

次遷都都知,遂爲內臣之極品。

之名, 左侍禁易內西頭供奉官,右侍禁易內侍殿頭,左班殿直易內侍高品,右班殿直易內侍高班, 使,中亮大夫易宜慶使,中衞大夫易宣政使, 拱衞大夫易昭宣使, 供奉官易內東頭供奉官, 政和二年,始遂改焉。以通侍大夫易內客省使,正侍大夫易延福宮使,中侍大夫易景福殿 而 則有內客省使、延福宮使、宣政使、宣慶使、昭宣使。 元豐議改官制,張誠一欲易都知、押班 黄門之名如故。 熙寧中,入內內侍省內侍省都知、押班遂省,各以轉入先後相壓,永爲定式。其官稱, 置殿中監以易內侍省。旣而宰執進呈,神宗曰:「祖宗爲此名有深意,豈可輕議?」

由, 供奉禁中之用。 而 譏察之。 付有司準給。 其屬有: 後苑勾當官無定員,以內侍充,掌苑囿、池沼、臺殿種蓺雜飾,以備游幸。 合同憑由司監官二人,掌禁中宣索之物,給其要驗,凡特旨賜予,皆具名數憑 御藥院勾當官四人,以入內內侍充 (三),掌按驗方書,修合藥劑,以待進御及 內東門司勾當官四人,以入內內侍充〔三,掌宮禁人物出入,周知其名數 管勾往來國信所管勾官二人,以都知、押班充,掌契丹使介交聘之 造作所,

林院勾當官一員,以內侍押班、都知充,總天文、書藝、圖畫、醫官四局,凡執伎以事上者皆 押班及閤門宣贊舍人以上充,掌供奉便殿禁衞諸軍入見之事,及馬步兩直軍員之名。 掌造作禁中及皇屬婚娶之名物。 文章、圖籍及符瑞寶玩之物,而安像設以崇奉之。 龍圖、天章、寶文閣勾當四人,以入內內侍充,掌藏祖宗 軍頭引見司勾當官五人,以內侍省都知、

侍御史張震言宦者員衆,孝宗卽命內侍省具見在人數,免會慶節進子,仍定以二百人爲額。 乾道間,以差赴德壽宮應奉闕人,增置二百五十人。紹熙三年,依宰臣奏,中官只令承受宮 舊制,內侍遇聖節許進子,年十二試以墨義,即中程者,候三年引見供職。三十二年,殿中 禁中事,不許預聞他事。」嘉定初,詔內侍省陳乞恩例,親屬充寄班祗候,以十年爲限。 及接見賓客之令。 中興以來,深懲內侍用事之弊,嚴前後省使臣與兵將官往來之禁,著內侍官不許出謁 紹興三十年,韶內侍省所掌職務不多,徒有冗費,可廢倂歸入內內侍省。

而勸課之。 開 封府 中都之獄訟皆受而聽焉,小事則專決,大事則稟奏,若承旨已斷者,刑部、御史 牧、尹不常置,權知府一人,以待制以上充。 掌尹正畿甸之事,以教法導民

志

臺無輒糾察。 屏除寇盜,有姦伏則戒所隸官捕治。 大禮,橋道頓遞則爲之使,仗內奉引則差官攝牧。 凡戶口、賦役、道釋之占京邑者,頒其禁

八,鎭二十有四,令佐、訓練、征権、監臨、巡警之官,知府事者率統隸焉。分案六,置吏 鬥及推鞫之事。左右廂公事幹當官四人,掌檢覆推問,凡鬥訟事輕者聽論決。領縣十有 兵曹、法曹、士曹參軍各一人,視其官曹分職莅事。左右軍巡使、判官各二人,分掌京城爭 刑獄訟訴則主行之。司錄參軍一人,折戶婚之訟,而通書六曹之案牒。功曹、倉曹、戶曹、 其屬有判官、推官四人,日視推鞫,分事以治,而佐其長。領南司者一人,督察使院,非

除推官一員,作兩廳共治職事。」又言:「熙寧中,置舊城左右廂,元祐初,增置于新城內,四 請事繫朝省及奏請通治外, 院判官一員。四年,罷新置二廂。六年,王嚴叟言:「左右廳推官公事詞狀,初無通治明文, 府,與都大提舉司同管轄而掌其賞罰。置新城內左右二廂。三年,以罷大理寺獄,置軍巡 以寬民力,釐折獄訟歸於廂官,而治事視前日損去十四。元祐元年,詔府界捕盜官吏隸本 來,並分左右廳置推官各一員,近年止除推官,元祐中,並令分治。請依故事分左右廳,各 開封典司轂下,自建隆以來,爲要劇之任。至熙寧間,增給吏祿,禁其受財,省衙前役 餘並據號分治。」從之。紹聖元年,知府事錢勰言:「自祖宗以

年,罷增置兩廂,今請復置。」從之。三年,詔開封、祥符知縣事自今選秩通判人充。四年,

詔開封府所薦推、判官,並召對取旨。

六員,比舊增要官十一員。五年,詔開封府屬官參軍等並依舊員額。大觀元年,李孝壽乞增置府 州郡並依開封府分曹置掾。 自今凡士之婚田鬥訟皆在士曹,餘曹倣此。」二年,詔皇子領牧,祿令如執政官。又詔天下 學博士一員。從之。詔:「開封六職閑劇不同,如士曹之官,唯主到罷批書,而刑、戶事繁, 尚書省,從之。 太宗、眞宗嘗任府尹,自至道後,知府者必帶「權」字,蔡京乃以潛邸之號處臣下,建置曹官以上凡十 之下、列曹郞官之上。以士、戶、儀、兵、刑、工爲六曹次序,司錄二員,六曹各二員,參軍事 府之政事。牧以皇子領之。尹以文臣充,在六曹尚書之下、侍郎之上。少尹在左右司郎官 書六部置架閣主管官一員。 八員。開封、祥符兩縣置案做此。易胥吏之稱,略依唐六典制度。」又請移開封府治所於舊 崇寧三年,蔡京奏:「乞罷權知府,置牧一員、尹一員,專總府事;少尹二員,分左右,貳 宣和元年聶山奏,司錄、六曹官乞依省部少監封敍。韶修入條 政和二年,復置開封府學錢粮官一員。五年,盛章奏,乞依尙

參軍、司法參軍各一員。 度判官廳公事、節度推官、觀察推官、觀察判官、錄事參軍、左司理參軍、右司理參軍、司戶 安撫使。時置帥在鎭江府,紹興駐驛臨安,遂正稱安撫使。 舊爲杭州,領浙西兵馬鈴轄,建炎三年,詔改爲臨安府,其守臣令帶浙西同 置知府一員,通判二員,簽書節

禮料,會聚陳其幄帟,人使往來,辨其舟楫,皆先期飭于有司。 置兩總轄,承受御前朝旨文字。凡御寶、御批、實封有所取索,則供進;凡省、臺、寺、監、監 緝捕在城盜賊。立五酒務,置監官以裕財。分六都監界分,差兵一百四十八鋪以巡防煙火。 以聽民之訟訴。廂官許奏辟京朝官親民資序人充,後以臣僚言,罷城內兩廂官,惟城外置焉。分使臣十員,以 司符牒及管下諸縣及倉場等申到公事,則受而理之;凡大禮及國信,隨事應辦,祠祭共其 本府掌畿甸之事,籍其戶口,均其賦役,頒其禁令。城外內分南北左右廂,各置廂官,

開拆司、財賦司、大禮局、國信司、排辦司、修造司,各治其事。置吏:點檢文字、都孔目官、 名開拆官二名,押司官八人,前後行守分二十一人,貼司三十人。 副孔目官、節度孔目官、觀察孔目官各一名,磨勘司主押官、正開拆官、副開拆官各一人,下 領縣九,分士、戶、儀、兵、刑、工六案。內戶案分上中下案,外有免役案、常平案、上下

乾道七年,皇太子領尹事,廢臨安府通判、簽判職官。置少尹一員,日受民詞以白太子,

務總管路鈐二十員,州鈐轄、路分都監、副都監二十員,正、副將十五員,安撫司準備將領十 闕一員,昨皇太子領府尹更不差注,今旣辭免,乞將宗室添差員闕依舊。」從之。淳熙三年, 依舊置。旣據保義鄓趙禮之狀:「臨安府依條合置兵馬監押一員,經任監當四員,初任監當 幕職官,其統臨職分,並照從來條例。九年,皇太子解尹事,臨安府知、通、簽判、推判官並 間日率僚屬詣宮稟事。置判官二員、推官三員。有旨,少尹比做知府,判官比通判,推官比 分共六員。 五員,州都監以下十員,共以八十員爲額。 詔罷備攝官,惟緝捕使臣十二員、聽候差使六員許令辟置。嘉泰四年,詔臨安府添差不釐 尋減總管路鈴五員。開禧三年,復省罷總管、**路**

置司士,取官吏強慢者爲,給簿、尉奉。助教有特恩而受者,不釐務。 官各一人,或以京朝官簽書。使院牙職、左右軍巡悉同開封,而主典以下差減其數。戶曹通掌 關則置知府事一人,以郎中以上充,二品以上日判府。 欢府及節度州準此。 通判一人,以朝官充。判官、推 府院戶籍、考課、稅賦,法曹專掌讞議,士曹或蔭敍起家,不常置。 河南應天府 牧 尹 少尹 司錄 戸曹 法曹 士曹 諸州府同。至道初,罷司理院,州 尹以下掌同開封府,尹

以下所掌並同開封,大中祥符八年,以楚王爲與元牧,其後又爲京兆、江陵牧,自餘無爲者。 吏均禮。大藩或置兩員,戶少事簡有不置者,正刺史以上州知州,雖小處亦特置二三。使院牙職事並同前。 人,以朝官及刺史以上或諸司使充。 牧 尹 少尹 通判一人,以京朝官充。 司錄 戸曹 法曹 乾德初,諸州置通判,統治軍、州之政,事得專達,與長 士曹 司理 文學 尹闕則知府事一 助教 牧、

以節度使兼中書令、或侍中、或中書門下平章事,皆謂之使相,以待勳賢故老及宰相久次罷 同。 政者,隨其舊職或檢校官加節度使出判大藩,通謂之使相。元豐以新制,始改爲開府儀同 授此官,亦止於一員;或有功勳顯著,任帥守於外,及前宰執拜者,尤不輕授。又遵唐制, 初除,鎖院降麻,其禮尤異,以待宗室近屬、外戚、國壻年勞久次者;若外任,除殿帥始 節度使 舊制、敕出中書門下,故事之大者使相繫銜。 宋初無所掌,其事務悉歸本州知州、通判兼總之,亦無定員,恩數與執政 至是,皆南省奉行,而開府不預

八年,鎭江軍節度使、檢校太傅韓絳爲開府儀同三司、判大名府。

元祐五年,太師、平

侍則有童貫、梁師成。 章軍國重事文彥博爲開府儀同三司、守太師、充護國軍山南西道節度使致仕。 人,前執政二人,大將四人,外戚十人,宦者恩澤計七人。 夫、余深,前執政則有察攸、梁子美,外戚則有向宗回宗良、鄭紳、錢景臻,殿帥則有高俅,內 年司空、左僕射察京爲開府儀同三司、安遠軍節度使、中太一宮使,其後故相而除則有劉正 宣和末,節度使至六十人(邑),議者以爲濫。 親王、皇子二十六人,宗室十一 自崇寧五

亦累官至焉,非常制也。 澄、楊敷學炎。 呂頤浩、張浚(云)、虞允文皆以勳,史浩以舊,趙雄、葛邲以恩。執政一人,葉右丞夢得。從官二人而已。張端明 **寧武、保靜。其後相承,宰執從官及后妃之族拜者不一。然自建炎至嘉泰,宰相特拜者六人,** 宋朝元臣拜兩鎭節度使者才三人。韓琦、文彦博、中興後呂頤浩是也。三公卒辭之。而諸大將若韓、張、吳、岳、楊、 劉曰艺之流,率至兩鎭節度使,其後加至三鎭者三人:韓世忠鎭南、武安、寧國,張俊靜江、寧武、靜海,劉錡曰也護國、 中興,諸州升改節鎭凡十有二〇三。 惟紹興中曹勛、 韓公裔,乾道中曾觀,嘉泰中姜特立、譙令雍,皆以攀附恩澤, 是時,諸將勳名有兼兩鎭、三鎭者,實爲希闊之典。

承宣使 志 百 _ + 無定員,舊名節度觀察留後。 九 職 官 六 校 勘 政和七年,詔:「觀察留後乃五季藩鎮官以所

後、觀察皆不得本州刺史。大中祥符七年,令有司檢討故事,始復帶之。 親信留充後務之稱,不可循用,可冠以軍名,改爲承宣使。」唐有留後,五代因之,宋初, 留

政和中,韶承宣、觀察使仍不帶持節等。 觀察使 無定員。初沿唐制置諸州觀察使,凡諸衞將軍及使遙領者,資品並止本官

及遙郡落階官又就除正任。紹興末,臣僚以爲言,雖復置檢校官,餘未盡改。 制,梯級有差。中興以後,節度移鎭寖少,後有一定不易徑遷太尉;承宣、觀察徑作一官, 除落階官者爲正任。朝謁御宴,惟正任預焉。遙郡並止本官敍,正任復次第轉行,考之舊 進躐取。 遙郡遷正任者,合次第轉行。今自遙郡與落階官而授正任,直超轉本等正官,是皆姦巧希 防禦使 乞應遙郡承宣使有功勞除正任者,止除正任刺史。」從之。凡未落階官者爲遙郡, 團練使 諸州刺史 無定員。靖康元年,臣僚言:「遙郡、正任恩數遼絕,自

校勘記

(1) 三衞官 原脫標目,據正文內容補。下文「入內內侍省」同。

- (11) 番衞 原作「蕃衞」,據下文和宋、會要職官三二之四改。
- 都都虞侯指揮使 本書卷一八七兵志作「都虞侯、指揮使」;宋會要職官三二之四、通考卷五八

職官考作「都虞候、都虞候指揮使」。

(2) 三衙 卷五八職官考、合璧事類後集卷五四改。 原作「三衞」,按三衞官指親、勳、翊衞,見下文;此處乃指殿、馬、步三衙。據下文和通考

(至) 塡置三帥 「置」原作「制」,據通考卷五八職官考改。下文乾道中臣僚言「除都指揮使或不常置

- (云) 左右四廂都指揮使 「使」字原脫,據宋會要職官三二之四、通考卷五八職官考補。
- (4) 掌出戍建康 通考卷五八職官考、合璧事類後集:(4) 副指揮使 「副」下原衍「使」字,據同上書同卷刪。
- 掌出戍建康 疑此處「掌」爲「常」字之誤。 通考卷五八職官考、合璧事類後集卷五四皆謂侍衞馬軍司「中興後常出戊建康」

(九) 有左右四廂都指揮使 有」 字原脫,據上文「自龍衞而下有左右四廂都指揮使」例、深會要

9 在正任觀察使之上都虞侯 職官三二之五補。 十一字原脫,據臺書考索後集卷一二引四朝志、合璧事類後集卷五

志第一百一十九 校勘記

- = 左右領軍衞 諸衞大將軍排列次序同,都無「左右衞官軍衞」之名。 宋 愛 聚 宣三三之七所載諸衞大將軍,也 序爲「左右驍衞、武衞、屯衞、領軍衞、監門衞、千牛衞上將軍」;宋朝事實卷八宗室轉官資級圖 「領」原作「衞官」。按本書卷一六八職官志元豐以後合班之制,諸衞上將軍排列次
- 正親兄弟子孫試充 「正」字下史文有錯簡。據通考卷五八職官考,此下應接「皇城司」條「使爲

有左右領軍衞,而無「左右衞官軍衞」,據改。

將軍」句下至「可以見環衞儲才之意」一段。又下文「親兄弟子孫試充」下至「五年正月罷」一段,

應移至下文「三衞官」條「遙郡團練使以上並以」之下,參考校勘記(三)。

CIE 仍以五尺九寸一分六釐 「釐」字下史文有錯簡。據宋金要職官三四之三二至三四之三四,此 之意」一段,應移至「環衞官」條「遙郡爲大將軍正」之下,參考校勘記〔三〕。 下應接「三衞官」條「爲等」句下至「並從之」一段。又下文「使爲將軍」句下至「可以見環衞儲才

曾爲兵將有功績 「其」字當爲「有」字之訛,據改。 「有」原作「其」,「朱倉要職官三三之五作「曾爲兵將而有功績」,語意明確,

CIE 並以爲等 文「皇城司」條「仍以五尺九寸一分六釐」之下,參考校勘記(三)。 條「親兄弟子孫試充」下至「五年正月罷」一段。又下文「為等」句下至「並從之」一段,應移至上 「以」字下史文有錯簡。據宋,會要職官三三之九至三三之一一,此下應接「環衞官」

空さ **交賣尤多** 「賣」原作「買」,據靖康要錄卷七、通考卷五八職官考改。

글 在文臣爲館職 「文臣」原作「文武」,據司馬光溫國文正司馬公文集卷三七郭昭選箚子、

卷五八職官考改。

CIS 又許轉對如職事官 「許」原作「詳」,據通考卷五八職官考、朝野雜記甲集卷一〇改。

수 乾道以來詔立班樞密院檢詳文字之上 按宋會要職官三四之一二:「孝宗乾道六年九月十四

「上」字當作「下」。本書卷一六八職官志紹興以後合班之制,帶御器械立位卻在樞密院檢詳諸 體。」又:「十月五日,帶御器械雜壓敍位依近降指揮,令在樞密院檢詳諸房文字之下。」 疑此處 日,中書門下省勘會已降指揮,帶御器械立班在樞密院檢詳諸房文字之下,其雜壓敍位亦合一

房文字之上,疑是乾道以前之制。

CIO 一百八十人 「一」原作「二」,據宋會要職官三六之一、通考卷五七職官考改。

(三) 以入內內侍充 「侍」下原衍「省」字,據宋會要職官一九之一三、合璧事類後集卷五三刪。

以入內內侍充 「侍」下原衍「省」字,據同上書及宋會要職官三六之二八刪。

S 正刺史以上州知州雖小處亦特置 知州,雖小郡亦特置」。合璧事類後集卷七六同。 按宋會要職官四七之五八,作「正刺史以上及諸司使、副使

節度使至六十人 百一十九 「至」原作「五」,據朝野雜記甲集卷一二、通考卷五九職官考改。 校 勘 記 三九五一

呈 諸州升改節鎮凡十有二 「節」下原行「政」字,據通考卷五九職官考删。

믕 韓張吳岳楊劉 「吳」原作「呂」,據朝野雜記甲集卷一二、通考卷五九職官考改。

물 劉錡 世,非劉錡。按本書卷三六六劉錡傳,錡未嘗兼領三鎮;卷三六九劉光世傳,光世曾領護國 朝野雜記甲集卷一二作「劉安城王」,通考卷五九職官考作 「劉安城」。劉安城乃劉光

会 張浚 等三鎮節度使,追封安城郡王,此「劉錡」當作「劉光世」。 原作「張俊」,朝野雜記甲集卷一二、通考卷五九職官考都作「張忠獻」。 按忠獻乃張浚諡

號,且自宰相特拜者也是張浚,而非張俊,見本書卷三六一張浚傳。張俊並未作宰相,「俊」字當

爲「浚」字之誤,據改。

宋史卷一百六十七

志第一百二十

職官七

鎮撫使 經略安撫使 路 幕職諸曹等官 提舉解鹽保甲二白渠弓箭手等職 提點開封府界公事 大都督府 分都監 提點刑獄 制置使 諸軍都統制 發運使 諸縣令丞簿尉 宣諭使 提舉河北糴 提舉常平茶馬市舶等職 都轉運使 巡檢司 宣 撫使 鎮砦官 便司台 招討使 監當官 府州軍監 總領 廟令丞簿 經制邊防財用 招撫使 留守 提舉學事 諸軍通判 撫諭使 總管針轄

三九五三

志

第

百

= +

官

越王爲威武軍節度、福州大都督府長史。 軍 護諸將,非舊制比也。 見任宰相充都督,次有同都督,有督視軍馬,多執政爲之,雖名稱略同,然掌總諸路軍馬,督 府事一人,同衣府。通判一人,京朝官充。司馬不釐務。舊制,凡都督州建官如上。南渡後,以 引典故,宰相言:「越王已爲長史。」上曰:「業已差悞,異日有除,并改正之。」至道後,因移鎭,遂爲大都督。 助教 大都督府 大都督及長史掌同牧、 都督府 長史 淳化五年,吳王爲淮南節度、揚州大都督府長史,翰林學士張洎革制,再表接 左右司馬 尹,親王爲節度則大都督領之;庶姓爲節度則長史領之。 錄事參軍 司戶、司法、司士、司理、文學參 闕則置知 端拱初,

入銜。 思退不行,就以楊存中充都督,非宰執而爲都督自存中始。 事分隸三省、樞密院。思退初以左相出都督,時楊存中即以太傅、寧遠軍節度使同都督, 趙鼎、張浚、湯思退皆以宰相兼之。頤浩還朝,孟庾始以參知政事爲權同都督代,後落「權」 趙鼎先以知樞密院事爲都督川陝、荆襄諸軍事。其後與浚並相,並帶兼都督諸路軍馬 初,紹興二年,呂頤浩首以左僕射出都督江、淮、雨浙、荆湖諸軍事,置司鎭江。 未幾,淺獨被旨江上視師,置都督行府,行移文字,並依三省體式,其召赴行在,以其 其後,

三十一年,葉義問以知樞密院事督視江、淮、荆襄軍馬,明年,汪澈以參知政事、湖北、

兵,或以簽樞督視,或以元樞代之,或以參知政事督視四川軍馬,然皆未有底續而罷。 事、參謀、參議,並以從官充;書寫機宜文字、幹辦官、準備差遣,前後員數不一。 此可以見朝廷開府之意。」凡簽廳文字,並依尚書左右司、樞密院檢詳房體式。設屬:諮議軍 京西路督視軍馬(三), 一大將爲招撫使,後以二從臣爲宣諭使,憂其不相統攝,則以宰相爲都督,欲事權歸 執政爲督視於是見焉。 王之望辭同都督,有曰:「朝廷於兩淮, 開禧用 世,

文、程千秋副使。 施行,許報大使照應 江西、呂頤浩帥湖南(日),皆領制置大使。開禧,丘密、何澹亦然。 兼經略使。 重秩高者加制置大使,位宣撫副使上,紹興三年〔三〕,趙鼎始爲江西制置大使。 中興以後,置使,掌本路諸州軍馬屯防扞禦,多以安撫大使兼之,亦以統兵馬官充;地 制置使 靖康初,會諸路兵解太原之圍,姚古、解潛相繼爲河東、河北制置使,皆無功而 胡舜陟除沿江都制置使,王羲叔〔五〕副使。 不常置,掌經畫邊鄙軍旅之事。政和中,熙、秦用兵,以內侍童貫爲之,仍 趙鼎爲江西制置大使,岳飛爲制置使,每事會議,或急速則 或置副使以貳之。 呂頤浩充江、浙制置使,陳彦 其後,席益帥潭,李綱帥

旣帶安撫,又兼制置,及許便宜,權之要重,擬於朝廷(K),於是詔止許便宜制置軍事,其他 初,建炎元年,詔令安撫使、發運、監司、州軍官,並聽制置司節制。其後,議者以守臣

百二十

藏官

三九五五

使各五員,餘隨時勢輕重而增損焉。 比。 計、茶馬不預。又有沿海制置使,以明州守臣領之,然其職止肅淸海道,節制水軍,非四川 置 刑 巨或省。 獄、 大使置屬參謀、參議、主管機宜、書寫文字各一員,幹辦公事三員,準備將領、差遣、差 財賦付提刑、轉運。 開禧間,江、淮、四川並置大使。 後又詔諸路帥臣並罷制置使之名,惟統兵官如故。 休兵後,獨成都守臣帶四川安撫、制置使,掌節制 隆興以後,或

淮 焉。開禧(s)間,薛叔似、鄧友龍、吳獵皆因饑荒盜賊及平逆亂後,往敷德意,亦並以從官行。 及新復陝西,樓炤以簽書樞密院事往永興宣論,就令招撫盜賊,鄭剛中爲川、陝宣論使,許 捕盜賊,皆欲專一布惠以爲民。其後,右司范直方宣證川、陝,察院方庭實宣證三京,均此意。 錢端禮、吳芾皆以侍從出膺斯寄,事畢結局;官屬軍兵,視其所任事之輕重,爲賞之厚薄 按察官吏, 三十二年,虞允文、王之望相繼充川、陝宣諭使,皆預軍政,其權任殆亞於宣撫。其後, 南東路宣諭使,此其始也。 宣諭使 汪澈爲湖北、京西宣諭使, 掌宣論德意, 二年,分遣御史五人,宣諭東南諸路,戒其興獄,責其不當,督 不預他事,歸卽結罷。 仍節制兩路軍馬,自是使權益重,而使事始不專。 紹興元年, 詔祕書少監傳崧卿(も) 充

北兩路。 京畿、河東北宣撫使,凡勤王之師屬焉。及會諸道兵救太原,又以知樞密院李綱宣撫河東、 宣和三年,睦寇方臘作亂,移貫宣撫淮、浙,賊平依舊。靖康初,种師道提兵入衞京城,爲 宣撫使,繼卽軍中拜相,仍舊領使。 處置」二字入衡。 治平末,命同簽書樞密院郭逵宣撫陝西。三年云,夏兵犯順,以參知政事韓絳爲陝西 宣撫 中興初,張浚以知樞密院事、孟庾以參知政事、李綱以前宰相,皆出宣撫,浚又加 使 不常置,掌宣布威靈、撫綏邊境及統護將帥、督視軍旅之事,以二府大臣 時爲川、陝、京西、湖北路。 政和中,遣內侍童貫爲陝西、河東宣撫使,又兼河北。

參知政 撫使。 序人,與提刑敍官;參議官,係知州資序人,與轉運判官敍官;機宜幹辦公事,並依發運司 以從官由副使而升正 學士,爲壽春等州宣撫使。 大使兼宣撫使。 紹興元年,詔以淮南守臣多闕,百姓未能復業,分命呂頤浩、 事。 乾道三年,虞允文依舊知樞密院事充四川宣撫使。 開禧間,以從官出宣撫江、淮、湖北、京西等處不一。其屬有參謀官,係知州資 武臣非執政而爲宣撫使,實自光世始。 |使焉。三十二年,張浚復以少傅依前觀文殿大學士充江淮東、西路宣 自是韓世忠、張俊(10)、吳玠、岳飛、吳璘皆以武臣充使,王似亦 二年,李光又以吏部尚書加端明殿 五年,王炎除四川宣撫使,依舊 朱勝非、 劉光世皆以安撫

志

主管文字敍官。凡宰執帶三省、樞密院事出使,行移文字箚六部,六部行移即具申狀。 如

從官任使、副,合申六部,六部行移卽用公牒。

襄,楊沂中之於淮北,皆止以副使爲名。 太原, 之副;王似除使,盧法原仍副之。 如開禧三年,安丙充利州西路宣撫使兼四川宣撫副使。 福建韓世忠、川陝吳玠皆有此授。 宣撫副使 又以資政殿學士劉韐爲之。建炎三年,周望宣撫兩浙,以太尉郭仲荀副之。 不常置,掌貳使事。宣和末,王師伐燕,命少保察攸充。靖康初,會兵救 紹興間,張浚宣撫川、陝,將召歸,命從臣王似、盧法原爲 亦有不置使而置副,如胡世將之於川、陝,岳飛之於荆、 |飛後以功始落「副」字。亦有身爲正使衆領副使, 其後,

判之名同,而先後輕重異焉。 張浚初以便宜命劉子羽爲副,其後張宗元、呂祉亦爲之。十年,楊沂中以太尉爲淮北宣撫 副使,劉琦以節度使爲判官,禮抗權均,猶轉運使、副、判官之比。 詔行移文字同其繫銜,宣 宣撫判官 不常置,掌贊使務。熙寧中,命直舍人呂大防爲之,實上幕也。紹興中,

撥州軍上供錢米,則以時拘催, 領 四人。 掌措置移運應辦諸軍錢糧,以朝臣充,仍帶幹階、戶部等官。 歲較諸州所納之盈虧,以聞于上而賞罰之。 初, 建炎間, 朝廷科

張浚出使川、陝,用趙開總領四川財賦,置所繫銜,總領名官自此始。 其後大軍在江上,間

遺版曹或太府、司農卿少卿調其錢糧,皆以總領爲名。

軍酒庫。 以通判權。権貨務、都茶場、御前封樁甲仗庫、大軍倉、大軍庫、贍軍酒庫、市易抵當庫、惠民 其官屬有幹辦公事、準備差遣行司。四川又有主管文字二員。淮東西有分差糧料院、審計司、審計 糧,淮西總領掌之。十五年,復置四川總領,凡興元、興州、金州諸軍錢糧,四川總領掌之。 諸軍錢糧,淮東總領掌之;鄂州、荆南、江州諸軍錢糧,湖廣總領掌之;建康、池州諸軍錢 報發御前軍馬文字。 紹興 湖廣有給納場、屬官無。分差糧料院、審計院、通判無。御前封椿甲仗庫、大軍倉庫、贍 四川有分差糧料院、審計院、屬官兼。 十一年,收諸帥之兵改爲御前軍,分屯諸處,乃置三總領,以朝臣爲之,仍帶專一 蓋又使之預聞軍政,不獨職餉餽而已。其序位在轉運副使之上。鎭江 大軍倉庫、撥發船運官、贖藥庫、糴買場。

減二年。 吏額:淮東九人,淮西、湖廣十人,四川二十人。 以行賞罰。 淳熙元年,詔委諸路州軍通判,專一主管拘催逐州錢米,起發赴所,本所每半年比較, 紹熙二年,以淮西總領所言,定知州、通判展減磨勘法:十分欠二展二年,數足

副 留守 舊制,天子巡守、親征,則命親王或大臣總留守事。 建隆元年,親征

第

澤、潞,以樞密使吳廷祚爲東京留守,其西、南、北京留守各一人,以知府兼之。西京河南,南京 留司臺官一員。五年,罷局。其後,秦檜爲行宮留守,援例置官。 留守。其後,河南復,南京、西京置留守。紹興四年,帝將親征,以參知政事孟庾爲行宮留 京司錄,通管府事。南渡初,其東京、北京並置留守,以開封、大名知府兼,又以掌兵官爲副 名。」從之。宣和三年,詔河南、大名少尹依熙寧舊制,分左右廳治事;應天少尹一員,及三 政和三年,資政殿大學士鄧洵武言:「河南、應天、大名府號陪京,乞依開封制,正尹、少之 應天,北京大名。留司管掌宮鑰及京城守衞、修葺、彈壓之事,畿內錢穀、兵民之政皆屬焉。 守,奏差主管書寫機宜文字官一員,幹辦官二員,準備差遣、差使各三員,使臣五十員,又置

其獄訟,頒其禁令,定其賞罰,稽其錢穀、甲械出納之名籍而行以法。若事難專決,則具可 及近地,則使事止於安撫而已,其屬有幹當公事、主管機宜文字、準備將領、準備差使 在綏御戎夷,則爲經略安撫使無都總管以統制軍旅,有屬官典領要密文書,奏達機事。河北 否具奏,卽干機速、邊防及士卒抵罪者,聽以便宜裁斷。帥臣任河東、陝西、嶺南路,職 經略安撫司 經略安撫使一人,以直祕閣以上充,掌一路兵民之事;皆帥其屬而聽

元祐元年,詔陝西河東經略安撫、都總管司,自元豐四年後,應緣軍興添置官屬並罷。

年, 變州路兵馬都鈴轄、瀘南沿邊路兵馬都鈴轄、瀘南沿邊安撫使。 四年,詔移京西路安撫於河南府,京東路安撫於應天府。宣和二年,詔瀘州守臣帶潼川府 瀘南沿邊安撫司公事,仍差守臣。 京西路安撫使。 諸路招納司,並隸經略司。五年,詔河東同管幹沿邊安撫司公事,許歲赴闕奏事一次。政和 「溪哥城乃古積石軍,今當爲州,乞以李忠爲守,置河南安撫司。」從之。四年,置河東、陝西 又韶罷經略安撫司幹當官。 韶經略司遇軍興差發軍馬, 三年,詔杭越州、江寧府、洪州守臣並帶安撫使。 二年, 具數關報走馬承受。 七年,詔河陽、開德守臣並帶管內安撫使。 韶沿邊臣僚奏請事, 崇寧二年, 並先赴經略司詳度以聞。 又韶罷置輔郡內潁昌府帶 六年, 詔瀘州 熙河蘭會經略王厚奏 止帶主管 元符元

使。 臣 請於沿河、沿淮、沿江置帥府,以文臣爲安撫使帶馬步軍都總管,武臣一員爲之副,許便宜 寧,詔加裁定。 .準備差遣、武臣準備差使、準備將領各以五員爲額,其餘諸路或隨地輕重而損益焉。 事,辟置僚屬、將佐,措置調發,惟轉輸屬之漕使。其後,沿江三大使司辟置過多,邊報 管某路安撫司公事。 廣東 舊制,安撫總一路兵政,以知州兼充,太中大夫以上,或曾歷侍從乃得之,品卑者止稱 西、荆南、襄陽仍舊制加「經略」二字。凡帥府皆帶馬步軍都總管。 參謀、參議官、主管機宜文字、主管書寫機宜文字各一員,幹辦公事二員,文 中興以後,職名稍高者出守,皆可兼使,如係二品以上,卽稱安撫大 建炎初,李綱

志 第

從省罷。後以諸路申請,或置或省不一。

惟二廣如故。 兩路則帶經略、 除嘗任執政外,兩制從官必曾經作郡、庶官必曾任憲漕實有治績者。」從之。惟廣南東、西 撫使以治民,武臣一人充都總管以治兵,其逐路都總管職事,且令帥臣依舊帶行,候正官到 日交割。慶元二年,詔利州西路安撫司於興州置司,令都統制兼。五年,臣僚言:「遴選帥才, 淳熙二年,詔揚州、廬州、荆南、襄陽、金州、興元、興州分爲七路,每路委文臣一員充安 安撫使。 紹興五年公司,令襄陽守臣、湖北帥司各帶經略、安撫使,後罷,

聞。 刑獄之事,復彊買民物,不償其直,招權怙勢,至與監司表裏爲惡。自今猶爾,必加貶竄。」 **靖康初,罷之,依祖宗舊制,復爲走馬承受。** 「近者諸路廉訪官,循習違越,附下罔上,凡邊機皆先申後奏,且侵監司、凌州縣而預軍旅、 意?其各自勵,以稱任使,或蹈前失,罰不汝赦。」明年七月,改爲廉訪使者。 風聞言事。 給之,仍收還所用奉使印。 然居是職者惡有所隸,乃潛去「總管司」字,冀以擅權。 走馬承受 政和五年詔:「諸路走馬承受體均使華,邇來皆貪賄賂,類不舉職,是豈設官之 諸路各一員,隸經略安撫總管司,無事歲一入奏,有邊警則不時馳驛上 崇寧中,始韶不隸帥司而輒預邊事,則論以違制。 熙寧五年,帝命正其名,鑄銅記 宣和五年詔: 大觀中, 詔許

弗協力者宜改擇,且許發運使薛向自辟其屬。又令舉眞、楚、泗守臣及兼提舉九路坑冶、市 上令,稍收輕重斂散之權歸於公上,則國用可足,民財不匱矣。」從之。旣又詔六路轉運使 凡上供之物,皆得徙貴就賤,用近易遠,令預知在京倉庫之數所當辦者,得以便宜蓄買以待 **兼制茶鹽、泉寶之政,及專舉刺官吏之事。**熙寧初,輔臣陳升之、王安石領制置三司條例, 建言:「發運使實總六路之出入,宜假以錢貨,繼其用之不給,使周知六路之有無而移用之。 發運使 副 判官 掌經度山澤財貨之源,漕淮、浙、江、湖六路儲廩以輸中都,而

爲錢凡七色,是後州縣有所謂經制錢,自亨伯始。 以大漕之職經制七路財賦,許得移用,監司聽其按察。於是亨伯收民間印契及醫糟醋之類 今每歲加糴一百萬石,同年額輸京。」三年,方臘初平,江、浙諸郡皆未有常賦,乃詔陳亨伯 宣和初,韶:「發運司視六路豐歉和糴上供,乃祖宗舊制,曩緣姦吏侵用糴本,遂壞良法。自 政和二年,罷轉般倉,六路上供米徑從本路直達中都,以發運司所拘綱船均給六路。

舶之事。元祐中,詔發運使兼制置茶事。至崇寧三年,始別差官提舉茶鹽

給降糴本,收糴米斛,廣行儲積,以備國用。紹興二年,用臣僚言省罷,以其職事分委漕臣。 六年,詔復轉般倉,命發運判官盧宗原措置,尋以靖康之難,迄不能復。 渡江後,惟領

第

置,以戶部侍郎史正志爲兩浙、凉、湖、滩、廣、福建等路都大發運使。是多,以奏課誕謾貶, 倂廢其職。 未到綱運、措置糴買、總領常平爲職。未幾,復以臣僚言,分其責於逐路監司。乾道六年復 之,固辭不行。 使,專掌糴事。 八年,戶部復言廣糴儲積之便,再置經制發運使,併理經制司財賦,故名。 九年,遂廢發運司,以戶部侍郎梁汝嘉爲經制使,檢察中外失陷錢物,與催 邁上疏,以租庸、常平、鹽鐵、鼓鑄各分于諸司而總於戶部,發運使無所用 以徽猷閣待制程邁充

熙寧初,詔河東、河北、陝西三路漕臣許乘傳赴闕,留毋過狹日。旣又詔三路漕臣,令自辟 多至明年八月,以次輸足。大觀中,陝西漕臣以四員爲額。政和中,又詔陝西以三員,熙、秦 過二員,其屬官溢員亦省之。紹聖中,詔淮、浙、江、湖六路上供米,計其近遠分三限,自季 路,許依未析時通治兩路之事,錢穀聽其移用。元祐初,司馬光請漕臣除三路外,餘路毋得 依四選例立格就注,免赴選,具爲令。一一豐初,韶河北、淮南、京東、京西及陝右雖各析爲兩 屬各二員,以京朝官會歷知縣者爲之。二年,詔川、陝、閩、廣七路除堂選守臣外,委轉運司 郡縣之費;歲行所部,檢察儲積,稽考帳籍,凡吏蠹民瘼,悉條以上達,及專舉刺官吏之事。 都轉運使 轉運使 副使 判官 掌經度一路財賦,而察其登耗有無,以足上供及

于上;間詣所部,則財用之豐欠,民情之休戚,官吏之勤惰,皆訪問而奏陳之;有軍旅之 字、幹辦官各一員,文臣準備差遣、武臣準備差使,員多寡不一。 隨軍及都運廢置不常,而正使不廢。若副使,若判官,皆隨資之淺深稱焉。其屬有主管文 事,則供餽錢糧,或令本官隨軍移運,或別置隨軍轉運使一員,或諸路事體當合一,則置都 轉運使以總之。江東、西路分置三帥,置都轉運使一員,張公濟爲江、浙、荆湖、廣南、福建都運,趙開爲四川都運。 中興後,置官掌一路財賦之入,按歲額錢物斛斗之多寡,而察其稽違,督其欠負,以供

討使以禦之。三十一年,陝西、河東北、京東西等路皆置招討使,蓋又特遙領其地而已。 許一面對移,或放罷以聞。從之。十年,金人犯三京,以韓世忠、岳飛、張俊並兼河南、北招 書寫機宜文字一員,並聽奏辟。紹興五年,岳飛爲湖北、襄陽招討使,請州縣不法害民者, 度使張俊充江南路招討使,定位在宣撫使之下、制置使之上,著爲定制。軍中急速事宜,待 報不及,許以便宜行事。 招討使 掌收招討殺盜賊之事,不常置。建炎四年,以檢校少保、定江昭慶軍口事節 。差隨軍轉運使一員、參議官一員、幹辦官三員、隨軍幹辦官四員、

及京東西北路並置使招撫,後皆罷之。 將爲湖北、京西、淮東西招撫使。 十年,劉光世爲三京招撫使,踰年而罷。三十二年,孝宗卽位,以成閔、張子蓋、李顯忠三大 招撫使 不常置 建炎初,李綱秉政,以張所爲河北招撫使,未及出師而廢。 子蓋死,劉寶代之,未幾結局,官吏並罷。開禧二年,山東 紹興

撫諭 淮東撫 渝使, 諭使,此置使初意也。是年八月,又令學士院降詔,且命<u>江端友等奉詔撫諭諸路。其後</u>, 李正民以中書舍人爲江、浙、湖南撫諭使,且令按察官吏,伸民寃抑。傳崧卿以吏部侍郎爲 軍馬,回日結局,是又特爲軍馬出云。 曰:「京城士庶,自金人退師,人情未安,可差官撫諭。」於是以路允迪、耿延禧爲京城撫 司爲名,具宣恩言,俾民知德意,初無二致。乾道元年,知閤門事龍大淵差充兩淮撫諭 撫諭使 採訪民間利病,及措置營田等事。或不以使名,則稱撫諭官,所至以某州 掌慰安存問,採民之利病,條奏而罷行之,亦不常置。 建炎元年,帝謂輔臣

羣盜倂力以拒官軍,莫若析地以處之,盜有所歸,則可漸制,乃請稍復藩鎭之制。 鎭撫使 舊所無有,中興,假權宜以收羣盜。 初,建炎四年,范宗尹爲參知政事,議 是年五

宜。 其餘或以處歸朝之人,分畫不一,許以能扞禦外寇,顯立大功,特與世襲。 官提舉外,他監司並罷。 月,宗尹爲右僕射,於是請以淮南、京東西、湖南北諸路並分爲鎭,除茶鹽之利仍歸朝廷置 書寫機宜文字各一員,幹辦公事二員,並聽奏辟。 時劇盜李成 在舒、蘄,桑仲在襄、鄧,郭仲威在揚州,薛慶公西在高郵,皆即以爲鎭撫使, 上供財賦權免三年,餘聽帥臣移用,更不從朝廷應副,軍興聽從便 久之,諸鎭或戰死,或北降,但餘荆南 官屬有參議官、

及趙鼎爲相,召潛主管馬軍,遂罷弗置焉

宣和 以武 臣 臣 路無武臣提刑處,權添置一員; 延而 淮南東路罷提刑,令提舉茶鹽官兼領,蓋因事之煩簡而損益焉。 提刑一 初,詔江西、廣東增置武提刑一員,然遇闕帥,不許武憲兼攝。 臣不足以察所部人材,罷之。 不決,盜竊逋竄而不獲,皆劾以聞,及舉刺官吏之事。 提點刑獄公事 諸路經總制錢倂委提點刑獄官督責。 員,須選差公廉曉習法令、民事之人,如無聽闕。 掌察所部之獄訟而平其曲直, 建炎四年罷。 六年,置諸路提刑司檢法官。 嘉定十五年,臣僚言:「廣西所部州軍最多, 紹興初,兩浙路以疆封闊遠,差提刑二員, 所至審問囚徒,詳覆案牘, 舊制, 其後稍橫,遂不復除 乾道六年, 詔諸路分置武 紹聖初,以提刑 參用武臣 中興,以盜賊未衰,諸 熙寧初, 兼坑 凡禁繫淹 八年,用 冶事

志

提刑合照元降指揮,分上下半年,就鬱林州與靜江府兩處置司,無使僻地貧民有寃莫吐。」 其屬有檢法官、幹辦官。

之等。商有滯貨,則官爲斂之,復售於民,以平物價。皆總其政令,仍專舉刺官吏之事。 獄司。紹聖初復置,元符以後因之。 斂散,以惠農民。凡役錢,產有厚薄則輸有多寡;及給東祿,亦視其執役之重輕難易以爲 提舉常平司 掌常平、義倉、免役、市易、坊場、河渡、水利之法,視歲之豐歉而爲之 熙寧

常平等公事。未幾,經制司罷,復爲常平官。十五年,戶部侍郎王鈇至言:「常平之設,科 路共置一員,旣而諸路皆置。 凡給之不如期,鬻之不如式,與州縣之不加恤者,皆劾以聞。 紹興二年,復置主管。 建炎元年,常平職事倂歸提刑司,錢歸行在。二年,始復置常平官,還其糴本,未幾復罷。 凡官田產及坊場、河渡之入,按額拘納;收糴儲積,時其斂散以便民;視產高下以平其役。 提舉茶鹽司 掌摘山煮海之利,以佐國用。皆有鈔法,視其歲額之登損,以詔賞罰。 係提刑司,委通判或幕職官充。其後,置經制司,改常平官爲經制某路幹辦 中興後,通置提舉常平茶鹽司,掌常平、義倉、冤役之政令。 。政和改元,詔江、淮、荆、浙六

所部州縣巡歷覺察,禁止私販,按劾不法。其屬有幹辦官,旣與常平合一,遂並行兩司之 所掌特義倉、水利、役法二、振濟之事。 法爲監司,與轉運判官敍官,歲舉升改,官員有不職,則按以聞。 其後,常平錢多取以贍軍, 如四川無茶鹽去處,仍以提刑兼充,主管官改充常平司幹辦公事。是年多,詔提舉官依舊 條實繁,其利不一,豈一主管官能勝其任?」乃詔諸路提舉茶鹽官改充提舉常平茶鹽公事。 茶鹽司置官提舉,本以給賣鈔引,通商阜財,時詣

仍以八月至四月爲限,又以羨茶轉入熈、秦市戰騎,故馬多而茶息厚, 二法著爲令。 阮符末, 爲一司。」從之。先是,市馬于邊,有司倖賞,率以駑充數。紹聖中,都大茶馬程之邵始精揀汰, 茶至熈、河,置買馬場〔15〕六,而原、渭、德順更不買馬,於是杞言:「買茶買馬,一事也,乞同提舉買馬。」,杞途兼馬政,然 程之邵召對,徽宗詢以馬政,之邵言:「戎俗食肉飮酪,故貴茶,而病於難得,願禁沿邊醫茶,專以閩產易上乘。」詔可。未 分合不常。至元豐六年,羣牧判官提舉買馬郭茂恂又言:「茶司旣不兼買馬,遂立法以害馬政,恐悞國事,乞併茶場買馬 馬之處,官屬許自辟置,視其數之登耗,以詔賞罰。 奮制,於原、渭、德順三郡市馬。熙寧七年,初復熙、河, 經略使王韶言:「西人頗以善馬至邊,其所嗜唯茶,而乏茶與之爲市,請趣買茶司〔己]買之。」乃命三司幹當公事李杞運園 都大提舉茶馬司 宣和中,以茶馬兩司吏員猥衆,於是朝奉大夫何漸請遵豐、熙成憲,稱其事之繁 掌權茶之利,以佐邦用。凡市馬於四夷,率以茶易之。應產茶及市

復置。 勢付軍官自買土馬。 嘉泰三年 (10),以所發綱馬不及格式,詔茶馬官各差一員,遂分爲兩 大提舉茶馬,皆考其資歷授之。」乾道初,用臣僚言省罷,委各郡知州、通判、監押任責;尋 數之盈虧而賞罰之。歲發馬綱應副屯駐諸軍及三衙之用。舊有主管茶馬、同提舉茶馬、都 縣豫、文、檢、長寧、南平江亞、珍皆與知州、通判同措置任責。通判許茶馬司辟置,視買馬額 簡而定以員數,從之。紹興四年,初命四川宣撫司支茶博馬。 司。文臣成都主茶,武臣興元主馬。其屬共有幹辦公事四員、準備差使二員。 紹熙三年,茶馬司拖欠馬數過多,詔將本年分馬綱錢價,責茶馬司撥付湖廣總領所, 七年,復置茶馬官,凡買馬州

大」二字於「提點」之上。或病其事權太重,省倂歸逐路轉運司措置,仍置提領諸路鑄錢官 罰之。舊制一員,元豐初,以其通領九路,歲不能周歷所部,始增爲二員,分置兩司:在饒者 責任不專,職任廢弛,詔將饒州司官吏除留屬官一員外,並減罷,併歸虔州司 ⑴,又加「都 領江東、淮、浙、福建等路,在虔者領江西、湖、廣等路。至元祐,復倂爲一員。紹興五年,以 點兩司如初。淳熙二年,倂贛歸饒,復加「都大」二字,與提刑序官。其屬有幹辦公事二員, 檢踏官六員,稱銅官、催綱官各一員。 一員於行在,以侍從官充,自此或復或罷不一。乾道六年,倂歸發運司,發運司罷,復置提 提舉坑冶司 掌收山澤之所產及鑄泉貨,以給邦國之用。歲有定數,視其登耗而賞

蠹可罷。從之。仍委逐處知州、通判、知縣、監官同檢視,而轉運司總之。 舉市舶一司抽解搔擾之弊,且言福建、廣南皆有市舶,物貨浩瀚,置官提舉實宜,惟兩浙冗 年,臣僚言:「福建、廣南各置務於一州,兩渐市舶乃分建於五所。」乾道初,臣僚又言兩浙提 提舉市舶歸之轉運司,不報。 泉州置司。 提舉市舶司 大觀 元年,復置浙、廣、福建三路市舶提舉官。明年,御史中丞石公弼請以諸路 掌蕃貨海舶征権貿易之事,以來遠人,通遠物。 建炎初,罷閩、浙市舶司歸轉運司,未幾復置。 元祐初, 紹興二十九 詔福建路於

提舉學事司 崇寧二年置,宣和三年罷。 掌一路州縣學政,歲巡所部以察師儒之優劣、生員之勤惰, 而專舉刺

提點開封府界諸縣鎭公事 掌察畿內縣鎭刑獄、盜賊、場務、河渠之事。

提舉河北糴便司 糴便芻糧以供邊儲之用。

提舉制置解鹽司 掌鹽澤之禁令,使民入粟塞下,予鈔給鹽,以足民用而實邊備。

志第一百二十 職官上

凡鹽價高下及文鈔出納多寡之數,皆掌之。

內;凡諸營之名籍,較其壯怯而賞罰之。 手等事,皆奏而行之。 初,罷。 經制邊防財用司 崇寧中,復置提舉兵馬、提轄兵甲,皆守臣兼之。掌按練軍族,督捕盜賊,以淸境 熙寧末,以熙、河連歲用兵,仰給支度,費用不貲,始置是司。 掌經畫錢帛、獨糧以供邊費,凡権易貨物、根括耕地及邊部弓箭 元祐

遂下其法河北、河東、陝西三路,旣而悉置提舉官,如府界焉。 提舉保甲司 掌什伍其民,教之武藝,視其優劣而進退之。 元豐初,置于開封府界,

提舉三白渠公事 掌瀦泄三白渠,以給關中灌溉之利。

撥發司 掌以時起發綱運而督其滯留,以供京師之用。

提舉弓箭手 掌沿邊郡縣射地弓箭手之籍,及團結、訓練、賞罰之事。 政和五年,復

以所招弓箭手之數爲殿最。

府 州 軍 監 宋初革五季之患,召諸鎭節度會于京師,賜第以留之,分命朝臣

使、兵馬鈴轄。類昌府、青州、鄆州、許州、鄧州則兼安撫使、兵馬巡檢。 穀、獄訟之事,兵民之政皆總焉。凡法令條制,悉意奉行,以率所屬;有赦宥則以時宣讀, 掌總理郡政,宣布條教,導民以善而糾其姦慝;歲時勸課農桑曰,旌別孝悌;其賦役、錢 帶中書、樞密院、宣徽使職事,稱判某府、州、軍、監。 諸府置知府事一人,州、軍、監亦如之。 事皆統焉 餘州、軍,則別其地望之高下與職務之繁簡而置之。分曹以理之,而總其綱要。 州郡,或當一道衝要者,並兼兵馬鈴轄、巡檢,或帶沿邊安撫、提轄兵甲、沿邊溪洞都巡檢。 瀛州、大名府、京兆府則兼安撫使、馬步軍都總管。 瀘州、 潭州、廣州、 桂州、 雄州 則兼安撫 太原府、延安府、慶州、渭州、熙州、秦州則兼經略安撫使、馬步軍都總管。定州、眞定府、 劾以聞;遇水旱,以法振濟,安集流亡,無使失所。 若河南、應天、大名府則兼留守司公事。 而 出守列郡, 班告于治境;舉行祀典;祭郡吏德義材能而保任之,若疲軟不任事,或姦貪冒法,則按 號權知軍州事,軍謂兵,州謂民政焉。 其後,文武官參爲知州軍事,二品以上及 其餘大藩府或沿邊 凡屬縣之

郡文臣一員帶本路兵馬鈴轄,武臣一員充副鈴轄;次要郡文臣一員帶本路兵馬都監,武臣 員充副都監。」紹興三年,詔守臣帶路分鈴轄、都監去處並罷。五年,帝以守、令皆帶勸 建炎初,詔:「河北、京東西路除帥司外,舊差文臣知州去處,許通差武臣一次。」又:「要

志第

農公事,多不奉職,自今有治效顯著者,可令中書省籍記姓名,特加擢用。 爲與官至,諸郡合文武臣通差去處,並依舊制。 控扼去處,仍差武臣; 其不係極邊,文武臣通差。 爲任。又以武臣作郡,往往不曉民事,且多恣橫,詔新復州郡只差文臣。 者,特許不避本貫。初,除授見闕及自外罷任赴闕,並令引見上殿。 舊制帶提舉或主管學事。從官以上稱提舉,餘知、通主管,淳熙中罷。」乾道二年,令非曾任守臣不得 邊防五條聞奏,委都司看詳,有便於民者,卽與施行。」續又詔不拘五條之數。十三年,詔依 韶:「守臣到任半年以上,具民間利病,或 九年,詔應守臣以二年 續因臣僚言,極邊 凡從官出知郡

管。 掌倅貳郡政,凡兵民、錢穀、戶口、賦役、獄訟聽斷之事,可否裁決,與守臣通簽書施行。 部官有善否及職事修廢,得刺舉以聞。一元祐元年,詔知州係帥臣,其將下公事不許通判同 一員,州不及萬戶不置,武臣知州,小郡亦特置焉。其廣南小州,有試秩通判兼知 建隆四年,詔知府公事並須長吏回、通判簽議連書,方許行下。時大郡置二員,餘置 元符元年,詔通判、幕職官,令日赴長官廳議事及都廳簽書文檄。 通判 宋初懲五代藩鎭之弊,乾德初,下湖南,始置諸州通判,命刑部郎中賈玭等 州者。 職 所

南渡後、設官如舊,入則貳政,出則按縣;有軍旅之事,則專任錢糧之責,經制、總制錢

廣洪州、鎭江建康成都府見係兩員外,凡帥府通判並以兩員爲額,餘置一員。乾道元年,詔 四州通判, 買馬州、軍通判,令茶馬司依舊法奏辟,餘堂除差人。 又詔更不添差。其後,或以廢事請,或以控扼去處請。 與本郡協力拘催,以入于戶部。 乞自制置司奏辟,所有俭、洋、興、利、文、膽等州通判,乞送轉運司擬差。」並 旣而諸州通判有兩員處減一員,凡軍監之小者不置。 淳熙十四年,利州路提刑言:「關外 紹興五年以後旋添置之至。 除潭

從之。

職官,以供簽廳之職,或非才不勝任,則按刺易置可也。 老,乞行下轉運司,不許差年六十以上昏眊之人。」嘉定二年,臣僚言:「監司有幹官,州郡有 以判官兼司法,或以推官兼支使,亦有倂判官窠闕省罷,則令錄參兼管。 及支使從州、府名。凡諸州減罷通判處,則升判官爲簽判以兼之。小郡推、判官不並置,或 務之煩簡。初,政和改簽書判官廳公事爲司錄,建炎初復舊。凡節度推、判官從軍額,祭推 掌裨贊郡政,總理諸案文移,斟酌可否,以白于其長而罷行之。凡員數多寡,視郡小大及職 官皆堂除,餘吏部使闕,二廣間許監司辟差。 幕職官 簽書判官廳公事 兩使、防、團、軍事推判官 紹熙元年,臣僚言:「廣西奏擬簽判,多恩科癃 今乃差兼簽廳者動輒三兩員,或四 節度掌書記 凡要郡簽判及推 觀察支使

五員,其爲冗費至,與添差何異?乞將諸州郡所差兼簽廳官並行住罷。」從之。

對換。 之令,仍不許恩科人注授。 其舉主,照提刑司合舉主三員以上許間歲舉獄官一員。」嘉定中,申明年滿六十不許爲獄官 量,如有老疾昏眊難任事者,即從本州知通於判、司、簿、尉內選經一考以上無罪犯曉法人 「司戶初官,令專主倉庫,知錄依司理例以獄事爲重,不兼他職。」從之。仍依知縣格法銓 法並注經任及試中刑法人。乾道以來,間以司戶兼司法,知錄亦或兼職。六年,汪大猷言: 納;司法參軍掌議法斷刑;司理參軍掌訟獄勘鞫之事。中興,詔曹掾官依舊,惟司理、司 紹熙元年,詔不曾銓試人不許注授司法。慶元五年,臣僚言:「司理獄事煩重,宜優 舊制,錄事參軍掌州院庶務,糾諸曹稽違;戶曹參軍掌戶籍賦稅、倉庫受

列郡各置教官。建炎三年,教授並罷。紹興三年,復置四十二州。十二年,詔無教授官州、 熙寧六年,詔諸路學官委中書門下選差,至是,始命于朝廷。元豐元年,州、府學官共五十 三員,諸路惟大郡有之,軍、監未盡置。 課試之事,而糾正不如規者。委運司及長史於幕職、州縣內薦,或本處舉人有德藝者充戶也。 學者二百人以上,許更置縣學。自是州郡無不有學。始置教授,以經術行義訓導諸生,掌其 景祐四年,詔藩鎭始立學,他州勿聽。慶曆四年,詔諸路州、軍、監各令立學, 元祐元年,詔齊、廬、宿、常等州各置教授一員,自是

始於元豐;添差教授,則始於政和。 軍,令吏部申尚書省選差。二十六年,詔並不許兼他職,令提舉司常切遵守。若試教官,則

爲知縣事,有戍兵則兼兵馬都監或監押。宣教即以下帶監押。 之,無使失業。有孝悌行義聞于鄉閭者,具事實上于州,激勸以勵風俗。若京、朝、幕官則 時造戶版及催理二稅。有水旱則有災傷之訴,以分數蠲免;民以水旱流亡,則撫存安集 桑、平決獄訟,有德澤禁令,則宣布于治境。凡戶口、賦役、錢穀、振濟、給納之事皆掌之,以 縣令 建隆元年,令天下諸縣除赤、畿外,有望、緊、上、中、下。 掌總治民政、勸課農

合理爲實歷。嘉定十二年詔:「兩經作令滿替者,實歷九考、有政聲無過犯、舉員及格,改官 爾任不除監察御史。初改官人必作縣,謂之「須入」。十六年,詔知縣在任不成兩考,卽不 除,仍借緋、章服云,巖差出之禁,任滿有政績,則與升擢。乾道以後,定以三年爲任,仍非 人特免再作知縣,許受簽判或幹官,以當知縣履歷。」 初,建炎多差武臣,紹興詔專用文臣,然沿邊溪洞處,仍許武臣指射。 邑大事煩則堂

身幕職、令錄內選充。 初不置,天聖中因蘇耆請,開封兩縣始各置丞一員,在簿、尉之上,仍於有出 皇祐中,詔赤縣丞並除新改官人。熈寧四年,編修條例所言:「諸路

志第

以掌其事。」大觀三年,詔:「昨增置縣丞內,除舊額及萬戶以上縣事務繁冗,及雖非萬戶實 常平、免役置丞,並行省罷;如委事務繁劇難以省罷處, 關幷萬戶處存留一員,餘並罷。紹興三年,以淮東累經兵火,權罷縣丞。十八年,置海陵丞 有山澤、坑冶之利可以修興去處,依舊存留外,餘皆減罷。」建炎元年,詔縣丞係嘉祐以前員 察京言:「熙寧之初,修水土之政,行市易之法,興山澤之利,皆王政之大。請縣並置丞一員, 州、軍繁劇縣,令戶二萬已上增置丞一員,以幕職官或縣令人充。」元祐元年韶:「應因給納 一員。嘉定後,小邑不置丞,以簿兼。 令轉運司存留。」崇寧二年,

出,以防銷注。 納官物、銷注簿書,凡縣不置丞,則簿兼丞之事。 凡批銷必親書押,不許用手記,仍不許差 請並置簿,自餘仍以尉棄。」從之。自後川蜀及江南諸縣,各增置主簿。中興後,置簿掌出 事;四百戶以下置簿、尉,以主簿兼知縣事。咸平四年,王欽若言:川峽縣五千戶以上 主簿 開寶三年,韶諸縣千戶以上置令、簿、尉;四百戶以上置令、尉,令知主簿

各增置一員,掌閱習弓手,戢姦禁暴。凡縣不置簿,則尉兼之。 尉,並帶兼巡捉私茶、鹽、礬,亦或文武通差。隆興,詔不許差癃老疾病年六十以上之人。 建隆三年,每縣置尉一員,在主簿之下,奉賜並同。至和二年,開封、祥符兩縣 中興,沿邊諸縣間以武臣爲

邑大事煩則置二尉。 紹熙中,韶恩科人年及六十不差。 嘉定十三年,詔極邊縣尉,獲盜酬

賞班改,歲以二員爲額。

禦去處,設砦官,招收土軍,閱習武藝,以防盜賊。凡杖罪以上並解本縣,餘聽決遣。 鎭砦官 諸鎭置於管下人煙繁盛處,設監官,管火禁或兼酒稅之事。 **砦置於險扼控**

治修飾之事。 本縣令。京朝知縣者稱管勾廟事,或以令、錄老耄不治者爲廟令,判、司、簿、尉爲廟簿,掌葺 廟令 丞 凡以財施於廟者,籍其名數而掌之。 主簿 舊制, 五岳、四瀆、東海、南海諸廟各置令、丞。廟之政令多統於

以督捕盜賊而肅淸治境。凡諸營名籍、賞罰之事,皆掌之。崇寧四年,蔡京奏:「京畿四輔置 閱、賞罰之事,皆掌之。守臣帶提舉兵馬巡檢、都監及提轄兵甲者,掌統治軍旅訓練、教閱, 以太中大夫以上知州, 輔郡屏衞京師,以類昌府至三為南輔,襄邑縣升爲拱州爲東輔,鄭州爲西輔,澶州爲北輔。 鈴轄司 置副總管、鈴轄各一員, 掌總治軍旅屯戍、營防(云)守禦之政令。凡將兵隸屬官(回)訓練、教 知州爲都總管, 餘依三路帥臣法。」從之。

志 第

百二

+

職

官

七

三九七九

其諸路將官,掌統所隸禁旅,以行陣隊伍、金鼓旗幟、弓矢擊刺之法而教習訓練之,別其武 將爲之貳。若屯戍防邊,則受帥司節制;遇寇敵,則審其戰守應援之事;若師有功,則具 藝強者,待次遷補,以激勸士卒。 **馘數、籍用命而旌賞之。** 詔東南帥府總管,依三路都總管法。靖康元年,詔四道副總管並通差文武臣。 凡兵仗器甲之數,廩祿犒設、賞罰約束之禁令皆掌焉,副

監之下。大觀三年,詔帥府無路分鈴轄、望郡無路分都監者,許置一員,其餘添置處,任滿 其本城屯駐、兵甲、訓練、差使之事,資淺者爲監押。紹聖三年,詔諸路將副序位在路分都 不差人。宣和二年,虔州添置都監一員。 路分都監 掌本路禁旅屯戍、邊防、訓練之政令,以肅淸所部。州府以下都監,皆掌

廣、桂五州牧又皆以都鈴轄爲稱。四年,詔建康府、江州路又置副都總管一員,於見置帥司 武臣爲之副,稱副總管、副鈴轄、副都監,許以便宜行軍馬事,辟置僚屬,依帥臣法。 處駐箚。紹興三年,詔要郡、次要郡守臣罷帶兵職,其逐路副總管依舊格,改充路分都監, 有等差。遇朝廷起兵,則副總管爲帥,副鈴轄、都監各以兵從,聽其節制。 建炎初,分置帥府,以諸路帥臣策。 要郡守臣帶兵馬鈴轄,次要郡帶兵馬都監;並以 其後,益、瀘、變、 屯兵皆

州按閱,特存故事,間有得旨葺治軍器或訓練禁軍,則仍帶入銜。 職,惟江西贛州以多盜,仍帶江西兵馬鈴轄。其後,武臣爲路鈴者,亦無尺籍伍符,每歲諸 官之人。慶元中,詔總管下至將副等,年七十以上許自陳,與宮觀差遣。初,守臣罷帶兵 年指揮,雜流出身之人,不得過路分州鈴;諸州軍兵馬都監,獨員處專注才武及曾任主兵 捉捕盜賊。 爲一路掌兵之官。 淳熙十六年,韶諸路訓練鈴轄,並須年六十以下曾經從軍有才武人充。 其各州鈴轄或省或置不一。又有逐路兵馬都監、兵馬監押,掌煙火公事 紹熙元

神武 計議、機宜、幹辦公事、準備差遣,省置不一。 次有副都統制。 乾道三年,帝諭輔臣:「欲今 及平江許浦水軍,皆除都統制,恩數略視三衙,權任在帥臣右,官卑者稱副都統制。 令仍舊駐箚,以屯駐州名冠軍額之上。其後,興元 江陵 建康 鎭江府、 前」二字, 爲都統制以總之,未爲官稱也。 後江上諸軍各置副都統一員,兼領軍事,豈惟儲帥,亦使主將顧忌,不敢專擅。」因言:「都、 五軍及川陝宣撫司、都督府、樞密院皆置。 諸軍都統制 擢其偏裨爲御前統領官,以統制御前軍馬入銜,秩高者爲御前諸軍都統制,且 副都統制 統制 建炎初,置御營司,擢王淵爲都統制,名官自此始。 統領 紹興十一年,三大將兵罷,諸軍皆冠以「御 舊制, 出師征討,諸將不相統一,則拔一人 興 金 鄂江池州 設屬有 其後,

志第

將、準備將(言)、訓練官、部將、**隊將等名,皆偏裨也**。 副統制禮有隆殺,且爲條約。」上曰:「如此,他日不致爭權越禮。」遂行之。 然其後都、副鮮 主帥選擇,總領所或屯軍處守臣審覈保明,申樞密院。 諸軍升差統制至準備將者,主帥解發三人,赴總領所選一名,諸將不以爲便。 申樞密院審察。 有並除者。 初,渡江後,大軍又有統制、同統制、副統制、統領、同統領、副統領,其下 乾道七年,詔訓練官、部隊將而下,許軍中徑差, 舊制,準備將而上,皆主帥升差, 申朝廷照會。 慶元三年,韶 紹熙間, 仍先 ·有正

若海 江沿海招集水軍, 訓治甲兵、巡邏州邑、擒捕盜賊事;又有刀魚船戰棹巡檢,江、河、淮、海置捉賊巡檢, 巡檢以總之,皆以材武大小使臣充。 都巡檢使、都巡檢、巡檢、州縣巡檢,掌土軍、禁軍招塡教習之政令,以巡防扞禦盜賊。 馬遞鋪、巡河、巡捉私茶鹽等,各視其名以修舉職業,皆掌巡邏幾察之事。 巡檢司 南瓊管及歸、峽、荆門等處跨連數郡,控制溪峒,又置水陸都巡檢使或三州都巡檢使, 有沿邊溪峒都巡檢,或蕃漢都巡檢,或數州數縣管界、或一州一縣巡檢,掌 控扼要害及地分闊遠處,

皆置巡檢一員,

往來接連合相應援處,

則置都 各隨所在,聽州縣守令節制,本砦事並申取州縣指揮。 中興以後, 及巡 分置 凡沿

以增重之。

闕,許轉運司具名奏辟一次,以二年爲任,實有六考,方許關升。煩劇去處,許添差一員。 凡交割必置曆以稽其剩欠,合選差文臣處,更不差武臣。淳熙二年,韶二萬貫以下庫分,選 有定額,歲終課其額之登耗以爲舉刺。凡課利所入,日具數以申于州。 有才幹存留一員,指揮、諸班直、親從親事官、保義郞以下差充。 建炎四年,詔每州每以五 監當官 掌茶、鹽、酒稅場務征輸及冶鑄之事。 諸州軍隨事置官,其征權場務(言)歲 建炎初,韶監當官

校勘記

四

四之三五。

員爲額。

(1) 提舉河北糴便司 「糴便」原作「雜紀」,據本卷正文標目改。 河北糴便司之名, 見宋會要職官

 Ξ 督視軍馬 「督」上原衍「都」字,據通考卷五九職官考、繫年要錄卷二〇〇刪。

3 紹興三年 「三年」原作「元年」,據本書卷二七高宗紀、宋會要職官四〇之五改。

湖南 「南」字原脫,據本書卷三六二呂頤浩傳、繫年要錄卷九四補。

に無り 王羲叔 「羲」原作「義」,據本書卷二五高宗紀、宋會要職官四〇之二改。

志第一百二十 校勘記

二九八三

- で含 擬於朝廷 「擬」原作「議」。宋會要職官四〇之二,此句作「可擬朝廷」,作「擬」是,據改。
- (七) 傅崧卿 「卿」原作「年」,據本書卷二六高宗紀、嘉泰會稽志卷一五傳崧卿傳改。
- **完** 開禧 原作「開熙」,按宋寧宗年號開禧不作「開熙」,據宋會要職官四一之一二改。
- 按韓絳爲陝西宣撫使及同中書門下平章事,本書卷一五神宗紀、卷三一五本傳都載在

熙寧三年,志文失書「熙寧」紀元。

- 8 張俊 韓世忠之下。 原作「張浚」。按張浚在此以前已官至知樞密院事,不應與韓、吳等武臣並列,而名次反敍 據本書卷三六九張俊傳、朝野雜記甲集卷一一宣撫使條, 此「浚」字應作
- 準備差遣 原作「準備差使」,據宋會要職官四一之四四、合璧事類後集卷六七改。

今改。

- 紹興五年 要錄卷一〇一、卷一〇二都繫於紹興六年。 疑以六年爲是。 羣書考索後集卷一三、

 合璧事類後集卷六九同。

 宋會要職官四一之一○八和繫矢
- 昭慶軍 卷三六九張俊傳正作「昭慶」,據改。 原作「招慶軍」,按昭慶是湖州節度軍額,「昭」不作「招」,見本書卷八八地理志;本書
- 薛慶 原作「許慶」,據宋會要職官四二之七五、繫年要錄卷三三改。

三

王鈇 原作「王鉄」。按本書卷一七三食貨志、宋會要食貨六之四〇、咸淳臨安志卷五〇、 [玉]

卷一七六紹興經界法條所載的王鈇, 都是此人;王明清揮塵錄後錄卷一一:「王鉄, 字承可,

會之舅氏。」據改。 今本繫年要錄卷一五四作「王鐵」,當因「鈇」「鉄」形近轉訛爲「鐵」。

수 役法 原作「設法」,據上文「掌常平、義倉、発役之政令」句,和朝野雜記甲集卷一一改。

買茶司 事提舉成都府利州路買茶公事李杞、同提舉成都府利州路買茶公事蒲宗閱,……」 羣書考索後 原作「賣茶司」,按宋會要職官四三之四七,熙寧七年「十一月,權發遣三司鹽鐵判官公

集卷一三:「熈寧七年,差李杞、蒲宗閔成都府買茶熈河路博馬。」「賣」字當爲「買」字之訛。

[長編卷二五四同年六月辛卯條正作「買茶司」,據改。 下文「買茶買馬」句同。

云 買馬場 原作「賣馬場」,據長編卷二五九、通考卷六二職官考改。

完 長寧南平 「寧南」二字原倒,據朝野雜配甲集卷一八、通考卷六二職官考乙正。

嘉泰三年 「嘉泰」原作「嘉定」,據兩朝綱目卷八、朝野雜記乙集卷一四改。

紹興五年以責任不專職任廢弛詔將饒州司官吏除留屬官一員外並減罷併歸虔州司 說至元祐饒、虔二司復併爲一,中間未說恢復,此處卽不得謂紹興五年又有兩司。 按合壁事 按上文已

類後集卷六八、通考卷六二職官考有紹興二年從王喚乞請復置虔州提點司的記載,則五年又將

饒州司事務歸併,實有所本,此事失書。

= 勸課農桑 志 百 = + 勸」 原作「勤」,據合壁事類後集卷七三、通考卷六三職官考改。 校 勘 記

鲁 郎官 原作「郎定」,據宋會要職官四七之三五、通考卷六三職官考改。

昌 長吏 原作「長史」,據宋會要職官四七之五八、合璧事類後集卷七六改。

呈 紹興五年以後旋添置之「紹興」二字原脫。按宋會要職官四七之六七、 合璧事類後集卷七六

都說帥府通判並以兩員爲額,事在紹興五年而非南渡後五年,今補。

号 其爲冗費 「爲」原作「餘」,據宋會要職官四八之一四、通考卷六二職官考改。

呈 委運司及長史於幕職州縣內薦或本處舉人有德藝者充 通考卷六三職官考、 合璧事類後集卷

七六於「州縣」下有「官」字,「舉人」下有「舉」字。疑是。

尝 仍借緋章服 五三興服志,四品以下至六品以上官服緋、章服,有品未及而服者爲借;又卷一六八職官志,知 「借」原作「備」,宋會要職官四八之三四、通考卷六三職官考作「借」。 按本書卷一

(云) 營防 原作「營房」,據<u>合壁事類後集卷七五</u>改。

縣爲正八品或從八品。當以作「借」爲是,據改。

凡將兵隸屬官 合璧事類後集卷七五引哲宗正史職官志,「官」字作「者」,疑是。

潁昌府 IE 將 準備將 原作「潁川府」,據本書卷二〇徽宗紀、卷八五地理志改。 按朝野雜記甲集卷一一、通考卷五 九職宜考「正將」下有「副將」二字,疑此處脫。

場務

原作「提務」,據合壁事類後集卷八一改。

宋史卷一百六十八

志第一百二十一

職官八合班之制

建隆以後合班之制

書令、侍中、 舊在知院之上。 此次序。其三師、三公之稱如舊儀制。 司。空舊儀,太師、太傅、太保爲三師。太尉、司徒、司空爲三公。太尉在太保下。國朝以來,自太傅除太尉,今依 中書令 侍中 同中書門下平章事已上並爲使相。 同知樞密院事 同中書門下平章事已上爲宰相。 宣徽南院、北院使 樞密使 知樞密院事 參知政事舊在樞密使下。 尚書令 太師 太尉 簽書樞密院事參政以下班位臨時取奏裁。 親王、樞密使、留守、節度、京尹兼中 太傅 太保 樞密副使 司徒

志第一百二十一 職官八

興元、真定、江寧、京兆、鳳翔、河中。又有大都督、大都護,今皆領使,無特爲者。

太子太師、太傅、太保

左、右僕射

太子少師、少傅、少保

諸府牧開封、河南、應天、大名、江陵、

御史大夫

觀文殿大學士

、(三)國 待制 學士 寧遠 保靜、 昭化、 尙書下。 舊無此位 省使 天德、 千牛衞。 軍左、右龍武 丞 司使與觀文、資政班位臨時取裁。 翰林學士承旨 朔州振 諸 保康、 建武、 集慶、 威武 行侍 天章 國 樞密直學士 太子賓客 |子祭酒 節度使泰寧、 武 高州定南、 天雄 建康、 上閣待 六尙書吏、兵、戶、刑、禮、 郞 建寧、 左、右羽林 雲州大同 成德、 制 寧國 節度觀察留後 益州、 翰林學士 殿中、少府、 密州 太常、 |鎭寧、 龍圖 武寧、 觀察使 鎭南、 左、右神武。 靜海(四)、涼州西河、 安靜、 觀文殿學士舊日文明殿,若學士官尚書者自從本班。 直學士 彰德、 彰信、 宗正 昭信、 武信、 玉清昭應宮、景靈宮、 秘書監 資政殿學士 將作監 ヸ 卿 諸衞上將軍左、右聽衞 永清、 鎭海、 開南、 給 Щ 南西道、 事 天章直學士 御史中丞權中丞立中丞塼位, 安國、 中 天平、 左、右金吾衞 寧海、 光祿、 沙州歸義、 景福殿使公 左、 威德、 安化、 昭武、 武昌、 翰林侍讀、侍講學士 衞尉、太僕、大理、鴻臚、 右諫議大夫 靜難、 武成 安德、 洮州保順、 安遠 左、 會靈觀副使與三司使、翰林學士班位臨時取裁。 左、右衞上 忠武、 彰化、 武定、 左、右武衞 武安、 右散騎常侍舊在諸衛上將軍下。 延福宮使 應州彰國(至)、 雄武、 鎭海、 寧海(三)、 鎭東、 中害舍人 內殿起居日 一將軍 左、右屯衞 保大(二)、 河陽 平江、 客省使 寧江、 龍圖閣學士 可農、 威城(云)、 山南東道、 止立本官班。 資政殿 門下、中書侍郎舊在 鎭江、 知 淮南、 左、右領軍 武康、 制語 太府卿 宣德、 開封、 昌化(七)、 大學士 忠正、 武勝、 清海、 衞 天章閣 保寧、 贈圖 左、 河南、 保信、 崇信、 內客 左、右 六統 靜江、 豐州 右 畧 康

班 循、潮、連、梅、英、賀、封、南雄、端、新、康、恩、春、惠、韶、梧、藤、奠、象(三)、潯、貴、賓、廣、融、化、 漢、彭、邛、蜀、嘉、簡、黎、雅、維、茂、資、榮、昌、普、渠、合、戎、瀘、興、劍、文、集、壁、巴、蓬、龍、施、萬、開、達、涪、渝、昭 腦、趙、德、濱、保、丼、汾、澤、遼、憲、嵐、石、鯱、坊、丹、階、乾、商、寧、原、慶、涓、儀、環、楚、泰、泗、濠、光、滁、通、黄、眞、 等寺七寺少卿 大夫已上,從本官。 眉、像、陸(10)、果。 禦使齊、濟、浙、澄、萊、鄭、汝、蔡、潁、均、郢、懷、衞、博、磁、洺、棣、深、瀛、雄、霸、莫、代、絳、解、龍〔五〕、和、廝、舒、復: 轉南班官充者, 鬱林、廉、瓊、崖、儋、萬安。 應天、大名少尹 應天、大名尹 司封 如閤門使充,即在閤門使之上。 司勳 諸軍 衞將 考功 並在閤門使之上。 太子詹事 軍 宣慶使 團練使單、濮、濰、唐、祁、冀、隰、忻、成、鳳、海、鼎。 職方 玉清昭應宮、景靈宮、會靈觀判官 太子少詹事、左右諭德 起居郎 諸王 駕部 府長史、 四方館使 如自見任內客省使以下轉南班官充,亦與同班,仍在舊職之上。 宣政使 諸王傅 庫部 起 居舍人 度支 司馬 司天監 昭宣使 戸部 國子司業 知雜御史 太子家令 司天少監 金部 諸衞大將軍 東上、西上閣門使 倉部 殿中、少府、將作少監 太常寺、宗正少卿 侍御 太子率更令 刑部 樞密都承旨如容省使以下充者, 三司鹽鉄、度支、戶部副使官至諫議 ... 都官 太子左右庶子 諸行 比部 太子僕 樞密承旨 郎中左右司 司門 秘書少監 變、 如自客省副使以下 高、 禮部 引進使 開封、河南、 雷(諸州刺史 樞密副) 安部 、南儀、欽、 工部 依本職同 光祿 兵部 防 厛

志

第

百二十

職

官

八

三九八九

常太祝、奉禮郎 議參軍官高者從本官。 金吾 御史 之上。 軍器 郞 院兵房、吏房、戶房、禮房副承旨 **閤門祗侯** 尚食、尙藥、尙衣、尙舍、尙乘、尙輦奉御 祥符、河南、洛陽、宋城縣令 太常、宗正、秘書丞 杭、越、福。 林 香藥 部 醫 主客 左、右班 左、右衞 官 崇儀 殿中侍御史 太常博士 供備庫。 膳部 太子中舍、洗馬 権易 儀纜 通事舍人 一殿直 左、右千牛 屯田 西京左、 南作坊 皇城以下諸司副使 秘書省校書郎、正字 樞 虞部 著作佐郎 密院副承旨、 司天春官、夏官、中官、秋官、冬官正 左、右司諫 國子博士 右藏 左、右羽林。 弓箭庫 水部。 氈毯 太子諸率府率 北作坊 皇城以下諸司使皇城 大理寺丞 春秋、禮記、毛詩、尚書、周易博士 西綾錦 郎將左、右金吾 諸房副承旨如帶南班官者,在諸司使之下;不帶南班官者,在皇城副 東頭、西頭供奉官 諸行員外郎 衣庫 大理正 御史臺、諸寺、監主簿 西京作坊 諸次府少尹 莊宅 諸寺、監丞 左、右衞 左、右衞。 六宅 客省引進、 鞍轡庫 太子中允、左右贊善大夫 著作郎 洛苑 文思 左、右監門 太子諸率府副率 大都督府左、右司馬克、徐、潞、陝、揚、 東染院 大理 右騏驥 左、右侍禁 東作坊 **閤門副使** 殿中丞 節度行 評事 左、右清道 酒坊 國子助教 尙食 內苑 西染院 軍司 太學、廣文博士 左騏驥 諸王 內殿承制 左、 牛羊 都水使者 馬 諸衞中郎將左、右 左、右司禦。 廣文、太學、四 右正 友 法酒庫 御廚 副 如京 內殿崇班 使 諸王 言 殿中省 內藏庫 禮賓 東綾錦 開封、 府 監察 秘書 樞 諮 太 使 翰

判官 軍別駕、長史、 職 門、書學、算學博士 軍巡判官 防禦、團練副使 留守、京府、節度、觀察推官 司馬 諸縣令 律學助教書、算學無助教。 司錄、錄事參軍 留守、京府、節度、 觀察判官 赤縣丞 諸縣主簿、尉 軍事判官 司理參軍三京府軍巡判官在諸曹參軍之下。 司天靈臺郎、保章正、挈壺正 防禦、團練、軍事推官 諸軍文學、參軍、助敎 節度掌書記 觀察支使 軍、 三班奉職、借 監判官 諸州諸司參 防禦、 團練 諸

元豐以後合班之制

太傅、 侍郎 史大夫 使上。 政和二年,改太宰、少宰,靖康復舊,元豐令王在左右僕射下。 右弼,靖康後復。 諸太師、曹制,太尉爲三公,在太傅上,政和改爲三少。太傅、太保 太保 尚書左、右丞 太子少師、少傅、少保 觀文殿學士 特進 尚 書 令 觀文殿大學士 同知樞密院事 **資政、元豐令在節度使下** 少師 | 冀、克、青、徐、揚、荆、豫、梁、雍州牧元祐復置, 少傅 太尉舊爲三公,政和二年,改爲三少,復以太尉爲武選一品, 簽書樞密院事元豐罷,元祐復置,政和入雜壓。 少保舊太尉、司徒、司空,政和二年改。 保和政和五年,置宣和殿大學士、學士,宣和元年, 開府儀同三司 侍中 知樞密院事 中書令政和二年,改左輔 尚書左、右僕射 政和入雜壓。 門下、中書 太子太師、 位節度 改爲 御

志

第

百

= +

職

官入

保和學士(三)。 二年增置。 年,改爲延康。 左、右金吾衞上將軍 閣學士 殿學士 待制同。 左、右散騎常侍 殿大學士 龍圖、天章、寶文、元豐二年,增置直學士,待制同。 節度使 吏部、戶部、禮部、兵部、刑部、工部尚書 御史中丞舊在直學士下,元豐八年升。 翰林學士承旨 翰林學士 顯謨、 資政、保和、端明歐和四 元豐元年增置。徽猷崇寧 開封尹崇寧三年升。 金紫、銀青光融

常卿 改。 秘書監下,崇寧二年升。 大舊內客省使,政和二年改,橫行、正使、副使、大使臣、小使臣並改。 上將軍 尚書列曹侍郎 、衞尉、太僕、大理、鴻臚、司農、太府卿 宣奉、元酤,左光祿大夫。正奉、元酤,右光祿大夫,並大觀二年改置。正議、通奉大夫 左、右諫議大夫 大司樂崇寧二年增置。 太子賓客、詹事 樞密直學士政和四年,改爲述古殿直學士。 大司成崇寧二年增置。 保和殿待制 給事中 中書舍人 通議大夫 宗正卿 秘書監 龍圖、天章、寶文、顯謨、徽猷閣待制 左右聽衞、武衞、屯衞、領軍衞、監門衞、千牛衞 中奉、元祐、左中散大夫、大觀二年改。 殿中少監 樞密都承旨 龍圖、天章、寶文、顯謨、徽猷閣直學 承宣使舊節度觀察留後,政和七年始 崇寧二年升。 國子祭酒 觀察使 太中大夫 中散、通侍大 殿中監舊在 太常少卿 中大夫 太

大夫政和六年增置。

防禦、圍練使

諸州刺史

左、右金吾以下諸衞大將軍

駙馬都尉

三階係政和六年增置。

中侍、中亮大夫舊客省使。

太子左、右庶子

中衞、舊引進使。

翊衞、親衞

典樂崇寧二年增置。

宗正少卿

秘書少監

正侍、舊延福宮使,政和二年改。宣正、履正、協忠、

置。 開封 密副 省押班政和並改簽書省事。 開封府司錄事舊錄參軍事在兩赤縣令之上,崇寧三年升改。 內侍省副都知歐和並改同知省事。 知政和,改知內侍省事。 集英殿修撰政和八年置。 入,餘同 客、膳部、兵部、職方、庫部、駕部、刑部、都官、比部、司門、工部、屯田、虞部、水部與中 左、右司郎中 舊翰林、尙食、軍器 武功、舊皇城使, 舍典御崇寧三年增置。 右正言舊在監察御史上,政和升。 少府、將作、軍器監 少尹崇寧三年升。 都承旨 朝請、朝散、朝奉大夫直天章閣政和六年增入。 起居郎 、儀驚使。 自此以下, 右文殿修撰舊集賢殿修撰,不入雜壓,政和六年改,增入。 拱衞大夫舊四方館使。 內符寶郎大觀元年增置。 尚書吏部、司封、司勳、考功、戶部、度支、金部、倉部、禮部、祠部、主 武 並政和六年改。 起居舍人 顯、 管幹殿中省尚舍、尚藥、尚醞、尚輦、尚衣、尚食局崇寧二年增置、 七寺少卿 都水使者 舊左藏、東西作坊使。 符寶郎大觀元年增置。 左武、右武大夫舊東、西上閣門使。 侍御史 武德、舊宮苑、左右騏驥、內藏庫使。 入內內侍省都都知政和,改知入內內侍省事。 朝議、 太子少詹事、左右諭德 奉直大夫 尚書左、右司 員外郎 樞密副承旨元豐令,有知上州在此下,元祐以後並去。 武節、曹莊宅、六宅、文思使。 殿中省尙食、尙藥、尙醞、尙辇、尙衣、尙 直龍圖閣 元祐,右朝議大夫,大觀二年改置。 殿中侍御史 和安、 國子、辟雅司業場寧元年增 入內內侍省押班 祕閣修撰政和六年增置。 入內內侍省副 平和、 成和 左、右司諫 舊綾錦使,初改保 成安、成全、 内侍省都都 都 政和增 尙書 內侍 知 左、 樞

志

和,政和五年,以犯殿名,改保痊;宣和六年,又改爲平和。武略、曹內園、洛苑、如京、崇儀使。保安、曹権易使。 將軍 州在此下。 殿中丞舊祕書丞下, 院諸房副承旨 供備庫使。 經、舊西京左藏庫使。 內常侍元豐令,上州通判在此下。 著作佐郎 子左右衞、司禦、淸道、監門、內率府率 七寺丞 理正之上,政和改。 丞 武翼郎諸司副使。 中衞、翊衞、親衞、拱衞、左武、右武郎,舊横行、副使,政和六年改。 國子博士 大晟樂令崇寧二年增置。 太子侍讀、侍講 尚書諸司員外郎 奉議郎 殿中省主簿崇寧二年增置。 大理司直、評事 朝請、朝散、朝奉郎 太醫丞沅祐增置。 武義大夫舊西京作坊、東西染院、禮賓使。 崇寧二年升。 太子中舍 大理正 正侍、宣正、履正、協忠、自宣正至協忠,並政和六年增置。 直寶文閣歐和六年增置。 太醫令 宗正、大宗正 太子舍人 敦武、舊內殿承制,政和六年改,下同。 太史局正 著作郎 直徽猷閣政和六年置。 閣門宣贊舍人 舊閣門通事舍人,政和六年改。 直顯謨閣政和六年增入。 國子監丞 太史局令 親王府翊善、贊讀、直講舊侍讀、侍講,政和改。 少府、將作、軍器、都水監丞 辟雍丞 秘書郎 直翰林醫官局 承議郎 秘書丞 開封府司六曹事崇寧三年增置。 翰林良醫舊翰林醫官使。 崇寧二年增置。 太常博士 監察御史沅豐令,有知中州在此下。 武功至武義郎 少府、將作、軍器少監 直祕閣政和六年置,元豐令,知下 通直郎 殿中省六尚奉御舊在大 陵臺令元祐中增置。 修武郎內殿崇班。 宗子、崇寧元年增置。 開封府參軍事崇寧 兩赤縣令 中侍、 翰林醫正 武翼大夫舊 中亮、 樞密 武 太

宣教郎 殿直。 博士 副率 政和六年改,下同。 三年增置。 儒林至迪功。 學正崇寧元年置。 太史局五 曹事,餘曹放此。 舊三班奉職、借職。 太官令元豐、元祐令,在太學博士上。 職郎舊知錄事參軍、知縣事。 主簿 兩赤縣主簿、尉 承事、承奉、 太常寺奉禮郎 幹當左、右廂公事崇寧中增入。 舊宣德郞, 官正 太醫局正 閣門祗侯 京畿縣令 兩赤縣丞 儒林、 政和四年改。 御史臺檢法官、 京府、諸州司六曹事元豐、元祐令,並六曹參軍。政和三年,除去「參軍」字,爲司錄事,司儀 太醫局丞 從義郎東頭供奉官。 承務郎 大晟府協律郎 **詹掌書記。文林、從事郎** 秘書省校書郎、正字 諸州上、中、下縣令丞 樞密院逐房副承旨元豐令, 宗子、崇寧元年增置。國子、太學、辟雍正 京畿縣主簿、尉 京府、諸州司錄事 太學、辟雍、崇寧元年增置。 五監、辟雍崇寧元年增置。 主簿 三京赤縣令 右侍禁 左侍禁內西頭供奉官。 元豐令在監丞上, 元祐令在監丞下。 崇寧二年增置。 親王府記室元豐、元祐令,有「參軍」字,政和三年除去。 從政郎舊司錄事參軍、縣令。 諸州上、中、下縣主簿尉 左班殿直殿頭高品。 三京畿縣令 承直郎崇寧三年,以留守節度判官改, 右班殿直高班。 中下州通判在此下。 太常寺太祝、郊社、籍田令 主簿 武學、律學、開封府 秉義郎西頭供奉官。 京畿縣丞 宣義鄓 黄門內品 九寺、 忠訓、忠翊、左、右侍禁。 武學渝崇寧元年置 供奉官舊內東頭供奉官, 成忠、保義、左右班 京府、諸州掾官 三京赤縣、畿縣 城砦主簿 大晟府崇寧三年增 承節、承信郎 太子諸率府 大觀元年置。 凡選人七階, 光祿寺 馬監 律

三九九五

志

百二十一

職

官八

主簿 迪功鄭舊巡判官、司理、司法、司戶。 諸州司士 文學助教舊參軍事。

監,太史局爲司天監,置大監正三品,少監正四品上,丞正六品上,寺簿正七品上,主事正 爲正三品,少監從四品,改諸州府學博士爲文學,在參軍上。五代復置尙書令爲一品,升右 官監候正八品下,司曆從八品上,司辰正九品上。又置國子、五經博士爲正五品上,左、右 八品下,五官正五品上,副正正六品,靈臺郞正七品下,保章正從七品上,挈壺正八品上,五 大夫、散騎常侍、兩省侍郎爲正三品,御史中丞正四品。諫議大夫分左、右,改將作大匠爲 丞爲正四品上,降諫議在給事之下。 金吾衞上將軍爲從二品,左、右龍武、神武軍大將軍爲正三品,將軍爲從三品。又置內侍監 唐令、定流內一品至九品,有正從上下階之制。其後,升侍中、中書令爲正二品,御史

丞,鴻臚典客,太府寺平準、左右藏、常平署令丞,都水監舟檝、河渠署令丞,宮苑總副監牧 太公廟署令丞,醫針博士、助教,按摩、呪禁博士,卜正,卜博士,宗正崇玄署令、丞,大理獄 丞、監作、錄事,昭文館校書郞,司辰、司曆、監候,殿中諸署監事、計官,太常諸陵廟、太醫、 宋初,並因其制,唯升宗正卿爲正四品,丞爲從五品。其軍器監、少監,甲弩坊署令、

豫寺太官(10)、珍羞、良醞、掌醢,衞尉寺武器、守宮,太僕寺乘黃、典廐、典牧、車府,鴻臚寺 丞,幷門下省城門、符寶郎,太常寺協律郎,軍器監丞、主簿,太常寺郊社、太卜、廩犧,光 副,國令,大農尉、丞,公主邑令丞、邑司錄事,河南應天及諸次府都督都府功曹、倉、兵曹參 祭酒,掾、屬、主簿、錄事諸曹參軍、行參軍、典籤,典軍、執杖執乘親事、校尉、旅帥、隊正、隊 字,崇文館校書,侍醫,通事舍人,左、右春坊錄事、主事,三寺丞、主簿,諸署令、丞,典倉署 掌輦、奉乘、司廩,太子典膳、典藥、內直、典設、宮門郎幷局丞,皆存其名而罕除者,皆不錄, 冶,將作監左稜、中校、甄官署令丞、監膳(lē),殿中省六局直長、食醫、侍御、醫司、醫佐、 典客、司儀,司農寺上林、太倉、鈎盾、導官,太府寺諸市,少府監中尚、左尙、右尙、織染、掌 軍,諸州司功、司倉、司兵參軍,諸縣丞,京縣錄事,諸鎭倉曹、兵曹參軍,戍主、戍副,關津令 尉、旅帥、隊正、隊副、直長、千牛備身,親、勳、翊府中郎將,兵曹三衞,王府文學,東西閤 園丞,廐牧典乘,內坊典內及丞、典直,率府長史、錄事諸曹參軍、司階、中候、司戈、執戟、校 監副、丞、主簿,諸園苑司井百工等監、副監及丞,諸倉、諸冶、諸屯、温陽監及丞,掌漕,諸軍 帥、隊正、隊副,鎭軍司馬、判司,太子詹事府丞、主簿、司直,司議郞,舍人,文學,校書,正帥、隊正、隊副,鎭軍司馬、判司,太子詹事府丞、主簿、司直,司議郞,舍人,文學,校書,正 備身,左右親、勳、翊衞府中郎將,兵曹三衞,折衝、果毅、別將、長史、兵曹參軍、校尉、旅 衞錄事諸曹參軍、司階、中候、司戈、執戟、校尉、旅帥、隊正、隊副、正直長、長上、備身、左右

惟常命官者載之。 內庭諸司,沿舊制而損益 諸司主事、錄事皆存,而無士人爲之。別置中書、樞密、宣徽院、三司及 焉。

著作郞,殿中丞,六尙奉御,大理正,中允,贊善,中舍,洗馬,諸王友,諮議參軍,司天五官 正,凡雜坐之次,以此爲準。」 尹,五大都督府司馬,通事舍人,國子、五經博士,都水使者,四赤縣令,太常、宗正、祕書丞, 起居郎、舍人,侍御史,殿中侍御史,補闕,拾遺,監察御史,郎中,員外郎,太常博士,五府少 護,下都督,庶子,五大都督府長史,中都護,副都護,太常、宗正少卿,祕書少監,光祿等七 賓客,太常、宗正卿,御史中丞,左、右諫議大夫,給事中,中書舍人,左、右丞口己,諸行侍郎, 郡王,僕射,三少,三京牧,大都督,大都護,御史大夫,六尚書,常侍,門下、中書侍郎,太子 少卿,司業,三少監,三少尹,少詹事,諭德,家令,率更令、僕,諸王府長史、司馬,司天少監, 見任節度使,開封、河南、太原尹,詹事,諸王傅,司天監,五府尹,國公,郡公,中都督,上都 秘書監,光祿、衞尉、太僕、大理、鴻臚、司農、太府卿,國子祭酒,殿中、少府、將作監,前任、 建隆三年三月,有司上合班儀:「太師,太傅,太保,太尉,司徒,司空,東宮三太,嗣王,

傳、三公者,而位居九寺卿監之下,甚無謂也。其給事中、諫議、舍人,宜降於六曹侍郎之 韶曰"「尚書中臺,萬事之本,而班位率比兩省官;節度使出總方面,其檢校官多至師

下;補闞次郎中、拾遺,監察次員外郎、節度使,升於中書侍郎之下。」乾德五年正月朔,

乾元殿受朝,升節度使班在龍墀內金吾將軍之上。

御史之上。至道三年七月,令節度觀察留後在給事中之上。大中祥符元年八月,升兩省侍 察使在祕書監之上,防禦、團練使在庶子之下,刺史在太子僕之下,又升諸行郎中于殿中侍 郎班常侍之上。 淳化三年八月,有司重定合班儀,詔升尙書令三師之上。四年,節度使升常侍之上,觀

上。帶學士職者從本班。三司副使立少卿、監上。官高者從本班,並爲內品職。 三年,令翰林學士班諸行侍郎下,官至丞、郎者在常侍上,至尚書者依本班。淳化五年,升丞、郎之上。樞密直學士同。 政事、宣徽使並班宰相後。樞密使不兼平章事者,立參知政事前,在宣徽使下。臣道三年升在上。大中解符 在翰林學士上,其學士爲者,止本班。 初置待制,赴內朝,其五日起居,止叙本班。 |大中祥符二年, 升侍知制誥 (l也) , 仍在其下。 龍圖閣學士在樞密直學士上,龍圖直學士在其下,仍少退。待制在知制誥之下。憬隱元年, 舊文明殿學士在樞密副使之上,太平興國五年移在下。 九年九月,詔自今參知政事、樞密副使並以先後爲次。宣徽使同。 天禧三年十一月,令節度使班中書侍郎之下。 其序班及視品之制:樞密使、副使、參知 判官立三司副使之下。知制誥以上爲者,從本班。 資政殿學士、翰林侍讀學士在翰林學士下。健隆 資政殿大學士立文明殿學士之上。 宮觀副使立學士班。 權三司使立知制誥

統軍、諸衞上將軍在常侍下,乾德二年,令上將軍在中書侍郎之下。淳化四年,升金吾、左右衞在尙書之下,仍 副使視太常博士。內殿承制視殿中丞,崇班及閤門祗侯視贊善大夫。供奉官視諸衞率,侍 使視少卿,宣政、昭宣、閤門使視少監。客省等副使視員外郞。皇城使以下諸司使視郞中, 中丞者,令正衙立中丞塼位。餘就本班。凡起復,皆如初授,在本官之末,亦有特旨令叙舊 於節度使之上叙。 諸房副承旨在諸司使下,逐房副承旨在冼馬下。金吾衞、左右衞上將軍並在節度使上,六 禁視副率。殿直視著作佐郎,奉職、借職在諸州幕官上。樞密都承旨在閤門使下,副承旨、 班者。內客省使視七寺大卿,景福殿使、客省使視將作監,引進使視庶子。宣慶使、四方館 諸衞率、副率在冼馬下。凡內職,視朝官者在其下,視京官者在其上。 大將軍在大監下,將軍在少監下。仍在閣門使之下。 金吾立本班上。謂中郞

崇班守節與從姪右衞將軍惟俶等同一班。上曰:「族子諸父,安可同列?」乃命重行設位。 景德中,皇姪武信軍節度惟吉加同平章事。時駙馬都尉石保吉先爲使相,史館引唐制,宗 楚王、廣平郡王出閣,令宰相立親王之上。医禧四年七月先天節,羣臣上壽,宰相闕,命涇王元儼攝太尉。 室在同品官上,遂升惟吉焉。大中祥符元年正月,有司上都亭驛酺宴位圖,皇從姪孫內殿 九年正月,興州團練使行為德文言:「男侍禁承顯赴起居,請在惟忠子從恪之上。」時從恪雖 皇親之制:開寶六年,詔:「晉王位望俱崇,親賢莫二,宜位在宰相之上。」太平興國八年,

書門下言:「據御史臺稱,每大朝會立班,皇親防禦、團練、刺史次節度使下,稍退序立。」詔 之下,判官之上。其通判與都監並依官次。京官奉職、借職監當者,依知令、錄列在判官之 長史、司馬、別駕在幕府官下、錄事參軍上,見長史庭參。監當朝官殿直以下,在通判、都監 上。舊止從官,大中祥符七年,詔定其制。 正言、知制誥張師德言:「奉詔知潁州,緣皇弟德雅見任本州防禦使,其署銜望降規式。」中 先爵,爵又同者先齒。今請宗子官同而兄叔次弟姪者,並虛一位而立。」天禧四年五月,左 姪行,而拜職在前,遂詔宗正寺定宗室班圖以聞。宗正言:「按公式令:朝參行立,職事同者 有增益更革者,別附於其下云。 下。元豐制行,參以寄祿官品高下,更革旣多,別爲班序。其後元酤、崇寧、大觀、政和,復 師德序署位德雍之下。其外官制置、發運、轉運使副使,不限官品,著位並在提點刑獄之 朝官知令、錄在判官之上,京官在判官之下、推官之上。

至道二年, 祠部員外郎主判都省郎官事王炳上言曰:

教,故金穀之政主於三司,曹名雖存,而其實亡矣。謹按:吏部四司,天官之職,掌文官 選舉,周知天下吏功過能否,考定陞降之類;戶部四司,司徒之職,掌邦五敎,周知天 尙書省,國家藏載籍、典治教之府,所以周知天下地理廣袤、風土所宜、民俗利害 當成周之世,治定制禮,首建六官,漢、唐因之。自唐末亂雜,急於經營,不遑治

志

兵部四司,司馬之職,掌武人選舉,周知天下兵馬器械之數;刑部四司,司寇之職,掌 書,具載名數,藏之本曹,謂之載籍;所以周知天下事,由中制外,如指諸掌。 噩、城圻、山澤、草木、川瀆、津渡、橋船、陂池之數。 凡此二十四司所掌事務,各封圖 下戶口之數;禮部四司,宗伯之職,掌國五禮,辨儀式制度,周知天下祠典祠祀之類; 國法令,周知天下獄訟刑名徒隸之數;工部四司,司空之職,掌國百工,周知天下封

數,送尙書省,分配諸司,俾之緘掌;侯期歲之後,文籍大備,然後可以振舉官守,興 之,其餘天下官吏、民口、廢置、祠廟、甲兵、徒隸、百工、疆畎、封洫之類,亦可以籍其名 州,每年造戶口稅租實行簿帳,寫以長卷者,別寫一本送尙書省,藏於戶部。以此推 簿帳之類,仍詳定諸州供送二十四司載籍之式。如此,則尙書省備藏天下事物名數之 崇治教。望選大僚數人博通治體者,參取古今禮典及諸令式,與三司所受金穀、器械、 閏年圖經,刑部有詳覆諸州已決大辟案牘及勾禁奏狀Cra,此外多無舊式。欲望令諸 籍,如祕閣藏圖書,太學藏經典,三館藏史傳,皆其職也。 今職司久廢,載籍散亡,惟吏部四司官曹小具,祠部有諸州僧道文帳,職方有諸州

太宗覽奏嘉之,詔尚書丞、郎及五品以上集議。

吏部尚書宋琪等上奏曰:「王者六官,法天地四時之柄,百官之本,典敎所出。 望委崇

文院檢討六曹所掌圖籍,自何年不繫都省,詳其廢置之始,究其損益之源,以期恢復。」旣而

其議亦寢。

制也。」 省:如京,倉部也; 莊宅, 屯田也; 皇城,司門也; 禮賓, 主客也。雖名品可效, 而事任不 盡在,但一毫所賦皆歸於縣官而仰給焉,故蠲放則澤及下,予賜則恩歸上,此聖朝不易之 廷所得三分之一,名曰上供,其他留州、留使之名,皆藩臣所有。今之三司卽尚書省,故事 同。唐朝諸司所領,惟京邑內外耳,諸道兵賦各歸藩鎭,非南宮一郎中、員外所能制也。朝 「行之不難,但以郎官、諸司使同領一職,則漸可改作。」王旦曰:「唐設內諸司使,悉擬尚書 大中祥符九年, 眞宗與宰相語及尚書省制, 言事者屢請復二十四司之制。楊礪嘗言:

咸平四年,左司諫、知制誥楊億上疏曰:

筦權,由別使以總領; 尺籍伍符,非本司所校定。職守雖在,或事有所分;綱領雖存, 或政非自出。丞轄之名空設而無違可糾,端揆之任雖重而無務可親。周之六官,於是 是資,政典攸出,條目皆具,可舉而行。今之存者,但東部銓擬,秩曹詳覆。自餘租庸 國家遵舊制,並建羣司,然徒有其名,不舉其職。 只如尚書會府,上法文昌,治本 且如寺、監素司於掌執,臺、閣咸著於規程,昭然軌儀,布在方册。 國家慮銓擬

茲道也。 墜,在我而已,夫豈爲難。如此則朝廷益尊,堂陛益嚴,品流益清,端拱而天下治者,由 矣。至於尚書二十四司各揚其職,寺、監、臺、閣悉復其舊,按六典之法度,振百官之遺 之不允,故置審官之司;憂議讞之或濫,故設審刑之署;恐命令之或失,故建封駁之 矣;詳評刑辟屬於司寇,卽審刑之署可去矣;出納詔命關於給事中,卽封駁之局可罷 臣以爲在於紀綱植立,不在於琴瑟更張。若辨論官材歸於相府,卽審官之司可廢

矣。若乃員外加置,苟非其材,故「竈下」、「羊頭」,形於嘲詠,「斗量車載」,播厥風謠, 之極貴,九品之至微,著於令文,皆有員數。傳云:「官不必備,惟其人。」蓋闕之,斯可 澤而序遷。欲乞按唐制,應九品以上官並定員數。 士、殿中丞、舍人、洗馬,俱不下數百人,率爲常參,皆著引籍,不知職業之所守,多由恩 國體所先,尤須愼重。竊覩班簿,員外郞及三百餘人,郞中亦及百數,自餘太常國子博 又以唐、虞之時,建官惟百,夏、商官倍,秦、漢益繁。施及有唐,六策咸在,自三公

設通判之官以爲副貳,此權宜之制耳,豈可爲經久之訓哉?臣欲乞諸州並置刺史,以 太守爲刺史,降及唐氏,亦嘗變更,曾未數年,又仍舊貫。今多命省署之職出爲知州,又 又念昔者秦之開郡置守,漢以天下爲十三部,命刺史以領之。自後因郡爲州,以

戶口多少置其奉祿,分下、中、上、緊、望、雄之等級,品秩之制率如舊章,與常參官比視 處。昔者興國初,詔廢支郡,出於一時;十國爲連,周法斯在,一道署使,唐制可尋。 階資,出入更踐,省去通判之目,但置從事之員,建康察之府以統臨,按與地之圖 廢也明矣。臣欲乞復置支郡,隸於大府,量地里而分割,如漕運之統臨,名分有倫,官 及遠,譬如身之使臂,臂之使指,提綱而衆目張,振領而羣毛理。由是言之,支郡之不可 至若號令之行,風敎之出,先及於府,府以及州,州以及縣,縣及鄕里。自上而下,由近 而區

餬口之不及,豈代耕之足云? 昔漢宣帝下詔云:「吏能勤事而奉祿薄,欲其無侵漁百姓 用。自唐末離亂,國用不充,百官奉錢並減其半,自餘別給一切權停。今羣官日以於半 直、門夫,各以官品差定其數,歲收其課以資於家。本司又有公廨田、食本錢,以給公 難矣。」遂加吏奉,著於策書。竊見今之結髮登朝,陳力就列,其奉也不能致九人之飽, 奉之中已是除陌,又於半奉三分之內,其二以他物給之,鬻於市廛十裁得其一二,曾 不及周之上農;其祿也未嘗有百石之入,不及漢之小吏。若乃左、右僕射,百僚之師 長,位莫崇焉,月奉所入,不及軍中千夫之帥,豈稽古之意哉?欲乞今後百官奉祿雜 又親唐制內外官奉錢之外,有祿米、職田,又給防閣、庶僕、親事、帳內、執衣、白

給,並循舊制,旣豐其稍入,可責以廉隅。官且限以常員,理當減於舊費,乃唐、虞之

令考功修舉其職,每歲置使考校,以表盡公,**資**秩改遷,賞罰懲勸,一遵典故,以振 昨有事於明禋,但徧加於階爵;雖矯前失,未振舊規。並乞依舊內外官各立考限,復 郊 祀覃慶而稍遷官,考功之黜陟不行,士流之淸濁無辨。陛下深鑒其弊,始務惟新。 凡預品官,各設資考,課其殿最,歸于有司,或歷階以升,或越次而補。 國朝多以

常,職不循於經制 贈,罔限彝章。乃至太醫之微,司曆之賤,率荷蓼蕭之澤,亦疏石窌之封,恩雖出於殊 實封條貫支給,削去虛邑,但行實食,以寵勳臣。又國家每屬嚴禋,卽覃大慶,叙封追 所給,至於除拜之際,猶名數未移,空有食采之稱,眞同畫餅之妄。欲乞依元和中所定 百家。自是因循,以至唐室,但食邑者率爲虚設,言實封者歲入有差。迨及聖朝,並無 又西漢以來,用秦武功之爵,惟列侯啓封,或踰萬戶,至關內侯,或有食邑,不過數

常參官,勳、散俱至五品者許封贈〔三〕,官、勳俱至三品者許立戟。又五等之爵,施于賢 又官勳之設,名品實繁,今朝散、銀青,猶闕命服,護軍、柱國,全是虛名。欲乞自今

典。 才,雖有啓封之稱,曾無胙土之實。 苴茅建社,固不可以遽行,翼子詒孫,亦足稽於舊 內外官封至伯、子、男者,許蔭子;至公、侯者,許蔭孫;封國公者許嫡子、嫡孫一

人襲封台記。 又當今功臣之稱,始於德宗,扈蹕將士並加「奉天定難功臣」之號,因一時之賞典,

爲萬世之通規。近代以來,將相大臣有加至十餘字者,尤非經據台門,不可遵行,所宜 削除,以明憲度。昔者講求典禮,晉國以淸,考覈名實,漢朝稱治。當文化誕敷之際,

論者嘉之。然以因襲旣久,難於驟革。是舊章咸秩之時,跂見太平,正在今日矣。

會明堂禮成,卽用新制,遷近臣秩。初,新階尙少,而轉行者得以易。及元酤初,朝議大夫 局詳定之。於是凡省、臺、寺、監領空名者,一切易之以階。元豐三年〇三,詳定所上寄祿格, 旣而言者繼請復二十四司之制。神宗卽位,始命館閣校唐六典,以摹本賜羣臣,而置

奉直大夫四階。政和末,自從政至迪功郎,又改選人三階,文階始備;而武階亦易正使爲 六階以上始分左、右,紹聖中,罷之。 崇寧初,自承直至將仕郎,凡換選人七階,又增宣奉至 大夫,副使爲鄓。其橫班十二階使、副亦然。繼又增置宣正、履正大夫、郞,凡十階,通爲橫 其後,復更開封守臣爲尹牧,而內侍省悉倣機廷之號,六尙局之修,三衞郎之建,及左

輔、右弼、太宰、少宰之稱,員旣濫冗,名益紊雜,由是官有視秩,元豐之制,至此大壞。 及

武藝。 桑之務。七日革弊,謂求民疾苦而釐革之。武條,賜牧伯洎諸司使而下任部署、鈐轄、知州 監、通判、知縣者:一日淸心,謂平心待物,不爲喜怒愛憎之所遷,則庶事自正。二日奉公,謂 朝官及幕職、州縣官。其後,又作文、武七條。文,賜京朝官任轉運使、提點刑獄、知州府軍 年,眞宗以祥符降錫,述大中淸淨爲治之道,申誠百官,又作誠論辭二道,易舊辭,賜出使京 宣和末,王黼復請修官制格目,而邊事起,訖不果成 以禮記儒行篇賜親民釐務文臣,其幕職、州縣官使臣賜敕戒礪。令崇文院刻板模印,送閻 越其職,侵撓州縣民政。三曰公平,謂均撫士卒,無有偏黨。 軍縣、都監、監押、駐泊巡檢者:一曰修身,謂修飭其身,使士卒有所法則。二曰守職,謂不 公直潔己,則民自畏服。三曰修德,謂以德化人,不必專尙威猛。四曰責實,勿競虛譽。五 心,無令失所。七曰威嚴,謂制馭士卒,無使越禁。仍許所在刊石或書廳壁,奉以爲法。 曰明察,謂勤察民情,勿使賦役不均,刑罰不中。六曰勸課,謂勸諭下民,勤於孝悌之行,農 戒幕職、州縣官,朝辭對別日,令舍人宣示之,各繕寫歸所治,奉以爲訓焉。 初,太平興國八年五月,太宗作戒諭百官辭二通,以付閤門。 五曰簡閱,謂察視士卒,證其勤惰勇怯。 六曰存恤,謂安撫士卒,甘苦皆同,當使齊 四日訓習,謂訓教士卒,勤習 一戒京朝官受任於外者, 大中祥符元

門,辭日分給之。

保』,供奉官以下不得呼『司徒』,校書郞以下令、錄事不得呼『員外郞』,判、司、簿、尉不得 常博士、大理評事並不得呼『郞中』,諸司使、諸衞將軍未領刺史者、及諸司副使不得呼『太 呼『侍御』,待韶、醫官不得呼『奉御』,其文武職事州縣官,如有檢校、兼、試、同正官者,稱 太宗命翰林學士宋白等議之。白等請:「自今文武臺省官及卿、監、郎中、員外並呼本官,太 淳化元年,國子祭酒孔維上言:「中外文、武官稱呼假借,踰越班制,伏請一切禁斷。」

斗之刺,亦有敗財假器之失。況祿廩所賦,皆自地征所來,須從民力,何必空竭公藏,附益 但進階、勳而已,今若十年之內,肆赦相仍,必恐京僚過於胥徒,朝臣多於州縣,豈惟連車平 寺凡八百員,玉石混淆,名品猥濫。異夫溪農考績、周官計治之法也。 使評事、寺丞,纔數載而通闊籍;贊善、洗馬,不十年而登臺郞。竊計今之班簿,臺、省、宮、 職勞,卽升京秩;將命而出,冗長尤多。每躬祀圓丘,誕敷霈澤,無賢不肖,並許叙遷。至 朝廷選補而授。用人旣廣,推擇難精。貢部上名,動踰千計;門資入仕,亦及百人。稍著 並建衆職。外則郡將、通守,朝士代行;關征、権酤,使者兼掌;下至幕府職掾之微,或自 太宗時,郊祀行慶,羣官率多進改。眞宗初,右司諫孫何上言曰:「伏見國家撫有多方, 有唐舊制,郊禋慶宥,

志

私人。 退 止加階、勳,命有司考其殿最而黜陟之。然三年差遣受代,率皆考課引對,多獲進改,罕有 次,豈俟歷階而升。 也。伏願特降詔書,自今郊祀,羣官一例不得遷陟,必若續用有聞、才名夙著,自可待之不 黜,而官籍浸增矣。 已授者朘削旣難,未遷者防閑宜峻,古人所謂『損無用之費,罷不急之官』,正在此 至於省倂吏員,上繫與奪。」時左司諫耿望亦以爲然,故咸平二年親郊,

紹興以後合班之制

殿前都指揮使 部、工部尚書 梁、雍州牧 傅、太保 司 天章、寶文、顯謨、 知樞密院事 諸太師、太傅、太保 特進 御史大夫 金紫、銀青光祿大夫 光祿大夫 節度使 觀文殿大學士 徽猷、 參知政事 觀文殿學士 翰林學士承旨 敷文閣學士 左丞相、右丞相 同 知樞密院事 太尉 **資政、保和殿大學士** 吏部、戸部、禮部、兵部、刑 左、右散騎常侍 太子少師、少傅、少保 少師、少傅、少保 翰林學士 樞密副使 左、右金吾衞上將軍 資政、 簽書樞密院事 權六曹尚書 保和、 王 冀、虎、青、徐、揚、荆、豫、 樞密使 端明殿學士 左、右衞上將軍 御史中丞 太子太師、太 開府儀同三

尹 大夫 使 客、詹事 大夫 保和殿待制 夫 卿 使 候 侍御史 右武 太子少詹事、左右論德 司業 Œ 太常卿 尚書列曹侍郎 大大夫 樞密都承旨 朝議、奉直大夫 團 馬 議、 光祿、 練使 軍都虞侯 中侍、中亮大夫 少府、將作、 通奉大夫 帶 給事中 入內內侍省、內侍省押班 御 **衞尉、太僕、大理、** 宗正 龍圖、天章、寶文、顯謨、徽猷、數文閣待制 器 諸州刺 械 卿 步 國子祭酒 承宣使 軍器監 左、右驍衞、武衞(邑)、屯衞、 樞密直學士 史 軍都虞候 尙 中書門下省檢正諸房公事 秘書監 書左、 入內內侍省、內侍省副都知 太子左、右庶子 左、 中書舍人 都水使者 右司員外郎 鴻臚、 右金吾以下諸衞大將軍 太常少卿 防禦使 馬軍都指揮使 龍圖、天章、寶文、顯謨、徽猷、數文閣直學士 司農、太府卿 樞密承旨等 通議大夫 入內內侍省、內侍省都 宗正少卿 捧日、天武四 中衞、 樞密院檢詳諸房文字 領軍衞、監門衞、千牛衞上將軍 步軍都指揮使 翊衞、 尚書左、右司郎中 中奉、 殿前副都指揮使 樞密副都承旨 秘書少監 昭宣使 廂都指揮使 親衞大夫 駙馬都尉 中散 權六曹侍郎 大夫 左武 知 馬、 正侍、 大大夫 宣政使 集英殿修撰 知閤門事 祕閣修撰 起居 龍、神衞四廂都指揮 步副都指揮使 內客省使 右文殿修撰 左、右諫議大夫 宣正 太中大夫 郎 同 、履正、協忠 拱 知閤門事 起居舍人 、衞大 殿前都 開封少尹 宣奉、正 通侍大 太子賓 七寺少 觀察 夫 國子 虞 中

志

第

判官、 常侍 顯謨閣 中官、成全、秋官、武顯、武節、平和、多官、武略、保安、武經、武義、武翼大夫公司 子監 官 書丞 子中舍人 膳部、兵部、職方、駕部、庫部、刑部、都官、比部、司門、工部、屯田、虞部、水部郞中 丞 武功、武德、和安、成和、成安、成全、武顯、武節、平和、武略、保安、武經、 衞、親衞、拱衞、左武、右武 司員外郎 左、右正言 太子侍讀、侍講 丞 秘書郎 翰林醫效 推官 直祕 少府、將作、軍器、都水監丞 少府、將作、軍器少監 諸王宮大小學教授 太子舍人 閣 直實文閣 符寶郎 直龍 太常博士 左右郎將 翰林醫痊 圖閣 尚書吏部、司封、司勳、考功、戶部、度支、金部、倉部、禮部、 內符實郎 親王府翊善、贊讀、直講 開封府司錄參軍事 朝請、 郎 樞密院 奉議 兩赤縣令 監察御史 朝散、朝奉大夫 計議、 郎 諸衞將軍 國子博士 樞密副承旨 大理正 監尙書六部門 編修官 太子左右衞、司禦、清道、監門、內率府率 直徽猷、敷文閣 樞密院諸房副承旨 正侍、宣正、履正、協忠、中侍、 大理 著作郎 武功、武德、和安、春官、成和、夏官、成安、 敕令所删定官. 陵臺令 司直、 直天章閣 太常丞 **閤門舍人** 評事 開封府功曹倉曹戶曹兵曹法曹士 判太醫局 承議 殿中侍御史 訓武、 鄓 朝請、朝散、朝奉郎 宣贊舍人 翰 中郎將 通直、 宗正、 武義、武翼郞 著作佐 中亮、中衞、翊 左、右司諫 修武 大宗正 祠部、主客、 翰林良醫 尚 書 諸 開封府 郎 郎 林醫 七寺 太 直 國 祕 內

州司理、司戶、司法參軍 官 官 士 義郎 下縣簿、尉 儒林、文林、從事郞 觀察判官 承事、承奉、承務郎 曹參軍事、左右軍巡使、判官 史局五官正 兩赤縣主簿、尉 京府司錄參軍 太常寺奉禮郎、太祝、郊社令、籍田令 防禦、團練、軍事推官 太子諸率府副率 節度掌書記 御史臺檢法官、主簿 城砦主簿 諸州上中下縣令、丞 京畿縣丞至 承直郎 國子、太學正 馬監主簿 幹辦左、右廂公事 修職郎 觀察支使 軍、監判官 京畿縣令 主管太醫局 京畿縣主簿、尉 防禦、 武學諭 迪功郎 三京赤縣丞 九寺主簿 從政郎 光祿寺太官令 節鎭錄事參軍 兩赤縣丞 三京赤縣令 承節、承信郎 團練判官 諸州司士、文學、助教 國子、太學錄 忠訓、忠翊、 秘書省校書郎(云)、正字 **閤門祗侯** 上、中、下州錄事參軍事 諸府司理、諸曹參軍事 三京赤縣、畿縣主簿、 京府、節度、 京府諸曹參軍事 宣教郎 五監主簿 樞密院逐房副承旨 律學正 太學、武學、律學博 太醫局丞 觀察推官 宣義、成忠、保義、 親王府記室 尉 節鎭、上中下 三京畿縣丞 軍巡判官 諸州上中 從義、秉 京府判 軍事判 節度、 太

——爲官職雜壓之序。

紹興、乾道、慶元,先後修定,間有官、勳已從罷省,而令仍不廢,今具載焉。

諸太師,太傅,太保,左、右丞相,少師,少傅,少保,王,爲正一品。

諸樞密使,開府儀同三司,特進,太子太師、太傅、太保,嗣王,郡王,國公,爲從一品。

諸金紫光祿大夫,知樞密院事,參知政事,同知樞密院事,太尉,開國郡公,上柱國,爲

正二品

豫、梁、雍州牧,殿前都指揮使,節度使,開國縣公,柱國,爲從二品。 部、戶部、禮部、兵部、刑部、工部尙書,左右金吾衞、左右衞上將軍,冀、兗、凊、徐、楊、荆、 諸銀青光祿大夫,簽書樞密院事,觀文殿大學士,太子少師、少傅、少保,御史大夫,吏

資政、保和、端明殿學士,龍圖、天章、寶文、顯謨、徽猷、數文閣學士,樞密直學士,左、右散 諸宣奉、正奉大夫,觀文殿學士,資政、保和殿大學士(100),翰林學士承旨,翰林學士,

騎常侍,權六曹尙書,上護軍,爲正三品。

書列曹侍郎,諸衞上將軍,太子賓客、詹事,開國侯,護軍,爲從三品。 諸正議、通奉大夫,龍圖、天章、寶文、顯謨、徽猷、敷文閣直學士,御史中丞,開封尹,尙

使,承宣使,開國伯,上輕車都尉,爲正四品。 諸通議大夫,給事中,中書舍人,太常卿,宗正卿,祕書監,諸衞大將軍,殿前副都指揮

諸太中大夫,保和殿、龍圖、天章、寶文、顯謨、徽猷、數文閣待制,左、右諫議大夫,權六

曹侍郎,七寺卿,國子祭酒,少府、將作監,諸衞將軍,輕車都尉,爲從四品

大夫,開國子,上騎都尉,爲正五品。 諸中大夫,馬、步軍都指揮使,副都指揮使,觀察使,通侍、正侍、宣正、履正、協忠、中侍

左、右庶子,樞密都承旨,中亮、中衞、翊衞、親衞大夫,殿前馬、步軍都虞候,防禦使,捧日、 天武、龍神衞四廂都指揮使,團練使,諸州刺史,駙馬都尉,開國男,騎都尉,爲從五品 諸中奉、中散大夫,太常、宗正少卿,祕書少監,內客省使,延福宮使,景福殿使,太子

知,宣慶、宣政(三)、昭宣使,拱衞、左武、右武大夫,入內內侍省、內侍省押班,樞密承旨、副 郎中,國子司業,軍器監,都水使者,太子少詹事、左右諭德,入內內侍省、內侍省都知副都

諸朝議、奉直大夫,集英殿修撰,七寺少卿,

中書門下省檢正諸房公事,尚書左、右司

承旨,驍騎尉,爲正六品。

詳諸房文字,右文殿、祕閣修撰,開封少尹,尚書諸司郎中,開封府判官、推官,少府、將作、 軍器少監,和安、成和、成安大夫,陵臺令,飛騎尉,爲從六品 諸朝請、朝散、朝奉大夫,起居郎,起居舍人,侍御史,尚書省左、右司員外郎,樞密院檢

諸朝請、朝散、朝奉郎,殿中侍御史,左、右司諫,尙書諸司員外郎,侍講,直龍圖、天章、

志第一百二十一 職官八

實文閣,開封府司錄參軍事,樞密副承旨,樞密院諸房副承旨,武功至武翼大夫,成全、平 和、保安大夫,翰林良醫,太子侍讀、侍講,兩赤縣令,雲騎尉,爲正七品。

林醫官,閻門宣贊舍人,太子中舍人、舍人、諸率府率,親王府翊善、贊讀、直講,判太醫局 令(三),翰林醫効、醫痊,武騎尉,爲從七品。 大理正,著作郎,崇政殿說書,內符寶郎,正侍至右武郎,武功至武翼郎,和安至保安郎,翰 諸承議郎,左、右正言,符寶郎,監察御史,直顯謨、徽猷、敷文閣,太常、宗正、祕書丞,

內常侍,開封府諸曹參軍事、軍巡使、判官,京府判官,京畿縣令,兩赤縣丞,三京赤縣、畿縣 令,太史局五官正,中書、門下省錄事,尚書省都事,爲正八品。 祕閣,著作佐郎,國子監丞,諸王宮大小學教授,國子博士,大理司直、評事,訓武、修武郎, 諸奉議、通直郎,七寺丞,祕書郎,太常博士,樞密院計議官、編修官,敕令所删定官,直

判,節鎭、上中下州錄事參軍,京府諸曹參軍事、軍巡判官,承直、儒林、文林、從事、從政、修 圍練、軍事、監判官,節度掌書記,觀察支使,京府、節度、觀察、防禦、團練、軍事推官,諸州簽 房副承旨,東、西頭供奉官,從義、秉義郎,太子諸率府副率,親王府記室,節度、觀察、防禦、 校書郎、正字,太常寺奉禮郎、太祝,太學、武學、律學博士,主管太醫局,閤門祗侯,樞密院逐 諸宣教、宣議郎,御史臺檢法官、主簿,少府、將作、軍器、都水監丞,寺、監主簿,祕書省

翰林醫愈、醫證、醫診、醫候,三省樞密院主事、守闕主事、令史、書令史,爲從八品。 職郎,京畿縣丞,三京赤縣、畿縣丞,諸州上中下縣令、丞,兩赤縣主簿、尉,諸府諸曹,節鎭、 上州諸司參軍事,節度副使、行軍司馬,防禦、團練副使,太史局丞、直長、靈臺郞、保章正,

學正、錄,武學論,律學正,太醫局丞,忠訓、忠翊、成忠、保義郞,挈壺正,京畿縣主簿、尉,三 京赤縣主簿、尉,諸州別駕、長史、司馬,樞密院守闕書令史,爲正九品。 諸承事、承奉郎,理親民資序者,從八品,承務郎準此。 殿頭高品,郊社、籍田、太官令,國子太

簿、尉,城砦、馬監主簿,諸州司士、文學、助敎,翰林醫學,爲從九品。 諸承務郎,高班,黃門內品,承節、承信、迪功郎,中、下州諸司參軍,諸州上中下縣主

校勘記

(二)保大 原作「保泰」,按宋無保泰軍。 本書卷八七地理志載:鄜州,保大軍節度,職官分紀卷四〇

同。志文因「泰」、「大」義通而誤,據改。

 Ξ 康國 後,此鎮似應是明州奉國軍節度,州見本書卷八八地理志。 按本書地理志、職官分紀卷四〇諸路節鎮無康國軍,而本表排列「康國」在兩浙路諸鎮之 該軍建立於宋初,本表不應失載,疑

「康」是「奉」字之誤。

志第一百二十一 校勘

記

- (三) 寧海 按上文已有「寧海」,此處二字重出,疑有誤。
- (12) 密州静海 使、安南都護;職官分紀卷四〇化外承襲節鎮條,有「靜海軍安南都護」。疑此即「靜海軍節度」, 按本書卷四八八交趾傳,開寶八年,以權交州節度使丁璉以檢校太師充靜海軍節度

「密州」爲「交州」之誤。

- (至) 應州彰國 「彰」原作「彭」,據本書卷九〇地理志、職官分紀卷四〇改。
- (云) 威城 「化外」節度使以「威」字爲名的,有「威塞軍新州」, 按宋代無此節度軍額,據本表排列順序, 此當爲一「化外節鎮」, 九城志卷一〇同;今本表別無威塞軍,疑此 職官分紀卷四〇所載
- (是) 昌化 「化外」節度使以「化」字爲名的, 按宋代無此節度軍額, 據本表排列順序, 有「昭化軍愼州」, 此當爲一「化外節鎮」, 宋會要方域五之八也稱「化外州」 職官分紀卷四〇所載 慎州為

或即「威塞」之誤。

- (公)景福殿使 昭化軍節度;疑「昌化」或即「昭化」之誤。 「福」原作「德」,據下文「官品」條、宋會要儀制三之一七改。
- (九)龍 三有隴州,爲防禦州,今本表別無隴州,疑此或爲「隴」字之誤。 按本書卷八九地理志載,龍州爲軍事州,無升防禦州之記載;職官分紀卷四〇、九城志卷
- 8 陸 按通考卷三二三興地考「陸州」條下說:「宋無此州。」本書卷九〇地理志廣南西路也未載,

疑此有誤。

- 按本書卷八八地理志,舒州本團練州,建隆元年升防禦。今上文已將舒州列入「防禦使」
- 條,此處不應列爲諸州刺史,疑有誤。

處卽不當重見。志文當有誤。

- 二 急 象 按本書卷九〇地理志,象州於景德四年升防禦,今本表上文已將象州列入「防禦使」條,此
- 音 保和學士 據上下文義、本條正文和宋會要職官七之一〇保和殿學士條,疑「保和」下脫「殿大
- 學士」四字。
- 太官 原作「太常」,據新唐書卷四八百官志、通典卷二六職官改。
- 三 監膳 事;舊唐書卷四四職官志同。「膳」字疑爲「作」字之誤。 唐代將作監無此官,新唐書卷四八百官志左右校署、 甄官署丞下有監作, 中校署有監
- Clab 左右丞 「丞」字原脫,據宋會要儀制三之一補。上文建隆以後合班之制「諸行侍郎」前亦作「左
- (E) 升侍知制誥 據長編卷七一、宋會要職官七之一四,此處「升侍」疑爲「升視」之誤。

右丞」。

- 云 興州 團 練使 「興」下原衍「利」字,據宋會要儀制三之一〇、長編卷八六冊。
- 二艺 刑部有 詳覆諸州已決大辟案牘及勾禁奏狀 「有」字原脫,「勾」原作「旬」,據上文文義和長編卷

志

8 羣官 原作「郡官」,據文義和楊億武夷新集卷一六次對奏狀改。

 $\stackrel{\stackrel{.}{=}}{=}$ 勳散俱至五品者許封贈 「贈」字原脫,據同上書同卷同篇補。

嫡子嫡孫一 人襲封 「嫡子」二字原脫,「嫡孫」上原衍「蔭」字,據同上書同卷同篇删補。

尤非經據 「經據」原作「輕遽」,據同上書同卷同篇改。

CIED 元豐三年 Ξ 原作「九」。按本書卷一六一職官志序, 元豐三年「九月,詳定所上寄祿格」。

急 武衞 長編卷三〇八所載同、據改。 原脫,據上文建隆、元豐以後合班之制及合璧事類後集卷六一補。

믕 樞密承旨 「密」下原衍「都」字,按上文已有樞密都承旨,此處不當重出;上文建隆以後合班之

CIED 武經武義武翼大夫 制「樞密副都承旨」上有「樞密承旨」,和合璧事類後集卷六一所載南宋官職雜壓之制相合,據删。 「武經」原置「武義」下,據本書卷一六九職官志、通考卷六四職官考武階次

昙 秘書省校書郎 「省」字原脫,據上文建隆、元豐以後合班之制及合壁事類後集卷六一補。

序移正。

急 京畿縣丞 處作「京畿縣丞」,而其上又衍「三京赤縣令」五字,和上文重出。按合璧事類同卷官品條,此處 此上原衍「三」字,和下文「三京畿縣丞」重複;合璧事類後集卷六一官職雜壓條此

縣丞爲從八品,故與三京赤縣、畿縣丞同列。 因删「三」字。

(言) 資政保和殿大學士 此上原衍「翰林」二字。 按宋無翰林大學士官稱,而下文又另有翰林學士,

據上文建隆、元豐以後合班之制及合璧事類後集卷六一删。

(三) 宣政 原作「宣正」,按本書卷一六六職官志「入內內侍省」條、卷一六九同志「內臣遷轉」條都作

「宣政使」,據改。

(三) 判太醫局令 按合璧事類後集卷六一官品條作「判太醫局、太史局令」,疑此有脫文。

缺页

宋史卷 一百六十九

志第一百二十二

職官九 敍遷之制

功臣 羣臣敍遷 檢校官 流內銓 兼官 流外出官 試秩 紹興以後階官 文散官 武散官 爵 勳

文臣京官至三師敍遷之制

諸寺、監主簿,秘書省校書與,秘書省正字有出身轉大理評事,無出身轉太常寺奉禮郎。 內帶館職同有

出身、后族、兩府之家轉太祝。

太常寺太祝,奉禮郎有出身轉諸寺、監丞,無出身轉大理評事。 內帶館職同有出身。

大理評事有出身轉大理寺丞,第一人及第轉著作佐郎;無出身轉諸寺、監丞。內帶館職同有出身。 志 第 百二十二 職官 九 后族、兩府之

家,審刑院詳議,刑部詳覆、詳斷、檢法、法直官,轉光祿寺丞。

諸寺、監丞有出身轉著作佐郎,無出身轉大理寺丞。 內帶館職同有出身。

大理寺丞有出身轉殿中丞, 無出身轉太子中舍。 內帶館職同有出身,或轉太子中允。 后族、雨府之家, 審刑院詳

議,刑部詳覆、詳斷,中書堂後官,轉太子右贊善大夫。

著作佐郎有出身轉祕書丞,內第一人及第太常丞;無出身轉太子左贊善大夫。 內帶館職同有出身、 特旨轉秘書

郎、著作郎、宗正丞。

太子左右贊善大夫、中舍、洗馬轉殿中丞。內帶館職轉太常丞。

太子中允轉太常丞,特旨轉祕書郎、著作郎、宗正丞。

太常、宗正、秘書丞,著作郎,秘書郎轉太常博士,特旨轉左、右正言,監察御史。 宗正丞, 無出身轉國子

博士。

殿中丞有出身轉太常博士,無出身轉國子監博士。 內帶館職同有出身。

左、右正言轉左、右司諫,帶待制已上職轉起居舍人。 太常、國子博士轉後行員外郎,特旨轉左、右司諫,殿中侍御史。

監察御史轉殿中侍御史。

後行員外郞轉中行員外郎,特旨轉起居舍人、侍御史。

左、右司諫轉起居郎、起居舍人,帶待制已上職轉吏部員外郎。

殿中侍御史轉侍御史。

中行員外郎轉前行員外郎。

起居與,起居舍人轉兵部員外郎,帶待制已上職轉禮部郎中

侍御史轉司封員外郎。

前行員外郞轉後行郞中。

後行郎中轉中行郎中。

中行郎中轉前行郞中。

庫部 右常調轉員外郎者,轉右曹。內有出身自屯田,無出身自處部,贓罪敍復人自水部轉。 虞部 比部 駕部 屯田 都官 職方

水部

司門

官、府界提點,三司子司主判官,大理少卿,提點刑獄,提點鑄錢監,諸王府翊善、侍講、 任發運、轉運使副,三司、開封府判官,侍讀,侍講,天章閣侍講,崇政殿說書,開封府推

記室,中書提點五房公事堂後官,轉左曹。 內有出身自祠部,無出身自主客,堂後官自膳部轉。

膳

任發運、轉運使副,三司、開封府判官, 左曹轉左名曹。 內無出身只轉祠部、度支、司封,有出身

志第一百二十二 職官九

部

倉部

考功

主客

金部

司勳

祠部

度支

司封

合轉右名曹,準此。 任三司副使, 知雜, 修撰,修起居注,直舍人院, 轉左名曹。 工部 刑

部 兵部

帶待制已上職,左右曹、右名曹轉左名曹,仍隔一資超轉。 戶部轉左司,刑部、度支、金部、倉部、都官、比部、司門轉右司。 禮部 戸部 中行郎中轉左、 吏部 右司郎中。

前行,即中有出身轉太常少卿,無出身轉司農少卿。內見任左曹衞尉少卿,帶待制已上職轉右諫議大夫。 衞尉、司農少卿轉光祿少卿,帶館職轉光祿卿。 左、右司郎中帶待制已上職轉諫議大夫。左司轉左諫議,右司轉右諫議。 帶翰林學士者,轉中書舍人。

光祿少卿轉司農卿,帶館職轉光祿卿。

太常少卿轉光祿卿,任三司副使、修撰,取旨。 司農卿轉少府監,帶館職轉光祿卿。

少府監轉衞尉卿,帶館職轉光祿卿。

衞尉轉光祿卿、

光祿卿轉祕書監。

中書舍人轉體部侍郎。 秘書監轉太子賓客。

諫議 大夫轉給事中。

給事中轉工部侍郎,帶翰林學士已上職轉禮部侍郎。

太子賓客轉工部侍郎

工部侍郎轉刑部侍郎,兩府轉戶部侍郎,宰相轉兵部侍郎。

禮部侍郎轉戶部侍郎,宰相轉吏部侍郎,

刑部侍郎轉兵部侍郎,兩府轉吏部侍郎,宰相轉禮部尚書。

戶部侍郎轉吏部侍郎,宰相轉禮部尚書。

兵部侍郎轉右丞,兩府轉左丞,宰相轉禮

部尚書。

吏部侍郎轉左丞,宰相轉禮部尚書。

左、右丞轉工部尚書,兩府轉禮部尚書。

禮部尚書轉刑部尚書,兩府轉戶部尚書。 八部尚書轉禮部尚書,兩府轉刑部尚書。

刑部尚書轉戶部尚書,兩府轉兵部尚書。

戶部尚書轉兵部尚書,兩府轉吏部尚書。

兵部尚書轉吏部尚書,兩府轉太子少保,宰相轉右僕射,

志 第

百 __ +

職 官 九

宋

吏部尚書轉太子少保,宰相轉左僕射。

太子少保轉太子少傅。

右僕射轉左僕射。

太子少傅轉太子少師。

司空轉司徒。

左僕射轉司空。

てニン万事太子

太子少師轉太子太保。

司徒轉太保。

太子太保轉太子太傅。

太子太傅轉太子太師。

太子太師轉太保。

太保轉太傅。

太傅轉太尉。

太尉轉太師。

太師太師、太傅、太保謂之三師,太尉、司徒、司空謂之三公。 凡除授,則自司徒遷太保,自太傅遷太尉,檢校亦如之。

於義弗安,莫甚於此。蓋前世因循,失於釐正。臣愚以謂自今皇子及宗室卑者除官,並不可帶師傅之名,隨其敍遷 太尉、司徒、司空爲三公,國朝因之。 六典曰:『三師,訓導之官也〔〕。』 蓋天子之所師法。 今皇太子以師傅名官, 治平二年,翰林學士賈黯奏:「近渚皇子封拜,並除檢校太傅。 臣按官儀,自後魏以來,以太師、太傅、太保爲三師,

改授三公之官。」詔:「候將來,因加改正。」自此,皇子及宗室卑行,遂不除三師官。

品,任官者但常食其奉而已。時議以近職爲貴,中外又以差遣別輕重焉。 宋初,臺、省、寺、監官猶多涖本司,亦各有員額資考之制,各以曹署開劇著爲月限,考 官,非別受詔亦不領本司之務。又官有其名而不除者甚衆,皆無定員無月限,不計資 征外有羨也。自是,廢歲滿敍遷之典。是後,多掌事于外,諸司互以他官領之,雖有正 水部員外郎朱洞爲都官員外郎,監察御史李鑄爲殿中侍御史,以仁滌等掌麴蘗、領關 **満則遷,慶恩止轉階、勳、爵、邑。** 建隆二年,始以右監門衞將軍魏仁滌爲右神武將軍,

武臣三班借職至節度使殺遷之制三班借職以下,亦有磨勘轉官法,緣未受眞命,今不具錄。

三班借職轉三班奉職。

三班奉職轉右班殿直

右班殿直轉左班殿直。

志第

百二十二

職官九

四〇三〇

左班殿直轉右侍禁。

右侍禁轉左侍禁。

左侍禁轉西頭供奉官。

西頭供奉官轉東頭供奉官。

東頭供奉官轉內殿崇班。

內殿崇班轉內殿承制。

供備庫使轉西京左藏庫副使,有戰功轉如京副使。

內殿承制轉供備庫使,有戰功轉體賓副使,特旨東西染院、西京作坊副

使。

有戰功,並謂會經轉官酬獎。

禮 一賓副使轉崇儀副使,有戰功轉洛苑副使。

西染院副使轉如京副使,有戰功轉內圍副 使

西染院使轉如京使,有戰功轉內園使。

東染院副使轉洛苑副使,有戰功轉文思副

東染院使轉洛苑使,有戰功轉文思使。

作坊使轉內園使,有戰功轉六宅使。

西京 左藏庫使轉文思使,有戰功轉莊宅使。

崇儀使轉六宅使,有戰功轉西作坊使。

如京使轉莊宅使,有戰功轉東作坊使。

內園使轉東作坊使,有戰功轉內藏庫使。洛苑使轉西作坊使,有戰功轉左藏庫使。

文思使轉左藏庫使,有戰功轉右騏驥使。

六宅使轉內嚴庫使,有戰功轉左騏驥使。

西作坊使轉左騏驥使,有戰功轉宮苑使。莊宅使轉右騏驥使,有戰功轉宮苑使。

東作坊使轉宮苑使。

左藏、內藏、左右騏驥、宮苑使並轉皇城使。

皇城使轉遙郡刺史。 凡已上使、副,除皇城係東班,餘並西班。 其東班翰林以下十九司使、副, 雖有見在官及遷

轉

法,並授伎術官。

遙郡刺史轉遙郡團練使,特旨轉正刺史。

遙郡團練使轉遙郡防禦使,特旨轉正圍線使。

刺史轉團練使。

志第一百二十二 殿官九

團練使,遙郡防禦使轉防禦使。

防禦使轉觀察使。

觀察使轉節度觀察留後。

節度觀察留後轉節度使。

節度使

武臣自通事舍人轉横班例

通事舍人轉西上閣門副使。其東上閣門副使,非特恩不遷。

引進副使轉客省副使。

東、西上閣門副使轉引進副使。

客省副使轉西上閣門使。

西上閣門使轉東上閣門使。

東上閤門使轉四方館使。

引進使轉客省使。 四方館使轉引進使。

四〇三二

刺史以上絕升進之望。 景祐元年韶:「副使自今改正使,於本額下五資遷之。」舊無定員,慶曆四年詔:「客省、引進、四方館使各一人,東、西 右內客省使至閤門使謂之橫班,皇城使以下二十名謂之東班,洛苑使以下二十名謂之 客省,奮制副使六員,今並增爲八員。閣門舊通事舍人八員,今增爲十員。凡所增置,須見任官當遷及有闕乃補。 官,至節度觀察留後止。又客省、引進、四方館舊置使三員,東、西上閤門舊置使四員,今並增爲六員。閣門、引進、 當罷、橫行歲滿當遷及有戰功殊績,皆不得除正任。當遷,則改州名,或加檢校官、勳、封、食邑。』自降韶以來,正任 上閤門使共四人,閤門、引進、客省副使共六人,閤門通事舍人八人。」治平二年,樞密院奏:「嘉祐三年韶:『非軍職 西班,初猶有正官充者,其後但以檢校官爲之,或領觀察使、防禦使、團練使、刺史。 皇城、宮苑副使當磨勘者,各於本班使額自下升五資改諸司使。其自左藏庫副使已上因酬獎及非次改官者,聽如 其皇城使改官及七年,如曾歷邊任、有本路監司總管五人已上共薦者,欲除遙郡刺史至遙郡防禦使止。」詔:「自今 餘皆從樞密院之請。」初,英宗謂執政曰:「諸司副使改轉使,當從供備庫使始,今對行升五資,太優。」於是合議 今欲因知藩要州郡,或路分總管,如再經改州名或加檢校官、勳、封、食邑已及十年者,與遷

宗室自率府副率至侍中敍遷之制

條奏而爲此例。

志第一百二十二 職官九

太子右內率府副率轉太子右監門率府率。

太子右監門率府率轉右千牛衛將軍。

右千牛衞將軍轉右監門衞大將軍。

右監門衛大將軍轉遙郡刺史。

遙郡團練使轉遙郡防禦使。 遙郡刺史轉遙郡團練使。 繼諸王後、見封國公及特旨,即轉正刺史。 繼諸王後、見封國公及特旨,即轉正團練使。

刺史轉團練使。

防禦使轉觀察使。 團練使轉防禦使。

觀察使轉節度觀察留後。

節度觀察留後轉節度使,特旨轉左、右衞上將軍。

左、右衞上將軍節度使轉節度使同中書門下平章事。

節度使同中書門下平章事轉節度使兼侍中。

節度使兼侍中

內臣自皇城使特恩遷轉例合該磨勘,並臨時用例,取旨改轉。

皇城使轉昭宣使。國朝亦有外官爲昭宣使者。

宣政使轉宣慶使。昭宣使轉宣政使。

宣慶使轉景福殿使。

景福殿使轉延福宮使。

延福宮使凡不轉昭宣已上五使者,並轉遙郡。

入內內侍省內臣敍遷之制

祗候班雖有轉官法,近年無遷轉之人,惟敍官者一級當一官,內侍皆同。

北班內品轉後苑散內品。

後苑勾當事內品轉後苑勾當事內品。

後苑內品轉把門內品。

把門內品轉入內內品。

志第一百二十二 赋官九

宋史卷一百六十九

入內內品轉貼廠候內品。

貼祗候內品轉祗候小內品。

祗候小內品轉祗候內品。

祗候高班內品轉祗候高班內品。

祗候高品轉祗候殿頭。

祗侯殿頭

右係責降及責降人保引。

內侍班轉黃門。

黄門轉高班。

高班轉高品。

內侍殿頭轉內西頭供奉官。

內西頭供奉官轉內東頭供奉官。

內東頭供奉官東頭供奉官已上轉官,依外官。

內侍省內臣敍遷之制

祗候班

後苑散內品轉散內品

散內品轉北班內品。

北班內品轉後苑勾當事內品。

把門內品、後苑內品轉內品。後苑勾當事內品轉後苑內品。

內品轉貼祗候內品。

貼祗候內品轉祗候內品。

武侯內品轉祗候高班內品。

祗候高班內品轉祗候高品。

祗侯高品

右係責降及責降人保引亦有非實降由奏薦而除者。 入內內侍省同。

内侍班

志第一百二十二 職官九

黄門轉高班

高班轉高品。

高品轉殿頭。

殿頭轉內西頭供奉官。

內西頭供奉官轉內東頭供奉官。

內東頭供奉官東頭供奉官已上轉官,依外官例。

以勞得減年者毋得過五年。」 勤勞,經十年未嘗遷者,奏聽旨。」猶無磨勘定格也。 在其中。 至減十五年,而入仕纔五七年有勞至高品已上者,兩省因著十年磨勘之例,而減年復 右宋初以來,內侍未嘗磨勘轉官,唯有功乃遷。 嘉祐六年,樞密院始議釐革。 乃韶:「內臣入仕並三十年磨勘,已磨勘者,其 至景祐中,韶:「內臣入仕三十年,累有 慶曆以後,其制漸隳。 黃門有勞

選人選京官之制

有出身:

判、司、簿、尉,七考除大理寺丞。 不及七考,光禄寺丞。 不及五考,大理評事。 不及三考,奉禮郎。

初等職官,知令、錄,六考除大理寺丞。 不及六考,光禄寺丞。 不及三考,大理評事。

兩使職官,知令、錄,六考除著作佐郞。 不及六考,大理寺丞。 不及三考,光禄寺丞。

節、察判官,六考除太常丞。不及六考,太子中允。支、掌、防、團判官,六考除太子中允。不及六考,著作佐郎、

無出身:

判、司、簿、尉,七考除衞尉寺丞。不及七考,大理評事。不及五考,奉禮郎。不及三考,守將作監主簿。

初等職官,知令、錄,六考除衞尉寺丞。不及六考,大理評事。 不及三考,奉禮郎。

支、掌、防、團判官,六考除著作佐郎。 不及六考,大理寺丞。

兩使職官,知令、錄,六考除大理寺丞。不及六考,衞尉寺丞。

不及三考、大理評事。

節、察判官,六考除太子中允。不及六考,著作佐郎。

吏部流內銓諸色入流及循資磨勘選格入流

有出身:

進士、明經入望州判、司,次畿簿、尉。

志第一百二十二 概官九

九經入緊州判、司,望縣簿、尉。

諸科、伍經、三禮、三史、三傳,今雖無此科,緣見有逐色人。 明法入上州判、司,緊縣簿、尉。

學究、武舉得班行人換授,入中州判、司,上縣簿、尉。

無出身:

太廟齋郎舊室長同。入中下州判、司,中縣簿、尉。

郊社齋郎、舊掌坐〔三〕同。 試銜白衣送銓注官,司士、文學、參軍、長史、司馬、助敎得正官,

并班行試換文資,入下州判、司(ā),中下縣簿、尉。

三色人:

攝官入小縣簿、尉。

進納授試銜,入下州判、司,中下縣簿、尉,授太廟齋郎,入中州判、司,中縣簿、尉。

流外入下縣簿、尉。

已上並許超折地望注授。

循資

常調

判、司、簿、尉有出身兩任四考,無出身兩任五考,攝官出判、司三任七考,並入錄事參

內係驅使官、沿堂五院人,只注大郡判、司,大縣簿、尉。進納出身三任七考,曾省試下第二任 但有舉主四人或有合使舉主二人,並許通注縣令。 流外出身四任十考,入錄事參

五考,入下州令、錄,仍差監當。

酬獎.

判、司、簿、尉初任循一資入知令、錄,次任二考已上入正令、錄。

知令、錄循一資入初等職官,正令錄入兩使職官。

初等職官循一資入兩使職官,兩資入支、掌、防、團判官,三資入節、察判官。

恩例:

判、司、簿、尉用祖父五路及廣、桂知州帶安撫,并知成都府、梓州及川、廣轉運提刑等恩 例陳乞,循入試銜知縣,仍差監當。

奏薦:

判、司、簿、尉。

舉職官,有出身四考、有舉主三人,移初等職官,仍差知縣。有出身四考、無出身六考注初

等職官。有出身六考、無出身七考注兩使職官。

舉縣令,有出身三考、無出身四考,攝官出身六考、有舉主三人,進納出身六考、有舉主四

第

四〇四二

人,流外出身三任七考、有舉主六人,並移縣令。 內流外人入錄事參軍。

令、錄係舉人入,任內有京官舉主二人,循兩使職官四、知縣。

初等職官、知縣係舉人入,任內有京官職舉主二人,循兩使職官,如願知縣者聽。

牌 勘

判、司、簿、尉七考,知令、錄、職官六考,有京官舉主五人,內一員轉運使、副或提刑,並磨

勘引見,轉合入京朝官。

兩使職官、知縣係舉人入,倂因舉循入,任內有京官舉主二人,磨勘引見,轉合入京官。

令、錄流外出身,係舉人入,任內有班行舉主三人,磨勘引見,改換班行。

差攝

長史、文學

兩舉進士 三舉諸科 特恩與攝官

已上,廣南東路長史、文學與舉人,中半差攝; 西路長史、文學七分,舉人二分,特恩攝

官一分。

試補:

正額及額外攝官並試公案,以合格名次高下差攝。內試不中及不能就試者,並在試中人

之下。

解發:

入額人一任實滿四年與解發。 海北攝官差往海南,減一年。 犯公罪展攝二年,監當虧少課利罰半月奉者,添攝一任,罰一月奉者添攝兩任。 如差監當、監稅、卽以二年爲一任,理兩攝,並解發赴銓。

流外出官法

尚書省書令史、都省二十四司、禮部貢院、吏部流內銓、官誥院七選,都省敕庫、兵部甲庫八選,諸司驅使官、都省散

官十九選,買院散官十八選:並補正名後理,或酬獎,減一等出簿、尉。

門一省白院令史七選、蠹頭、書院、甲庫令史贊者八選,並補正名後理;驅使官九選,授勒留官後理:並出簿、尉。

學士院錄事補正名後理,三年出奉職。 中書省白院令史七選,甲庫令史八選,並補正名後理;驅使官九選,搜勒留後理:並出簿、尉。 孔目官遇大禮,從上出一名,不過大禮七選;驅使官遇大禮,從上三人並

出簿、尉、不遇恩十選:並授勒留官後理。

御史臺令史七選補正名,驅使官九選授勒留官,並出簿、尉。 主推,五年出奉職。 書史五年,出借職。 係諸處取到人充主推,八年出借職。 引贊官補正名後,遇大禮出錄專參軍。 書史出三班差使。 試中刑法人充

|**司**三部都孔目官三年出西頭供奉官;前、後行入仕三十年已上,遇大禮,從上各出二人,前行出奉職, 後行出借

志第一百二十二 職官九

職;子司勾覆、開拆官五年出左、右班殿直, 前、後行出二人。 同三部衙司都押衙三年出奉職,衙佐三年出借職;

通引官行首司五年出奉職:並補正名後理。

開封府孔目官補正名後理,五年出右班殿直。 左知客押衙六年、通引官左番行首七年出奉職,並補正名後理。

支

計官、勾覆官、開拆官、接押官出奉職,諸司行首前行出借職,並遇大禮,以入仕及三十年已上者三人出職:

殿前司孔目官五年出右侍禁,通引官行首三年出奉職,並補正名後理。

馬步軍司孔目官五年出右班殿直,通引官行首三年出借職,並補正名後理。

入內、內侍兩省前、後行補正名後理,三年出奉職。

大宗正司勾押官補正名後理,三年出借職。

三班院勾押官補正名後理,五年出奉職。

審官院令史授勒留官後理,七年出簿、尉。

九寺府史,太常、大理寺七選;宗正、光祿、太府、太僕、衞尉、鴻臚、司農寺十選;驅使官十九選;宗正司楷書八選;

並補正名後理,出簿、尉。

諸監都水監勾押官補正名後理了二年出奉職。 將作監驅使官十九選。並補正名後理,出簿、尉。 少府、將作監府史十選,國子監八選,司天監禮生、曆生選(五),少府、

羣牧 司都勾押官補正名後理,三年出奉職

客省行首補正名後理三年,勾押官五年,並出奉職。 承受並驅使官授勒留官後理,七選出簿、尉。

四方館書令史補正名後理,八選;表奏官、驅使官授勒留官後理,九選:並出簿、尉

問門行首補正名後理,三年出右侍禁。承受授勒留官後理,七選出簿、尉。

太常禮院禮直官自補副禮直官後,六經大禮,出西頭供奉官。 禮生補正名後理,六選出簿、尉。

審刑院充本院書令史後理,六選出簿、尉。

秘書殿中省令史、楷書並補正名後理,八選出簿、尉。

起居院楷書八選、驅使官十九選,並補正名後理,出簿、尉。

崇文院孔目官補正名後理,遇大禮,出奉職。

||一館孔目官、四庫書直官八選,楷書七選,書直、書庫、表奏官九選,守當官十選, 並授勒留官後理;楷書補正名後

理:並出簿、尉。

秘閣典書、楷書並補正名後理,七選出簿、尉。

軍頭引見司勾押官補正名後理,五年出右班殿直。

皇城司勾押官補正名後理,三年出奉職。

內東門司押司官補正名後理,三年出借職。

管勾往來國信所勾押官補正名後理,三年出奉職。

志第一百二十二 職官九

翰林司專知官三年界滿,大將,出奉職(火)。

內藏庫專知官三年界滿,出借職。

御藥院押司官補正名後理,三年出借職。

御書院待韶五年出左班殿直,書藝十年出右班殿直,御書祗候十五年出借職,並補正名後理。

進奏院進奏官補正名後理,十五年遇大禮, 無過犯, 從上五人出職。 有過犯經洗雪, 會經決賣, 出借職。

定限。

御廚勾押官補正名後理,三年出職。

金吾街司、仗司孔目官、表奏、勾押、驅使官,並補正名後理,十九選出簿、尉。

文臣換右職之制

大卿、監換團練使。

少卿、監換皇城使、遙郡刺史。

帶職郎中換器門使。

前行郎中換宮苑使。

中行郎中換內藏庫使。

後行郎中換莊宅使。

帶職前行員外郎

前行員外郎並換洛苑使。

帶職中行員外郎,起居舍人,侍御史,中行員外郎並換西京作坊使。

帶職後行員外郎,左、右司諫,殿中侍御史,後行員外郎並換供備庫使。

已上並帶遙郡刺史。

帶職博士,左、右正言,監察御史換閣門副使。

太常博士換內藏庫副使。

國子博士換左藏庫副使。

秘書丞換六宅副使。

太常丞換莊宅副使。

殿中丞,著作郎換文思副使。

太子中允換禮賓副使。

太子左右贊善大夫、中舍、洗馬換供備庫副等

志 第

百二十

__

職官九

四〇四七

秘書郎,著作佐郎換內殿承旨。

大理寺丞換內殿崇班。

諸司監丞,節度、觀察判官換東頭供奉官。

大理評事,節度掌書記,觀察支使換西頭供奉官。

太常寺太祝,奉禮郎換左侍禁。

初等職官,知令、錄抖兩使職官,防禦、團練判官,令、錄未及三考換左班殿直。

初等職官,知令、錄未及三考換右班殿直。

判、司、簿、尉換三班奉職。

試銜齋郎并判、司、簿、尉未及三考換三班借職。已上京官至太常丞帶職,加一資換。

右文官換右職者,除流外、進納及犯私罪情重抖贓罪外,年四十以下並許試換右職。 三班使臣補換及三年、差使及五年,方許試換。已上並召京朝官或使臣二人委保。其

文臣待制、武臣觀察使已上願換官,取旨。

紹興復修試換之令,淳熙增廣尙左、尙右、侍左、侍右換官之格,列而書之,以見新式。

若中大夫而下文臣換官,仍政和舊制,則不書。

諸訓武郎至進武校尉,不曾犯贓私罪及笞刑經決而願換文資者,聽召保官二員,具家

狀連保狀二本,詣登聞鼓院投進乞試。 武藝幷進納、流外出身,不用此令。 及三年,授進武校尉後未及五年,三省、樞密院書令史以下授使臣、進武校尉;若保甲及試 諸武臣試換文資,於易、詩、周禮、禮記各專一經,仍兼 外任人候替罷就試, 文資換武者聽。 準此,即授小使臣後未

論、孟;願試詩賦及依法官條試斷案、刑統大義者,聽

換承奉郎。忠翊郎換承務郎。成忠郎換從事郎。保義郎換修職郎。承節、承信郎換迪功郎。進 義郎。從事、從政、迪功、通事與換成節鄭。登仕、將仕郎換承信郎。 郎,未滿三考承信郎。將仕郎換承信郎。侍右,從義郎換宣義郎。秉義郎換承事郎。忠訓郎 同。 武校尉、進義校尉換將仕鄓。 蔭補換使臣。承奉郎換忠翊郎。承務郎換成忠郎。文林郎換保 換忠翊郎,未滿三考成忠郎。從事、修職換成忠郎,未滿三考保義郎。迪功郎換成節 換官:尙右,訓武、修武郞換宣敎郞。 侍左,承直郎換從義郎。文林、從政郎奏舉職官、知縣

文散官二十九

開府儀同三司從一

金紫光祿大夫正三

銀青光祿大夫從三

特進正二

正奉大夫正四上階 光祿大夫從二

第 百二十

志

職 官 九

四〇四九

中 奉大 大正 U

太中大夫從四上階

中散大夫正五上 朝請大夫從五

朝奉大夫正五

朝散大夫從五上

中大夫從四

承直郎正六

宣德郎正七

奉直郎從六上

朝奉郎正六上

承務郎從八

給事郎正八上

承事

,,即正八

通直 朝散郎從七上 即從六

朝請

郎正七上

宣奉郎從七

承奉郎從八上

登仕郎正九

文林郎從九上

將仕郎從九 儒林郎正九上

右朝官階、勳高,遇恩加八大夫。

武散官三十

驃騎大將軍從

冠 軍 大將軍正三上

歸德將軍從三

懷化大將 軍正三

輔國

一大將軍

正

忠武將軍正四上

鎭國大將軍從二

壯武將軍正四 雲麾將軍從三上

宣威將軍從四上

寧遠將軍正五 昭武校尉正六上

振威副尉從六

翊麾校尉從七上 宣節副尉正八

陪戎副尉從九

仁勇校尉正九上

明威將軍

從四

游騎 將軍 .從五上

游擊將軍從五

定遠將軍正五上

振威校尉從六上

昭武 致果校尉正七上 、副尉正·

致果副尉正七

郊壓副尉從七

禦武校尉(七)從八上 仁勇副尉正九

> 宣節校尉正八上 禦武副尉從八

陪戎校尉從九上

軍、使相、節度使起復,改授游擊將軍。 右文散官階上泛經恩加一階,郞階上京朝官加五階, 雖中書主事、諸司吏人加授,亦無累加法,餘不 選人加一階。 武散官冠軍 大將

已上文武三品已上服紫,五品已上服緋,九品已上服綠

元豐寄祿格以階易官,雜取唐及國朝舊制,自開府儀同三司至將仕郎,定爲二十四階。

崇寧初,因刑部尚書鄧洵武請, |政和末,又改從政、修職、迪功,而寄祿之格始備。 又換選人七階。 大觀初又增宣奉、正奉、中奉、 自開府至迪功凡三十七階。 奉直等階。

志 第 百二十二 職 官 九

四〇五一

宋

新官

開府儀同三司

特進

銀青光祿大夫 金紫光祿大夫

宣奉大夫大觀新置。 光祿大夫

正奉大夫大觀新置。

正議大夫

通奉大夫大觀新置

通議大夫

太中大夫

中大夫

中奉 中散大夫 大夫大觀新置。

舊官

使相謂節度使無侍中、中書令、或同平章事。

左、右僕射

吏部尚書

左、右丞 五曹尚書

六曹侍郎

給事中 左、右諫議大夫

秘書監

光祿卿至少府監

四〇五二

朝散大夫

朝請 朝奉大夫 郎

朝散郎 朝奉郎

朝花 奉議郎 承議郎

← 了完 通直郎

宣教郎元豐本「宣德」,政和避宣德門改。

宣義郎 承事 郞

志 第 百 ____ + ___ 職 官

九

承奉

郎

前行 郎中

後行郎中 中行郎中

前行員外郎,侍御史

中行員外郎,起居舍人

後行員外郎,左、右司諫

太常、祕書、殿中丞,著作郎 左、右正言,太常、國子博士

著作佐郎,大理寺丞 太子中允、贊善大夫、冼馬

大理評事

光祿衞尉寺、將作監丞

太祝,奉禮郎

四〇五三

太常卿、少卿,左、右司郎中(む)

不務郎

さる季直郎

從事郎承直至此四階,並崇寧初換。文林郎

修職郎崇寧登仕,政和再換。從政郎崇寧通仕,政和再換。

迪功郎崇寧將仕,政和再換。

校書郎,正字,將作監主簿

留守、節察判官

節察掌書記、支使,防、團判官

防、團推官,監判官留守、節察推官,軍、監判官

錄事參軍,縣令

知錄事參軍,知縣令

軍巡判官,司理,司法,司戶,主簿、尉

使,自內殿承制至三班借職爲使臣。 國朝武選,自內客省至閤門使、副爲橫班,自皇城至供備庫使爲諸司正使,副爲諸司副 元豐未及更,政和二年,乃詔易以新名,正使爲大夫,

階,通爲橫班。 自太尉至下班祗應,凡五十二階(10)。 副使爲郎,橫班十二階使、副亦然。

六年,及增置宣正、履正、協忠、翊衞、親衞大夫郎,凡十

新官

誓

太尉政和新置,以太尉本秦之主兵官,遂定爲武階之首。

四〇五四

宣 履正大夫 正 大 夫

協忠大夫並政和新置。

中侍大夫

中亮 大夫

中衞大夫 翊衞大夫

親衞大夫

拱 衞 大夫並政和增置行己。

左武 大夫

宣 正侍 Œ 息 郞 右武 大大夫

志 第 百 + ____ 職 官

九

客省使 引進使 景福殿使

東上閤門使 西上閤門使

四〇五五

延 福宮使

內客省使

宋 史 卷 百 六 +

履正 郎

協忠

郎

中亮 郎

中侍

郎

並

政和增置。

中衞 郎

拱衞 翊 郎 (11) 並政和增置。

衞

郎

左武 郎

右武 鄓

武功 武德大夫 大大夫

武顯 大夫

武節 武經 武略大夫 大夫 大夫

客省副使

引進 副 使

東上閤門 副使

皇城使

西上閤門副

使

宮苑、左右騏驥、內藏庫使 莊宅、六宅、文思使 左藏庫、東西作坊使

內園口高、洛苑、如京、崇儀使 西京左藏庫使

四〇五六

武德 武 功郎 郎

武顯與 武節 郎

武經 武 略 郎 郎

武義 郎

武翼 郞

修武 郎

秉義 從義 郎 郎

郎

敦武 郎

忠訓

志 第

百

+

職 官 九

> 供備庫使 西京作坊、東西染院、禮賓使〇四

皇城副使

宮苑、左右騏驥、內藏庫副

使

莊宅、六宅、文思副使

左藏庫、東西作坊副使

內園、洛苑、如京、崇儀副使

西京作坊、東西染院、禮賓副使 西京左藏庫副使

供備庫副使

內殿崇班 內殿承制

東頭供奉官

西

頭供奉官

左侍禁

四〇五七

宋 卷 六 + ル

忠 鄭郎

成忠郎

承節郎 保義郎

承信郎

下班祗應

右侍禁 右班殿直 左班殿直

三班奉職

三班借職

殿侍

二年,始遂改焉。凡十有二階。

元豐官制定,有請供易內侍官名者。

神宗曰:「祖宗爲此名,有深意,豈可輕議?」政和

新官

供奉官

左侍禁

右侍禁

左班殿直 右班殿直

舊官

內東頭供奉官

殿頭 內西頭供奉官

高班 高品

四〇五八

黄門

祗侯侍禁

祗候黃門

祗侯殿直

內品

祗侯內品

貼祗候內品已上三名仍舊不改。

政和初,既易武階,遂改醫官之名,凡十有四階。

和安、成和、成安、成全大夫口思

新官

舊官

軍器庫使 西綾錦使

権易使

保安大夫

翰林良醫

保和大夫

翰林醫官使

百二十 睋 官 九

志

第一

和安、成和、成安、成全郎

黄門

祗侯殿頭

祗候高品 祗候高班內品

軍器庫副使

四〇五九

亦視文階云。

宋史卷一百六十九

西綾錦副使

保安郎

保和郎

翰林醫正

権易副使

翰林醫官副使

守。 官,而謂之試,失之矣。如以其階卑,則謂之守可也。臣請凡爲正官者皆改試爲 守、試三等之別。一元酤中,裁減冗費,而職事官帶行者第存虛名而已。請付有司講復 之領,官卑而職高者謂之視,故有庶官視從官,從官視執政公司,執政視宰相。凡道官 舊制。」從之。四年,翰林學士蔣之奇言:「所謂試,則非正官也。今尚書、侍郞皆正 試,品同者否。紹聖三年,戶部侍郞吳居厚言:「神宗官制,凡臺、省、寺、監之制,有行、 凡除職事官,以寄祿官品之高下爲準:高一品已上爲行,下一品爲守,下二品已下爲 人在京職事官公,依品序帶行、守、試,其外任則否。宣和以後,官高而仍舊職者謂 崇寧中,吏部授選人差遣,亦用資序高下分行、守、試三等。政和三年,

四〇六〇

騎都尉

驍騎尉

飛騎尉

雲騎尉

武騎尉

勳 上柱國

上護軍

上輕車都尉

輕車都尉

右騎都尉已上,兩府抖武臣正任已上經恩加兩轉,文武朝官加一轉。 武騎尉已上,京

官加一轉,朝官雖未至驍騎尉,經恩亦便加騎都尉。

第 一百二十二 職官九

志

郡公

國公

王

嗣王

郡王

開國郡公

開國縣公

開國侯

開國伯

開國公

開國男

開國子

伯、子、男皆隨食邑:二千戶已上封公,一千戶已上封侯,七百戶已上封伯,五百戶已上

封子,三百戶已上封男。見任、前任宰相食邑、實封共萬戶。

嗣王、開國郡公、縣公後不封。

郡王。遇恩及宗室祖宗後承襲及特旨者封國公。餘宗室近親並封郡公。其開國公、侯、

右封鹤,皇子、兄弟封國,謂之親王。親王之子承嫡者爲嗣王。宗室近親承襲,特旨者封

上騎都尉

四〇六

功	
臣	

宋 史 卷

百

六 + 九

翊戴	推忠	与日
贊治	佐理	
崇仁	協謀	
保運	同德	
經邦	守正	
	売節	

宰相初加六字,餘官初加四字,其次並加兩字,舊有功臣者改賜。

推忠公司 右賜中書、樞密臣僚。 同德

保德 崇仁 翊戴 協恭 **贊**治 守正 宣德 亮節

佐運

保節

保順

忠亮

竭誠

奉化

效順

純誠

順化 右賜皇子、皇親、文武臣僚、外臣初加四字,炎加雨字。

衞聖 保順

忠勇

拱極

拱

翊衞

護聖

奉慶 果毅 肅衞

右賜諸班直將士禁軍初加二字,再加亦如之。

太師 太傅 太保 云 徒

司空 戶部尚書 左僕射 刑部尚書 右僕射 禮部尙書 吏部尚書 工部尚書 兵部尚書 左散騎常侍

右散騎常侍 太子賓客 國子祭酒 水部員外郎

徽、節度加太保。宗室初除使相加尚書左僕射,特除丼換授諸司使已上加工部尚書, 佐馬步都軍頭止於司空,軍班都虞候、忠佐副都軍頭已上止於左、右僕射,諸軍指揮使 諸司副使加右散騎常侍。 右皇子初授官加太尉,初授樞密使、使相及曾任宰相、樞密使除節度使加太傅、初除宣 三班及東職、蕃官軍員,該恩加國子祭酒。四廂都指揮使止於司徒,諸軍都指揮使、忠 於吏部尙書。 其官止,遇恩則或加階、喬、功臣。 除通事舍人、內殿崇班已上,初授加太子賓客;副率已上丼

無官四(元

御史大夫 侍御史 殿中侍御史

監察御史

右通事 舍人、內殿崇班已上,初除加棄御史大夫。 宗室副率已上,初授軍頭等,經恩加

心第一百二十二 職官九

一〇六三

兼監察御史,餘經恩以次遷入。

試秩

大理司直 字、寺監主簿、助敎者,謂之試銜。有選集,同出身例。 團練判官則試大理司直、評事,又加則兼監察御史。亦有解褐試大理評事、校書郎、正 右幕職初授則試祕書省校書郎,再任至兩使推官,則試大理評事。掌書記、支使、防禦、 大理評事 秘書省校書郎 正字 寺、監主簿 助教

紹興以後階官

于后。

法,分置左右:文臣爲左,餘人爲右。淳熙初,因宗室善俊建言,階官並去「左」、「右」字,今 任子、雜流,惟紐轉通直郎、奉直中散二大夫如故,若帶貼職,則超資。自開府至迪功,序次 元豐新制以階易官, 定爲二十四階。 崇寧、 大觀、 政和相繼潤色之。 紹興舉行 沅祐之

開府儀同三司

特進

金紫光祿大夫

光祿大夫

正奉大夫

太中大夫以上舊為侍從官。 通奉大夫大觀新置。

中奉大夫大觀新置。

朝議大夫以上係與、監。

朝請大夫

承議

郎

志

第

百

+

官 九 朝散 鄓

朝奉大夫以上係正郎。

宣奉大夫大觀新置。 銀青光祿大夫

正議大夫

通議大夫

中大夫 中散大夫

奉直大夫大觀新置。

朝散大夫

朝請郎

朝奉郎以上係員外郎(三))。

奉議郎

四〇六五

通直郎台

宣義郎

承事郎

宣教郎

承奉郎

右四年一轉,

承務郎以上係京官。

無出身人逐資轉,有出身人超資轉,至奉議並逐資轉,

至朝議大夫有止

法,仍七年一轉。內奉直、中散二大夫有出身人不轉。

承直郎

儒林郎

從政郎

文林郎

修職郎

從事郎以上崇寧新置。

迪功郎以上政和更定,並係選人用舉狀及功賞改官。

登仕郎

改官。通仕郎

將仕郎以上係奏補未出身官人。

武階

爲大夫,副使爲郎,橫行正、副亦然,於是有郞居大夫之上。 武階舊有橫行正使、橫行副使,有諸 司正使、諸司副使,有使臣。 至紹興,始釐正其序。 政和易以新名, 正使

太尉

通侍 大夫

宣正 大夫政和新置。

大夫政和新置。

協忠

中亮大夫

翊衞大夫

拱衞 右武 大夫自翊衛至此,並政和新置。 大夫以上為横行十三階。

> 履正 IE 侍大夫 大夫政和新置。

中侍· 中衞大夫 大夫

親衞大夫

左武大夫

內通侍大夫舊爲內客省使,國朝未嘗除人,自易武階,不遷通侍,沿初

武德大夫

武節大夫

武經大夫

宣正 鄓

武翼大夫以上,係唇諸司正使,八階

武義

大夫

正侍

郎

履正

郞

武顯大夫

武

、功大夫

意也。

轉至中侍,無磨勘,特旨除。

右並政和新置。

武略大夫

協忠郎

志 第

四〇六七

官 九

百 + 糤

中 侍 郎自正侍至此,並政和新置。

衞 息

親衞 郞

左武

郞

中亮 郎

羽 衞 郎

右武郎以上,舊爲橫行副使,政和更新,增益共十二階。 拱衞郎自翊衞至此,並政和新置。

右自正侍至右武,舊在右武大夫之下,武功大夫之上,今從紹興釐正書。

武功郎

武顯郎

武略郎

武節郎

武德郎

武經郎

修武郎以上為大使臣。

武翼郎以上舊蓄司副使,八階。

訓武與

從義

郞

武義

郞

秉節郎

忠翊郎

保義郎

承信郎以上爲小使臣。

承節郎

成忠郎

忠訓與

右並五年一轉,至武功大夫,有止法。

進武校尉

進義校尉

進義副尉 下班祗應

進武副尉

進勇副尉

守闕進勇副尉(三以上無品,二校尉參吏部,下班參兵部,以下並參刑部。 守闕進義副尉言

內侍官十二階,並政和舊制。

醫官 政和旣易武階,而醫官亦更定焉。 紹興因之,特損其額。 舊額和安大夫至良

醫二十員,紹興置五員;和安郎至醫官三十員,置四員;醫效十員,置二員;醫痊十員,置

一員;醫愈至祗侯、大方脈一百五十員,置十五員。

和安、成和、成安、成全大夫

保和大夫

翰林良醫

保和郎

保安大夫

和安、成和、成安、成全郎

保安郎

翰林醫官

翰林醫痊

志 第 百 __ + ___ 職 官 九 校 勘

記

翰林醫效

翰林醫正

四〇六九

翰林醫愈

翰林醫診

翰林醫族

翰林醫學

右醫正而止,十四階,並歐和制,餘續增焉。

校勘記

(1) 三師訓導之官也 「三師」下原重出「三師」二字,據唐六典卷一、長編卷二〇五刪。

(三) 掌坐 原作「長坐」,據宋會要職官一三之一、二二之二〇改。參考本書卷一六三職官志校勘

配品。

(三) 入下州判司 「司」原作「官」,按本書卷一五八選獎志…「郊社齋郎、試銜無出身人入下州判、司,

中下縣簿、尉。」據改。

兩使職官 謂之兩使職官。」據補。 原脫「官」字,合璧事類後集卷六二:「崇寧新制,留守節察推官、軍事推官爲文林郎,

(至) 司天監禮生曆生選 「曆生」下脫所理選限敗。

(六) 大將出奉職 文義不明,疑有衍誤。

- (十) 禦武校尉 按新唐書卷四六百官志、 職官分紀卷四九都作「禦侮校尉」,「武」字當爲「侮」字之
- **誤。下文「禦武副尉」同。**
- (公) 右交散官階上 官」之誤,據改。 「散」原作「朝」。按本卷首子目和本條標題都作「文散官」,「文朝官」當爲「文散
- (九) 太常卿少卿左右司郎中 祿少卿。」通考卷六四職官考:「宋元豐更官制,以朝議大夫換左右司郎中、 卿。」此處疑有誤。 按合璧事類後集卷六二:「朝議大夫,舊爲太常少卿、左右司郎中、光 太常少卿、
- (10) 凡五十二階 通考卷六四職官考作「凡五十三階」,是。
- = 並政和增置 六、長編紀事本末卷一二五,拱衞大夫乃舊官四方館使之改稱。 據上文,政和增置橫班十階,有親衞大夫無拱衞大夫;據宋會要職官五六之三 此注當移置於親衞大夫之下。
- (III) 拱衞郎 案政和增置横班十階,有親衞郎;此條前當有親衞郎一階。
- CIII 內園 原作「內苑」,據下文及職官分紀卷四四、合璧事類後集卷六二改。
- **二**門 禮賓使 「禮賓」二字原脫,據本書卷一六八職官志、宋大詔令集卷一六三改武選官名詔補。
- 三 和安成和成安成全大夫 「成和」原置「成全」下,據同上書同卷同篇改。
- 台台 職事官 志 第 百 原作「執事官」。 = + _ 校 勘 據本段內容和上文「凡除職事官,以寄祿官之高下爲準」、「而職事官 記

帶行者第存虛名而已」等語, 宋 此處「執」字顯爲「職」字之誤,通考卷六四職宜考正作「職事官」,

據 改。

CH、庶官視從官從官視執政 原刊脫「從官」二字,據文義和通考卷六四職官考補。

2 推忠 則『推誠』、『保德』、『翊戴』。」、職官分紀卷四九所載略同。 按本書卷一七〇職官志說:「中書、樞密則『推忠』、『協謀』,親王則『崇仁』、『佐運』,餘官 此係賜給皇子皇親及臣僚的功臣號

但有「推忠」而無「推誠」,疑「忠」字當爲「誠」字之誤。

是 **쥁官四** 「兼」原作「憲」,與卷首子目不符,據本書卷一七〇引三朝志「兼官」條、職官分紀卷四

CIOI員外郎 「外」字原脫,據通考卷六四職官考補。

九改。

(II) 通直郎 據通考卷六四職官考和本條文例,此下當有「以上係陞朝官」六字注文。

(三) 守闕進義副尉 「尉」 原作「使」,據宋會要職官五六之三七、宋大詔令集卷一六三改武選官

名認改。

C言守闕進勇副尉 闕進勇副尉。 「尉」原作「使」,據通考卷六四職官考改。 宋會要兵一九之二:「白身人與補守

宋史卷 一百七十

志第一百二十三

職官十二年制

贊引 導從 賜 食邑 實封 使職 宮觀 贈官

敍封

致仕 蔭補

贊引

惟謝恩初上日,雙引傳呼云。 大中祥符五年,止令於本廳贊引。不帶相及副使,止令本院紫衣吏前贊引之。 舊中書門下、翰林學士、御史中丞並緋衣雙引,仍傳呼。 使相、僕射、 兩省五品已上,一吏前引。 開實中,學士止令一吏前導,亦罷傳呼, 樞密使兼相者,二吏,不贊引。

淳化四年,令東宮三少、尙書、丞、郞入朝以緋衣吏前導,並通官呵止。二品已上用朝 第

一百二十三 職 官十

四〇七三

堂驅使官,餘用本司驅使官,宰臣、親王仍令紫衣一吏引馬。

導從

開封府散從官。宰臣、參知政事、僕射、御史大夫、中丞、知雜,皆通官呵止行人。淳化四年, 令東宮三少、尙書、丞、郞,並通官呵止。 文明殿學士、資政殿大學士,給從七人;學士、丞郎(1),六人;給事、諫議、舍人,五人;諸 司三品,四人。於開封府、金吾司差借,每季代之。」中書先差金吾從人,自今亦令參用 中書、 樞密、宣徽院、御史臺、開封府、金吾司皆有常從。景德三年詔:「諸行尚書、

之。又外任節鎭知州、都監(三),從軍士七十人;通判,十五人;防、團、軍事知州都監(日), 品,三司、開封府判官推官,二人前行引,不得過五步。合於金吾借從人者,以諸軍剩員代 丞郎已上、三司副使,兩節;大兩省、卿、監,一節;小兩制〔三〕、御史、郎中、員外、諸司四 詳定。宗諤等請:自今除中書、樞密、宣徽使、御史中丞、知雜御史、金吾幷攝事清道如舊制 呵導外,僕射已上及三司使、知開封府,止四節;尚書、文明殿學士、資政殿大學士,三節; 大中祥符五年,以羣官導從不合品式,命翰林學士李宗諤、龍圖直學士陳彭年與禮官

使,三十人;咸平二年,詔節度、觀察、防、團、刺史,或別鎭、他鎭,其給使者,止令本使給之。 兵隨行者以一年爲限。副使,二十五人;提點刑獄官,亦給軍士;副留守、節度行軍副使、留守 五十人;通判,十人;河北、河東、陝西駐泊兵處,節鎭知州、都監百人,防、團、軍事知州都監七十人。 手,其代還者,給人護送有差。 推官、防團軍事判官推官、軍監判官,七人;錄事諸曹,給承符人,縣令、簿、尉、手力、弓 兩使判官,給散從官十五人;小尹、掌書記、支使、防禦、團練副使、兩使推官,十人;兩浙 景德六年,令牧守以州 ,轉運

賜六

劍履上殿 右升朝官該恩,著綠二十周年賜緋魚袋,着緋及二十周年賜紫金魚袋。特旨者,係臨時 韶書不名 贊拜不名 入朝不趨 紫金魚袋 緋魚袋

食邑

四〇七六

戶 副使、宗室副率已上,丼承制、崇班、軍員等,初該恩加三百戶;承制、崇班、軍員再該 馬都尉加五百戶。宗室大將軍以上加四百戶。知制誥、待制抖文臣少卿監、武臣諸司 觀文殿大學士以下至直學士,文臣侍郞、武臣觀察使、宗室正任以上、皇子上將軍、駙 右宰相、親王、樞密使經恩加一千戶,兩府、使相、節度使七百戶。宣徽、三司使, 一千戶 七百戶 五百戶 四百戶 三百戶 二百戶 恩二百戶。二千戶以上雖有加例,緣無定法。親王、重臣特加有至萬戶者。 八千戶 七千戶 六千戸 五千戶 四千戶 三千月

食實封

一千月 武臣崇班、宗室副率已上加一百戶。五百戶已上雖有加例,緣無定法。 室駙馬都尉任觀察使已上加三百戶。觀文殿學士丼宗室正任已上、騎都尉加二百戶。 右宰臣、親王、樞密使經恩加四百戶。兩府、使相、節度、宣徽使、皇子上將軍、丼宗 特加至數千戶者。 、 八百戶 五百戶 四百戶 三百戶 二百戶 一百戶 親王、重臣有

則兼監察御史,亦有至檢校員外郞已上者。行軍副使皆檢校員外已上。朝官階、勳高, 祭御史,自此累加焉。廂軍都指揮使止於司徒,軍都指揮使、忠佐馬步都頭止於司空,親軍都虞候、忠佐副都頭以 初授檢校祭酒兼御史大夫。三班及吏職、蕃官、諸軍副都頭加恩,初授檢校太子賓客兼監 卿、監、諸行郎中、員外郎之類,兼官則御史大夫、中丞,侍御、殿中、監察御史,試秩則大理 上止於僕射,諸軍指揮使止於吏部尚書。 其解褐評事、校書郎、正字、寺監主簿、助教者,謂之試銜。 恩亦有加檢校官,郞中則卿、監、少監,員外郞則郞中,太常博士以下則員外郞,並無兼官。 如至兩使推官,則試大理評事。掌書記、支使、防禦團練判官以上試大理司直、評事,又加 司直、評事、祕書省校書郞。 三朝志云:檢校、兼、試官之制,檢校則三師、三公、僕射、尙書、散騎常侍、賓客、祭酒、 凡武官內職、軍職及刺史已上,皆有檢校官、兼官。內殿崇班 其官止,若遇恩例,則或加階、爵、功臣。 有選集,同出身例。 幕職初授則試校書郎, 再任 遇

使職

奉祀、恭上寶册、南郊恭謝皆如之。 **兼領者:親祀南郊,則有大禮、禮儀、儀仗、鹵簿、橋道頓遞五使,** 自餘行禮,或止有大禮、禮儀使。 藉田、泰山封禪、汾陰 建隆中,南郊置儀仗都部署、

志第

副都署。經始大禮,則有經度制置使、副。巡幸,有行宮都部署,行宮有三司使、副使、判官、 宰相為使,以翰林學士爲潤文官。伸達冤濫,則有理檢使。 有羣牧制置使。 安撫,無使字。加禮外國,則有國信、接伴、送伴使副;弔祭,大帥若是;又有翻譯經潤文使。 子、招收部署、鈴轄、都監,策應之名。又有拐子馬、無地名馬,選武幹者別領之。親征,則冠以駕前之 討使、招安使、或云捉賊、招安、安撫使名者。 巡檢巡關儀仗勾當,編排鹵簿。其百司皆有行在之名。 行宮使、都監。舊,南郊止有御營使,咸平中,置行宮使。 制者,事畢卽停。 廉訪民瘼,則有巡撫大使、副大使,安撫使、副使、都監,採訪使、副使。或官卑者止云巡撫 京師居留,則有大內都部署、皇城都點檢、巡檢及增新舊巡檢。 最後明堂祫饗,置五使,如南郊。 內外名務繁細者,猶不具載。 排陣使、都監,前軍、先鋒、大陣、行營、壕砦、頭車、洞 又有車駕前後、行宮四面、闌前收後、郊壇 其一時特置者,則各具志傳。 勸課農桑,則有勸農使。 舊巡幸,百司皆稱隨駕。 大中祥符初,並同行在 大閱亦置。 講修馬政,則 征行,則有招 或臨事更

緋紫者,入令錄、判司簿尉,每加一階,抖幕職。 計考當服緋紫者,皆奏加朝散、銀青階。 諸 朝官、幕職自將仕鄓至朝奉郎,每加五階,至朝散大夫已上,每加一階,朝散、銀青者須已服 太平興國元年,改正議大夫爲正奉,通議大夫爲朝奉,朝議郎爲朝奉,承議即爲承直,奉議郎爲奉直,宜義郎爲蕸直。「只 開府儀同三司至將仕郞爲文散官, 驃騎大將軍至陪戎副 尉爲武散官。

其胥吏掌事而至衣緋者,則授游擊將軍。千牛備身則授陪戎副尉以上。 司使已上,如使額高者加金紫階。內殿崇班初授則銀青階。三班軍職、使職遇恩檢校、兼官,並除 丁憂者起復,使相則授雲麾將軍。使相仍加金吾上將軍,同正節度使,大將軍同正留後,以下無之。

制:王,食邑五千戶;郡王、國公,三千戶;開國郡公,二千戶;縣公,千五百戶;縣侯,千 秦制賜爵曰「公士」。端拱二年,賜諸州高年一百二十七人爵公士。景德中,福建民有擒獲強盜者,當授鎭將,以 少監、少卿以上,武臣副率以上,內職崇班以上,有封爵;丞、郞、學士、刺史、大將軍、諸司 唐末及五代始有加邑特戶,而罷去實封之給,又去縣公之名,封侯以郡。宋初沿其制,文臣 加至萬餘,實封至數千戶者。皇屬特封郡公、縣公或贈侯者,無「開國」字。 戶;伯,七百戶;子,五百戶;男,三百戶。又有食實封者,戶給縑帛,每賜爵,遞加一級。 詔:「古之勳爵,悉有職奉之蔭贖,宜以今之所授與散官等,不得用以蔭勳。」封爵之差,唐 遠俗非所樂,並賜公士,自後率爲例 邑,自千戶至二百戶,實封自六百戶至百戶。親王、重臣或特加,有踰千戶者。 使以上,有實封。但以增戶數爲差,不係爵級。邑過其爵,則幷進爵焉,止於郡公。 「自今京官、幕職州縣官始武騎尉,朝官始騎都尉,三班及軍員、 吏職經恩並授武騎尉。」又 改賜功臣勳官,自上柱國至武騎尉。 五代以來, 初敍勳官, 即授柱國。 淳化元年詔: 侯亦在開國郡公之上。 郡公食邑有累 每加食 叉采

鎭,則改之。其諸班直將士禁軍,則賜「拱衞」、「翊衞」等號,遇恩累加,但改其名,不過 誠」、「順化」。 仁」、「佐運」,餘官則「推誠」、「保德」、「翊戴」,掌兵則「忠果」、「雄勇」、「宣力」,外臣則「純 知政事、樞密副使、刺史以上階、勳高者,亦賜之。中書、樞密則「推忠」、「協謀」,親王則「崇 臣」之號,僖宗將相多加功臣美名。 功臣者,唐開元間賜號「開元功臣」,代宗時有「寶應功臣」,德宗時有「奉天定難元從功 宰相初加卽六字,餘並四字,其累加則二字。中書、樞密所賜,若罷冤或出 五代寖增其制。宋初因之,凡宣制而授者,多賜焉。

呂觀

執留京師者,多除宮觀,以示優禮。時朝廷方經理時政, 患疲老不任事者廢職, 欲悉罷之, 以宰相、執政充使,或丞、郎、學士以上充副使,兩省或五品以上爲判官,內侍官或諸司使、 乃使任宮觀,以食其祿。王安石亦欲以此處異議者,遂詔:「宮觀毋限員,並差知州資序人, 副政和改武臣官制,以使爲大夫,以副使爲郎。爲都監,又有提舉、提點、主管。其戚里、近屬及前字 宋制,設祠祿之官,以佚老優賢。先時員數絕少,熙寧以後乃增置焉。 在京宮觀,舊制

以三十月爲任。」又詔:「杭州洞霄宮、亳州明道宮、華州雲臺觀、建州武夷觀、台州崇道觀、 成都玉局觀、建昌軍仙都觀、江州太平觀、洪州玉隆觀、五嶽廟自今並依嵩山崇福宮、舒州 靈仙觀置管幹或提舉、提點官。」「奉給,大兩省、卿、監及職司資序人視小郡知州,知州資序

住。」六年,詔:「卿、監、職司以上提舉,餘官管幹。」又有以京官爲幹當者。 上者乃聽差,毋過兩任。」又詔:「無用執政恩例者,通不得過三任。」 視 小郡通判,武臣做此。」四年,詔:「宮觀、嶽廟留官一員,餘聽如分司、致仕例,從便居 又詔:「年六十以

政和六年詔:「措置宮觀,如萬壽、醴泉近百員,更不立額。」靖康元年,詔內外官見帶提舉、 中太一宮、醴泉觀使。范鎭落致仕,以端明殿學士提舉中太一宮氣集禧觀公事。三年,詔: 讀,仍提舉中太一宮兼集禧觀公事。元祐間,馮京以觀文殿學士、梁燾以資政殿學士爲 相、見任使相充使,次充提舉;餘則爲提點,爲主管,皆隨官之高下,處以外祠。選人爲監 又從其再任之請,以待遇宣仁親屬故也。大觀元年,趙挺之以觀文殿大學士爲佑神觀使。 醴泉觀。」元符元年,高邍固年八十一,乞再任宮觀,高邍禮年七十六,乞再任亳州太淸宮, ·横行使、副無兼領者,許兼宮觀一處。」 六年,詔:「横行)於諮、宋球旣領皇城司, 元豐中,王安石以左僕射、觀文殿大學士爲集禧觀使,呂公著、韓維以資政殿學士兼侍 玉清 萬壽宮並罷。 大抵祠館之設,均爲佚老優賢,而有內外之別。 京祠以前字 罷提點

一百二十三

嶽廟,非自陳而朝廷特差者,如黜降之例。

年八十以上,特許更陳一次。 京官以上二年,選人三年, 凡待庶僚者,皆於優厚之中寓賜制之 之體貌,一次以定法,再任以示恩,紹熙五年慶壽赦,應文武臣宮觀、嶽廟已滿不應再陳者,該今來慶壽恩, 觀,乞將前項指揮永爲著令。」從之。蓋不當請而請,則冗瑣者流競竊優閑廩稍;或當請而不請,則 差一任,兼用執政官陳乞者加一任。紹興三十二年,臣僚言:「郡守之職,其任至重,昨朝廷以年及七十,令吏部與自陳宮 者,復申明舊法,著爲定令以律之。舊制,六十以上知州資序人,本部長官體量精神不致昏昧堪釐務者,許 並從之。自是以後,稍復祖宗條法之舊。又有年及七十,耄昏不堪牧養而不肯自陳宮觀 求泛與之弊。於是臣僚交章,欲罷供給以絕干請,變理任以抑僥倖,嚴按格以去泛濫。上 非賣降官並月破供給,依資序降二等支。理爲資任,意至厚也。然初將以撫安不調之人,末乃重僥 知進而不知退,識者羞焉。 次,續又有選人在部無關可入與破格嶽廟者,亦有以宰執恩例陳乞而與之者,月破供給, 紹興以來,士大夫多流離,困厄之餘,未有闕以處之。於是許以承務郎以上權差宮觀 一祠館之與奪,不可不謹如是。 故重內祠,專使職,所以崇大臣

法也。 使、留後、觀察使、統軍上將軍、內臣任都知副都知者,贈一官。此皇族及臣僚薨本贈官之 近者贈一官。宰相、樞密使贈二官。使相、參知政事、樞密副使、尚書已上、三司使、節度 射、留守、節度使、三司使、觀文殿學士、資政殿大學士,並贈二世。餘官或見任,或致仕,並 參知政事、宣徽使、簽書同簽書樞密院事、觀文殿大學士、節度使,並贈三世。東宮三師、僕 母后、后族、臣僚、錄其先世,各有等差。太皇太后、皇太后、皇后並贈三世,婕妤二世,貴人 光祿卿。武臣至金吾衞上將軍止。 贈一世。有兄弟同贈者,贈官加一等,父在止一餈。文臣有出身,贈至祕書監,無出身,至 止贈其父而已。宰相、三師、三公、王、尚書令、中書令、侍中、樞密使副、知院、同知院事、 親王贈三官,可贈者贈二官,追加大國。皇屬近親如之,追加封爵。服疎及諸親之服 其官秩未至,而因勳舊褒錄或沒王事,雖卑秩皆贈官加等者,並係臨時取旨。 .. 都指揮使以上, 父亡皆贈 至於

國,自小國升次國,自次國升大國,已大國者移國名而已。亦有不移者。若父、祖舊官已高者, 自從舊官加贈。 凡贈官至三世者,初贈東宮三少,次東宮三太,次三公,次中書令,次尚書令,次封小 凡追封,不得至王爵。兩省官及待制、大卿監、諸衞上將軍、觀察使、正任

志第

使、使相、節度使並一品官者,無止限。 待制已上持服經恩,服闋亦許封贈。 俱不至者, 文臣贈至諸行尙書止, 武臣贈至節度使、諸衞上將軍止。 防禦使、遙郡觀察使、景福殿使、客省使,若子見任或父曾任此官,並贈至三公止。父子官 即父曾任中書、樞密

朝散大夫階,三世則金紫階。咸平四年,韶舍人院詳定。 班官。凡贈至正郎,許以所贈官換朝散大夫階,大卿、監以上許換銀青階,贈至二世者卽除 都知、押班皆中書奉行,餘則有司奏請。 品而贈,勿得超越。」從之。宰相初拜,有卽贈三世者。其後簽書樞密以上皆卽時贈,他官須經恩,學士及刺史以上,內侍 下雖會任宰相,止從本品。 倚藥奉御至醫官使曾任文資, 許換南班官。司天監官贈不得過大卿、監, 仍不許換南 文武羣臣功隆位極者,特恩追封王爵亦如舊。若因子孫封贈,雖任將相,並不許封王,仍須歷 知制語李宗諤等請"「追贈二世如舊。 其東宮一品以

敍封

貴人母封縣太君。 祖 母、母並封國太夫人; 唐制,視本官階爵。 宰相、使相、三師、三公、王、侍中、中書令,舊有尚書令。曾祖母、祖母、母封 諸妃曾祖母、祖母、母並封郡太夫人, 婕妤祖母、母並封郡太君, 建隆三年,詔定文武羣臣母妻封號:太皇太后皇太后皇后曾祖母、

以上至樞密使、參知政事再經恩及再除者,曾祖母、祖母、母加國太夫人。三司使祖母、母 國太夫人;妻,國夫人。 詹事、諸王傅、大將軍、都督、中都護、副都護、觀察留後、觀察使、防禦使、團練使,並母郡 中丞、左右丞、侍郎、翰林學士至龍圖閣直學士、給事中、諫議大夫、中書舍人、卿、監、祭酒、 度使、諸衞上將軍、嗣王、郡王、國公、郡公、縣公,母,郡太夫人;妻,郡夫人。常侍、賓客、 封郡太君;妻,郡君。東宮三太、文武二品、御史大夫、六尙書、兩省侍郎、太常卿、留守、節 郡太夫人;妻,郡夫人。簽書樞密院事會祖母、祖母、母封郡太君;妻,郡君。同知樞密院 羣臣母、妻所封郡縣,依本姓望封。 医福元年,令文武升朝官無嫡母者聽封生母〔五〕,會任升朝而致仕,卽 及亡祖母當封者並如之。父亡無嫡、繼母,聽封所生母。伎術官不得敍封。自宰相至簽書 縣太君;妻,縣君。雜五品官至三任與敍封,官當敍封者不復論階爵。致仕同見任。亡母 下都督、下都護、家令、率更令、僕,母封縣太君;妻,縣君。其餘升朝官已上遇恩,並母封 太君;妻,郡君。庶子、少卿監、司業、郎中、京府少尹、赤縣令、少詹事、諭德、將軍、刺史、 許敍封。 樞密院敍封與三世同,他官惟品至者卽時擬封,餘皆俟恩乃封。 令給諫、舍人母並封郡太君、妻、郡君〔六〕。四年,又令翰林學士至龍圖閣直學士如給、舍例。 樞密使副、知院、同知、參知政事、宣徽節度使,曾祖母、祖母、母封 咸平四年,從舍人院詳定

封贈之典,舊制有三代、二代、一代之等,因其官之高下而次第焉。凡初除及每遇大禮 志 第 百 _ = + Ξ 穊 官十

封父、祖係武臣者,視文武臣封贈對換格,封贈一代亦如之。初贈,曾祖,太子少保;祖,太子 伎術官、將校並忠訓郎,母、妻孺人。 封贈一代者,文臣通直郎以上,武臣修武郎以上。一代初封贈父,文臣承事郎,武臣、內侍、 夫、左右金吾衞上將軍、左右衞上將軍。二代初封,祖,通直郎;父,奉議郎。初贈,祖,朝 少保、御史大夫、觀文殿學士、資政保和殿大學士、金紫光祿大夫、銀青光祿大夫、光祿大 贈二代者,太子太師、太子太傅、太子太保、特進、觀文殿大學士、太子少師、太子少傅、太子 少傳;父,太子少師。封贈曾祖母、祖母、母、妻國夫人。執政官、簽書樞密院事,郡夫人。凡遇大禮封 院事、參知政事、同知樞密院事、樞密副使、簽書樞密院事。凡遇大禮封贈三代者,節度使。 封贈三代者,太師、太傅、太保、左右丞相、少師、少傅、少保、樞密使、開府儀同三司、知樞密 奉郎;父,朝散郎。封贈祖母、母、妻郡夫人。觀文殿學士、資政、保和殿大學士,並淑人。凡遇大禮 三代初封,曾祖,朝奉郎;祖,朝散郎;父,朝請郎。簽書樞密院事降一等,謂如父與朝散郎之類。凡

凡文臣贈官

身不贈奉直大夫、中散大夫。太子太師、太子太傅、太子太保、特進、觀文殿大學士、太子少師、太 子少傅、太子少保、御史大夫、觀文殿學士、資政保和殿大學士、六曹尙書、金紫光祿大夫、 通直郎以上,寺、監官以上未升朝者,雜壓在通直郎之上同。每贈兩官,至奉直大夫一官。有出

銀青光祿大夫、光祿大夫、翰林學士承旨、翰林學士、資政保和端明殿學士、龍圖天章寶文 顯謨徽猷數文閣學士、左右散騎常侍、權六曹尙書、御史中丞、開封尹、六曹侍郎、樞密直學 士、龍圖天章寶文顯謨徽猷數文閣直學士,每贈三官,至奉直大夫二官,至通議大夫一官。 有出身人不贈奉直、中散二大夫。

凡文武臣封贈對換諸文武臣封贈對換,以所加官準格對換,並聽從高。

郎,奉議郎換武節、武略、武經郎,承議郎換武功、武德、武顯郎。朝奉郎換武義、武翼大夫, 朝散郎換武節、武略、武經大夫,朝請郎換武功、武德、武顯大夫。朝奉大夫換遙郡刺史,朝 換團練使,中大夫換防禦使,太中大夫、通議、通奉大夫換觀察使,正議、正奉、宣奉大夫換 散大夫換遙郡團練使,朝請大夫換遙郡防禦使。奉直、朝議大夫換刺史,中散、中奉大夫 承宣使,光祿大夫、銀青、金紫光祿大夫換節度使。 承事郎換忠訓郎,宣義郎換從義、秉義郎,宣教郎換訓武、修武郎,通直郎換武義、武翼

凡文武官父任承直郎以下贈官

使初等職官、令、錄 承直郎,留守、節察判官——留守府判官、節度判官,承議郎。 儒林郎,支、掌、防、團判 節度掌書記、觀察支使、防禦判官、團練判官,奉議郞。文林郞、從事郞、從政郞,兩 留守推官、觀察推官、軍事判官、軍事推官、司錄參軍、錄事參軍,團

練推官、軍監判官、防禦判官,縣令,通直郎。 修職郎,知令、錄—— 簿、縣尉,宣義郞。 軍、縣丞,宣敎郎。 迪功郎,判、司、簿、尉 ——軍巡判官、司理參軍、司法參軍、司戶參軍、主 知司錄參軍、知錄事參

致仕

年,令藩鎮帶平章事求休致者亦如之。 賢之意,用敦尙齒之風。自今一品致仕官會帶平章事者,每遇朝會,宜綴中書門下班。二一 仕侯益來預郊祀,太祖優待之,因詔曰:「羣官列位,自有通規,舊德來朝,所宜加禮,且表優 凡文武朝官、內職引年辭疾者,多增秩從其請,或加恩其子孫。乾德元年,太子太師致

經恩累加焉。 歸鄉里。 **釐務,其老昧不任及年七十五以上者,借職授支郡上佐,奉職、殿直授節鎭上佐,不願者聽** 內職、三班皆換環衞、幕職、州縣外官。景德元年三月,詔三班使臣七十以上視聽未衰者與 <u>咸平五年,詔文武官年七十以上求退者(+),許致仕,因疾及有贓犯者聽從便。</u> 凡升朝官遇慶恩,父在者授致仕官,其不在者,文官始大理評事,武官始副率,再 祖在而求回授者亦聽。 皆不給奉,亦有子居要近加賜章服者。 牧伯、

太常少卿張傚、尚書兵部郎中張億,皆耄昏不可任事,並請除致仕。」詔:「在京者令中書體 少府監畢世長、太常少卿李孝若、尚書駕部郎中李士良,在外若給事中盛京、光祿卿王盤 仕;雖七十而未衰及別有功狀、朝廷固留任使者,勿拘此令。在京若尙書工部侍郎 臺糾劾以聞。」慶曆中, 今給奉並如分司官例,仍歲時賜羊酒、米麵,令所在長吏常加存問。」其後,又許致仕官子孫 **免選除近官。** 無子,聽降等官其嫡孫若弟姪一。景祐三年詔曰:「致仕官舊皆給半奉,而未嘗爲顯官者或 仁宗憫之,竟官其後。侍御史知雜事司馬池言:「文武官年七十以上不自請致仕者,許御史 **貧不能自給,豈所以遇高年養廉恥也?其大兩省、大卿監、正刺史、閤門使以上致仕者,自** |天聖、明道間, 員外郎已上致仕者, 錄其子試祕書省校書郎。

三丞已上爲太廟齋郎。 四年,臣僚有請致仕,未及錄其子孫而遽亡者,命旣出,輔臣皆謂法當追收, 權御史中丞賈昌朝又言:「臣僚年七十而筋力衰者,並優與改官致 俞獻卿、

陳者,直除致仕。」朝廷未行。「奎復言:「國家謹禮法以維君子,明威罰以御小人。 之,則是廢名器 者,禮法也; 皇祐中,知諫院包拯、吳奎亦言:「願令御史臺檢察年七十已上,移文趣其請老不卽自 小人所畏者,威罰也。 而 輕爵祿。 七十致仕、學者所知,而臣下引年自陳,分之常也。 繇文武二選爲士大夫,是皆君子之地也,儻不以禮法待 人君好賢樂 君子所顧

量,在外者下諸處曉踰之。」

諫官及提點刑獄者,令中書裁處。待制已上能自引年,則優加恩禮。」 「少卿監以下年七十不任釐務者,外任令監司、在京委御史臺及所屬以狀聞。嘗任館閣、臺 特與分司,初欲風動羣臣,而在位殊未有引去者,是臣言未效也。請詳前奏施行。」於是詔: 善而留之,仁之至也。自三代以來,用此以塞貪墨、聳廉隅,近者句希仲、陸軫等,皆以年高

禮也,進退體貌,恩意豈不有異哉!凡嘗預政事之臣,自今毋或遽求引去,臺諫官勿以爲 以不治爲所剖劾奏,衝替而求致仕者,子孫更不推恩,雖或推恩,其除官例皆降等。若耆老 言。」其風動勸勵之方又如此。至於因事責降分司,或老病不任官職之事,或居官犯法,或 舊臣,體貌優異,賞或延于子孫,奉或全給半給,歲時問勞,皆有禮意。 然是時言事之人,競欲擊劾大臣,有高年者俱不自安。 仁宗手詔曰:「老臣, 殷之所眷

使李端愿爲太子少保致仕。故事,多除上將軍,帝令討閱唐制,優加是命。 並特令致仕,以樞密院言,致仕雖有著令,臣僚鮮能自陳故也。 何誠用、惠州防禦使馮承用、嘉州團練使劉保吉、昭州刺史鄧保壽皆年七十以上至八十餘, 孫。皆宴餞資善堂,命講讀官賦詩,御製詩序以寵其行,示異數也。 謝辭例,帝特召柬之對延和殿,命坐賜茶,以受先朝藩府舊僚,升其子一任差遣,并錄其 治平四年,神宗卽位,龍圖閣直學士兼侍讀李柬之氏之、李受相繼致仕。 熙寧元年,以定國軍節度 是歲,又以果州團練使 二年,以觀文殿 舊制,閤門無

學士、東部尙書趙槩爲太子少師致仕。 故事,再請則許;、際三乞始從,優耆舊也。 三年,編

修中書條例所言:

監,緣知制誥、待制待遇非與卿監比,今他官致仕皆得遷官,此獨因致仕更見退抑。供 利者多,知退者少,欲加優恩,以示勸獎。推行既久,姑從舊例。若兩省正言以上官, 官。看詳別無義理,但致仕恩例不均。 職以上皆得除爲致仕官,則無輕重不等之患。 高於防禦使者。今若令文武官帶職致仕人許仍舊職,止轉一官,及文臣正言、武臣借 至於節度使除上將軍,防禦、團練、刺史並除大將軍,緣諸衞名額不一,至有刺史除官 奉官、侍禁八品,除率府副率,蓋六品。 是超轉兩資;工部尙書並除太子少保,乃是超轉六資。若知制誥、待制官卑者除卿 三班使臣、大使臣、橫行、正任等,並不除爲致仕官。 致仕帶職者,皆落職而後優遷其 人臣非有罪惡,致仕而去,人君遇之如在位時,禮也。近世致仕並與轉官,蓋以昧 如諫議大夫不可改給事中,並轉工部侍郎,乃 諸司副使、承制、崇班七品,除將軍,乃三品。

京官致仕亦止遷一官,若光祿寺丞致仕,有出身除祕書省著作佐郎,無出身除大理寺 丞,而令、錄職官乃除太子中允或中舍,殊未爲當。若進納出身人例除京官,至有經 若選人令、錄以上並除朝官,經恩皆得封贈,蔭及數世,旁支例得贖罪、免役。

覃恩遷至升朝官者,類多兼丼有力之家,皆兎州縣色役及封贈父母。 衙前外,亦冤餘色役,尤爲僥倖。條例繁雜,無所適從。 如錄事參軍或除衞尉寺丞,或 如京官七品,除

除大理評事,或除奉禮郎,恩例不同,可以因緣生弊。

勒留官依簿、尉以上,親賢勞舊合別推恩者取旨。歷任有入己贓,不得乞親戚恩澤,仍 依本資序轉合入京朝官,進納及流外人判、司、簿、尉除司馬,令、錄除別駕。 者,各依元資序授官。其才行爲衆所知,朝廷特任使者,不拘此法。 犯,年未及七十,不曾經敍封及陳乞親戚恩澤,却願仕宦,並許進狀敍述。 不遷官。其致仕官除中書、樞密院外,並在見任官之上。致仕及三年之上,元非因過 今定:凡文臣京朝官以上各轉一官,帶職仍舊不轉官,乞親屬恩澤者依舊條,選人 在京諸司 若有薦舉

從之。自此宰相以下並帶職致仕。

尙書歐陽脩爲太子少師、 失檢舊例,法當改正。帝曰:「如此,則獨不被恩。」安石曰:「敍封初無義理,今旣未能遽革, 省以上致仕官毋得因大禮用子升朝敍封遷官。先是,王安石言,李端愿、李柬之敍封,中書 會公亮遷守太傅致仕,特許入謝。以公亮逮事三朝,旣加優禮,仍給見任支賜。十月,詔兩 四年,以端明殿學士、尚書右丞王素爲工部尚書、端明殿學士致仕,觀文殿學士、兵部 觀文殿學士致仕。 帶職致仕, 自素始也。 五年, 守司空兼侍中

庸可承誤爲例?如三師、三公官,因子孫郊恩敍授,尤非宜也。」帝從之。

官,卽以本官致仕。其見任致仕官,除三師、三公、東宮三師三少外,餘並易之。」六年,以 止以河東舊鎭貼麻行下。彥博又言:「前辭闕下之日,嘗奏得致仕後,當親辭天陛,今旣得 守太尉、開府儀同三司、知河南府文彥博爲河東、永興節度使、守太師致仕。彥博辭兩鎭, 劾,並著爲令。」又詔:「自今致仕官領職事者,許帶致仕,該遷轉者轉寄祿官,若止係寄祿 同天節,乞隨散官班上壽,帝令鎭班見任翰林學士上,故有是詔。又詔:「致仕官朝失儀,勿 請,欲赴闞廷。」降詔從之。七年,詔文臣中大夫、武臣諸司使以下致仕,更不加恩。 元豐三年,詔:「自今致仕官遇誕節及大禮,許綴舊班。」以禮部侍郎范鎭居都城外,遇

即朝奉郎以上及諸司使,雖未授敕而身亡,在外者以乞致仕狀到門下省日,在京以得旨日, 議、奉議郎,許陳乞有服親一人恩例。中大夫、中散大夫、諸司使帶遙郡者,蔭補外準此。 除屯衞,拱聖以下除領軍衞,並有功勞者爲左,無則爲右。」從之。四年,詔:「應乞致仕而不 除諸衞大將軍致仕,諸軍都指揮使、諸班直都虞候帶遙郡除諸衞將軍致仕,諸班直上四軍 願轉官者,受敕後,所屬保明以聞,當與推恩。中大夫至朝奉郎及諸司使,本宗有服親一人 元祐元年,樞密院奏:「諸軍年七十,若以疾假滿百日不堪醫治差使者,諸廂都指揮使 横行、諸司副使見有身自蔭補人,及內殿承制、崇班、閤門祗候見理親民,并承

舊出告外,其餘守本官致仕者,並降敕,更不給告。內因致仕合該乞恩澤人更不具鈔,令尙 置,儀品恩數如舊制,方平依舊帶宣徽南院使致仕。」紹聖三年詔:「文武官該轉官致仕,依 亦許陳乞有服親一人恩例。」六年,監察御史徐君平言:「文臣致仕以年七十爲斷,而使臣年 書省通書三司入熟狀,仍不候印畫。」又詔:「應臣僚丁憂中不許陳乞致仕。」 七十猶與近地監當,至八十乃致仕,願許其致仕之年如文臣法,而給其奉。」從之。三省言: 「張方平元係宣徽南院使、檢校太傅、太子少師致仕,元豐官制行,廢宣徽使,元祐三年復

禮,人知里選之法,孝悌之義。」從之。宣和四年,詔六曹尚書致仕遺表恩澤,共與四人,其 陳。」大觀二年,詔致仕官年八十以上應給奉者,以緡錢充。政和六年,提舉廣東學事孫璘 餘侍從官三人,立爲定制。 言:「諸州致仕官居鄉者,乞許令赴貢士宴,擇其年彌高者而惇事之,使長幼有序,獻酬有 人,合行立法。」詔:「臣僚丁憂中遇疾病危篤,其官序合該致仕恩澤者,聽以前官經所屬自 建中靖國元年,尚書省言:「臣僚在憂制中不得陳乞致仕,其間有官序合得致仕恩澤之

疾病,慨然請老,葉份言之,許令再仕。王次翁年未六十,浩然休退,呂祉言之,落致仕,特 陳乞致仕而道路不通,不曾被受敕命,亦許州、軍保明推恩。」時強行父博學清修,不緣事故 建炎間,嘗詔:「文武官陳乞致仕,朝廷不從,致有身亡之人,許依條陳乞致仕恩澤。 及 篇。

換官爲非。」詔今後依祖宗典故。蓋不以私恩勝公法也。 令再仕。凡類此者,蓋因其材而挽留之也。 萬壽觀使韋淵乞守本官致仕,詔冤赴朝參,仍依兩府例,合破請給人從。優親之恩而異之 節度致仕。 醴泉觀使、咸安郡王乞身,詔除太師致仕。因將相之知止而優其歸也。 韶除少傅, 詔除 祕閣修撰, 依前鎮南軍節度使、成國公致仕;韓世忠以太傅、鎭南武安寧國軍節度使充 臣僚言:「祖宗時,節將、臣僚得謝,不以文武,並納節除一官,以今日不復納節 仍舊致仕。 優其恩不奪其志也。呂頤浩以少保乞除一寄祿官致 直祕閣致仕鄭南掛冠已久,年德俱高,大臣言 昭慶軍節度使、開府儀同三司、充 楊惟忠、 邢焕皆以

不予, 承宣使、提舉佑神觀王友直復奉國軍節度使致仕,臣僚論列,仍守本官職致仕。 政在謫籍者陳乞致仕,雖許敍復而寢罷合得恩澤,只據見存階官蔭補。淳熙十六年,寧武軍 隆興以後,因臣僚言年七十不陳乞致仕者,除合得致仕或遺表恩澤外,並不許遇郊奏 巳而復詔,郊祀在近,未致仕人更許陳乞奏薦一次。可以不予而予之,示厚恩也。 嚴公法也。 抑揚輕重間, 可以見優老恤賢之意,可以證制情抑倖之術, 故備錄于 可以予而

也。

文臣蔭補

太師至開府儀同三司:子,承事郎;孫及期親,承奉郎;大功以下及異姓親,登仕郎;

門客,登仕郎。不理選限。

知樞密院事至同知樞密院事:子,承奉郎;孫及期親, 承務郎; 大功以下及異姓親,

登仕郞,門客,登仕郞。不理選限。

太子太師至保和殿大學士:子,承奉郎;孫及期親,承務郎;大功以下,登仕郎; 異姓

親,將仕郎。

太子少師至通奉大夫:子孫及期親,承務郎;大功親,登仕郎;異姓親,登仕郎; 小功

以下親,將仕郎。

御史中丞至侍御史:子,承務郎; 孫及期親,登仕郎; 大功,將仕郎; 小功以下及異姓

親,將仕郎。

中大夫至中散大夫::子,通仕郎;孫及期親,登仕郎;大功,將仕郎;小功以下,將仕

郎。

太常卿至奉直大夫:子,登仕郎;孫及期親,將仕郎; 大功小功親,將仕郎。

國子祭酒至開封少尹:子孫及小功以上,將仕郎。

朝請大夫、帶職朝奉郎以上:理職司資序及不帶職致仕者同。子,將仕郎;小功以上親, 將仕

郎; 總 麻,上州文學。 注權官一任,回注正官,謂帶職朝奉郎以上亡歿應蔭補者。

廣南東、西路轉運副使:子,登仕與;孫及期親,將仕郞。 提點刑獄 "子,將仕郞"; 孫及

期親,將仕郎。

武臣蔭補

樞密使、開府儀同三司:子,秉義郎;孫及期親,忠翊郎;大功以下親,承節郎;異姓

親,承信郎。

知樞密院事、同知樞密院事、樞密副使、太尉、節度使:子,忠訓郎;孫及期親, 成忠

野京子夏·冬夏ē·鬼秀声·鱼舟下云·之,郎;大功,承節郎;小功以下及異姓親,承信郎。

諸衞上將軍、承宣使、觀察使、通侍大夫:子,成忠郎;孫及期親, 保義郎; 大功以下,

承信郎; 及異姓親,承信郎。

侍省都知以上:子,保義郞; 樞密都承旨、正侍大夫至右武大夫、防禦使、團練使、 孫及期親,承節郎; 大功以下親,內各奏異姓親者同。 延福宮使至昭宣使(も)任入內內 承信郎。

志第一百二十三 職官十

四〇九八

刺史:子,承節郞;孫及期親,承信郞;大功以下,進武校尉。

諸衞大將軍、武功至武翼大夫、樞密承旨至諸房副承旨:子,承節郎;孫及期親,承信

郎;大功以下,進武校尉。

諸衞將軍、正侍至右武郎、武功至武翼郎:子,承信郎;孫,進武校尉;期親,進義校

尉。

樞密院逐房副承旨:子,承信郞。

訓武、修武郎及閤門祗侯:子,進義校尉。

忠佐帶遙郡者、每兩遇大禮蔭補、子:刺史、進武校尉; 團練使、防禦使,承信郎。

臣僚大禮蔭補

宰相、執政官:本宗、異姓、門客、醫人各一人。東宮三師、三少至諫議大夫:權六曹侍郎、侍

御史同。本宗一人。

官、樞密院檢詳、若六曹郎中、殿中侍御史、左右司諫、開封少尹、子或孫一人。 寺長貳、監長貳、祕書少監、國子司業、起居郞舍人、中書門下省檢正、尙書省左右司郞

致仕蔭補

大夫及曾任尚書侍郎及右武大夫以上,丼曾任諫議大夫以上及侍御史:一人。 曾任宰相及見任三少、使相:三人。 曾任三少、使相、執政官、見任節度使:二人。 太中

遺表蔭補

曾任宰相及見任三少、使相: 五人。曾任執政官、見任節度使: 四人。太中大夫以上:

一人。諸衞上將軍、承宣使"四人。觀察使"三人。

校勘記

(二)丞郎 原作「承節」,據長編卷六二、宋會要儀制四之一三改

(三) 小兩制 按宋會要儀制五之八作「小兩省」。合璧事類後集卷六一:「國朝沿唐制, 起居郎隸門

下,起居舍人隸中書,號小兩省」。疑「制」爲「省」字之誤。

- (三) 叉外任節鎮知州都監 「節鎭」原作「節制」,據宋會要儀制四之一三改。
- (2) 防團軍事知州都監 數有差。」宋會要儀制四之一三:「詔諸路節鎮知州都監給供身當直軍士各七十人,通判十五人, 「軍」字原脫。按長編卷四五:「詔定節鎮防團軍事州都監通判常從軍士人

志第一百二十三 校勘記

四〇九九

防團軍使(「使」,當爲「事」之誤)知州都監各五十人。」此處當有「軍」字,據補。

- (三) 令文武升朝官無嫡母者聽封生母 之八、長編卷九〇敍此事「嫡母」下都有「繼母」二字、此處「嫡」下當脫「繼」字。 按上文:「父亡無嫡、繼母、聽封所生母。」又宋會要儀制一〇
- (云) 令給諫舍人母並封郡太君妻郡君 十一月,此上當有「三年」二字。 按長編卷九四、宋會要儀制一〇之八此事俱繫于天禧三年
- (中) 韶文武官年七十以上求退者 「七十」下原衍「一」字,據長編卷五二、宋繪要職官七七之三二 (元) 李柬之 删。 原作「李東之」,據宋會要職官七七之五四、東都事略卷五一李東之傳改。參考本書卷
- 三一〇本傳校勘記。下文同。
- (北) 昭宣使 原作「招宣使」,據本書卷一六八職官志、宋會要職官三四之二五及二九改。

宋史卷一百七十一

志第一百二十四

職官十一奉職制上

奉祿匹帛 職錢 **祿粟** 廉人衣粮 厨料 薪炭諸物

奉、旅自宰臣而下至岳濱廟令,凡四十一等。

密使,春、冬衣同宰相。 宰相,樞密使,月三百千。春、冬服各綾二十匹,絹三十匹,冬綿百兩。 節度使同中書門下平章事已上及帶宣徽使,幷前兩府除節度使及節度 樞密使帶使相,侍中樞

使移鎭,樞密使、副、知院帶節度使,四百千。

簽書樞密院事,三司使,二百千。春、冬各綾十匹,春絹十匹,冬二十匹,綿五十兩。自宰相而下,春各加羅一匹。 參知政事,樞密副使,知樞密院事,同知樞密院事,及宣徽使不帶節度使,或檢校太保

志

第一百二十

四

職官十

檢校太保簽書者,春、冬絹二十匹,綿五十兩。節度觀察留後知樞密院事及充樞密副使、 同知樞密院

事,并帶宣徽使簽書樞密院事,三百千。綾、絹、羅、綿同參知政事。

若充翰林學士,綾五匹,絹十七匹;他官充龍圖閣學士、樞密直學士,並準此。 宫三師(1),僕射,九十千。綾各五匹,絹二十匹。東宮三少,御史大夫,尚書,六十千。門下、中 已上奉隨本官,衣賜如本官例,大卽依本官例,小卽依逐等。三師,三公,百二十千。綾各十匹,絹三十匹。東 龍圖、天章閣直學士,知制誥,龍圖、天章閣學士,綾各五匹,絹十七匹,自承旨而下加羅一匹,綿五十兩。 錢、衣賜並同本官數。 三師以下,春各加羅一匹,冬綿五十兩,權者同。判官幷權及發遣,以至子司主判,河渠勾當公事,同管勾河渠公事,料 春、冬綾各三匹,絹十五匹。 舊志:太常宗正卿、左右丞、侍郎充翰林承旨及侍讀、侍講,各綾七匹,絹二十匹;中書舍人 侍,六十千。 惟中丞綾七匹,絹二十匹。權御史中丞者給本官奉。太子賓客,四十五千。綾、絹同中丞。左、右散騎常 書侍郎,太常、宗正卿,左、右丞,諸行侍郎,御史中丞,五十五千〔三〕。春、冬各綾五匹,絹十七匹, 司使,幷權發遣使公事,料錢、衣賜並同本官。 觀文殿大學士,料錢、衣賜隨本官。資政殿大學士,料錢、衣賜隨本官。 給事中,中書舍人,大卿、監,國子祭酒,太子詹事,四十五千。諫議,四十千。 副使,五十千。春綾三匹,冬綾五匹,春、冬絹各十五匹。 龍圖閣學士知制誥,同諫議之數。 翰林學士承旨、學士,

左、右諭德,少卿、監,司業,郞中,三十五千。左、右庶子,起居郞、舍人,侍御史,與雜事

以上春、冬絹各十匹,諭德以下春加羅一匹,冬綿三十兩,餘各絹七匹。太常博士、著作、洗馬舊各有增減。 正言,監察御史,太常博士,通事舍人,國子五經博士,太常、宗正、祕書、殿中丞,著作郎,大 如京朝官願請本官衣奉者,仍支米麥。少詹事,一十九千。春、冬絹各十三匹,惟赤縣令衣賜隨本官。左、右 同。如正郎知雜,卽支本官奉料。左、右司諫,殿中侍御史,員外郎,赤令,三十千;丞,十五千。 理正,二十千。太子率更令、中允、贊善、中舍、冼馬,殿中省六尚奉御(三),十八千。太常博士

章正,二千。春、冬絹各三匹,惟靈臺郎冬隨衣錢三千。 春、多各絹三匹。自大理寺丞以下多綿各加十五兩。諸寺、監丞,大理評事,舊有增損不同。太祀,奉禮,八千。司 冬絹各六匹,冬綿各二十兩。 五官正以下春羅各一匹。祕書郞〔六〕舊無奉,兼三館職事者給八十千〔七〕;至道二年,令 天監丞,五千。春、冬絹各五匹。主簿,五千。春、冬絹各三匹,丞、簿各綿十五兩。靈臺郎,三千。保 同著作佐郎給之(റ)。大理寺丞,十四千。諸寺、監丞,十二千。春、冬絹各五匹。大理評事,十千。 司天五官正(四),十三千。春、冬絹各五匹,冬綿十五兩。祕書郎,著作佐郎,十七千(五)。春、

二十匹,冬三十匹,大小綾各十匹,春羅一匹,冬綿百兩。觀察使,二百千。管軍同。兩省都知押班、諸司使幷橫 帶王爵,奉同節度使。惟春、冬加絹各百匹,大綾各二十匹,小綾各三十匹,羅各十匹,綿各五百兩。節度觀察留後, 官制行,改承宣使。三三百千。 節度使,四百千。管軍同。如皇子充節度使兼侍中、帝諸王,皇族節度使同中書門下平章事,并散節度使及 管軍同。兩省都知押班、諸司使遙領者準此。如皇族充留後及帶郡王同,惟春加絹

并横行、諸衞大將軍遙領者,百千。皇族春、冬加絹各十五匹,綾十匹,春羅一匹,綿五十兩。兩省都知押班幷横行、諸 春、冬絹各十匹,綿五十兩。 軍遙領者,百五十千。皇族春、冬加絹各十五匹,綾十匹,春羅一匹,綿五十兩。兩省都知押班幷橫行,諸衞大將軍領者, 行遙領者,奉準此。 衞大將軍將軍領者,春、多絹各十匹,多綿五十兩。 防禦使,三百千分。 春、冬加絹各十匹,綿五十兩。如皇族充觀察者,即三百千,仍春、冬加絹各十五匹,綾十匹,春羅 團 練使,百 五十千。 管軍及皇族并軍班除充者同。其皇族及兩省都知押班、諸司使 管軍、皇族同。其皇族及兩省都知押班、諸司使丼橫行、諸衞大將軍將

十兩。率府率、副,中郎將,十三千。春、冬絹各五匹,冬綿十五兩。自諸衞上將軍以下,春衣羅一匹。 二百千,春、冬綾各十匹,春絹十匹,羅一匹,冬絹二十匹,綿五十兩。 左、右金吾衞大將軍,三十五千。 大將軍,二十五千。春、冬綾各三匹,絹七匹,冬綿三十兩。將軍,二十千;春、冬綾各二匹,絹五匹,綿二 六軍統軍,百千。

諸衞上將軍,六十千。

春、冬綾各五匹,絹十匹,綿五十兩。如皇子充諸衞上將軍,

宣、閤門使,二十七千。皇城以下諸司使,二十五千。春絹各十匹,冬十匹,綿三十兩。惟客省使春、 內客省使,六十千。客省使,三十七千。延福宮、景福殿、宣慶、引進、四方館、宣政、昭

冬絹各一十匹。

十匹,綿三十兩。帶閣門祗候並同。供奉官,十千。帶閣門祗候者,十二千。春絹四匹,冬五匹,綿二十兩。侍 客省及皇城以下諸司副使,二十千。內殿承制,十七千。崇班,十四千。春絹各五匹,冬

殿侍,七百。春、冬絹各五匹,二項並蕃官幷土人補充者。 班奉職、借職,四千。春、多絹各三匹,錢二千。下茶酒班殿侍, 禁,七千。帶閤門祗候者,一十千。殿直,五千。帶閤門祗候者,九千。並春、多絹各四匹,多綿十五兩。二 一千。春、多絹七匹,多綿十五兩。下班

皇親任諸衞大將軍領刺史,八千〇〇;將軍刺史,六十千。春、冬綾七匹,春絹十二匹,冬十三匹,

綿五十兩。舊志"春、冬綾十匹,絹十五匹,各加羅一匹。 將軍, 二十千。春、冬綾二匹,絹五匹,羅一匹,冬綿四十

兩。率府率,二十千;副率,十五千。春、多綾各二匹,絹五匹,羅一匹,綿四十兩。

匹,絹五匹。春並加羅一匹,多並綿二十兩。諸司使有四十千、三十千二等。副使以下與異姓 舊志:諸衞將軍有五十千、四十千、三十千三等。一等春、冬各綾五匹,絹十匹;一等綾二

同[11],並給實錢。自諸司使至殿直,春、冬各羅一匹,綾二匹,絹各五匹,冬綿各四十兩

十两。 七匹,綿三十兩。殿頭,七千。高品,高班,五千。春絹各五匹,多六匹,綿二十兩。黃門,三千。春、冬 脊、多絹各四匹,綿十五兩。 入內內品管勾,二千。奉輦祗應,一千五百。 打牧祗應,一千。春、冬 品,入內內品,後苑內品,後苑散內品,七百。春、冬絹各五匹,綿十五兩。雲韶部內品,七百。 網各五匹,綿十五兩。祗侯殿頭,祗侯高品,祗侯高班內品,祗侯內品,祗侯小內品,貼祗候內 入內內侍省都知、副都知、押班,不帶遙郡諸司使充者,二十五千。春絹七匹,多十匹,綿三 副使充者,二十千。 春絹五匹,多七匹,綿二十兩。入內內侍省供奉官,十二千。春絹五匹,多

志

絹各五匹,綿各十五兩。

布半匹,錢一千。舊志載內官不詳,奉料皆減少。 五匹,綿各十五兩。惟入內小黃門、前殿祗候內品,春、冬絹各四匹。即、唐、復州內品,三百。春、冬絹各二匹, 掃洒院子及西京內品依北班內品,依舊在西京收管,七百。西京內品,五百。春、多絹各 春、冬絹各十匹。入內小黃門,前殿祗候內品,北班內品,外處揀來丼城北班、後苑、把門內品, 黄門內品在京人事,一千。春、冬各碧羅、碧綾半匹,黄絹、生白絹各一匹,綿八兩。 寄班小底,二千。 殿頭,五千。 高品,高班,三千。春、冬絹各四匹,冬綿各二十兩。 黃門,一千。春、冬絹各四匹,冬 內侍省內常侍,供奉官,十千。春、多絹各五匹,內常侍春加羅一匹,多綿十五兩。供奉官冬止加綿二 殿頭內侍,入內高品, 二千。春、冬絹各三匹,錢二千。高班內品,一千五百。 衣糧帶舊。

官同。 已上,多綿五十兩,錄事、令史三十兩。 主書,七千。 守當官,書令史,五千。 春、多絹各二匹。主書、書令史 春錢三千,冬綿十二兩,錢一千,守當官春錢一千。 千。已上如帶京朝官同。中書、樞密主事,二十千。錄事、令史,十千。春、多絹各十匹,春羅一匹,主事 匹。都承旨、承旨春加綾三匹,冬五匹,綿五十兩。副都承旨以下,綿各三十兩。中書堂後官,一十千,特支五 中書堂後官提點五房公事,三十千。都承旨以下春、冬絹各十五匹,春羅一匹,逐房副承旨絹各十三 樞密都承旨,四十千。副都承旨,副承旨,樞密院諸房副承旨,逐房副承旨,已上如帶南班

端明、翰林侍讀侍講、龍圖、天章學士,樞密、龍圖、天章直學士,知制誥,中書舍人,待制,御 諸王宮教授,知審官院,勾當三班院,糾察刑獄,判吏部銓、南曹,登聞檢院、鼓院,司農寺及 知、押班,不帶遙郡諸司使、副,兩府供奉官以下至內品,惟內品特給一分見錢。及樞密都承旨以 國子監直講、丞、簿,河北、河東、陝西轉運使,皇子親王,諸衞大將軍至率府副率,兩省都 史臺、開封府、節度使至刺史、三館、祕閣、審刑院、刑部、大理寺、諸王府記室、翊善以下至 其兩省都知、副都知遙領刺史以上者,即給一半見錢。 下,並給見錢。餘官丼防禦使以下諸衞將軍、橫行、諸司使遙領者,悉一分見錢,二分他物。 自中書、樞密丼曾任兩府,雖不帶職,會任兩府而致仕同。宣徽,三司,觀文、資政、翰林、

充,隨本官料錢、衣賜。刑部檢法官、法直官,大理寺法直官、副法直官,十千。春、冬絹各五匹,冬綿十 權知開封府并判官、推官,料錢、衣賜並隨本官。舊志云:判官三十千,推官二十千,並給見錢。司錄,二十 五兩。如轉京朝官,隨本官料錢、衣賜。西京軍巡判官,十五千。內開封府轉至京官,支本官衣奉。 如差員外郎已上充,隨本官料錢、衣賜。功曹,法曹,十二千。倉、戶、士、兵四曹,十千。差京朝官 三司檢法官,十千。 春、冬絹各五匹,冬綿十五兩。願請前任請受者讓。若轉京朝官,隨本官料錢、衣賜。

節度、觀察判官,二十五千。春、冬絹各六匹,冬綿十二兩半。節度副使,三十千。 西京、南京、北京留守判官,河南、應天、大名府判官,三十千。春、冬絹各十二匹,冬綿二十 行軍司馬,二

一百二十四

瞪

官十

使,二十千。綿、絹如推官。留守推官,府推官,節度、觀察推官,十五千。 事參軍,如無,依倚郭縣令。防禦、團練軍事推官,軍、監判官,七千。軍事判官如本州錄事參軍之 防禦、團練副使,二十千。如監當即給一半折支。防禦、團練判官,十五千。 兩朝志云:奉給依本州錄 十五千。 如簽書本州公事,衣奉依節、察判官。若監當卽給一半折支,衣賜、廚料不給。 春、冬絹各五匹,冬綿十兩。 節度掌書記, 觀察支

多衣。 五萬戶已上州三京同。 錄事參軍,二十千;司理,司法,十二千;司戶,十千。 三萬戶 不滿五千戶州錄事,司理,司法,十千;司戶,七千。別駕,長史(三),司馬,司士 參軍,如授 已上州錄事,十八千;司理,司法,十二千;司戶,九千。一萬戶已上州錄事,十五千;司 士曹,依司士。文學參軍,七千。 理,司法,十千;司戶,八千。五千戶已上州錄事,十二千;司理,司法,十千;司戶,七千。 京府司錄參軍,二十千。諸曹參軍,十千。以京官知者奉從多給。景德三年,詔司錄、六曹悉給春、

官,十二千。已上衣賜並隨本官。主簿,尉,十二千至七千,有四等。並給見錢 千,京官十八千;三千戶已上知縣,朝官十八千,京官十五千;三千戶已下知縣,止命京 東京畿縣七千戶已上知縣,朝官二十二千,京官二十千;五千戶已上知縣,朝官二十

河南府河南、洛陽縣令,三十千。諸路州軍萬戶已上縣令,二十千;簿,尉,十二千。

千。全折。 許給縣令奉。本官奉多者,以從多給。無監兵者,止請本奉添給。嶽瀆廟令,十千。丞,主簿,七 令,十二千;簿,尉,七千。不满三千戶令,十千;簿,尉,六千。京朝官及三班知縣者,亦 七千戶已上令,十八千;簿,尉,十千。五千戶已上令,十五千;簿,尉,八千。三千戶已上

幕職、州縣料錢,諸路支一半見錢,一半折支。縣尉至給見錢。 廣東、川峽並給見錢。

樞密院置知院、同知院,餘並罷。至是,旣罷使、副,只置知院、同知院,直至靖康不改。 密使、副知院帶節度使,四百千。自治平末至元豐四年,如文彥博、呂公弼、馮京、吳充先後爲使、副,是年十一月,始詔 靖康依舊制。 元豐制行: 宰相,三百千。衣賜綾、絹、綿皆如舊制。然以左、右僕射爲宰相。 樞密使帶使相,侍中,樞密使,節度使同中書門下平章事以上及帶宣徽使,丼前兩府除節度使移鎭(三),樞 政和中,以三公爲眞相。

知樞密院,門下、中書侍郎,尙書左、右丞,同知樞密院事,二百千。太賜如舊。 阮酤中,復置

簽書樞密院事,紹聖中罷。

匹,絹四十匹,綿二百兩。舊制,奉錢百二十千,春服小綾十匹,絹三十匹,羅一匹,冬服小綾十匹,絹三十匹,綿五十兩。 太師,太傅,太保,少師,少傅,少保,四百千。 春服羅三匹,小綾三十匹,絹四十匹,冬服小綾三十

大觀間增改。

志第一百二十四 職官十一

者,遂删去。特進,九十千。春、冬各小綾十匹,絹二十五匹,春羅一匹,冬綿五十兩。 開府儀同三司,百二十千。春、冬各小綾十匹,絹三十匹,春羅一匹,多綿五十兩。 大觀二年,以無特任

議、太中大夫,五十千。沅豐冷,太中大夫以上丁憂解官,給舊官料錢。中大夫,中奉、中散大夫,四十五 十兩。宣奉、正奉、正議、通奉大夫,五十五千。 春、冬各小綾五匹,絹十七匹,春羅一匹,冬綿五十兩。 通 十。 春、冬絹各十三匹,春羅一匹,冬綿三十兩。 千。春、冬各小綾三匹,絹十五匹,春羅一匹,冬綿五十兩。朝議、奉直、朝請、朝散、朝奉大夫,三十五 金紫光祿大夫,銀青光祿大夫,光祿大夫,六十千。春、冬冬小綾七匹,絹二十匹,春羅一匹,綿五

十。元豐以來,釐務止支驛料。大觀二年,定支, 春、多各絹五匹、多綿十五兩。承事郎,十千。春、冬絹各三匹、多綿十五兩。承奉郎,八千。承務郎,七 二十兩。沅豐格有出身十七千,無出身十四千。六年,敕不以資考有無出身,並十五千,衣無羅。宣義郎,十二千。 各十匹,春羅一匹,多綿三十兩。 朝請、朝散、朝奉郎,三十千。春、冬服同正郎。承議、奉議、通直郎,二十千。承議春、冬絹 奉議、通直、春、冬各絹七匹。 宣教郎,十七千。春、冬絹各六匹,春羅一匹,冬綿

匹,綿二十兩;節度、觀察判官,奉錢二十五千,春、冬絹各六匹,綿十二兩半,凡二等。崇寧二年,改從一等。 1一十千。春、冬絹各五匹,綿十兩。 元豐,節度掌書記、觀察支使,奉錢衣賜如上;防、團軍事判官考任合入令錄者,奉 承直郎,二十五千。春、冬絹各六匹,綿十二兩半。 元豐,留守判官、府判官,奉錢三十千,春、冬絹各十二 儒林郎,

從事郎,元豐舊制,考第合入令錄者,視令錄支,未合入令錄者,視判、司、簿、尉支。從政郎,元豐,三京、州、府、軍、監司 錢十五千,凡二等。崇寧改從一等。文林郎,十五千。春、冬服同儒林。從事、從政、修職郎,十五千。 舊請七千、八千、十千者,增至十二千;防、團軍事推官,軍、監判官一百七十二員,舊請七千者,增至十二千。 縣令、錄事參軍三百六十七員,舊請十千、十二千者,增至十五千;司理、司法、司戶參軍,主簿、縣尉二千一百五十三員, 五千戶七千,凡三等。崇寧改。初,熙寧四年,中書門下言:「天下選人奉薄而多少不均,不足以勸廉吏。今欲月增料錢: 錄、錄事參軍,五萬戶以上二十千,三萬戶以上十八千,一萬戶以上十五千,五千戶以上十二千,不滿五千戶十千。縣令, 一萬戶及不滿五千戶七千。三京、州、府、軍、監司戶參軍,及五萬戶以上十千,三萬戶以上九千,一萬戶以上八千,不滿 一等。迪功郎,十二千。元豐,四京軍巡判官,十五千。三京、州、府、軍、監司法參軍,五萬、三萬戶以上十二千, 萬戶以上二十千,七千戶以上十八千,五千戶以上十五千,三千戶以上十二千,不滿二千戶十千,凡二等。崇寧改從 月通增

觀察使,防禦使,二百千。團練使,百五十千。刺史,一百千。自節度使以下至諸衞中郎將,並 節度使,四百千。曾任執政以上除、及移鎮、初除、及管軍,並同奮制。承宣使,三百千。 太尉,一百千。春、冬各小綾十匹,春羅一匹,絹十匹,冬絹二十匹,綿五十兩。帶節度使依本格。 即節度觀察留

奉錢一萬二千餘貫,米麥亦有增數。」從之。

通侍大夫,三十七千。正侍、宜正、協忠、中侍、中亮、中衞、翊衞、親衞、拱衞、左武、右 第一百二十四 **職官十一**

絹各十匹,繞二十兩。惟通侍大夫,十二匹。 武大夫,二十七千。武功、武德、武顯、武節、武略、武經、武義、武翼大夫,二十五千。春、冬

帶閻門祗候者九千,並春、冬絹各四匹,冬綿十五兩。承節、承信郎,四千。春、冬絹各三匹,錢二千。 多七匹,綿二十兩。帶閣門祗候並同。從義、秉義郎,十千。帶閣門祗候十二千。成忠、保義郎,五千。 顯、武節、武略、武經、武義、武翼郞,二十千。敦武郞,十七千。修武郞,十四千。春絹五匹, 正侍、宣正、履正、協忠、中侍、中亮、中衞、翊衞、親衞、拱衞、左武、右武、武功、武德、武

進武校尉,三千。進義校尉,二千。春、多絹各三匹。進武副尉,三千。守闕進武副尉、進

義副尉、守閼進義副尉,一千。 凡文武官料錢,並支一分見錢,二分折支。會任兩府雖不帶職,料錢亦支見錢。

敞淺

尹,行,一百千。守,九十千;試,八十千。崇寧四年重定。六曹侍郎,元庙中,置權六曹尚書,奉給依守侍郎, 十千。太賜,本官例。官小,春、冬服小綾各三匹,絹各十五匹,綿五十兩。左、右散騎常侍,御史中丞,開封 御史大夫,六曹尚書,行,六十千。守,五十五千;試,五十千。翰林學士承旨,翰林學士,五

十五千。給事中,中書舍人,行,五十千。守,四十五千;試,四十千。左、右諫議大夫,元祐中,置權六 紹聖中,罷。行,五十五千。守,五十千;試,四十五千。太子賓客、詹事,行,五十千。守,四十七千;試,四 就,三十二千。殿中侍御史,左、右司諫,行,三十五千。守,三十二千;試,三十千。左、右正言,行, 二千;試,三十千。太子左、右諭德,行,三十二千。守、三十千;試、二十九千。起居郞,起居舍人, 祭酒,太常、宗正少卿,秘書少監,行,三十五千。守三十二千;武,三十千。太子左、右庶子,行, 曹侍郎,奉給依諫議大夫,紹聖中,罷。行,四十五千。守,四十千;試,三十七千。太常、宗正卿,行,三十 將作、軍器少監,行,三十千。守二十八千;試二十五千。太子侍讀、侍講,行,二十五千。守二 三十二千。守,三十千;武,二十七千。諸司員外郎,行,三十五千。守,三十二千;武,三十千。少府、 侍御史,左、右司員外郎,樞密院檢詳諸房文字,尚書六曹郎中,行,三十七千。守、三十五千, 府、將作、軍器監,行,三十二千。守,三十千;武,二十八千。太子少詹事,行,三十五千。守,三十 下省檢正諸房公事,尚書左、右司郎中,行,四十千。守、三十七千;武、三十四千。國子司業,少 四十千。守三十七千;武三十五千。七寺少卿,行,三十二千。守三十千;武二十八千。中書、門 八千。守、三十五千;武、三十二千。秘書監,行,四十二千。守、三十八千;武、三十五千。七寺卿,國子 十二千;武,二十千。監察御史,行,三十二千。守,三十千;武,二十七千。太子中舍,太子舍人,行, 二十二千。守,二十千; 試,十八千。太常、宗正、知大宗正,秘書丞,大理正,著作郞,太醫令,

錄,武學論,行,十八千。守,十七千;試,十六千。律學正,行,十六千。守,十五千;試,十四千。 行,二十二千。守、二十千;武,十八千。太常博士,著作佐郎,行、守,二十千。武,十八千。國子監 行,二十五千。守二十二千;武二十千。七寺丞,行,二十二千。守二十千;武,十八千。 十六千。太常寺奉禮郎,行,十六千。太常寺太祝、郊社令,行,十八千。守,十六千。太學正、 作、軍器、都水監丞,行,二十千。守,十八千。祕書省校書郎,行,十八千。守,十六千;試,十四千。 丞,行,二十二千。守,二十千。大理司直、評事,行,二十二千。守,二十千;試,十八千。少府、將 學、太學、武學博士,行,二十千。 守,十八千;試,十六千。律學博士,行,十八千。 守,十七千;試 祕書省正字,行,十六千。守,十五千;試,十四千。御史檢法官,主簿,行,二十千。守,十八千。宗 秘書郎

謂大理司直、評事,秘書省正字,太學博士、正、錄,武學博士、諭,律學博士、正。 聽支階官請給。 衣及廚料、米麥 並隨寄祿官給料錢,米麥計實數給;應兩給者,謂職錢、米麥。從多給。承直與以下充職事官, 凡職事官職錢,不言「行」、「守」、「試」者,準「行」給,衣隨寄祿官例支;及無立定例者,

錢。是後所支半奉,復從虛折。周顯德三年,復給實錢。 始令全給。後唐同光初,租庸使以軍儲不充,百官奉錢雖多,而折支非實,請減半數而支實 唐貞元四年,定百官月俸。僖、昭亂雜,國用窘闕,至天祐中,止給其半。梁開平三年,

錄事、兩京司錄,舊月奉錢二萬者,給四十戶,率是爲差;簿、尉及戶、法掾,舊月奉六千者, 詔;所賦官物,令諸州計度充一歲所給之數,與蠶鹽同時倂給之。其萬戶縣令、五萬戶州 無謂也。漢乾祐中,置州縣官奉戶,除二稅外,蠲其他役;周顯德始革其制。自今宜逐處置 鬻不充其直,責以廉隅,斯亦難矣。 至有賦於廛肆,重增煩擾,且復抵冒公憲,自罹刑辟,甚 回易料錢戶,每本官所受物,凡一千,分納兩戶,恣其質易,戶輸錢五百,蠲役之令,悉如漢 宋初之制,大凡約後唐所定之數。乾德四年七月,詔曰:「州縣官奉皆給他物,頗聞貨

增一千,如其所增之數,給與奉戶。」是歲,令西川官全給實錢。開寶三年,令西川州縣官常

奉外別給鐵錢五千。 四年十二月,詔:「節、察、防、團副使權知州事,節度掌書記自朝廷除

授及判別廳公事者,亦給之;副使非知州、掌書記奏授而不釐務者,悉如故,給以折色。」

給錢五千。雍熙三年,文武官折支奉錢,舊以二分者,自今並給以實價。端拱元年六月,詔 年二月,詔:「諸道所給幕職、州縣官奉,頗聞官估價高,不能充七分之數。 宜令三分給一分 見錢,二分折色,令通判面估定官物,不得虧損其價。」四月,令西川諸州幕職官奉外,更增 下奉戶。其本官奉錢,並給以官物,令貨鬻及七分,仍依顯德五年十二月詔,增給米麥。」二 曰:「州郡從事之職,皆參贊郡畫,助宣條教;而州縣之任,並飭躬蒞政,以綏吾民。 廩祿之 太平興國元年詔曰:「耕織之家,農桑爲本,奉戶月輸緡錢,蠢茲細民,不易營置,罷天

地,麟、府等州,河北、河東緣邊州軍,自今許預借兩月,近地一月奉錢。 |至道二年詔:先是,京官滿三十月罷 錢,舊三分之二給以他物,自今半給緡錢,半給他物。」淳化元年五月,詔:「致仕官有曾歷外 以他物者,每千給錢七百。初,川峽、廣南、福建幕職州縣,並許預借奉錢。大中祥符間,又韶江、浙、荆湖遠 職任者給半奉,以他物充。」三年十一月,令京東西、河北、河東、陝西幕職州縣官料錢,當給 給,自今續給之。 制,宜從優異,庶幾豐泰,責之廉隅。 除川峽、嶺南已給見錢外,其諸州府幕職、州縣官料

祗候各增二千。 供奉官各增一千五百。奉職、借職增一千。 餘如舊。 使、上將軍各增十千。 橫班諸司各增五千。 朝官五品正、中郎將已上、諸司使、副各增三千。京官、內殿承制、崇班、陽門 並增。幸 三師、三公、東宮三師、僕射各增二十千。 三司、御史大夫、六尙書中丞、郎、兩省侍郎、太常宗正卿、 內客省 支物,無收其算。五年七月,增川峽路朝官使臣等月給添支。景德四年九月,上以承平旣 月,韶:「文武羣臣有分奉他所而身沒,未聞訃已給者,例追索,可憫。自今川峽、廣南、福建 月率給折支,京師每一千給實錢六百,在外四百,願給他物者聽。」大中祥符五年,詔文武官 久,賦斂至薄,軍國用度之外,未嘗廣費自奉,且以庶官食貧勸事,遂詔:「自今掌事文武官 一季,餘處兩月,悉蠲之。」大中祥符七年韶:「三班使臣自今父母亡,勿住奉。」三年九月,詔羣臣月奉折 **真宗卽位,以三司估百官奉給折支直,率增數倍,詔有司重定,率優其數。 咸平元年六** 自乾興以後,更革爲多。至嘉祐始著

源令。

矣。至崇寧間,蔡京秉政,吳居厚、張康國輩,於奉錢、職錢外,復增供給食料等錢。 僕射奉外,又請司空奉,其餘傔從錢米並支本色,餘執政皆然,視元豐制祿復倍增矣。 京官司供給之數,皆倂爲職錢。如大夫爲郞官,旣請大夫奉,又給郞官職錢,視嘉祐爲優 元豐一新官制,職事官職錢以寄祿官高下分行、守、試三等。大率官以祿令爲準,而在

武臣奉給

千,至揀中、剩員僚直、廣德指揮使十千,凡三等。殿前班都知十三千,至招箭班都知四千, 行首、副行首,招箭班亦有行,七千至三千,凡三等。 **至揀中、廣德指揮使四千,凡四等。** 虞侯十千至三千,凡五等。 二千,凡五等。 凡七等。殿前班副都知十千,至招箭班副都知三千,凡五等。殿前押班七千,至招箭押班 二等。殿前左、右班虞侯三十千,至天武、剩員都虞侯十九千,凡四等。殿前班指揮使二十 殿前司,自宣武都指揮使三十千,差降至歸明神武、開封府馬步軍都指揮使十五千,凡 。散指揮都頭復有押班之名者,如押班給焉。兵士內員僚直復有副指揮使、 殿前指揮使五千,至殿侍一千,凡五等。捧日、天武指揮使十千, 捧日、天武副指揮使七千,至擒戎副指揮使三千,凡五 御龍直副指揮使、都頭、副都頭、十將、

龍猛 兵馬使一千,凡四等。天武副都頭二千,至廣德副都頭千五百,凡二等。 、驍騎、帶甲剩員軍頭、十將三百,凡八等。天武將、虞候而下五百,至飛猛、驍雄將、虞 捧日軍使、天武都頭五千,至擒戎軍使千五百,凡五等。 此奉錢之差也 捧日副兵馬使三千,至擒戎副 捧日軍將二千,至

侯已下三百,凡六等。

翼、神騎、聽雄、威虎、衞聖、淸朔、擒戎軍士,皆給傔一人以至半分,餘軍不給焉 服三十匹至油絹六匹,而加綿布錢有差,復月給傔糧自十人以至一人。諸班、 六等。殿前指揮使五石,鞭箭、清朔二石,凡五等。殿前班都虞侯已下至軍士,歲給春、多 日、天武、拱聖、龍猛、驍騎、吐渾、歸明渤海、契丹歸明神武、契丹直、寧朔、 其外,月給栗:自殿前班都頭、虞候十五石,至廣建副都頭、吐渾十將二石五斗, 飛猛、宣武、虎 諸直至捧 凡

指揮使自員僚直、龍神衞十千,至順化三千,凡五等。 千,凡六等。 頭自龍、神衞三千,至順化一千,凡五等。軍頭、十將自龍、神衞千三百,至順化三百,凡五 順化二千,凡七等。軍使、都頭自龍、神衞五千,至看船神衞一千,凡七等。 此外員僚直有行首、副行首、押番軍頭、都知、副都知之名,自行首五千, 侍 衞 馬軍、步軍司,自員僚直、龍神衞都虞候月給二十千,至有馬勁勇員七千,凡五等。 而高陽關有聽捷左、右廂都指揮使,月給三十千。 副指揮使自員僚直、龍神衞七千,至 開封府有馬步軍都虞候,月 副兵馬使、副都 至副 都知一

給二十千。六軍復有都虞侯,月給五千。

自十人至一人。其員僚直、龍神衞、雲騎、驍捷、橫塞、及神衞上將、虎翼、淸衞、振武、忠猛 軍士,皆給傔一人至半分,他軍不給焉。宣徽院、軍頭司,自員僚至軍士,咸月給錢栗及春冬服有差。 虞候以下至軍士,皆歲給春冬服,自絹三十匹至油絹五匹,又加綿布錢有差。 員僚直、龍神衞而下,皆月給栗,自都虞候五石,至順化、忠勇軍士二石,凡五等。 復有給傔糧, 自都

等三十九軍、監,所給之數,差而減焉,咸著有司之籍。外有給司馬芻秣,歲給春、冬服加 凡十有二等。自河南府等五十州、府,鄧州等三十四州,萊州等一百四十四州、軍,廣濟軍 諸道州府廂軍,自馬步軍都指揮使至牢城副都頭,凡五等,月給奉錢凡十五千至五百,

豫栗自宰相至入內高品十八等。

紬、綿、錢、布,亦各有差。

使簽書樞密院事,節度觀察留後知樞密院事及充樞密副使、同知樞密院事,并帶宣徽使簽 書,檢校太保簽書,及三司使,中書、門下侍郎,尙書左、右丞,太尉,月各一百石。 宰相,參知政事,樞密使同中書門下平章事,樞密使、副使、知院事、同知院事,及宣徽

第一百二十四

職官十一

樞密使帶使相,節度使同中書門下平章事已上及帶宣徽使,丼前兩府除節度使,樞密

使、副、知院事帶節度使,月各給二百石。

二十五石 三公、三少,一百五十石。權三司使公事,七十石。權發遣使,三十五石。內客省使,

那刺史二十五石。凡 一石給六斗,米麥各半。 管軍支六分米,四分麥。 押班、通侍大夫遙領者二十五石。諸衞大將軍、將軍遙領者十石。橫行遙領者全分二十五石,減定十石。捧日、天武左 班、諸衞大將軍、將軍、橫行遙領者同。刺史,五十石。皇族並軍班除充者同。其餘正任幷管軍三十石。兩省都知 遙領防禦使七十石。 團練使,七十石。 管軍并皇族及軍班除充者同。其餘正任並五十石。若皇族幷兩省都知押 石。留後後改承宣使,觀察、防禦使,一百石。管軍并兩省都知押班、諸衞大將軍、橫行遙領者同。 右廂都指揮使,龍衞、神衞右廂都指揮使帶遙郡團練使五十石。殿前諸班直、都虔候、龍衞、神衞及諸軍都指揮使帶遙 節度使,一百五十石。管軍同。如皇族節度使同中書門下平章事已上,幷散節度使及帶王爵者,並一百 惟皇族

六石至三石,有四等。 主簿、尉米麥三石至二石,有二等。 諸州錄事,五石至三石,有三等。 **司理、司法,四石至三石,有二等。司戶,三石、二石,有二等。諸縣令,五石至三石,有三** 惟河南洛陽縣(三)令隨戶口支。簿、尉,三石、二石,有二等。四京軍巡、判官,四石。軍、監判 赤令,七石;丞,四石。京府司錄,五石。諸曹參軍,四石至三石,有二等。畿縣知縣

官,防、團推官,二石。司天監丞,四石。主簿,靈臺郎,保章正,二石。已上並給米麥。

品,祗候內品,祗候小內品,貼祗候內品,入內內品,後苑內品,後苑散內品,三石。雲韶部 內品,一石。已上並給月糧。惟雲韶內品給細色。 應,入輦祗應,二石。打牧祗應,一石五斗。已上並給粳米。祗侯殿頭,祗侯高品,祗侯高班內 入內內侍省供奉官,四石。殿頭白色,高品,三石。高班,黃門,入內內品,管勾奉輦祗

入內小黃門,一石。寄班小底,四石。已上並給月糧。惟入內小黃門給細色。殿頭內侍,入內高班, 洒院子及西京內品與北班內品公方,依舊在西京收管,西京內品,郢、唐、復州內品,二石。 品在京人事,二石五斗。北班內品,前殿祗候內品,外處揀來丼城北班、後苑、把門內品,掃 一石。米麥各半。 內侍省供奉官,三石。殿頭,高品,高班,二石。黃門,一石五斗。已上並給粳米。 黄門內

百七十二員,舊請米麥二石者,並增至三石。每月通增米麥三千七十餘石。」從之。 縣尉二千五百一十三員,舊請米麥兩石者,並增至三石。防、團軍事推官,軍、監判官一 錢:縣令、錄事參軍三百七十六員,舊請米麥三石者,並增至四石。司理、司法、司戶、主簿、 熙寧四年台,中書門下言:「天下選人奉薄,多少不一,不足以勸廉吏。欲月增米麥、料

元隨, 係人, 衣糧, 任宰相執政者有隨身,任使相至正任刺史已上者有隨身,餘止無人。

宰相,丼文臣充樞密使同中書門下平章事,及樞密使,七十人。 宰相舊五十人衣糧,二十人

日食、後加。

節度使及節度使移鎭,樞密使、副、知院事帶節度使,一百人。 樞密使帶使相,侍中樞密使,節度使同中書門下平章事已上及帶宣徽使,丼前兩府除

司使,三十人。權發遣公事,十五人。副使、判官、判子司,五人。副使、判官權并權發遣同 使,門下侍郎,中書侍郎,尙書左、右丞,五十人。檢校太保簽書樞密院事,三十五人。權三 節度觀察留後知樞密院事并充樞密副使、同知樞密院事,并帶宣徽使簽書樞密院事,三司 參知政事,文臣充樞密副使、知院事、同知院事,及宣徽使不帶節度使簽書樞密院事,

講、龍圖、天章學士,樞密直學士,保和、宣和、延康殿學士,寶文、顯謨、徽猷閣學士,七人。 觀文殿大學士,二十人。觀文殿學士,資政殿大學士,十人。資政、端明、翰林侍讀侍

舊止給日食, 政和月糧二石。

節度使,留後改承宣使,觀察使,五十人。管軍同。如皇族節度使同中書門下平章事已上,丼散節度 玉清昭應宮、景靈宮、會靈觀三副使,十人;判官,五人。

管軍,十人。皇族充,十五人。 族充及帶領,十五人。兩省都知、押班帶諸司使,丼橫行遙領者,十人。刺史,一十人。軍班除充者同。其餘除授丼 司使,丼諸衞大將軍,及橫行遙領,並十五人。團練使,三十人。管軍及軍班除充者同。其餘除授者,二十人。皇 省都知、押班幷橫行領觀察使,十五人。 防禦使, 二十人。 管軍同。 皇族幷遙領,並二十人。 兩省都知、押班帶諸 使帶王爵,及節度觀察留後帶郡王,並五十人。觀察使,二十人。兩省都知、押班帶諸司使領節度觀察留後,五十人。兩 兩省都知、押班帶諸司使,五人。横行遙領全分者,五人。減定者不給、內客省使,

逐房副承旨,五人。中書堂後官至樞密院主事已上,各二人。錄事,令史,寄班小底,各一 樞密都承旨,十人。副都承旨,副承旨,諸房副承旨,中書堂後官提點五房公事,七人。 **舊有景福殿使。二十人。**

慊人餐錢中書、樞密、宣徽、三司及正刺史已上,皆有衣糧,餘止給餐錢、

檢討,校勘,各三千。直龍圖閣,審刑院詳議官,國子監書庫官,五千。自修撰已上叉有職錢五 自判三館、祕書監、兩制、兩省帶修撰,五千。郎中以下帶修撰者三千。直館閣,校理,史館

千,校勘已上三千。

京畿諸司庫、務、倉、場監官:朝官自二十千至五千,凡七等。京官自十五千至三千,凡 第一百二十 75 職 官十

四二四四

八等。 好,今並從兩朝志。 十五千至三千,凡十等。内侍,十七千至三千,凡九等。寄班,八千至五千,凡三等。 諸司使、副、閤門通事舍人、承制、崇班、二十千至五千,凡九等。 閤門祗侯及三班, 舊志訛

茶、酒、廚料之給

有二等。又宮觀副使,文明殿學士,即觀文。資政殿大學士,龍圖、樞密直學士,並有給茶。 節度使、副以下,各給廚料米六斗行己,麪一石二斗。 學士、權三司使以上兼祕書監,日給酒自五升至一升,有四等,法、糯酒自一升至二升,

薪、蒿、炭、鹽諸物之給宰相舊無,後加。

使,三部使,權三司使,四百束。三部副使,樞密都承旨,一百五十束。樞密副都承旨,中書 提點五房,一百束。開封判官,節度判官,薪二十束,蒿四十束。開封推官,掌書記,支使, 宰相,樞密使,月給薪千二百束。參知政事,樞密副使,宣徽使,簽書樞密院事,三司

留守、節度推官,防、團軍事判官,薪十五束,蒿三十束。留守判官,薪二十束,蒿三十束。

防、團軍事推官,薪十束,蒿二十束。

使,簽書樞密院事,三司使,三部使,三十秤。文明殿學士,資政殿大學士,龍圖閣學士,十 宰相,樞密使,歲給炭自十月至正月二百秤,餘月一百秤。參知政事,樞密副使,宣徽

五秤。 都承旨,二十秤。

權三司使,二石。節度使,七石。掌兵遙領,五石。留後,觀察,防禦,團練,刺史,五石。 給鹽:宰相,樞密使,七石。參知政事,樞密副使,簽書院事,宣徽使,三司使,三部使,

給馬獨栗者,自二十匹至一匹,凡七等。其軍職,內侍,三班口己,伎術,中書,樞密、宣徽院,侍衞,

掌兵、遙領皆不給。

殿前司,皇城司,內侍省,入內內侍省吏屬借官馬者,其本厩馬獨栗隨給焉。

無,三朝志雖不詳備,亦足以見一代之制云。 給紙者,中書,樞密,宣徽,三司,宮觀副使,判官,諫官,皆月給焉。 自給茶、酒而下,兩朝志

校勘記

(1) 東宮三師 一師 原作 「司」,據下文注和宋會要職官五七之一、職官分紀卷五〇改。

第一百 = + 깯 校 勘 記

- 五十五千 「十」下「五」字原脫,據宋會要職官五七之一、宋大詔令集卷一七八定百官俸詔補。
- (三) 六尚奉御 尚衣、尚舍、尚輦。、宋大詔令集卷一七八定百官俸詔作「六尚」,據改。 「六尙」原作「五尙」。按本書卷一六四職官志,殿中省凡總局六:尚食、尙藥、尙醞、
- 司天五官正 中、秋、冬五官正。下文夾注和宋會要職官五七之一、職官分紀卷五〇都作「五官正」,據改。 「天」下原衍「十」字,「官」原誤作「千」。按本書卷一六五職官志,司天監有春、夏、
- (H) 秘書郞著作佐郞十七千 「十七千」原殷,據宋會要職官五七之一、職官分紀卷五〇補。
- (长)秘書郞 「郞」字原脫,據上文正文、宋會要職官五七之一補。
- (中) 無三館職事者給八十千 宋會要職官五七之一作「八千」,似近是。
- (公) 令同著作佐郎給之 「佐」字原脫,據上文正文和同上書同卷補。
- (先) 三百千 兩官都列五品而有正、從之別,疑作「二百千」是。 宋會要職官五七之三作「二百千」,防禦使比觀察使官小,俸給不應反比觀察使多;又
- (10) 八千 「八」下疑脫一「十」字。宋會要職官五七之二作「八十千」,似是。下文將軍刺史已領六 十千,此處大將軍反領八千,似不合。
- (11) 副使以下與異姓同 「以」下原衍「上」字,據同上書同卷刪。
- (三) 長史 原作「掌史」,按本條別駕、長史、司馬,都是宋代幕職官名,見本書卷一六七職官志。

「掌」當爲「長」之訛,據宋會要職官五七之四改。

会 前兩府除節度使移鎮 度使移鎮」,疑此處「移鎮」上當有「及節度使」四字。 按上文「奉祿」條與下文「元隨無人衣糧」條都作「前兩府除節度使及節

洛陽縣 「陽」字原脫,據上文「奉祿」條、宋會要職官五七之八補。

(IE) 殿頭 原作「殿前」,據下文和宋會要職官五七之八改。

증 西京內品與北班內品 按上文已有「北班內品」,下文又有「西京內品」,此語疑誤,當從「奉祿」

條、「與」作「依」。

熙寧四年 〇改。又此年下所記「縣令、錄專參軍三百七十六員」,「司理、司法、司戶、主簿、縣尉二千五百 一十三員」,宋會要分別作「五百七十六員」,「二千五百一十三員」,都與「迪功郎」條注異 「四年」原作「二年」,據上文「迪功郎」條注、長編卷二二六、宋會要職官五七之四

[12] 各給廚料米六斗 「米」字原脫,據宋會要職官五七之一六補。

(1名) 三班 宋會要職官五七之一七作「寄班」,又職官分紀卷二六內侍省條說:除寧中,定寄班祗侯

以一十五人爲額。」疑作「寄班」是。

缺页

宋史卷一百七十二

志第一百二十五

職官十二奉職制下

增給 公用錢 給券 職田

增給(二)

十千。 官,判子司,權及權發遣同。開封府判官,提舉諸司庫務,管轄三司軍大將,提點內弓箭庫,二 讀、侍講學士,紹聖中,罷。 副使,觀文殿大學士,三十千。觀文殿學士,資政殿大學士,元豐添保和殿大學士。宮觀、三司判 權三司使,知開封府,百千。權發遣三司使,五十千。玉清昭應宮、景靈宮、會靈觀三 宮觀都監、勾當官,十七千。任都知、押班者,二十千。資政、端明、翰林侍讀、元祐復置翰林侍 龍圖、天章學士,元豐添保和、延康、寶文、顯謨、徽猷學士。 樞密直、後改述古殿。

四一二九

志

第

一 百 二 十

五

職官十二

龍圖、 觀文殿大學士較之,則通料錢不及節度使之半,其厚薄不均明矣。自餘學士視諸正任, 下惟增散官而已。 龍圖閣至直祕閣,十千。」韶從之。 改述古學士,四十千。 餞以別之。 千而已,節度使料錢乃四百千,傔從、粟帛等稱是。 各五匹,絹十七匹,羅一匹,綿五十兩。已上大學士至待制,奉隨本官,衣賜如本官例,大卽依本官例,小卽依逐等。 選人十千。熙寧三年,韶廣親、睦親宅記室、講書十五千,教授十二千,軍巡使十七千,權使及判官七千。已上並元豐制,已 韶並依元豐法,御史中丞二十千,察案御史十千,籍田令七千;並依元豐三年詔,司農寺丞十五千,主簿京朝官十二千, 「學士提舉在京官,除本身請給外,更請貼職,幷差遺添支,比六曹尙書、翰林學士承旨幾及一倍以上,非稱事制祿之意。」 百千至十千,凡九等。 策增添在京供職米麥,觀文殿大學士至待制,自五十石至二十五石四等,比舊法增多數倍。」又奏: 大學士以下至直學士,添支錢三等,自二十千至十五千。 士,資政大學士,八十千。 二年,戶部尙書左睿言:「見編修禄格,學士添支比正任料錢相去遼邈,如觀文殿大學士、節度使從二品,大學士添支三十 天章直學士,元豐添寶文、顯謨、徽猷直學士,保和、龍圖、天章、寶文、顯謨、徽猷待制。 正任料錢、公使爲率,參酌立定。自學士至直閣以上貼職錢,不以內外,並給。 羣牧使、副使,開封推官,三司河渠勾當公事、同管勾河渠案公事,十五千。羣 龍圖、天章、實文、 端明後改延康殿學士,五十千。 宣和三年,戶部尚書沈積中、侍郎王蕃言:「元豐法,帶職人依嘉祐祿令,該載觀文殿 顯謨、徽猷直學士,三十千。 或謂大學士有寄祿官料錢,故添支數少。 大觀中,因敕令所啓請,改作貼職錢,觀文大學士至直祕閣,自 前執政加二十千。 待制,二十千。 龍圖、天章、竇文、 集賢改集英殿修撰, 率皆不等。 觀文殿大學士,百千。 顯謨、徽猷學士,樞密直 今以銀青光祿大夫任 十五千。 欲將職錢改作貼職 十五千。 觀文學 直

牧都監,十三千。銀臺司,審官院,三班院,吏部銓,登聞檢院、鼓院,太常禮院主判官,糾察 在京刑獄,羣牧判官,監祭使,十千。判司農寺,七千。

若知四路諸州、軍者、給鐵錢五十千。京官十千至七千,有一等。知四路州、府、給鐵錢六十千;知軍,五十千。 若知諸州、軍、八十千。惟諸司使一百千。朝官忠翊郎,侍禁,閤門祗侯,十千。朝官權知軍、州、府者同。若 使、副至供奉官,中大夫至中散大夫,武功郎至秉義郎,閤門祗侯已上,十五千。十五千已上有 清、鄭、滄、邢、澶、 貝、相、華、晉、潞、廬、壽、宿、泗、楚、蘇、越、潤、常州,十五千。 **廣州**知州,歲 潭、丼、代州,三十千。應天、眞定、鳳翔、陝府,秦、靑、洪州,二十千。河中,鄲、許、襄、孟、 試銜及州縣官,職官兼知春州,七千。有以州望者:河南、大名、荆南、永興、江寧,杭、揚、 知四路諸州、府,給鐵錢八十千,知軍六十千。 侍禁、閤門祗候、知諸軍、州同。 保義郎,殿直,閤門祗候,八千。 制已上充盆、梓、利、夔州路知州,給鐵錢二百千。橫班副使知夔州,一百五十千,知諸州、軍者,八十千。大卿監,諸司 至光祿大夫,學士,給事中,諫議,舍人,待制已上,幷橫班使、副,三十千。橫班有二十千者。待 射,東宮三師,丼曾任中書、樞密,特進,五十千。尚書丼左、右丞,東宮三少,金紫光祿大夫 從州、府地望給者。不係大卿,充溢、梓、利、夔知州,給鐵錢一百五十千。諸司副使至供奉官、閤門祗候已上知四州同。 七百千,逐月均給。舊月給百千,大中祥符六年,令歲取五百千,餘充添給。益州給鐵錢三百千,梓州二百千,夔州百五十 其知判諸路州、軍、府,有六十千至七千,凡八等。 有以官者:三師,三公,六十千。 僕

志第

干,餘州約銅錢數而給之。

殿崇班、敦武郎以上,二十千。 者,二十千。供奉官、秉義郎、閤門祗候充都監,十五千。同管勾河東緣邊安撫司公事,以横行副使至內 沿邊安撫副使、都監以橫行使充者,三十千。自橫行副使并諸司使、副至崇班、武功大夫、敦武郎以上充 中大夫、中散大夫已上,三十千。朝臣充廣西路兵馬都鈴轄兼本路安撫管勾經略司公事,即二十千。河北 十千,京官七千。知桂州充廣南西路都鈴轄、經略安撫使,自諫議、舍人、待制及大卿監、太 並特添二十千。知大名府帶河北路安撫使同。知丼州帶學士卽五十千,而無特給。三路管勾機宜文字,朝官 慶州、延州。河東路,太原。前任兩府,並五十千;諫議、舍人、待制、太中大夫已上,三十千。 有都總管、經略安撫等使者:河北四路,真定、瀛州、定州、大名。陝西逐路,永興、秦州、渭州、

盆州,給鐵錢八十千,京官六十千。朝官通判盆、牌、利、夔路州、軍、府,給鐵錢七十千,京官五十千。 簽判,朝官十 千,京官七千。朝官簽判益、梓州,給鐵錢七十千,京官五十千。 通判,大藩有二十千至十五千者。餘州、軍,朝官有十千至七千者,京官七千。朝官通判

同朝官;充判官,十千。三門、白波發運使,朝官二十千,朝官充判官,十千,京官七千。諸路轉 中、中散以上,三十千。朝官充發運使、副,二十千。武功大夫至武翼郎、諸司使副充發運使副、都監, 三路轉運使,淮南、江浙、荆湖制置茶鹽等稅都大發運使,諫議、待制、大卿監以下,太

運使、副,朝官宣德郎以下,二十千,任四路者、給鐵錢一百五十千。判官十千。任福建、廣南東四路,十 朝官丼秉義郎、供奉官、閤門祗候已上任四路提點刑獄,給鐵錢一百五十千。 忠翊郎、侍禁、閤門祗候以下,一百千。 五千。任益、梓、利、慶四路、給鐵錢八十千。諸路提點刑獄,勸農使、副,開封府界提點諸縣鎭公事 忠翊郎、侍禁、閤門祗候以下任諸路提點刑獄、勸農使副并府界同提點,敦武郎、內殿崇班已上者,十五千。

等。 監押,自諸司使以下至三班借職,武功大夫至承信郎已上,十五千至五千,凡六等。任四路, 自十千至三千,凡七等。朝官任川峽州、府、軍、監、給鐵錢五十千,京官三十千至二十五千,凡二等。三班使臣 官七千,京官五千至四千,凡二等。武功大夫以下至進義校尉,諸司使以下至三班使臣行, 千,凡四等。任四路,給鐵錢自六十千至四十千,凡三等。府界井諸路州、府、軍、監、縣、鎭監當,朝 路走馬承受公事,自從義郞至保義郞,供奉官至殿直,并兩省自供奉官至黃門,自十千至五 給鐵錢有一百千至五十千,凡四等。陝西、河東沿邊諸族蕃官巡檢,自十五千至四千,凡六等。諸 任四路者,自六十千至二十五千,凡五等。 任四路,給鐵錢有二百千至一百千,凡三等。府界及諸路州、府、軍、監、縣、鎮都監、巡檢、砦主、 諸路副都總管,權總管,都鈴轄,路分鈴轄,州鈴轄,路分都監,有五十千至八千,凡六

一等。朝官充都大提舉河渠司,勾當及提舉宮觀,并催遣輦運、催綱,諸州監物務等,自十 朝官充陝西及江、浙、荆湖、福建、廣南提舉、提點鑄錢等公事,自二十千至十五千,凡

志

一百二十五

職官十二

場務,朝官供奉以上七千,京官殿直五千,奉職內品三千,內課頤大者,京朝官與京官同,使臣與兵馬監押同 北京大內軍器庫,并察河撥發催綱等,並以兩省供奉官以下至內品充,自十千至三千,凡七 等,自七千至五千,凡二等。任四路,給鉄錢五十千。都大提舉修護黃河堤埽岸,諸處巡檢,丼監 等。 舊志有諸路都部署、鈴轄,有五十千至十五千,凡四等。 駐泊都監、兵馬都監,有二十千至十五千,凡六等。 諸州監 五千至七千,凡三等。任四路,給鐵錢七十千。京官充催促輦運、催裝斛斗綱船,幷諸州監物務

羊有二十口至二口,凡六等。給米,有二十石至二石,凡七等。給麪,有三十石至二石,凡 七等。 僚從,有二十人至二人,凡七等。 馬,有十匹至一匹,凡六等。 舊志數不同,今從四朝志。 大中祥符二年,詔外任官不得挈家屬赴任者,許分添給錢贍本家。添給羊,凡外任給

建炎南渡以後,奉祿之制,參用嘉酤、元豐、政和之舊,少所增損。惟兵興之始,宰執請

後,內外官有添支料錢,職事官有職錢、廚食錢,職纂修者有折食錢,在京釐務官有添支錢、 添支米,選人、使臣職田不及者有茶湯錢,其餘祿粟、傔人,悉還疇昔。今合新舊制而參記 受權支三分之一,或支三分之二,或支賜一半,隆興及開禧自陳損半支給,皆權宜也。其

春、冬衣絹各二十五匹,小綾一十匹,春羅一匹,冬綿五十兩。金紫光祿大夫,銀青光祿大夫。料錢各六十貫, 元豐定制,以官寄祿。南渡重加修定: 開府儀同三司,料錢一百貫。特進,九十貫。

夫,朝請大夫,朝散大夫,朝奉大夫。以上料錢各三十五貫,春、冬絹各一十五匹,春羅一匹,冬綿三十兩。 中散大夫。料錢各四十五貫,春、多絹各二十五匹(三),小綾三匹,春羅一匹,多綿五十兩。朝議大夫,奉直大 五十貫、春、冬絹各十七匹,小綾五匹,春羅一匹,冬綿五十兩。通議大夫,太中大夫,中大夫,中奉大夫, 春、冬絹各二十匹,小綾七匹,春羅一匹,冬綿五十兩。宣奉大夫,正奉大夫,正議大夫,通奉大夫。 宣議郎。 通直郎。 十貫,春、冬絹各一十匹,春羅一匹,冬綿三十兩。 朝請郞,朝散郞,朝奉郞。以上料錢各三十貫,春、冬絹各一十三匹,春羅一匹,綿三十兩。承議郞。 料錢八貫。 承務郎。 料錢十二貫、春、冬絹各五匹,冬綿十五兩。承事郎。料錢十貫、春、冬絹各五匹,冬綿十五兩。 料錢十八貫,春、冬絹各七匹,春羅一匹,冬綿三十兩。 宣教郎。 料錢十五貫,春、冬絹五匹,冬綿十五兩。 料錢七貫,元豐以來,釐務止支驛料,大觀二年定支。以上料錢,一分見錢,二分折 奉議郎。料錢二十貫,春、多絹各十匹,春羅一匹,冬綿三十兩。 承奉郎。 料錢二 料錢各

支。 每貫折錢,在京六百文,在外四百文。 到任添給驛料。

綿一十二兩。儒林郎。料錢二十貫,茶湯錢一十貫,廚料米六斗,麪一石五斗,稟三十束,柴一十五束,春、多絹各五 十二貫,茶湯錢一十貫,米麥各一石五斗。 承直郎。 料錢二十五貫,茶湯錢一十貫,廚料米大斗,麪一石五斗,棗四十束,柴二十束,馬一匹,春、冬絹六匹, 從事與,從政郎,修職郎。已上料錢各一十五貫,茶湯錢一十貫,米麥各二石。 文林郎。 料錢一十五貫,茶湯錢十貫,廚料米六斗,麪一石五斗,稟三十束,柴十五東,春、冬絹各五 以上錢折支中給一半見錢,一半折支。 每貫折見錢七百 迪功郎。 料錢

第

百 二 十

五

職

官十二

又。釐務日給,滿替日住。

遙郡以上奉錢、衣賜、傔人、奉馬,權支三分之二。 階官者爲正任,帶階官者爲遙郡,遙郡各在正任之下,請奉與次任、正任一同。靖康指揮: 各九石。諸州刺史。在中散大夫之下,料錢一百貫,祿粟五十石,米麥各七石五斗。自承宣使以下,不帶 下,料錢二百貫,祿栗一百石,米麥各十二石五斗。 百貫,祿栗一百石。觀察使。在中大夫之下,料錢各二百貫,祿栗一百石,米麥十五石。 節度使。 在光祿大夫之下,初授及帶管軍同, 武臣請奉:太尉。 料錢一百貫,春服羅一匹,小綾及絹各十匹,冬服小綾十匹,絹二十匹,綿五十兩。 料錢四百貫,祿栗一百五十石。 團練使。 在中散大夫之下,料錢一百五十貫,祿聚七十石,米麥 承宣使。 防禦使。 在通議大夫之下, 在中散大夫之 料錢三 正任

殿前諸班直都虞侯,諸軍都指揮使遙郡刺史。 遙郡團練使。 殿前三衙四廂、捧日、天武左右廂都指揮使遙郡團練使。 同捧日、天武。 龍、神衞諸軍都指揮使遙郡刺史。 料錢五十貫, 衣同前。 同殿前。 龍衞、 料錢一百貫文,春、冬服絹各十匹。 神衛右廂都指揮使

三匹,絹各七匹,春羅一匹,冬綿二十兩。諸衞將軍。在朝奉郎之下,料錢二十五貫〔四〕,春、冬綾各二匹,絹各七匹,春 料錢三十五貫,春、冬綾三匹,絹七匹,春羅一匹,綿三十兩。諸衞大將軍。在中散大夫之下,料錢二十五貫,春、冬綾 料錢各六十貫,春、冬綾各五匹,絹各一十匹,春羅一匹,冬綿五十兩。左、右金吾衞大將軍。 左、右金吾衞上將軍,左、右衞上將軍,在光祿大夫之下。 諸衞上將軍。 在通奉大夫之下。以上 在中散大夫之下,

羅一匹,多綿十五兩。率府率,在奉議郎之下。率府副率。在通直郎之下。料錢十三貫,春、多絹各五匹,春羅

匹,多綿一十五兩。

貫,春絹七匹,多絹十匹,綿三十兩。武功大夫,武德大夫,武顯大夫,武節大夫,武略大夫,武經大 下,防禦使之上。 十五石,春絹七匹,多絹十匹,綿三十兩,像二十人,馬三匹。 中亮大夫。在中散大夫之下。料錢三十七貫,祿栗二十 五石、春絹七匹、多絹十匹,綿三十兩,像二十人,馬三匹。中衞大夫,翊衞大夫,親衞大夫,在中散大夫之 夫,武義大夫,武翼大夫。並在朝奉大夫之下。以上各料錢二十五貫,廚料米一石,麪二石,春絹七匹,多絹十匹, 正侍大夫,宣正大夫,履正大夫,協忠大夫,中侍大夫。以上在中散大夫之下。料錢各三十七貫,祿栗二 通侍大夫。在中散大夫之下。料錢五十貫,祿粟二十五石,春絹七匹,冬絹十匹,綿三十兩,像二十人,爲三匹。 拱衞大夫,左武大夫,右武大夫。並在奉直大夫之下,諸司正使之上。以上科錢並二十七

匹,多絹七匹,綿二十兩。 武郎,右武郎。以上並在朝奉郎之下。錢各二十貫,春絹五匹,冬絹七匹,綿二十兩。武功郎,武德郎,武顯 絹七匹,綿二十兩。 郎,武節郎,武略郎,武翼郎,武義郎。並在承議郎之下。以上各料錢二十貫,廚料米、麪各一石、春絹五 正侍郎,宣正郎,履正郎,協忠郎,中侍郎,中亮郎,中衞郎,翊衞郎,親衞郎,洪衞郎,左 訓武郎。料錢一十七貫,春絹五匹,冬絹七匹,綿二十兩,修武郎。料錢一十七貫, 從義郎, 秉義郎。 並料錢十貫,帶職錢十二貫,春絹四匹,冬絹五匹,綿一十兩。 春絹五 匹,冬

七貫,春、冬絹各四匹,綿一十五兩。 郎,忠翊郎。並料錢七貫,帶職錢十貫,春、冬絹各四匹,冬綿一十五兩。成忠郎,保義郎。 承節郎,承信郎。並料錢四貫,春、冬絹各三匹,錢二貫文。 並料錢五貫, 帶職錢

理年不等。自三年至十二月〔五〕,料錢七百文,糧二石五斗,春、冬絹各五匹。進武副尉。 進武校尉。料錢三貫,春、冬絹各三匹。 進義校尉。 料錢二貫,春、冬絹各三匹。 料錢三貫。 下班祗應。 進義副尉。 各隨差使

料錢一貫。守闕進義副尉。料錢二貫。

率執請受並權支三分之二,支賜支一半。知樞密院事,參知政事,樞密副使,同知樞密院事,簽書樞密 百兩,支一百兩。 僕射同中書門下平章事爲宰相。舊制,春、冬服小綾各二十匹,絹各三十匹,春羅一匹,冬綿一百兩。初,建炎元年指揮, 料錢、職錢,紹興仍政和之舊:宰相,樞密使,料錢月三百貫。歐和左輔、右歸爲宰相,紹興左右 料錢二百貫,春、冬服小綾各十匹,絹各二十匹,春羅一匹,冬綿五十兩。 料錢三百貫,春服羅三匹,權支一匹;小綾三十匹,支二十匹;絹四十匹,支三十匹,冬服綾、絹同。綿二 、太師,太傅,太保,少師,少

匹,輪五十兩。太子太師,太傅,太保,職錢二百貫。春服羅一匹,小綾十匹,絹二十五匹,冬服綾、絹同,綿 夫,大部尙書。行,六十貫;守,五十五貫;試,五十貫。春服羅一匹,小綾五匹,絹十七匹,冬服綾、絹同,綿五十兩。 五十兩。少師,少傅,少保,百五十貫。春、冬服小綾各七匹,絹各二十匹,春羅一匹,冬綿五十兩。 以下職事官並支職錢:開封牧,錢一百貫。春服羅一匹,小綾、絹各十匹,冬服小綾十匹,絹二十 御史大

十貫,絹同上(水)。太常、宗正卿。行、三十八貫;守、三十五貫;試、三十二貫。春、冬衣隨官序。 服同詹事。左、右諫議大夫。行,四十五貫;守,四十貫;試,三十七貫。餘同舍人。權六曹侍郎。職錢四 顾。太子詹事。 錢、衣同賓客,小綾各止三匹。給事中,中書舍人。 行,五十貫;守,四十五貫;試,四十貫。 侍,太子賓客。行,五十貫;守,四十七貫;試,四十五貫。春服小綾七匹,絹二十匹,羅一匹,冬綾、絹同,綿三十 **貫。春服小綾三匹,絹十五匹,羅一匹,冬綾、絹同,綿五十兩。** 翰林學士承旨,翰林學士,五十貫。春服同上。左、右散騎常侍。行,五十五貫;守,五十貫;武,四十五 權六曹尙書,御史中丞,六曹侍郎並同常

貫;守,三十五貫;試,三十二貫。左、右司員外郎,六曹郎中。同上。殿中侍御史,左、右司諫。 器監。行,三十二貫;守,三十貫;試,二十八貫。太子少詹事。行,三十五貫;守,三十二貫;試,三十貫。 貫;試,三十貫。太常、宗正少卿,秘書少監。行,三十二貫;守,三十貫;試,二十八貫。中書門下省 行,三十五貫;守,三十二貫;試,三十貫。 檢正諸房公事,左、右司郎中。行,四十貫;守,三十七貫;試,三十五貫。國子司業,少府、將作、軍 太子左、右諭德。行、三十三貫;守、三十貫;試,二十九貫。起居郎,起居舍人,侍御史。行,三十七 秘書監。行,四十二貫;守,三十八貫;試,三十五貫。七寺卿,國子祭酒。行,三十五貫;守,三十二

少監。行,三十貫;守,二十八貫;試,二十五貫。太子侍讀、侍講。行,二十五貫;守,二十二貫;試,二十貫。 左、右正言。行,三十二貫;守,三十貫;試,二千七貫。諸司員外郞。同司諫。少府、將作、軍器

貫;守,十六貫。太官令。十六貫(公)。五監主簿。行,十八貫;守,十六貫。太學正、錄,武學諭。行,十 丞。行,二十貫;守,十八貫。祕書省校書郞;行,十八貫;守,十六貫;試,十四貫。正字。行,十六貫; 宗正丞,知大宗正丞,祕書丞,大理正,著作郎〔书〕。行,二十五貫:守,二十二貫;試,二十貫。紹興元年 監察御史。同正言。太子中舍人,太子舍人。行,二十貫;守,十九貫;武,十八貫。太常丞,太醫令, 八貫;守,十七貫;試,十六貫。律學正。行,十六貫;守,十五貫;試,十四貫。 士。行,十八貫;守,十七貫;試,十六貫。太常寺奉禮郎。十六貫。太常寺太祝、郊社令;行,十八 學、武學博士。行,二十貫;守,十八貫;試,十六貫。今諸王府翊善、贊讀、直講、記室料錢,並支見錢。律學博 守、十五貫;試、十四貫。御史臺檢法、主簿,九寺簿,行、二十貫;守、十八貫。諸王宮大小學教授,太 著作佐郎。同祕書郎。國子監丞。同七寺丞。大理司直、評事。同著作郎。少府、將作、都水監 丞。行,二十二貫;守,二十貫。祕書郎。行,二十二貫;守,二十貫;試,一十八貫。 太常博士。同七寺丞。 指揮,宣教郎任館職,寺監丞、簿、評事,臺法、主簿,寺簿、正、司直,添給職錢一十六貫,指揮每月特支米三石。七寺

廚食錢每日五百。計議、編修官。添支錢十貫,第三等折食錢二十五貫,廚食錢每日五百。 副承旨同主管承旨司公事,加五貫。春衣羅一匹,絹十五匹,冬絹同,綿三十兩。 檢詳諸房文字。 匹,多服小綾五匹,絹十五匹,綿五十兩。 樞密院官屬:都承旨,承旨。料錢四十貫,職錢三十貫,承旨二十五貫。春服羅一匹,小綾三匹,絹十五 副都承旨。料錢三十貫,職錢二十貫,副承旨、諸房副承旨十五貫,若諸房

定則例者,隨寄祿官給。職料錢、米麥計實數給,兩應給者,從多給。 下充職事官,謂大理司直、評事,祕書省正字,太學博士、正、錄,武學博士、諭,律學博士、正。聽支階官請受、 凡諸職事官職錢不言「行」、「守」、「試」者,準「行」給。職事官衣,如寄祿官例,及無立 謂職錢、米麥。諸承直以

添給。諸稱請受者,謂衣糧、料錢,餘並爲添給。

三匹,絹各十五匹,春羅一匹,多綿五十兩。保和殿,龍圖、天章、實文、顯謨、徽猷、數文閣待制同 春羅一匹,多綿五十兩。龍圖、天章、寶文、顯謨、徽猷、數文閣學士、直學士,十五貫。春、多小綾各 貫。米三石,麪五石。資政、保和殿學士,十五貫。米三石,麪五石,同上。春、冬小綾各五匹,絹各十七匹, 舊制,觀文殿大學士,三十貫。米三石,麵五石。觀文殿學士,資政、保和殿大學士,二十

春羅一匹,多綿五十兩。龍圖、天章、寶文、徽猷、數文閣直學士,保和殿待制;貼職錢三十貫,米麥各 萬字茶二斤,春、冬綾五匹,絹一十七匹,羅一匹,冬綿五十兩。龍圖、天章、寶文、顯謨、徽猷、數文閣學士, 斤,春、冬綾五匹,絹一十七匹,綿五十兩,羅一匹。端明殿學上; 貼職錢五十貫,米麥二十石,添支米三石,麪五石, 錢八十貫,米麥同,添支錢十貫,添支米麪同。 資政、保和殿學士, 貼職錢七十貫,米麥同,添支米麪同,萬字茶二 錢一百貫文,米麥各二十五石,添支米三石,麵五石,萬字茶二斤。觀文殿學士,資政、保和殿大學士,貼職 樞密直學士;正三品,貼職錢四十貫,米麥各一十石,添支米二石,麴五石,萬字茶二斤,春、冬綾五匹,絹一十七匹, 先是,大觀,或言添支厚薄不均,其後,自學士而下改名貼職錢:觀文殿大學士,貼職

志 第

百二十五

職

官十二

待制;贴職錢二十貫,米麥各一十二石五斗,春、冬綾各三匹,絹一十五匹,春羅一匹,冬綿五十兩。 右文殿修撰,祕閣修撰;以上貼職錢各一十五貫。直龍圖、天章、寶文閣,直顯謨、徽猷、數文閣, 十七石五斗,春、冬綾各三匹,絹一十五匹,春羅一匹,冬綿五十兩。龍圖、天章、寶文、顯謨、徽猷、數文閣 集英殿修撰,

直祕閣。以上貼職錢各一十貫。

佐郎,正字,大理寺正、司直、評事,臺簿,删定官,檢、鼓、奏告院,特支米三石,計議、編修官二石(丸)。 等第支廚食錢,自十五貫至九貫,凡四等,並依宣和指揮。修書官折食錢,監修國史四十千,史館修撰、直史館、本省長貳 糧,內外任並給。酒、添支、馬草料,外任勿給。外此,有依祖例添支,如六部尚書而下職事官,分 錢、春冬服隨本官;資政殿學士至待制料錢隨本官,春、冬服從一多給。又諸學士添支錢, 法、主簿,寺正、司直,博士,添職錢一十貫。六年指揮:五寺、三監、秘書、大宗正丞,太常博士,著作、祕書、校書郎,著作 三十七貫五百,檢討、著作三十五貫,並依自來體例。有特旨添支。 曾任執政官以上者,在京、外任並支;其餘在京支,外任不支。米、麪、茶、炭、奉馬、傔人衣 宣和間,罷支貼職錢,仍舊制添支。紹興因之,令諸觀文殿大學士至保和殿大學士料 豫栗及隨身、傔人:宰相,一百石,紹興··三公,侍中,中書、尚書令,左、右僕射同平章事,並爲宰相。 隨 如紹興元年指揮:館職,寺監丞、簿、評事、臺

太傅,太保,少師,少傅,少保,一百石,舊制百五十石。隨身一百人。太尉,一百石,隨身五十 知樞密院事,參知政事,樞密副使,同知樞密院事,一百石,隨身五十人。

都指揮使遙郡刺史,二十五石,傔五人。龍、神衞諸軍都指揮使帶遙郡刺史同。 郡團練使,五十石,傔十人。龍、神衞右廂都指揮使帶遙郡團練使同(10)。殿前諸班直都虞候,諸軍 夫,宣正大夫,履正、協忠、中侍、中亮大夫,祿粟、傔人並具奉祿類。捧日、天武左右廂都指揮使遙 團練使,已上並具奉祿類。元隨三十人。諸州刺史,同上。元隨二十人。通侍大夫,正侍大 節度使,祿粟已具奉祿類。 元隨五十人。承宣使,元隨五十人。觀察使,防禦使,元隨三十

僚 人。 石、五石至于二石各有等。中書堂後官,提點五房公事,逐房副承旨,自七人、五人至于 密都承旨,傔十人;副都承旨、諸房副承旨,七人。其餘京畿守令、幕職曹官,自十石、七 大學士,傔十人。。資政、保和殿學士,龍圖、天章、寶文、顯謨、徽猷、數文閣學士,傔七人。樞 一人各有數。因仍前制,舊史已書。凡任宰相、執政有隨身,太尉至刺史有元隨,餘止 諸學士添支米已附于前,今載:觀文殿大學士,儀二十人。觀文殿學士,資政、保和殿

斗折錢三十文,衣紬絹每匹一貫,布每匹三百五十文,綿每兩四十文。 紹興折色:凡祿栗每石細色六斗。米麥中支。管軍給米六分,麥四分。隨身、元隨、傔人糧,每

公用錢

者,體者如故,皆隨月給受,如祿奉焉。咸平五年,令河北、河東、陝西諸州,皆逐季給。 貫,凡四等。節度觀察留後,五千貫至二千貫,凡四等。觀察使,三千貫至二千五百貫,凡 五百貫至五百貫,凡三等。亦有不給者。觀察使以下在禁軍校者,皆不給。京守在邊要或加錢給 二等。防禦使,三千貫至千五百貫,凡四等。團練使,二千貫至千貫,凡三等。刺史,千 自節度使兼使相,有給二萬蒷者。其次,萬貫至七千貫,凡四等。節度使,萬貫至三千

千。門下省,登聞檢院、鼓院,官誥院,三班院,各五十千。 |祥源觀都大管勾,五十千。御史臺,三百千。大理寺,二百五十三千。刑部,九十六千。舍 人院,二十千。太常寺,二十五千。祕閣,二十千。宗正寺,十五千。太常禮院,起居院,十 京師月給者:玉清昭應宮使,百千。景靈宮使,崇文院,七十千。會靈觀使,六十千。

州百千、防、團、刺史州五十千,監、三泉縣三十千,嶺南州、軍以幕府州縣官權知州十千。 少卿監以上,有增十千至百千者。淳化元年九月,韶諸州、軍、監、縣無公使處,遇誕降節給茶宴錢,節度 餘文武常參官內職知州者,歲給五千至百千,凡十三等,皆長吏與通判署籍連署以給 歲給者:尚書都省,銀臺司,審刑院,提舉諸司庫務司,每給三十千,用盡續給,不限年

給劣

之差:節、祭俱有賓幕以下;中書、樞密、三司使有隨身而無牙官、軍將隨;諸司使以上有 四夷有譯語、通事、書狀、換醫、十錄頭、首領、部署、子弟之名,買奉使有廳頭、子將、推船、防授之名,職掌有僚 軍將、橐駝。餘皆有牙官、馬驢,惟節、察有賓幕。 文武羣臣奉使於外,藩郡入朝,皆往來備蹇餼,又有賓幕、軍將、隨身、牙官,馬驢 諸州及四夷貢奉使,諸司職掌祗事者,亦有給焉。

至任則止。車駕巡幸,羣臣扈從者,中書、樞密、三司使給館券,餘官給倉券。 按刑獄,並給券。其赴任川峽者,給驛券,赴福建、廣南者,所過給倉券,入本路給驛券,皆 京朝官、三班外任無添給者,止續給之。京府按事畿內,幕職、州縣出境比較錢穀,覆

職田

唐制內外官各給職田,五代以來遂廢。 逃亡田充,悉冤租稅,佃戶以浮客充,所得課租均分,如鄉原例。 周 自卿以下有圭田不稅,晉有獨豪田,後魏宰人之官有公田,北齊一品以下公田有差, 咸平中,令館閣檢校故事,申定其制,以官莊及遠年 州縣長吏給十之五, 自餘

志第

一百二十

Ŧī.

蕊

官十二

頃,下州及軍、監十五頃,邊遠小州、上縣十頃,中縣八頃,下縣七頃,轉運使、副十頃,兵馬 都監押、砦主、釐務官、錄事參軍、判司等,比通判、幕職之數而均給之。 其兩京、大藩府四十頃,次藩鎭三十五頃,防禦、團練州三十頃,中、上刺史州二十

往制,不能自備牛種,水旱之際又不蠲省,致民無告。」遂罷廚奏,因下詔戒飭之。 言,請天下納職田以助振貸。帝曰:「商未曉給納之理。然朕每覽法寺奏款,外官占田 景德二年七月,詔諸州職田如有災傷,準例蠲課。 大中祥符九年,殿中侍御史王奇上

數上三司,計直而均給之。朝廷方議措置未下,仁宗閱具獄,見吏以賄敗者多,惻然傷之; 韶復給職田,毋多占佃戶,及無田而配出所租,違者以枉法論。 天聖中,上患職田有無不均,吏或多取以病民;詔罷天下職田,悉以歲入租課送官,具

官五 判官、幕官,並同防、團以下州軍。凡縣令,萬戶以上六頃,五千戶以上五頃,不滿五千戶並 防、團以下州軍長東十頃,通判六頃,判官三頃五十畝,幕職官三頃。其餘軍、監長東七頃, 四頃。凡簿、尉,萬戶以上三頃,五千戶以上二頃五十畝,不滿五千戶二頃。錄事參軍比本判 曹官比倚郭簿、尉。發運制置、轉運使副,武臣總管,比節鎭長吏。發運制置判官,比 頃,幕職官四頃。 又十餘年,至慶曆中,詔限職田,有司始申定其數。凡大藩長吏二十頃,通判八頃,判 凡節鎭長吏十五頃,通判七頃,判官四頃,幕職官三頃五十畝。

捉賊,不得過簿、尉。 賊,提點馬監,都大巡河,不得過節鎭判官。 在州監當及催綱、撥發,巡捉私茶鹽賊盜, 駐泊 石塘河都大催綱,比節鎭判官。節鎭以下至軍監,諸路走馬承受并砦主,都同巡檢,提舉捉 大藩府通判。安撫都監,路分都監,比節鎭通判。大藩府都監,比本府判官。廣汴河、許汝 自此人有定制,士有定限,吏以職田抵罪者,視昔爲庶幾焉。

至熙寧間,復詔詳定:

掌書記以下幕職官三頃五十畝。防禦、團練軍事推官,軍監判官三頃。令、丞、簿、尉, 萬戶以上,縣令六頃,丞四頃;不滿萬戶,令五頃,丞三頃;不滿五千戶,令四頃,丞二 通判,藩府八頃,節鎭七頃,餘州六頃。留守、節度、觀察判官,藩府五頃,節鎭四頃。 頃,餘州及軍准陽、無爲、臨江、廣德、興國、南康、南安、建昌、邵武、興化。並十頃,餘小軍、監七頃。 官,視萬戶縣簿、尉,餘視不滿萬戶者。 頃五十畝。 凡知大藩府三京、京兆、成部、太原、荆南、江寧府、延、秦、揚、杭、潭、廣州。二十頃,節鎭(三)十五 簿、尉減令之半。藩府、節鎭錄參,視本州判官,餘視幕職官。藩府、節鎭曹

運司管幹文字,提刑司檢法官,提舉常平倉司幹當公事,視不滿萬戶縣令。 倉司提舉官,視藩府通判。 發運、轉運使副,視節鎭知州。 同提舉,視萬戶縣令。 開封府界提點,視餘州(三)。 發運司幹當公事,視節鎭通判。轉 發運、轉運判官,常平 蔡河、許汝

石塘河都大催綱,管幹機宜文字,府界提點司幹當公事,視節鎭判官

判。 並視本縣簿、尉。 諸路州學教授,京朝視本州判官 🔝,選人視本州曹官。 撥發,巡捉私茶鹽賊盜,駐泊捉賊,並視幕職官。 諸州 、都監,都同巡,都大巡河,並視節鎭判官。巡檢,堡砦都監,砦主,在州監當及催綱、 藩府都監,視本州判官。 總管,視節鎭知州。 路分鈐轄,視餘州知州。 諸路正將, 視路分都監 ; 副將, 視藩府都監。 巡轄馬遞鋪,監堰井縣、鎭、砦監當, 安撫、路分都監,州鈴轄, 走馬承受, 視節鎭通

眉、閩、彭、雕、邛、嘉、簡、陵州,永康軍江也,視成都通判。其通判減三之一。 茂州,視眉、圖通判。其都監,監押,駐泊,都巡檢,係大使臣者。簽判,推、判官,係兩使職官持支掌 臣者。各一百五十石。 司理,司戶,司法,府學教授,係敕劄正授者。 監甲仗庫,各一百石。 知 以一路所收錢數,又紐而爲斛斗價直,然後等第均給。」自熙寧三年始,知成都府,一千石。 市買院〔三〕、交子務,係京朝官或大使臣充者。視職官。 京朝官知縣,各二百石。 判,節推,祭推,知錄,幹當糧料院,監軍資庫,都監,都巡檢,巡檢,係大使臣口問。 轉運使,六百石。鈴轄二員,各五百石。 又詔:「成都府路提點刑獄司,以本路職田令逐州軍歲以子利稻麥等拘收變錢,從本司 內職官係兩使支掌以上資序者同。 轉運判官,視鈴轄。 城外巡檢,監排岸口的,十縣巡檢,係三班使 如係初等及權入者,各一百五十石。 通判二員,各四百五十石。簽 走馬承受, 知威、黎、 監商

均分不足,用定到成都路數目以聞,中書再行詳定,而有是詔 逐處不同,遂計實直紐作稻穀一色,每斗中價百有二十,自知成都府以下官屬等第均定〔1.己)。 初,權御史中丞呂誨、御史知雜劉述奉詔同均定成都、梓、利、夔四路職田。誨等以成都路歲收子利稻麥、桑絲、麻竹等物 以上資序。 司 檢,駐泊,係三班使臣。 理,司戶,司法,諸縣主簿、尉,應監當場務選人監稅、監鹽,巡轄馬鋪,係三班使臣。 應諸縣令佐係職員權攝者不給。歲有豐凶,則數有少剩,皆隨時等級爲之增減。 知錄,京朝官抖職官知縣,監棚口鎭行了,係京朝官。 初等職官或權入職官,錄事參軍,縣令,試銜 視成都職官。 知縣, 及再韶詳定,而三路數少, 視成都城外巡檢。 監押,巡檢, 視成都 同巡

之法,以養士廉節。」從之。 者,或窮日之力以赴期會,或交書請屬以倖權攝,奔競之風長,廉耻之節喪。乞復元豐均給 兩川之法,均給上下,一路便之。元祐中,推廣此意,以限月之法,變而均給。 區,募弓箭手及留其地以爲營田。 元豐中,韶熙河、 涇原、 元符三年,朝散郎杜子民奏:「職田之法, **藁州路州軍官屬職田**, 每頃歲給錢鈔十千。 每患不均。 以其元給田及新造之 士大夫貪冒 神宗首變

佃戶始脫苛斂之苦。 州,諭意屬邑增廣租入,比舊數倍。 建中靖國元年,知延安府范純粹奏:「昨帥河東日,聞晉州守臣所得職田,因李君卿爲 而晉、絳、陝三州圭腴,素號優厚,多由違法所致。 後襄陵縣令周汲力陳其弊,郡守時彥歲減所入十七八, 或改易種色,或遣

志

第

百

+

五

職

官

+

子弟公阜監穫,貪汚猥賤,無所不有。乞下河東、陝西監司,悉令改正。「從之。

逞其私,給田有限,課入無算,祖宗深慮其弊,以提點刑獄官察之,而未嘗給以圭租,庶不同 其利而公其心也。近歲提點刑獄所受圭租,同於他司,故積年利病,壅於上聞。元豐舊制, 合給之數撥與提刑司,參詳修立,而檢法官亦預焉。」詔依舊法。 檢法官,其屬也,當視其長。自元酤初倂提舉常平司職事入提刑司,兼領編敕,遂將提舉官 大觀四年,臣僚言:「圭田欲以養廉,無法制以防之,則貪者奮矣。姦吏挾肥瘠之議,以

哉?」詔應縣令職田頃畝未及條格者,催促摽撥。 斛,如常之江陰;六百斛,常之宜興。亦六百斛(lo)。自是而降,或四五百,或三二百。凡 頃。 四路自守倅至簿、尉,又以一路歲入均給,令固不得而獨有。今欲一槪增給一頃,豈可得 在河北、京東、京西、荆湖之間,少則有至三二十斛者;二廣、福建有自來無圭租處;川峽 夫天下圭租,多寡不均久矣,縣令所得,亦復不齊。多至九百斛,如淄州高苑;八百 政和八年,臣僚言:「尙書省以縣令之選輕,措置自不滿五千戶至滿萬戶遞增給職田一

之必輸, 檢覆減放,所以防貪也。 宣和元年三詔:「諸路職官各有職田,所以養廉也。 甚至不知田畝所在, 諸縣多踰法抑都保正長,及中上戶分佃認納。 虚認租課。 聞之惻然。 應違法抑勒及詭名委保者, 縣召客戶、稅戶,租佃分收,災傷 不問所收厚薄,使 以違詔

論,災傷檢放不盡者,計贓以枉法論;入己者以自盜論。]

旋復冤行,皆所以示優恩、厲淸操也。 錢,或無田平白監租,或以虛數勒民代納,或額外過數多取,皆申嚴禁止之令。 覈實,除其不可力耕之田,損其已定過多之額。凡職租不許輒令保正催納,或抑令折納見 內雖有職田,每月不及十貫者,皆與補足,所以厚其養廉之利。懼其病民,則委通判、縣令 撥以足之,仍先自簿、尉始。其有無職田,選人丼親民小使臣,每員月支茶湯錢一十貫文。 依法摽撥,官多田少,卽於鄰近州縣通融,須管數足。又詔將空閉之田爲他司官屬所占者, 坐以贓罪,所以防其不廉之害。 康元年,詔諸路職田租存田亡者,並與落租額。 。罷廢未幾而復舊,拘借未久而給還,移充糴本,轉收馬料, 紹興間,懼其不均,則詔諸路提刑司 察以監司,

轄,一十頃。發運、轉運判官,提舉淮南、兩浙、江南、荆湖東西、河北路鹽事官,通判藩府, 廣濟、淮陽、無爲、臨江、廣德、興國、南康、南安、建昌、邵武、興化、漢陽、永康軍,并路分鈴 臨安府,秦、楊、谭、廣州。二十頃。發運、轉運使副,總管,副總管,知節鎭,一十五頃。 事,七頃。 八頃。 若其頃畝多寡,具有成式:知藩府,謂三京、顯昌、京兆、成都、太原、建康、江陵、延安、興仁、隆德、開德、 知餘軍及監,幷通判節鎭州,鈴轄,安撫副使,都監,路分都監,將官,發運司幹辦公 通判餘州及軍,滿萬戶縣令,六頃。 藩府判官,錄事參軍,州學教授,並謂承務郎以 知餘州及

第一

百

二 十

五

職官

十

校勘記

州學教授,謂承直郎以下。滿五千戶縣丞,滿萬戶縣簿、尉,巡轄馬遞鋪,縣、鎭、砦監當及監 錄事參軍,巡檢,縣、鎭、砦都監,砦主,巡捉私茶鹽,駐泊捉賊,在城監當,藩府及節鎭曹官, 使,藩府及節鎮推官,巡檢,縣、鎭、砦都監,砦主,巡捉私茶鹽,駐泊捉賊,在城監當,餘州判 尉,巡轄馬遞鋪,縣、鎭、砦監當及監堰,二頃五十畝。 官、學教授,並謂承務郞以上者。軍、監都監,三頃五十畝。軍、監判官,餘州推官,餘州及軍、監 走馬承受公事,主管機宜文字,同巡檢,都大巡河,提點馬監,四頃。節度掌書記,觀察支 軍,州學教授,並謂承務郞以上者。轉運司主管帳司,不満五千戶縣令,滿萬戶縣丞,餘州都監, 縣、鎭、砦監當及監堰,二頃。 堰,三頃。餘州及軍、監曹官,州學教授,謂承直郞以下。 都監,發運、轉運司主管文字,滿五千戶縣令,副將官,五頃

(三)。 不滿五千戶縣簿、尉,巡轄馬遞鋪, 不满五千戶縣丞, 節鎭判官,錄事參 满五千戶縣簿、

校勘記

- (1) 增給 原脫,據本卷所列子目增補。
- (三) 諸司使以下至三班使臣 又有「自諸司使以下至三班借職」語,當作「以下至」是,今改。 「以下至」原作「至下以」。按上句爲「武功大夫以下至進義校尉」,上文

- (三)二十五匹 通考卷六五職官考作「十五疋」。按上文宣奉至通奉大夫春、冬絹爲各十七匹,此處
- 通議大夫等絹數當較少,似應從通考作「一十五匹」。
- (三)二十五貫 錢數當較少,似應從通考作「二十貫」。 通考卷六五職官考作「二十貫」。按上文諸衞大將軍料錢爲二十五貫,此處諸衞將軍
- (新) 自三年至十二月 「十二月」,随考卷六五職官考作「十二年」。 按上文說「各隨差使理年不等」"
- 則「月」字當以作「年」爲是。
- 3 絹同上 通考卷六五職官考作「餘同上」,疑是。

「郎」字原脫,據下文和同上書同卷補。

(も) 著作郎

- にい十六貫 通考卷六五職官考作「十八貫」。
- (金) 二石 原作「一石」,據宋會要職官五七之七二、通考卷六五職官考改。
- (IO) 帶遙郡團練使同 「帶」上原行「遙」字,據下文夾注「龍、神衞諸軍都指揮使帶遙郡刺史」例, 和
- 通考卷六五職官考刪。
- 節鎮 原作「節領」、據宋會要職官五八之一二、長編卷二四三改。 宋會要職官五八之一三、長編卷二四三此下都有「知州」二字。

 \in

視

餘州

京朝視 本州判官 「京朝」下當有「官」字,見下文和同上書同卷。

志

第

- [三 係大使臣 原作「以大使臣」,爲正文。按決會要職官五八之一一作「係大使臣」,爲夾注,據改。
- (IE) 市買院 「買」原作「買」。宋會要職官五八之一一作「市買院」;永樂大典冊一五六卷一四六
- 二二轉載吏部條法,有「監成都府商稅兼市買院二員」的記載,據改。
- <u>수</u> 監排岸 「監」字原脫,宋會要職官五八之一二「排岸」上有「監」字;永樂大典冊一五六卷一四
- 六二二轉載吏部條法,也有「監排岸」一闕,據補。

=

永康軍

云 棚 口鎮 疑當作「堋口鎮」,見本書卷八九地理志、九域志卷七。

「康」原作「嘉」,據本書卷八九地理志、宋會要職官五八之一二改。

- 空热 知成都府以下官屬等第均定「下」字原脫,據宋會要職官五八之一二補。
- (iii) 亦六百斛 如常州之江陰是也;有至六百斛者,如常州之宜興是也。」羣書考索後集卷一七所記同。 於「六百斛、常之宜興」下復出「亦六百斛」四字、當係衍文。 按宋會要職官五八之一八:「其多有至九百斛者,如淄州高苑是也;有至八百斛者, 此處
- 宣和元年 「元」原作「九」。 宣和無九年,宋會要職官五八之一八及羣書考索後集卷一七均作

「宣和元年」,據改。

五頃 不滿五千戶縣令,自有等級差異,不應同占四頃。通考卷六五職官考此處有「五頃」二字,據補。 原脫,按在六頃和四頃之間, 當有五頃一級;而藩府判官與節鎭判官,滿五千戶縣令與

